

明正德翻刻
宋嘉泰會稽誌
上函

會稽志序

昔在夏禹會諸侯於會稽歷三千歲而我



高宗皇帝御龍舟橫濤江
應天順動復禹之迹



駐蹕彌年

定中興之業羣盜削平強虜退遁於是用唐幸梁州
故事陞州為府冠以紀元

大駕既西幸而府遂為股肱近藩稱東諸侯之首地
望蓋視長安之陝洛汴都之陳許所命牧守皆領浙
東安撫使其目丞相執政來與去而拜丞相執政者

不可遽數而又

昭慈聖烈皇后及

永祐以來四陵櫓殿相望於鬱葱佳氣中朝謁之使
艦銜轂擊中原未清今天下鉅鎮惟金陵與會稽耳
荆揚梁益潭廣皆莫敢望也則山川圖謀宜其廣載
備書顧未暇及者繇數十年直龍圖閣沈公作賓來

為守慨然以為己任而通判府事施君宿發其端安

撫司幹辦公事李君兼韓君茂卿為之助郡士馮景

中陸子虞王度朱鼎永嘉邵持正等相與上參禹貢
下考太史公及歷代史金匱石室之藏旁及爾雅本

草道釋之書稗官野史所傳神林鬼區幽怪恍惚之
說秦漢晉唐以降金石刻歌詩賦詠殘章斷簡靡有
遺者若父老以口相傳不見於文字者亦間見層出
積勞累月乃成沈公去為轉運副使猶經營此書不
已華文閣待制趙公不迹寶文閣學士袁公說友繼
為守亦力成之而始終其事者施君也書雖本之圖
經圖經出於

先朝非藩郡所可附益乃用長安河南成都相臺之
比名會稽志會稽為郡雖遷徙靡常而郡本以山得
名又禹所巡也故卒以名之既成屬游參訂其槩且

為之序嘉泰元年十二月乙酉中大夫直華文閣致仕賜紫金魚袋陸游序

會稽志目錄

卷第一

越

會稽郡

越州

紹興府

歷代屬州

歷代屬縣

廢州

廢縣

分野

風俗

州境

城郭

子城

學校

學教授直舍

縣學

社

縣社

貢院

古城

教場

僉廳

府廨

西園

卷第二

王

都尉

內史

太守

守鄉郡

卷第三

節度使

安撫使

都總督

提刑

提舉

通判

路鈐轄

正副將

都監

三司屬官

職曹官

縣令長

進士

姓氏

卷第四

軍營 軍額

倉庫

場務

館驛

衢巷

郵傳

獄

市

堰

關

斗門

卷第五

貢賦

課利

戶口

雜貢

和買

卷第六

陵寢

濮王園廟

大禹陵

祠廟

卷第七

宮觀

寺院

卷第八

寺院

戒壇

卷第九

山

卷第十

水

湖

隄塘

池

潭

海潮

卷第十一

泉

井

洞

石

津渡

橋梁

卷第十二

八縣縣境

官廨鎮市場務附

卷第十三

鏡湖

守禦

討賊

平亂

社倉

義田

節序

送迎

義門

園池

古宅第

古器物

漏澤園

義窟

卷第十四

人物

經學

文章

節義

孝行

隱遁

貞婦烈女

卷第十五

宰輔

侍從

神仙

高僧

伎術

卷第十六

翰墨

碑刻

求遺書

藏書

卷第十七

草木蟲魚鳥獸

藥石附

紙

鹽

日鑄茶

布帛

卷第十八

拾遺

卷第十九

雜記

卷第二十

古詩文

會稽志目錄

會稽志卷第一

越

越在唐虞時禹平水土制九州而越為揚州之域職
方氏東南曰揚州其山鎮曰會稽釋云會稽在山陰
舊經云塗山在山陰縣西北禹會萬國之所在左傳
哀公七年魯大夫曰禹合諸侯於塗山執玉帛者萬
國杜預註云塗山在壽春東北說者遂疑塗山非會
稽今塗山之名有四會稽壽春之外復有渝州之塗
山杜子美賦禹廟詩者文字音義云龠音塗山古國名
夏禹娶之今之宣州當塗縣也杜預獨指壽春之塗

山為禹合諸侯之地宜必有據然按史記夏本紀贊曰禹會諸侯江南計功而崩因葬焉命曰會稽會稽者會計也裴駟注引皇覽曰禹家在山陰會稽山上會稽山本名苗山在縣南去縣七里越傳曰禹到大越上苗山大會計爵有德封有功更名苗山曰會稽家語孔子曰昔禹致羣臣於會稽之山防風氏後至禹殺而戮之其骨專車封禪書曰禹封泰山禪會稽由是論之禹既合諸侯於會稽庸詎知魯大夫所謂塗山非會稽與至夏后氏少康封庶子於會稽以奉守禹之祀文身斷髮披草萊而邑焉後二十餘世至於允常允常之時與吳王闔閭戰而相怨伐允常卒子句踐立是為越王舊經云春秋貶之號為於越案春秋定公五年書於越入吳杜預曰於發聲也西漢書云太伯初奔荆蠻荆蠻歸之號曰句吳顏師古云句吳亦猶於越也太伯至德初無貶詞特從其俗耳公羊云於越者未能以名通也穀梁范氏注云春秋即其所以自稱者書之然竊有疑焉越於是時猶未預中國會盟未嘗與中國通也經書於越入吳非越自稱明矣豈書於經者乃吳王告同盟之詞與哀公二十一年越人始來二十三年魯始使越據此可知

且以句踐為君而種蠡為臣果未能以名通者乎定
公十四年吳伐越越子句踐禦之陳於檇李句踐患
吳之整也使死士再禽焉不動使罪人三行屬劍於
頸而辭曰二軍有治臣奸旗鼓不敏於君之行前不
敢逃刑敢歸死遂自剄也師屬之目越子因而伐之
大敗之靈姑浮以戈擊闔閭闔閭傷將指取其屨
還卒於陘去檇李七里夫差使人立於庭苟出入必
謂己曰夫差而忘越王之殺而父乎則對曰唯不敢
忘三年乃報越哀公元年吳王夫差敗越於夫椒報
檇李之役也遂入越越子以甲楯五千保會稽使大

夫種因吳太宰嚭以行成吳子將許之伍員曰句踐
能親而務施施不失人親不棄勞與我同壤而世為
仇讎姬之衰也日可俟也介在蠻夷而長寇讎以是
求伯必不行矣弗聽三月越及吳平吳越春秋謂吳
封地百里於越國語曰句踐之地南至於句無今諸
句無北至於禦兒今嘉興有禦兒鄉西漢功
亭東至於臣表兩粵傳有語兒侯
鄞西至於姑蔑今太末廣運百里句踐乃與范蠡深
謀二十餘年竟滅吳報會稽之恥北渡兵於淮以臨
齊晉號令中國以尊周室致貢於周周元王使人賜
句踐胙命為伯諸侯畢賀乃徙都琅邪漢書地理志

云琅邪越王句踐嘗治此起館臺有四時祠吳越春秋亦云越王於此起觀臺周七里以望東海句踐卒子王鼫與立王鼫與卒子王不壽立王不壽卒子王翁立王翁卒子王翳立王翳遜國逃於巫山之穴越人薰而出之王翳遜國之賢君蓋吳太伯之儔也王翳卒子王之侯立王之侯卒子王無疆立案此句踐至無疆寔六世舊經云五世者誤也王無疆時興師北伐齊西伐楚與中國爭疆當楚威王之時越北伐齊齊威王使人說越王於是越遂釋齊而伐楚楚威王興兵而伐之大敗越殺王無疆盡取故吳地至浙江北破齊徐州而越以此散諸族子爭立或為王或為君濱於江南海上服朝於楚後七世至閩君搖佐諸侯平秦漢高帝復以搖為越王以奉越後東越閩君皆其後也

會稽郡

秦始皇二十五年大興兵使王翳遂定荆江南地降越君置會稽郡治吳二十六年初并天下用廷尉李斯議分天下以為三十六郡郡置守尉監郡守掌治其郡有丞尉掌佐守典武職甲卒監御史掌監郡漢興高皇帝六年以其地封劉賈為荆王黥布反荆王

賈死之無後十二年封劉濞為吳王王三郡五十三城孝景帝四年吳王濞反誅乃復為會稽郡越絕外傳曰漢孝景五年會稽屬漢屬漢者始并之也舊經云後復屬江都國江都王建有罪國除乃更為郡案漢書地理志廣陵國注江都易王非廣陵屬王胥皆都此并得鄣郡而不得吳劉貢父云然則會稽不得云屬江都也吳朱育以強記稱且距漢未遠仕本郡門下書佐太守濮陽興問漢封諸侯事而育所對亦止言劉賈為荆王濞為吳王濞誅乃復為郡治於吳亦不及屬江都事也前漢志領縣二十六後漢順帝永建四年分浙江以東十四縣為會稽郡治山陰東晉為會稽國改太守為內史宋武帝永初二年罷會稽郡府復為會稽郡齊梁陳因之隋為吳州改越州尋罷州為會稽郡依漢制置太守以司隸刺史相統治唐武德四年為越州天寶元年復為會稽郡乾元元年復改為越州

越州

越州隋大業置古會稽郡也因國為名置刺史焉按漢武帝紀元封五年初置刺史部十三州顏師古曰漢舊儀云初分十三州假刺史印綬有常治所以秋

分行部所察六條秩六百石於是乃復禹貢九州之名而增以周之幽并與漢所開之朔方交趾以為十三州也會稽自昔常隸揚州晉王羲之為會稽內史王述為揚州牧檢校郡事羲之恥之求分會稽為越州不果遂稱疾去郡誓墓終身不仕其後至隋而會稽卒為越州蓋本於此宋齊梁陳會稽自為東揚州刺史不復受察於揚州雖寢異古制然猶未至盡廢刺史之職或以刺史行太守事如曰東揚州刺史領會稽太守是也隋制舊有兵處刺史帶諸軍事以統之如曰都督會稽等郡諸軍事是也或如使持節隋

唐而降支郡皆稱刺史但領一州而以州統縣與他州等故又於此置總管府以統其屬州隋文帝初平江南改曰吳州大業中遂改為越州尋罷州置郡以刺史十四人巡察畿外諸郡所察六條畧如漢制唐武德四年復為越州置總管領州如故未久改總管為都督自是改更不常郡則曰太守州則曰刺史其實一也至乾元元年遂為越州大抵越州其實與會稽郡同非復如漢十三州之重刺史亦非復古之部刺史但以總管都督踰制一道爾

建炎三年十月庚申

車駕自杭州巡幸御樓船渡浙江壬辰幸越州

四年四月癸未御舟自温台回駐蹕越州明年

正月一日改元紹興越州官吏軍民僧道上表乞

賜府額昔唐德宗以興元元年巡幸梁州改梁州為

興元府於是朝廷用興元故事改越州為紹興府

初

車駕幸揚州駐蹕踰年又嘗經郊祀然未嘗建為

府則紹興蓋特恩也

車駕既移蹕臨安首命前參知政事資政殿學士

張守知府事故守謝到任表曰矧是肇新府號久駐

蹕聲履句踐之故棲厲嘗膽枕戈之志想神禹之遺

迹服卑宮菲食之勞又謝賜行宮充本府治所表

曰廣廈千間已免震凌之患土階三尺尚存簡素之

風皆言

上駐蹕之久而宮室無所增葺也浙東提點刑獄曾

喚舊為史官見日曆所書紹興二年正月

車駕移蹕臨安閏四月戊戌

詔紹興府

行宮復作府治

上曰時方艱難若不賜與則須別建賜之所以寬民
力也州額初題越州大都督府既賜府額當題云紹
興大都督府而右朝奉大夫吳說乃題云大都督紹
興府議者或非之

歷代屬州

會稽郡自漢順帝時還治山陰其所領山陰鄞烏傷
餘暨諸暨太末上虞剡餘姚句章鄞章安永嘉東侯
官猶十四縣其地南踰閩越西限浙江東北至海而
止提封數千里粵自秦漢常為都會之晉渡江後三吳

雖不果亦足見當是時會稽最號富實常為本根也
地故諸葛恢為會稽帝謂曰今之會稽昔之關中也
宋書史臣曰江左以來根本於越又云會土帶海
傍湖良疇數十萬頃膏腴上地畝直一金鄞杜之
不以此論之又袁宏漢紀許子將曰會稽富實之利
貪今國民盜湖為田湖廢幾盡案晉宋間謂會稽為
土三國志謂吳郡會稽為吳會二郡張紘謂收兵吳
會則荆揚可一孫貴傳云策已平吳會二郡朱歛傳
云部伍吳會二郡是也前輩有讀會字為都會之會
或有以館蓋承其誤後漢末孫策略平江左渡浙
有吳會館蓋承其誤後漢末孫策略平江左渡浙

江自領會稽太守策卒曹操又表其弟權為會稽太
守以統江左諸郡為丹陽太守孫貴為豫章太守孫
輔為廬陵太守朱治為吳郡太守而策自領會稽太
守是也孫權謂虞翻曰孤有征討事未得還府卿復太

以功曹為吾蕭興平四年策乃分章安永嘉之地置
何守會稽耳

松楊縣楊木為名取松又置始平縣改章安曰羅陽縣

至吳孫亮太平二年又置臨海縣立會稽東部為臨海郡以臨海始平松楊羅陽四縣屬焉於是會稽始有屬郡初後漢建安中孫氏分東侯官之地立邑即以年號為名曰建安縣

據續通典云孫策建安十年立案是時策已死又

置南平漢興二縣以屬會稽南部都尉至孫休永安三年遂割會稽南部為建安郡孫皓寶鼎元年又以漢末以來分烏傷太末之地所立新安豐安長山吳寧遂昌永康定陽并烏傷太末凡九縣置東陽郡至晉又分臨海郡之松楊羅陽東陽郡之遂昌凡三縣立永嘉郡

乃今處州

晉既平吳立東侯官為晉安郡分隸

揚州東晉以會稽郡為王國併隸揚州宋永初二年正月罷會稽郡府遂復為郡孝建元年立為東揚州統會稽東陽新安臨海永嘉五郡大明三年以揚州所統六郡為王畿而東揚州直為揚州以豫章王子尚為刺史加郡督八年冬復以王畿諸郡為揚州而會稽還為東揚州統郡如故永光元年秋八月始改是年為景和元年東揚州併揚州梁普通六年復以會稽東陽新安臨海永嘉五郡及建安晉安二郡立東揚州大寶二年湘東王繹承制以陳霸先為都督會稽東陽新安臨海永嘉五郡諸軍事東揚州刺史

領會稽太守承聖三年以陳蒨都督會稽十郡諸軍事會稽太守陳永定三年改永嘉郡為縉州尋省東揚州併屬揚州又分建安晉安二郡權立閩州天嘉元年以徐度為使持節都督會稽東陽臨海永嘉新安新寧信安建安晉安九郡諸軍事鎮東將軍會稽太守天嘉三年侯安都破留異東陽平六月以會稽東陽臨海永嘉新安新寧信安建安八郡置東揚州以揚州刺史始興王伯茂為鎮東將軍東揚州刺史光大二年割東揚州晉安郡為豐州隋開皇九年平陳改東揚州曰吳州置總管府煬帝大業元年正月廢諸州總管府尋改吳州為越州改東陽郡為婺州又改永嘉郡為處州尋改為括州而廢臨海郡大業三年四月壬辰改州為郡越州曰會稽郡婺州曰東陽郡括州曰永嘉郡唐武德四年平李子通改會稽郡為越州置總管府改東陽郡為婺州永嘉郡為括州復故臨海郡為海州復故建安郡為建州又以剡縣立嵎州并析置剡城縣析故句章縣地置姚州鄞州以烏傷縣地為綱縣置綱州并析置華川縣析信安縣置衢州以龍丘縣地置穀州并析置白石縣以縉雲縣地置麗州以松楊縣置松州以桐廬分水建

德三縣置嚴州五年以永嘉縣置東嘉州并析置永嘉安固橫陽樂成四縣屬焉是歲改海州為台州七年改總管為都督府廢姚州入餘姚縣來屬廢綱州入烏傷縣更名義烏屬婺州廢嚴州以桐廬縣屬睦州八年廢鄞州以鄞縣來屬廢穀州以白石縣入信安縣廢麗州為永康縣屬婺州廢松州為松楊縣貞觀元年廢東嘉州省橫陽永嘉二縣以永嘉安固二縣併隸栝州廢嶧州以剡縣來屬是歲始命併省分天下為十道越州督越婺泉建台栝六州隸江南道高宗上元二年又分栝州之永嘉安固二縣置温州

垂拱二年又析婺州之常山信安龍丘復置衢州景雲二年分天下為二十四都督府以統其屬州越州所督不滿十州定為中都督府既而以其權重皆罷之開元二十一年分隸江南東道開元二十六年採訪使齊澣奏割鄞縣置明州天寶元年改越州為會稽郡温州為永嘉郡而栝州為縉雲郡台州為臨海郡明州為餘姚郡建州為建安郡衢州為信安郡乾元元年復改會稽郡為越州縉雲郡為栝州信安郡為衢州永嘉郡為温州餘姚郡為明州東陽郡為婺州臨海郡為台州新定郡為睦州領越睦衢婺台明

處溫八州治越州隸浙江東道大歷十四年廢浙江東道建中元年復置二年復廢貞元三年復置浙江東道領越婺台明衢處溫七州而睦州隸浙江西道皇朝因之紹興元年升為紹興府所領州如故

歷代屬縣

前漢志會稽郡治吳領縣二十六吳曲阿烏傷毗陵餘暨陽羨諸暨無錫山陰丹徒餘姚婁上虞海鹽剡由拳大末烏程句章餘杭鄞錢塘鄮富春治回浦舊經云光武改回浦曰章安以治立東侯官分章安立永嘉縣通典云永嘉本漢治縣地後漢改為章安續

通典云漢書東甌舉國內徙乃以其地為回浦縣屬會稽郡後更名章安又以章安之東甌鄉為永嘉縣隋為永嘉縣初西漢以粵反覆險阻為後世患遷其民江淮遂虛其地後有遁逃山谷者稍出立為治縣

顏師古注云越王冶鑄之地

後又名為東治縣後漢光武時又曰

東侯官今閩縣是也言東以別其西如閩縣居侯官之東故曰東侯官以此又知侯官之名已久治之地不一後因其名以為縣也一云秦立胡侯之官於此故名通典云後漢分治地為會稽東南二部都尉此為南部都尉東部今臨海是也大抵南至晉安東至

章安皆治縣地詳而言之則閩越為治而東甌為回
浦原其本皆粵地也順帝永建四年陽羨人一作陽

周嘉上書以吳越一國周旋一萬一千里以浙江山

川險絕求得分置遂分浙江以西為吳郡以東為會

稽郡三國吳朱育云永建四年劉府君上其舊經云

領山陰鄞烏傷餘暨諸暨太末上虞剡餘姚句章鄞

章安永寧東侯官十四縣治山陰又分上虞南鄉為

始寧縣初平三年分太末縣置新安縣分烏傷南鄉

為長山縣興平二年分諸暨之大門村為漢寧縣又

分章安之南鄉為松陽縣建安四年孫氏分太末立

豐安縣又分信安立定陽縣建安二十三年分太末

立平昌縣晉志曰吳分永寧立南始平縣今之天台又分

烏傷之上浦為永康縣分章安立臨海縣改章安為

羅陽縣餘暨曰永興縣漢寧曰吳寧縣吳少帝太平

二年以會稽東部為臨海郡分臨海南始平松楊羅

陽四縣屬焉續通典云孫策於建安十二年分東侯

官之地立邑即以年號為名曰建安縣屬會稽南部

都尉三國志云永安三年以會稽南部為建安郡而

縣為屬孫皓寶鼎元年分會稽為東陽郡以烏傷太

末新安豐安長山吳寧平昌永康定陽九縣屬焉而

會稽領山陰永興諸暨上虞餘姚句章始寧剡鄞
十縣晉地道志宋州郡志領縣皆十隋平陳廢山陰
永興上虞始寧為會稽縣併餘姚鄞入句章縣及
剡諸暨統縣四唐武德四年以剡置嵎州并析置剡
城縣析句章之餘姚置姚州析句章之鄞置鄞州七
年輔公祏平廢姚州以餘姚縣來屬析會稽立山陰
縣八年廢鄞州為鄞縣嵎州為剡縣並來屬省山陰
縣復入會稽凡統縣五垂拱二年復置山陰縣儀鳳
二年復置永興縣開元二十六年割鄞縣置明州天
寶元年改永興為蕭山縣大曆二年因刺史薛兼訓
之奏省山陰七年刺史陳少游復奏置焉至貞元元
年刺史王密奏置上虞縣元和十年又省山陰入會
稽縣十年復置梁開平中錢鏐析剡縣立新昌縣
皇朝因之領會稽山陰蕭山諸暨上虞餘姚剡新昌
八縣宣和三年方臘既平七月丁卯
詔越州剡縣改名嵎縣與睦州改嚴州歙州改徽州
及睦州青溪縣改淳安衢州龍游縣改盈川皆同時
也

廢州

會稽郡漢領縣二十六至漢末六朝而降析會稽所

隸縣為郡今為州軍二十四會稽一郡獨領漢故縣
餘暨諸暨山陰餘姚上虞剡凡六亦可謂盛矣至唐
初以州境獨大於他州故析剡縣為剡城縣立嵎州
析餘姚縣為姚州武德七年廢姚州復以餘姚縣來
屬貞觀元年廢嵎州復以剡縣來屬

廢縣

漢順帝時分上虞南鄉為始寧縣隋平陳廢興平二
年分諸暨大門村為漢寧縣吳改為吳寧縣寶鼎元
年割隸東陽郡後復併入諸暨今縣有大門里或云
即其地也唐武德四年析剡為剡城縣武德七年廢
入剡縣乾道八年分諸暨之楓橋鎮為義安縣淳熙
元年廢入諸暨縣初戶部侍郎方公滋以吏事著一
時典藩數十年所至有聲績其置縣雖承史蔣二公
之後然卒成之者方公也亦嘗為客言析縣之利他
日當愈見不可復併矣然曾未幾時遂為後守所撤
取官署等以建僧寺人頗議之至或謂有大姓居邑
中方為鎮時擅事權握利柄役服小民無敢與較故
大不利於建縣云

分野

會稽禹貢揚州之域周禮保章氏以星土辨九州之

地所封封域皆有分星以視吉凶星紀吳越也漢書地理志曰吳地斗分野也今之會稽九江丹陽豫章廬江廣陵六安臨淮郡盡吳分也又云粵地牽牛婺女之分野也其君禹後帝少康之庶子封於會稽虞翻曰會稽上應牽牛之宿當少陽之位東漸巨海西通五湖南暢無垠北渚浙江南山攸居實為州鎮是也然左傳哀公元年吳伍員曰句踐與我同壤吳越春秋吳王夫差亦曰越之與吳同土連域然則吳越同壤其來尚矣案晉書天文志曰自南斗十二度至須女七度為星紀於辰為丑吳越分曰揚州而會稽入牛一度春秋元命包曰牽牛流為揚州分為越國左傳昭公三十二年夏吳伐越史墨曰不及四十年越其有吳乎越得歲而吳伐之必受其凶漢永嘉中歲星熒惑太白聚牛女之間識者以為吳越之分其後孫策孫權寔有江左晉太原間符堅將入寇石越對曰今歲在吳分天道不順已而堅果敗去及陳叔寶將亡有星孛于牽牛以此攷之則斗牛之分吳越同之班固別而言之恐亦未然

風俗

會稽自夏禹巡守會稽侯方是時會不於嶽而於會

稽則會稽風俗山川之美固可見矣少康之子封於會稽蓋禹之五世孫也夏都平陽少康中興盛王其封子不於近甸而於會稽則會稽為當時重地美俗又愈可見故其民至今勤於身儉於家奉祭祀力溝洫乃有禹之遺風焉粵自漢晉奇偉光明碩大之士固已繼出東晉都建康一時名勝自王謝諸人在會稽者為多以會稽諸山為東山以渡濤江而東為入東居會稽為在東去而復歸為還東文物可謂盛矣宋興杜正獻趙清獻繼起全名大節著在國史顧內相陸左丞與弟祠部以儒術重姚待制以孝行著陳中書以忠節見於宣和靖康之間而李參政傅給事以議論操守顯於建炎紹興以來其他未易悉數故今之風俗好學篤志尊師擇友弦誦之聲比屋相聞不以殖貨貨習奢靡相高士大夫之家占產皆甚薄尤務儉約縮衣節食以足伏臘輸賦以時不擾官府後生亦皆習於孝弟廉遜劉宗向以官遜其弟黃章以官遜其叔父至於士之居喪不為墨衰居處食飲一用古制送終不惑釋氏祭先不徇俚俗者一十餘家往往相慕效以不及為恥其間或有事干謁自銜嚮則其長老必嚴戒之無敢肆者

州境并至京地里

東至慶元府慈溪縣界一百五十七里西至臨安府
錢塘縣界一百三十八里南至台州天台縣界二百
九十五里北至海一百一里東西二百三十二里南
北四百四十七里至東京二千四百七十里西京二
千八百七十里

域郭

築城之法城身高四丈城濶五丈上斂二丈若城身
高三丈五尺則址濶四丈三尺七寸上斂一丈七尺
城外築瓮城去大城十五步

瓮城圍一面已城高厚與大城之數相等也

瓮城外鑿壕去大城三十步上施釣橋凡為三壕第

一重濶二十步深二丈水深四尺至七尺第二第三

重濶減五尺壕之內岸築羊馬城去大城五步高八

尺址濶五尺上斂二尺自上三尺開箭窗外至壕根

留一步埋設鹿角大城上每三十步置馬面敵樓各

一座女牆相去各十步凡樓櫓之法曰垂鐘版曰拐

子木曰伏兔子曰手杷腰福曰鷹架曰踏空版曰杙

柱版曰護柱版曰胡孫柱曰郭水版曰馬面曰梯曰

馬根踏道曰娥眉靛踏道曰芭曰草檉曰牛革曰甕

曰大小索曰鐵雁鉤此其名數之大略也並塞控阨

之地人人習知故其築城也易為力而堅緻可守內地既非臨邊又郡邑安固無寇盜之虞者久雖興版築或出草創故略書梗槩欲在官者知城池之不可忽如此劉忠顯以其久在兵間身履西陲要害之地至於城壁制度尤其所悉故在會稽修葺郡城雖用功不多而寇至可以無恐使他人為之雖有才智亦未必能也

羅城周四十四里步二百五十熙寧中郡守沈立為會稽圖其敘如此而舊經云四十三里者非也厥今州城以步計之八千八百二十有八按度地法步三百六十是為一里舉今步數總歸於里亦二十有四餘步百八十八較之圖

敘所損六十有二宣和初劉忠顯治城禦方寇嘗稍縮其西南隅然則今所損步或者自是時也舊經有云城不為壕今城外故有壕但不甚深廣爾皇祐中有詔濬湟太守王逵始治其事舊經成於祥符不及知也城之四面高厚之

數則舊經大略如之舊經城東面高二丈四尺其厚一丈八尺南面高二丈四尺西面高二丈六尺北面高二丈八尺其厚一丈八尺後有間有墮地尋復繕治城門九東曰都賜門舊址尚在不能甚北損也城門東南曰東郭門有都賜埭門之名蓋曰五雲門東南曰東郭門有東見南史何太廟傳曰殖利門有南西南曰西

徧門

有陶家埭

曰常喜門

州城至此與子城會門正

西曰迎恩門北曰三江門凡城東南南門有埭皆以護湖水使不入河西門因渠漕屬於江以達行在所北門引眾水入於海

子城

舊經云子城周十里東面高二丈二尺厚四丈一尺南面高二丈五尺厚三丈九尺西北二面皆因重山以為城不為壕塹嘉祐中刁約守越奏修子城記云城成高二十尺北因卧龍山環屬於南西抵於堙尾凡長九千八百尺城之門有五熙寧中沈立為越州

圖序云楊素築子城十里越絕書云越王臣於吳故

城北向以東為右西為左小城周三里七十步陵門四水門一吳越春秋云小城周千一百二十步一圓三方西北飛翼樓以象天門東南伏漏石竇以象地戶陵門四達以象八風又云城南近湖去湖百餘步會稽治山陰以來此城即為郡城案今子城陵門亦四曰鎮東軍門曰秦望門曰常喜子城門曰酒務橋門水門亦一即酒務橋北水門是也其南秦望門去湖亦僅百步雖未必盡與古同然其大略不相遠矣由秦望門而入直北曰蓮花橋又北走即府治所也

秦望門街之東曰雄節營曰五通廟曰酒務坊曰夏
麥倉曰都酒務街之西曰第七營曰第四營曰車水
橋巷曰提舉司幹辦公事廳循城而西曰念三營繇
酒務坊而東經豐宜館今為察三聖廟之前東走酒
務橋門繇車水橋巷而西過橋之南有大池曰龍噴
池池正方可三十畝池北曰僉判廳池西曰社壇自
此西走踰大郎橋會於常喜門蓮花橋北街之東曰
司理院西曰卧龍坊繇卧龍坊而西數百步西南走
威果營又數百步抵城隍廟路及西園南趨清冷橋
出常喜門府治之南左曰提刑司幹辦公事廳曰作

院右曰通判南廳

舊為判官廳壽樂堂熙寧間張大

者即此是也其後至淳熙間以舊通判

南廳為武提刑治所故南廳遂徙於北繇府治而左頌春

手詔亭下少西曰府院曰下馬院繇府治而左頌春

亭下東走即鎮東軍門街之北曰僉廳少東曰通判

北廳南豐曾先生倅越時有卧龍齋見於元豐類藁

亦尋廢桂堂在便廳之南吳興施宿所建今存袁尚

碑刻今亭與街南曰通判東廳此即舊所差通判廳

宋興學校之制皆因前代惟州郡自唐末五代喪亂
學官盡廢有司廟祭先聖而已猶有廢而不舉者

仁宗皇帝天聖初賜兗州學田又命藩郡皆得立學其後立郡多亦有請悉可之稍增賜之田如兗州由是學校殆遍天下然法制猶未具也慶厯中范仲淹輔政議興學校本行實以取士於是宋祁等合議請士皆土著而教之於學校然後州縣察其履行則學者修飭矣乃下詔州若縣皆立學本道使者選屬部官為教授三年而代官不足取於鄉里有學業者士須在學三百日乃聽預秋賦凡隱匿喪服或嘗犯罪或虧孝弟有狀或兩犯法經贖或為鄉里害或假戶籍或父祖犯十惡或工商雜類或嘗為僧及道士皆不得與士齒有司方奉行會仲淹罷於是學校之令皆弛然州郡多自置學聘名儒主之若李覲孫復石介姜潛王令輩其尤著者也

神宗熙寧四年罷詩賦貼經墨藝士各占治詩書易周禮禮記一經兼論語孟子義而論策如故然亦未遑學校也終

神宗一朝三舍之法止行於太學而已崇寧初始議頒太學三舍之法於天下京師置辟雍諸路置提舉學事州並置教授提學歲中通行諸路通判歲中通行諸縣貢士皆給驛券然猶止以科舉三分之一為

貢士大觀末始盡罷科舉悉由學校陞選辟雍備置
長貳以下如太學引惠民河以為壁水植木森茂為
舍千百八間然當時議者以謂學制太嚴士失私養
故相張商英以為利近不利遠利富不利貧利少不
利老又因 詔有司講求元豐學法中書舍人蔡肇
言於眾中曰既行元豐安用辟雍肇雖以此被絀然
議者皆然之至宣和三年始罷辟雍省其司成以下
官天下舍法皆罷復科舉取士然齋課以八日試經
義十八日試論二十八日試策鼓之節昕三昏四講
五食六陞堂七還齋八集九學門以昕鼓啟昏鼓闔

學之列職以學正舉行學規學錄佐正糾不如規者

齋諭佐長道諭諸生及學規齋規行罰各五等今尚

有遵行者若釋奠之制則有六一曰時日謂春秋二

曰齋戒謂散齋三日三曰陳設謂前三日掃除之類四

曰省饌五曰行事六曰樂請行事凝安之樂作三

文宣王神位前明安之樂作洗今尚不廢惟樂多闕

矣議者謂方三舍之法行士子無敢以禿巾短後之

服行道上者遇長上無敢不避道拱揖者茶肆酒壚

無敢輒游者市人不逞者醉者或凌嫚之士子皆避

去無與較者則亦不可以為無補於教養惟痛禁元

祐學術凡曾上書直言在籍者皆入自訟齋非自陳
改過不許預舍選賢者至恥於入學又學規以謗訕
朝政為第一等罰之首非古者不毀鄉校之義天下
至今歎息云

學在府南五里三十六步

教授直舍在學之東

縣學

縣學昔者所在或有之至慶歷興學始議州縣皆立
學而不果行崇寧中乃著為令凡縣學以時選試取
其尤者升州學為外舍生凡縣學設學長一人視州

學教諭授一人直學一人齋長齋諭各一人長諸生
選特奏名進士無則選老成有經行者充生員大縣
五十人次縣四十人小縣三十人共教養選試之法
同州學至宣和三年與州學舍法俱罷然至今天下
縣亦多有學而會稽諸邑為盛

會稽縣

學在縣南竹園巷

山陰縣

學在縣南柴場坊

嵯縣

學在縣西一百步舊經載至聖文宣王廟在縣東
南一百步學始創於縣令晉陵丁寶臣實慶
歷八年也臨川王平甫安國為記今不存獨
寶臣所撰碑及興學五年尚在宣和中盜起
焚毀建炎元年縣令應彬建孔子殿後三年
蜀郡范仲將始置廊廡又明年淄川姜仲開
始大之汝陰王性之銓為之記乾道癸巳今
丞相謝公深甫尉刺時與主簿栝蒼江濤增
葺仍立諸生課試之法甚備有邑人周汝士
記

諸暨縣

學在縣西瀆熙六年知縣李文鑄建舊縣西有夫
子廟唐天寶中令郭密之遷於長山下晉大
福庚子令趙湜移縣東一里
皇朝景祐四年尉劉述重建慶歷四年始
詔州縣立學明年令寇仲溫增造頗為全備
李君以其地歲有水患故遷焉

蕭山縣

學在縣南門外二十步舊經在縣西三十步

餘姚縣

學在縣東一里五十步元豐元年知縣事黃鑄立

建炎兵燬惟學獨全余端禮趙子肅趙公豫

相繼新之慶元五年施宿初直舍為致齊攷

試之地築牆垣作外門買田置書甚備有尚

書樓公鑰記

上虞縣

學在縣東南六十五步

新昌縣

學在縣東南

社稷

社以句龍配稷以后稷配自京師達於郡邑歲再

祭春以春社秋以秋社前一月檢舉關所屬前祭三

日散齋宿於正寢不弔喪不問疾不作致齋一日賈

赴祠所凡前祭二日設行事執事官次牽牲詣祠所

祭日丑前五刻設神位於壇上席以莞陳幣篚籩豆

俎簠簋罍洗犧尊象尊太尊山尊著尊壺尊皆加罍

前祭一夕晡後省饌祭日丑前五刻行事官等各就

次掌饌者實饌贊禮者行初獻省視陳設乃各就次

易祭服以次引二獻行禮禮畢引初獻飲福受胙還

次亞獻以下皆受胙再拜送神瘞幣乃退此其大略

也其詳有司存焉方政和間頌大晟樂於天下祭社稷皆有樂贊者請初獻行禮則寧安之樂作八成止引詣壇盥洗則正安之樂作詣神位前則嘉安之樂作送神則寧安之樂復作一成止自建炎紹興以後樂器多亡工亦不敢習矣三代之社所謂以松以柏以栗先儒以為立社各以所宜案木齊有社櫟楚有枌榆社正與先儒之說合今會稽惟樟楊楊木種多此一種名松二木最壽且茂神祠梵宇及民廬往往有之或至數百年底地數畝竊意社稷壇壝之傍皆當種執以合所宜木之意

社在府城南二百九十步

諸縣社稷

古者諸侯建國各有社稷雖曹滕邾莒五十里之國皆與齊晉等不獨諸侯也有民人則有社稷矣故一邑之小亦有之魯之費楚之豐皆邑之有社者也而國朝之制縣社稷祠祭與郡等會稽八邑皆有社稷焉

會稽縣

社在縣南禮裡坊慶元二年知縣事王時會重修有記

山陰縣

社在縣南柴場

嵎縣

社在縣北一百一十五步舊經云在縣西南一十五步

諸暨縣

社在縣北舊社稷壇在縣南三里政和間令陳瑞禮依新式增築壇五風雲雷雨師附焉淳熙丙申令熊克別築五壇於縣西墉之外慶元四年令趙彥權始遷於此

蕭山縣

社在縣西一百步舊經云在縣南二百步

餘姚縣

社在縣西二里舊在縣南一里

上虞縣

社在縣西一里二十五步舊在縣南四十五步

新昌縣

社在縣西南一里

貢院

貢院在城西錦鱗坊卧龍之陰郡治之西北會稽東南會府而試士舊無定處太師史公浩得地於爽塏

丞相蔣公希繼之銳欲鳩僦會奉祀去道乾九年資
政殿學士錢公端禮始克成之東南重廡為屋百楹
攷閱有廳宴止有房膳書糊名兩舍對峙中門外門
規制屹然選舉盛觀此邦自承平時所未見也既成
迺合在官在泮之士賦詩讌飲以落之而禮部尚書
胡公沂又為之記距今三十年矣聞之耆舊住舍法
時郡學西北隅是為試所迨復科舉更寓諸暨大雄
寺城東延慶寺最後寓光相寺亡慮十數自貢院之
新士皆樂其弘敞然近歲案几猶櫛比蓋會稽儒學
日盛而試者亦寢多矣每舉以名上禮部一十有九
又用近制別取可補上庠者在歲辛酉所取至一百
四十有八人云

教場

教閱之法有二一曰營法二曰陣法所謂營法者六
軍營索四十有八前軍赤後軍黑左軍青右軍白左
虞候黃右虞候綠經索五百尺圍索二百尺街索五
十尺定營工二十四人內十二人掌經索圍索各一
又十二人掌經索街索各一並以木杙自隨子壕砦
砦六人執隨營索色旂一木椎一都壕砦一人掌營盤
一椎一杙一黃天王旗一據營地中然後子壕砦乃

分執其事設幙布車浚壕立柵所謂陣法者其別有
六一曰方陣四鼓舉白旗則為之二曰圍陣五鼓舉
黃旗則為之三曰曲陣一鼓舉黑旗則為之四曰直
陣三鼓舉青旗則為之五曰銳陣一鼓舉赤旗則為
之六曰五陣互變視大將黃旗周麾則為之此教閱
之大略也大將之誓辭則曰今與將士同習戰陣明
視旗麾審聽金鼓出入分合坐作進退不如令者軍
有常刑自承平以來帥守入教場多帽帶皂衫如古
輕裘緩帶之意亦或中憤戰袍犀玉帶束略與將士
同服以示臨戎與常日不同各一說也然自副總管
以下名位雖高皆持挺趨庭以軍禮見尹龍圖洙守
平涼狄樞密青時為副部署平日相與甚厚惟教閱
及出邊則狄公一切以偏裨自處尹公或辭之狄公
則曰今法所云一階一級全歸伏事之儀十字自
祖宗以來著之孰敢忽哉蘇端明軾守中山有王光
祖者為副總管春大閱蘇公常服坐帳中將吏則皆
戎服奔走執事光祖自謂老將恥之稱疾不至蘇公
召書吏將奏劾之光祖震恐立出竊謂凡為元帥
者當法蘇公而亞將雖貴亦當以狄公為法以光祖
為戒也

教場在府南五里一百五十步

古城

古城在會稽縣南三里輿地志云越王句踐自吳還范蠡所築既臣於吳故城北向街衢市邑縣志悉在城北吳越春秋曰吳封地百里於越東縣志至炭瀆西至周宗南造於山北薄於海越王國志曰寡人欲築城立郭分設里閭欲委屬於相國志於是范蠡乃觀天文擬法於紫宮築作小縣志城周千一百二十步一圓三方西北立為飛翼之樓以象天門東南伏漏石竇以象地戶

陵門四達以象四

一作八

風外郭築城而缺西

北示服事吳也越絕云山陰大城者范蠡所治也大城周二十里七十二步不築北面滅吳以後徙治姑胥臺外傳謂蠡築陸門三水東縣志門三缺西北圖經云城南近湖百許步會稽治山陰以來此城即為郡城其齋廳廊省門閭相傳是范蠡遺制有五官廨東齋督護闕黃閭雙木闕夾道闕樓內有築土傳云漢時載長安土所為闕北有雷門句踐舊門也重

闕二層

句踐小城越絕云山陰城也周二里二百二十三

步陸一作木門四水門一今宮庫是宮臺一作室

處也周六百二十步柱長三丈五尺三寸圖經

作高三丈三寸雷高丈六圖經作二丈七尺宮有百戶高丈

二尺五寸寰宇記故城句踐小城山陰是也

東郭外南小城越絕云句踐冰室去縣三里此下言縣

凡階句踐食於冰厨一曰冰室者所以備終

也

陽里城越絕云范蠡城也西至水路水門一陸門

二

北陽里城越絕云大夫種城也取土西山以築之

徑百九十四步名為南安

會稽山上城越絕云句踐與吳戰大敗棲其中乃

以下為牧魚池其利不租舊經越王城在縣

東南一十里句踐為夫差所敗以甲楯五千

保於此城也十道志云城天門也天門常閉

開必致虎嘗觀吳之勝越越雖大敗猶以甲

楯五千保險拒之故得不亡此與漢伐宛無

異宛以得存者亦以中城不下故也豈獨以

納賂請盟而得存哉及吳之亡也乃束手請

如越之事吳者事越豈可得哉夫差非能存
亡國句踐亦非忍於滅吳各因其勢而已故
表出之為後世守國者之戒

會稽山北城越絕云子胥浮兵以守城是也舊經

吳王城在會稽縣東一十里夫差圍句踐於

會稽山伍員築此城以屯兵

苦竹城越絕云句踐伐吳還以封范蠡子其僻居

會稽徑六十步因為民治田塘長千五百三十三

步其冢名土山范蠡苦勤功篤故封其子於

北郭是去縣十八里舊經在山陰縣西南二十九

里

侯城舊經云在會稽縣東五十八里史記云夏后

氏少康封子無餘於越所都即此城也

越王城舊經云在縣西南四十七里舊經越王墓

在古城村今城雖不可攷然地名猶曰古城

也

故剡城在嵊縣西十五里唐武德四年置嵊州及

剡城縣八年廢

蕭山越王城在縣西九里夏侯曾先地志云吳王

伐越次查浦越立城以守查吳作城於浦東

以守越以越在山絕水乃贈之以鹽越山頂
有井深不可測廣二丈餘中多魚乃取鯉一
雙以報吳吳知城中有水遂解軍而去其山
四旁皆高隱然有城塹遺址其中坦平井泉
湛然

西陵城在蕭山縣西一十二里皮光業吳越武肅
王廟碑云漁浦龜石翼張下營蕭山西陵鱗
次列砦則西陵即王屯兵之所今城基在明
化寺之南居民猶有得其斷甃遺甃者初武
肅王既都錢塘僭名西都以為西陵非吉語
遂改曰西興云

嵩城在上虞縣西北六十里其城斷絕橫亘數里
乃古壘也晉史載安帝隆安間孫恩自海攻
上虞朝廷遣劉牢之袁崧築扈瀆壘沿海備
恩嵩城之名當始於此

僉廳舊名都廳在儀門東南都廳幕職官聯事合治
之地帥藩則通判亦在焉在
祖宗時郡有簽署嘉祐末以簽書英宗判官公事判官
掌書記推官支使是為幕職日集於都廳錄事司戶

司法司理參軍是為曹官各有職業自國初以來雖小有增損大槩不越此崇寧四年始命州縣倣尚書省六部為六案曰士案戶案儀案兵案刑案工案而常平免役案知雜案開折司皆如故政和三年因之遂行分曹建掾之法三京司錄事一員司士曹事司戶曹事司儀曹事司兵曹事司刑曹事司工曹事各一員五曹各置掾一員惟刑曹三員二員推鞠一員議法大藩至小郡軍監以次減省凡十等最下六曹共止三員而司錄及掾皆不置然天下增闕猶五百有奇吏額增三之一建炎元年始悉罷曹掾而幕職以下悉如

祖宗舊制吏額亦汰省復其故先是宣和三年懷安軍奏今尚書省公相廳改作都廳內外都廳並行禁止欲將本軍都廳以僉廳為名

詔從之且命諸路依此此僉廳得名之始也

府廨

府治據卧龍山之東麓是為鎮東軍節度

唐志越州舊號

義勝軍後改為威勝軍

即子城之東以為

軍門榜曰鎮東軍

吳郎中說書參政王公綯立居府治之東東嚮

大河即舊經所謂

橋曰府橋橋之北曰惠風

亭今庫酒肆直惠風亭北曰東亭今日蓬萊

館古東亭詩史魏公改築因更如今名然邦人有

猶謂之由軍門而西百二十三步折而北

曰譙門書榜王賜大都督紹興府亦吳郎中說

云越山長青水長白越人長篆銘其水國直

譙門曰儀門或云將其亂戒子孫懸棺葬焉

直儀門曰設廳紹興元年九月治為高宗駐

會當郊祀之歲乃行明堂大禮即宗祀明

堂遵用皇祐二年四月太祖詔書合祭天地

並配用祖宗蓋以四月太祖詔書合祭天地

帝一時謝輶為之儀實在此地舊經云八尺

得是今赫書輶以數斗封題作越王字甚分

今不識處廳西壁有顏魯公書康希鉞斷

碑王荆公集吳長文新得顏魯公壞碑詩

云魯公之書既絕倫歲久更朝昏把玩過

平甫詩云吳卿獲此喜驚坐朝昏把玩過

明珠設廳之後曰蓬萊閣元微之玉皇宅香

是也案吏謫居猶得小蓬萊菜之語昔自

錢公輔詩云蓬萊謫居香案吏此語昔自

微之始後人慷慨慕前修高閣雄名由來

亭

館

猶

曰

云

譙

直

會

堂

帝

得

今

碑

云

平

是

案

錢

微

王

常時對屏障一家終日在樓臺又云便廳
繞郭烟嵐新雨後滿山樓閣上燈初

之後曰使宅以建炎四年充行宮紹興元年

宮充本府治所使宅之前曰清思堂張伯

思堂畫坐詩云白雲無事不肯去幽鳥有

堂詩見今堂乃建於便廳之重屋之後略便廳

之東曰青隱軒政和間王直青隱軒之北

曰招山閣閣之下曰棣萼堂洪內翰邁所

初內翰兄文惠公嘗守閣之東為複道以

陟山麓曰采菊少北有亭曰晚對便廳之

東少下為府僉廳唐崔元翰判曹食堂壁

六郡督諸軍設官之制劇曹皆二人紀綱

不稱太子少師皇甫公來臨是邦始更而

廣之後二歲御史大夫崔公又為之備食

崔昭也蓋大歷九年至十一年温儀門之

外兩廊為吏舍儀門之西南嚮列署五為

安撫使僉廳唐吳玠鎮東軍監軍使院記

而鎮之上將軍汝南周公監護之乃命軍

吏撥日經始累月工畢重門列楹顯敞豐

博東廂西序窈窕深遠越城之為設厨為

省馬院為甲仗庫為公使錢庫公使錢庫
之西北為公使酒庫廳之兩廊為複屋曰
走馬閣東廊為使宅之便門西廊曰架閣

庫西廊之西曰軍資庫直軍資庫北曰清

白堂南足北正公清白堂閣之署據西有涼山

淵然丈餘引不竭因署其堂曰清白堂

也紹興初側高宗曰白亭時康定昭慈聖

殿即今清於西殿也清白堂之西曰賢牧堂

以記攷之當是清白亭之故址越人即以

建范文正公祠堂者也其後史文惠公以

忠靖公趙忠簡公參政張公守內翰翟公

配馬賢牧堂之西北曰極覽亭高熙七年

曰城隍廟由蓬萊閣而北少西馬經井儀

堂故址錢公輔有登卧龍山絕頂曰望海

亭沈立越州圖序云燕樂之最者舊經飛

翼樓在吳也今望海亭即其遺址飛翼一

以壓強吳也今望海亭即其遺址飛翼一

作龍翼與地志云重山有大處是也故元

水穴山失其尸今山西缺處是也故元

之望海亭詩云嵌空古墓失符末州將高

石疑防風是也刀約記云祥符末州將高

公紳植五桂於亭前易其名曰俱廢桂乃廣

-5 290 45 965" data-label="Text">

嘗有此亭詩復名曰望海時嘉祐辛丑仲

冬既

望

冬

嘗

故

十

公

石

之

水

作

以

翼

亭

堂

亭

亭

亭

亭

-5 120 45 280" data-label="Text">

亭

之使宅之東北曰觀風堂曹徽猷所建由觀風

堂而北少東焉曰觀德亭王尚書希呂所建

曰堵如王給事信為守書今額改焉或云

即越王臺故址舊經云越王臺在種山東

北唐李公垂詩云越王臺上少晴

煙賈鞏詩云鷓鴣飛上越王臺由觀德

西園

府西園之新蓋自樂安蔣公堂初景祐三年冬公

實始來數月政成郡以無事廼闢金山神

祠作正俗亭即其淫祀斥其神既又為曲水

閣紆激為湍流水閣踞其上有流觴亭茂林

亭並取永和事後六年而向公傳式來是時

有淶波亭此亭前所未見又於城上起望

湖樓案向公淶波亭詩云城上興崇

其上以望間又有清曠亭見郡人齊唐記

自是以後扁榜位置更易不常莫得盡攷

而西園如故也今西園有飛蓋堂始不詳其

云宣和書學堂後有池曰王公池守王達

而名園故有池方錢氏有國時分守子弟

始復闢之後稍堙於王公之來因是為奇

觀池北有亭曰漾月堂之前四亭對峙史

文惠公所建者夏冬陰瑞秋春直堂之南為橋

橋外有亭曰水竹循橋而西有數逕詰屈

相通於竹叢亂石間得立石如里堠者二

及其上所紀亭宇亦皆史公所建者茂林

鄉蘭亭里東流杯岩西右軍祠南修竹隴

北敷榮門佳山鄉鵝池里東清真軒西崇

峻菴南騁懷亭北由水曲水之東欄楯相

接若閣道者曰惠風閣繇惠風厯清真西

南登城亭曰列翠列翠以北曰華星亦城

上亭多無扁不具載蓋今園燕休則飛蓋

堂最勝觴詠曲水最勝登覽之勝則列翠

矣

會稽志卷第一

會稽志卷一	四	... 數是...	... 得立...	及其上所紀亭...	... 流...	... 山...	... 山...	... 山...
-------	---	-----------	-----------	-----------	----------	----------	----------	----------

會稽志卷第二



王



越之為國始於夏后帝少康之時封庶子於會稽以奉守禹之祀至春秋定公時越始見於經哀公時越始來初吳楚皆僭自王而越亦稱王允常句踐之時越益大與吳楚爭衡北伐齊晉又六世乃為楚所滅秦併天下裂為郡縣至漢高帝時以閩君搖為越王王閩越故地而以會稽等郡封劉賈為荆王賈既死無後漢復立劉濞為吳王兼有會稽之地濞反誅國除為郡歷後漢至三國時孫策孫權皆嘗封會稽侯

孫氏之有江左實本於此東晉咸和二年封琅邪王
昱為會稽王興寧元年復封昱為琅邪王食會稽宣
城如舊而封昱子昌明為會稽王昱即帝位是為簡
文帝其後昌明又為儲嗣而會稽之為王國猶不廢
故內史領郡事而置邸建康孝武太元六年作新宮
帝移居會稽王邸是也太元十七年乃徙封琅邪王
道子為會稽王義熙元年封臨川王子修之為會稽
王宋受禪罷會稽郡府而會稽復為郡齊梁因之至
陳後主乃封第八子莊為會稽王魏至周齊皆遙封
故不錄隋開皇元年文帝封子秀為越王未幾徙封

於蜀煬帝大業中封元德太子昭之子侗為越王江
左丞西晉諸王開國並以戶數相差為大小三品陳
武帝受命自永定迄於貞明唯衡陽王昌特加殊禮
命至五千戶自餘大國不過二千戶小國則千戶隋
唐以下封建之制寢廢不復唐有天下太宗封子泰
為越王後徙封魏而封幼子貞為越王肅宗封子係
為越王天復二年五月以鎮東等軍節度浙東西道
觀察處置等使守侍中彭城王錢鏐為越王天祐元
年改封吳王梁開平元年進封吳越王龍德三年加
封吳越國王寵以古列國之禮後唐同光二年復申

前命同光三年始受封冊建國焉天成四年又以兩
鎮節鉞及杭州越州大都督府長史移授其世子元
瓘以示優崇長興三年三月王鏐卒諡曰武肅子王
元瓘立晉天福六年九月王元瓘卒諡曰文穆子王
佐立漢開運四年六月王佐卒諡曰忠獻弟王侁立
未幾何進思廢王侁與羣臣迎立其弟俶乾祐元年
王俶立是為忠懿王周顯德四年四月亦嘗追封世
宗長子宗誼為越王

皇朝開寶二年申命俶為吳越國王而命俶子惟濬
為杭州越州大都督鎮海鎮東等軍節度使太平興
國三年四月俶朝京師五月乙酉表獻所部十三州
八十七縣詔以俶為守太師尚書令兼中書令淮海
國王唐季中元多故征伐自諸侯出故有天下兵馬
大元帥之名已而藩鎮割據僭叛相仍唯錢氏守藩
稱臣三世五主有國百年中更五代迄於
本朝職貢未嘗少缺彼善於此猶為有足言者故歷
敘其本末云

本朝端拱元年四月詔改封冀王元份為越王嘉祐
四年十二月追封豫王昕為越王

英宗皇帝即位追封吳王德昭為越王

徽宗皇帝命皇弟偲為太傅鳳翔山南西道節度使
鳳翔收兼興元收兼神霄玉清萬壽宮使越王至
欽宗即位授皇叔太師永興成德軍節度使雍州牧
兼真定收越王越州奏牘公移於知州前列越王銜
下書在京二字雖扈從北狩猶仍其故至紹興十年
以後方省去

都尉

都尉漢秩二千石與太守等吾丘壽王為東郡都尉
不復置太守武帝賜之璽書曰任四千石之重是也
越絕外傳漢文帝前九年會稽并故鄣太守治故鄣
都尉治山陰舊經云文帝九年山陰為都尉治蓋本
於此然案漢制國置中尉郡置都尉當文帝時吳會
稽皆吳王濞封國漢固不當為置太守都尉又漢紀
景帝中二年秋七月始更郡守為太守郡尉為都尉
則文帝時其官稱亦未應有太守都尉之號也漢書
地理志云西部都尉治錢唐又越絕外傳漢文帝前
十六年太守治吳郡都尉治錢唐故舊經云山陰都
尉徙治錢唐而不及太守徙治事通典云今金華縣
漢烏傷縣地後漢末分為長山縣二漢置西部都尉
然則西部固屢徙矣班固漢人不載西部徙治本末

而越絕外傳獨載之詳如此何也又舊經云元鼎五年又立東部都尉治治案武帝紀元鼎六年秋東越王餘善反殺漢將吏遣橫海將軍韓說等出會稽會樓船將軍楊僕等擊之元封元年東越殺王餘善降詔曰東越險阻反覆為後世患遷其民於淮江間遂虛其地兩粵傳功臣表皆云元封元年始平東越其承誤如此通典云東部今臨海是也三國志太平二年二月以會稽東部為臨海郡案朱育云東部都尉治治陽朔元年又徙治鄞或有寇害復徙治句章然則東部亦屢徙矣又案西漢書地理志會稽郡南部

都尉治回浦兩粵傳漢五年立無諸為閩越王主閩故地都治顏師古云即侯官縣是也漢徙其人江淮間有逃遁山谷間者頗出立為治縣地屬會稽郡後漢改為侯官都尉後復分治地為會稽東南二部尉

東部治臨海南部治建安

舊經乃不載會稽南部都尉蓋疎畧也

後漢紀順帝陽嘉元年海賊曾旌寇會稽殺句章鄞三縣長攻會稽東部都尉案漢百官志建武六年省諸郡都尉并職太守無都試之役古今注曰建武六年八月省都尉官應劭曰每有劇賊郡臨時置都尉事訖罷之又省關都尉唯邊郡往往置都尉及屬

國都尉稍有分縣治民比郡都尉佐太守掌武職甲
卒至此乃有分縣治民案建安十二年分東侯官之
地為建安縣以屬南部都尉此殆是也又安帝永初
四年初置長安雍二營都尉官注云扶風都尉居雍
虎牙都尉居長安獻帝即位省扶風都尉繁帝永壽
元年初置泰山琅邪都尉官注二郡寇賊不息故置
延禧五年罷琅邪都尉官八年罷泰山都尉官皆事
訖罷之如應注云如屬國邊郡都尉其廢置亦書之
甚詳蓋陽嘉元年會稽東部都尉亦臨事乃置事訖
罷之初平中全柔以董卓之亂棄官東歸詔即拜為
會稽東部都尉三國志芮良張紘輩皆嘗為會稽東
部都尉亦以兵興後置也通典所載二漢置西部都
尉理烏傷後漢改治縣為侯官都尉又分治為東南
二部凡此皆不常置故其治亦往往屢徙至隋大業
二年詔復置都尉官大業七年敕都尉鷹揚與郡縣
相知追捕羣盜後此往往不復見云

內史

內史本周官其見於春秋者莊公三十二年周內史
過僖公十六年周內史叔興見於傳文公元年天王
使叔服來會葬見於經傳曰王使內史叔服來會葬

之類是也秦因之掌治京師秦又置中尉掌徼循京師漢皆因之而不革高帝初置諸侯王地既廣大且至千里得自治其國有太傅輔王內史治國民中尉掌武職丞相統衆官羣卿大夫都官如漢朝漢為置丞相其御史大夫以下皆自置吳楚七國反景帝懲之令諸侯王不得復治國改丞相曰相省御史大夫廷尉少府宗正博士官損謁者郎中令太僕以下員秩武帝改漢內史為京兆尹中尉為執金吾故王國內史中尉如故員職皆朝廷為署不得自置成帝綏和元年又省內史更令相治民如郡太守中尉如郡都尉皆秩二千石其紹封削絀者中尉內史官屬皆以率減晉元帝渡江廼沿後漢郡國之制建會稽以為國復前漢之舊置內史以治國民王留京師而內史實行郡太守事受察於揚州刺史其後會稽內史地望寢重故王述自前會稽內史擢為揚州刺史而皇子道子為琅邪王領會稽內史事宋初元二年正月乃罷會稽郡府而內史復為太守

太守

會稽自秦置守漢因之其後更守為太守尉為都尉或以都尉行太守事在漢末三國時亦有以丞功曹

行郡事者東晉改為內史至宋乃復為太守焉隋為
總管復又改都督唐初亦沿隋制久之乃為浙東觀
察使

皇朝為知越州事

中興初陞州為紹興府則又稱知紹興府事今掇秦
漢太守以下姓名及行事之顯者著於篇

秦殷通二世元年會稽假守

漢嚴助會稽吳人武帝時拜會稽太守數年不聞

問賜書曰制詔會稽太守君厭承明之廬勞

侍從之事懷故土出為郡吏會稽東接於海

南近諸越北枕大江間者濶焉久不聞問具

以春秋對母以蘇秦從橫助恐上書謝願奉

三年計最

朱買臣字翁子吳人武帝時邑子嚴助貴幸薦為

中大夫東越數反覆拜會稽太守上曰富貴

不歸故鄉如衣繡夜行今子何如買臣頓首

謝詔買臣到郡治樓船備糧食水戰具須詔

書到軍與俱進初買臣免待詔常從會稽守

邨者寄居飯食及拜太守買臣衣故衣懷其

印緩步歸郡即直上計時會稽吏方相與羣

飲買臣入室中守邸與共食食且飽少見其
綬守邸怪之前引其綬視其印會稽太守章
也守邸驚出語上計掾吏皆醉大呼曰妄誕
耳其故人素輕買臣者入內視之還走疾呼
曰實然坐中驚駭白守丞相推排陳列中庭
拜謁買臣徐出戶有頃長安廐吏乘駟車馬
來迎遂乘傳去將兵與韓說等俱擊破東越
有功入為主爵都尉

任延字長孫南陽宛人更始元年拜會稽都尉時
年十九迎官驚其壯及到靜泊無為唯先遣

饋禮祠延陵季子時天下新定道路未通避

亂江南者皆未還中土會稽頗稱多士延到

皆聘請高行如董子儀嚴子陵等敬待以師

友之禮掾吏貧者輒分奉祿以賑給之省諸

卒令耕公田以周窮急每時行縣輒使慰勉

孝子就餐飯之吳有龍丘萇者隱居太末志

不降辱王莽時連辟不到掾吏白請召之延

曰龍丘先生躬德履義有原憲伯夷之節都

尉掃洒其門猶懼辱焉召之不可遣功曹奉

謁修書記致醫藥吏使相望於道積一歲萇

乃乘輦詣府門願得先死備錄延辭讓再三
遂署議曹祭酒養尋病卒延自臨殯不朝三
日是以郡中賢士大夫爭往宦焉

第五倫字伯魚京兆長陵人建武二十九年拜會
稽太守躬自斬芻養馬妻執炊爨受俸裁留
一月糧餘皆賤買與民之貧羸者會稽俗多
淫祀好卜筮民常以牛祭神百姓財產以之
困匱倫移書屬縣巫祝有依託鬼神詐怖愚
民案論之有妄屠牛者吏輒行罰百姓以安
永平五年坐法徵老小攀車叩馬嗚呼相隨

日裁行數里倫乃偽止亭舍陰乘船去及詣
廷尉吏民上書守闕者千餘人

慶鴻洛陽人慷慨有義節位至會稽太守所在有
異迹

張霸字伯饒蜀郡成都人永元中為會稽太守表
用郡人處士顧奉公孫松等並有名稱其餘
有業行者皆見擢用郡中爭厲志節習經以
千數道路但聞誦聲霸始到越賊未解郡界
不盜乃移書開購明用信賞賊遂束手歸附
不煩士卒之力童謡曰弃我戟捐我矛盜賊

盡吏皆休

馬稜扶風茂陵人和帝時轉會稽太守治有聲
馬臻永和五年為太守創立鏡湖在會稽山陰兩
縣界築塘蓄水水高丈餘田又高海丈餘若
水少則洩湖灌田水如多則閉湖洩田中水
入海所以無凶年其陂塘周迴三百一十里
都溉田九千餘頃會稽記云創湖之始多淹
冢宅有千餘人怨訐臻遂被刑於市及遣使
按覆總不見人籍皆是先死亡者然越人至
今廟祀之

殷丹為會稽太守時郡有孝婦以誣見殺連旱二
年丹到郡刑訟女祭婦墓天應時澍雨
成公浮為會稽太守久之徵還京師

劉寵字祖榮東萊牟平人拜會稽太守山民愿朴
乃有白首不入市井者頗為官吏所擾寵簡
除煩苛禁察非法郡中大化徵為將作大匠
山陰縣有五六老叟履眉皓髮自若邪山谷
間出入齎百錢以送寵寵勞之曰父老何自
苦對曰山谷鄙生未嘗識郡朝他時吏發求
民間至夜不絕或狗吠竟夕民不得安自明

府下車以來狗不夜吠民不見吏年老遭值
聖明今聞當見弃去故自扶奉送龍曰吾政
何能及公言邪勤苦父老為人選一大錢受
之

陳業上虞人為會稽太守潔身清行志懷霜雪貞
亮之信同操柳下遭漢中微委官弃祿遁迹
黜歛以求其志高邈妙蹤天下所聞故欽宗文
遺之尺牘之書比竟三高

王朗會稽太守

孫符字伯符吳郡富春人建安二年詔策為騎都

尉襲爵烏程侯領會稽太守

孫權字仲謀策之弟曹操表權為討虜將軍領會

稽太守

顧雍字元歎吳郡吳人孫權領會稽太守不之郡
以雍為丞行太守事討除寇賊郡界寧靜吏

民歸服

吳吾粲字孔休吳郡烏程人黃武元年遷會稽太

守

淳于式為會稽太守孫權遣陸遜討破丹陽賊帥
遂部伍東三郡强者為兵羸者補戶得精卒

數萬人式表遜枉取民人愁擾所在遜詣都
稱式佳吏曰式意在養民是以白遜

濮陽興字子元陳留人為會稽太守

樓玄字承先沛郡鄆人為會稽太守

滕太祖廟諱字承嗣北海劇人為會稽太守所在見稱每

聽辭訟斷罪法察言觀色務盡情理

車浚天璽元年為會稽太守在公清忠值歲荒旱

民無資糧表求賑貸皓謂浚欲樹私恩誅之

郭誕孫皓時為會稽太守

晉紀瞻字思遠丹陽秣陵人愍帝時除會稽內史

時有詐作大將軍府符收諸暨令令已受拘

瞻覺其詐便破檻出之訊問使者果伏詐妄

諸葛恢字道明琅邪陽都人愍帝召為尚書郎元

帝以經緯須才承制調為會稽太守臨行帝

置酒謂曰今之會稽昔之關中足食足兵在

於良守以君有蒞任之方是以相屈恢曰天

下喪亂風俗陵遲宜尊五美屏四惡進忠實

退浮華帝深納焉太興初以政績第一詔曰

會稽內史諸葛恢蒞官三年政清人和為諸

郡首宜進其位班以勸風教今增恢秩中二

千石

周札字宣季義興陽羨人遷右將軍會稽內史

虞潭字思奧會稽餘姚人明帝詔為冠軍將軍領

會稽內史徵拜尚書

事見人

何充字次道廬江灑人成帝時除建威將軍會稽

內史在郡甚有政德薦徵士虞喜拔郡人謝

奉魏顓等以為佐吏

孔愉字敬康會稽山陰人成帝時為鎮軍將軍會

稽內史加散騎常侍

事見人

孔安國字安國愉之子再為會稽內史領軍將軍

事見人

王舒字處明丞相導之從弟成帝時將徵蘇峻出

舒為外援授撫軍將軍會稽內史秩中二千

石舒上疏辭以父名音雖異而字同求換他

郡於是改會字為鄣舒不得已而行在郡二

年而峻作逆假節都督行揚州刺史事庾冰

奔舒舒率眾俱渡浙江顧眾顧颺等起義軍

以應舒峻聞乃赦庾亮諸弟以悅東軍吳興

太守虞潭率所領屯烏苞亭不敢進舒遣子

允之以精銳三千邀賊於武康破之斬首數

百級賊悉委舟步走時臨海新安諸山縣並
反應賊舒分兵討平之陶侃立行臺上舒監
浙江東五郡軍事賊平以功封彭澤縣侯
王允之字深猷舒之子咸康中為衛將軍會稽內
史未到卒

王述字懷祖司徒渾之族穆帝時遷會稽內史莅
政清肅終日無事

王愉字茂和述之子為會稽內史

王羲之字逸少司徒導之從子穆帝永和中為右

軍將軍會稽內史

事見人物門

王凝之羲之之子左將軍會稽內史

江彪字思玄永和中為護軍將軍出補會稽內史
加右軍將軍

郗愔簡文帝輔政為輔國將軍會稽內史遷都督
徐兗青幽揚州諸軍事領徐兗二州刺史轉
冠軍將軍帝踐祚就加鎮軍都督浙江東五
郡軍事因居會稽

謝玄字幼度奕之子孝武帝時授散騎常侍左將
軍會稽內史時吳興太守晉陵侯張玄之亦
以才學顯自吏部尚書與玄同年之郡而玄

之名亞於立時人稱為南北二立論者美之

事見人物門

謝琰字瑗度太傅安之子孫恩逃海島朝廷憂之

王允以琰為會稽內史都督五郡軍事

王蘊字叔仁孝武定皇后之父都督浙江東五郡

王述鎮軍將軍會稽內史加散騎常侍蘊素嗜酒

及在會稽略少醒日然以和簡為百姓所悅

劉牢之會稽太守

王薈衛將軍會稽內史

謝輜會稽人會稽內史

裴松之傳琅邪王茂之會稽謝輜南北之望

虞嘯父征東將軍會稽內史

孔靖字季恭會稽山陰人以字稱虞嘯父為會稽

內史季恭求為府司馬不得及高祖定欽宗廟諱立

以季恭為內史使齋封板拜授季恭便舟夜

還至即叩扉告嘯父并令掃拂別齋便入郡

嘯父聞欽宗廟諱立敗震懼請罪季恭慰勉使安明

旦乃移季恭到任務存治實敕止浮華翦罰

游惰寇盜哀止境內肅清

宋孔生靖之子歷顯位侍中會稽太守

孔靈符靖之子為會稽太守豫章王子尚撫軍長

史

劉懷敬彭城人武帝以舊恩累見寵授至會稽太

守

謝方明陳郡陽夏人伯父吳興太守邈賊至被害

方明結邈門生義故掩討手自刃之時荒亂

之後吉凶禮廢方明合門遇禍資產無遺營

舉凶事平世備禮無以加也永初三年為丹

陽尹有能名轉會稽太守江東民戶殷盛姦

吏蜂起符書一下文攝相續又罪及比伍動

相連坐邑里驚擾方明濶略苛細務存綱領

緩民期會莫敢犯禁除比伍之坐判久繫之

獄東土至今稱詠之承代前人不易其政有

必宜改者則以漸移變無迹可尋

褚淡之字仲原為會稽太守景平二年富陽縣孫

氏聚合門宗謀逆其支黨在永興縣潛相影

嚮縣令羊恂率吏民拒戰力少退敗賊遂磐

據直攻山陰淡之自假凌江將軍以山陰令

陸邵領司馬王茂之為長史孔欣謝苓之並

參軍事賊遂推鋒而前淡之遣陸邵督帶戟

公石繚廣武將軍陸允以水軍拒之又別遣
行參軍瀾恭期率步軍與郤合力淡之率所
領出次近郊恭期等與賊戰於柯亭大破之
羊玄保泰山南城人景平間為會稽太守太祖以
玄保廉素寡欲故頻授名郡為政雖無幹績
而去後常見思不營財利處家儉薄

孟顓字彥重平昌安丘人元嘉中為會稽太守

張茂度吳郡吳人名與高祖同以字稱元嘉十八
年除會稽太守素有吏能在郡縣職事甚理

卒官謚曰恭子

竟陵王誕字休文元嘉二十六年授都督會稽東

陽新安臨海永嘉五郡諸軍事安東將軍會
稽太守給鼓吹一部元凶弒立以浙江東五
郡立會州以誕為刺史顧琛為太守

廬江王禧字休秀元嘉二十六年遷冠軍將軍為
會稽太守世祖即位復為太守加撫軍將軍
顏竣為東揚州刺史

張裕會稽太守

張暢字少微吳郡吳人為會稽太守卒官

孔顓字思遠會稽山陰人永光元年為尋陽王子

房右軍長史加輔國將軍行會稽郡事

晉熙王昶字休道世祖時為東中郎將會稽太守

尋監會稽東陽臨海永嘉新安五郡諸軍事

孝建元年立東揚州即以昶為刺史東中郎

將如故進號右將軍

宗室思考被遇歷朝官極清顯為會稽太守

王翼之字秀弼琅邪臨沂人徽之之孫官至御史

中丞會稽太守

顧覲之孝建元年為義陽王昶東中郎長史監朔

將軍行會稽郡事

沈懷文字思明豫章王子尚鎮會稽遷撫軍長史

行府州事時囚繫甚多動經年月懷文到任

讞五郡九百三十六獄衆咸稱平

豫章王子尚大明三年以浙江東為揚州命子尚

都督揚州江州之鄱陽晉安建安三郡諸軍

事揚州刺史五年領會稽太守東上大旱鄞

縣多畷田世祖使子尚至鄞縣勸農又立左

學召生徒置儒林祭酒文學祭酒勸學從事

松滋侯子房字孝良大明七年進號右將軍前廢

帝元年遷東揚州刺史景和元年以右將軍

督會稽東陽新安臨海永嘉五郡諸軍事會稽太守太宗即位改督為都督進號安東將軍太守如故

巴陵哀王休若泰始元年出為使持節會稽都督東陽永嘉臨海新安五郡諸軍事領安東將軍會稽太守

張永字景雲明帝時討薛安都還徙會稽太守加都督

蔡興宗明帝時遷鎮東將軍會稽太守加都督會稽新安東陽永嘉臨海五郡諸軍事會稽多諸

豪右不遵王憲幸臣近習參半宮省封略山湖妨民害治興宗皆以法繩之會土全實民物殷阜王公妃主邸舍相望撓亂在所大為民患子息滋長督責無窮興宗悉啟罷省又陳原諸逋負解遣雜役並見從三吳舊有鄉射禮久不復修興宗行之禮儀甚整

江夏王躋字仲昇後廢帝時督會稽東陽新安臨海永嘉五郡諸軍事東中郎將會稽太守進號右將軍

王僧虔為會稽太守中書舍人阮佃夫家在東請

假歸客勸僧虔以佃夫要幸宜加禮接僧虔
曰我立身有素豈能曲意此輩彼若見惡當
拂衣去耳

洪現罷會稽郡太守無資不欲令人知其清乃以
船載土而歸舊經

齊竟陵王子良字雲英昇明三年為會稽太守都
督五郡宋元嘉中皆責成郡縣孝武後徵求
急速以郡縣遲緩始遷臺使自此公役勞擾
子良請息其弊子良敦義愛古郡人朱百年
有至行卒賜其妻米百斛蠲一人給其薪蘇

武陵王昱字宣昭建元二年為會稽太守加都督

顧憲之字士思吳郡吳人高帝時為東中郎長史

行會稽郡事郡人李文度有寵於武帝於餘

不別姚立即頗縱橫憲之至郡即表除之文度後

還喪母郡縣爭赴弔憲之不與相聞文度深

武衡之卒不能傷也遷南中郎巴陵王長史

蕭靈鈞仕為廣德令梁高祖義師至行會稽郡事

蕭祇字敬式為東揚州刺史於時江左承平政寬

人慢祇獨蒞以嚴切梁武悅之遷北兖州刺

梁庾華字休野新野人高祖平京邑為輔國長史
會稽郡丞行郡府事時承彫敝之後百姓凶
荒所在穀貴米至數千民多流散華撫循甚
有治理唯守公祿清節愈厲天監元年卒停
屍無以殮柩不能歸高祖聞之賜絹百疋米
五十斛

永陽王伯游字士仁天監元年督會稽東陽新安
永嘉臨海五郡諸軍事輔國將軍會稽太守

衡陽王元簡字熙遠天監三年遷會稽太守十三
年入為給事黃門侍郎

安成王機字智通天監六年為寧遠將軍會稽太
守還為給事中

邵陵王綸字世調天監十三年遷輕車將軍會稽

太守

廬陵王績字世訢天監十三年會稽太守

武陵王紀字世詢天監十三年為會稽太守尋以

其郡為東揚州仍為刺史加使持節東中郎

將徵為侍中

江革字休映濟陽考城人武陵王紀在東州頗驕

縱上乃除革長史會稽郡城行府州事革門

生故吏家多在東聞革至並齋持緣道迎候
 革曰我通不受餉不容獨當故人篚篚至鎮
 惟資公俸食不兼味郡境殷廣辭訟日數百
 革分別辯析曾無疑滯人安吏畏百城震恐
 左刻琅邪王騫為山陰令贓貨狼籍望風自解王
 蘇刻憚之每侍讌言論必以詩書王因此耽學好
 永陽文除都官尚書贈遺一無所受送故依舊訂
 怡刻舫革並不納唯乘所給舸艘偏敬不得安卧
 衡陽革乃於西陵岸取石十餘片以實之其清貧

南郡王大連字仁靖太清元年出為使持節輕車

將軍東揚州刺史侯景寇京都大連率眾四
 萬來赴山賊田頌羣聚黨數萬來攻大連命
 中兵參軍張彪擊斬之

安陸王大春字仁經大寶元年出為使持節雲麾
 將軍東揚州刺史

張彪貞陽侯即位以為東揚州刺史陳蒨軍至彪
 擊走之蒨復遣周育等討彪斬之太平元年
 三月罷東揚州還為會稽郡

陳霸先字興國吳興武康人大寶二年湘東王承

制授使持節都督會稽東陽新安臨海永嘉
五郡諸軍事平東將軍東揚州刺史領會稽
太守

陳蒨字子華承聖三年討會稽太守張彪以功授
持節都督會稽等五郡諸軍事宣毅將軍會

稽太守

陳沈恪字子恭吳興武康人永定三年除吳州刺

史有詔追還行會稽郡事尋除散騎常侍忠

武將軍會稽太守世祖嗣位進督會稽東陽

新安臨海永嘉建安晉安新寧信安九郡諸

軍事鎮東將軍會稽太守未行改鎮南將軍

湘州刺史

鄱陽王伯山字靜之光大元年為鎮東將軍東揚

州刺史太建九年徵為中衛將軍中領軍至

德四年以中權大將軍出為持節都督東揚

豐二州諸軍事東揚州刺史加侍中

永陽王伯智字策之太建中為使持節都督東揚

豐二州諸軍事平東將軍領會稽內史至德

二年入為侍中

新蔡王叔齊字子肅太建七年出為東中郎將揚

州刺史至德二年入為侍中

蔡景歷字茂世濟陽考城人高宗時遷宣豫惠章

王長史帶會稽郡守行東揚州府事

隋楊昇平陳改東揚州曰吳州置總管府開皇十

二年自工部尚書為吳州總管二十年終於

官

宇文弼開皇二十年自代州總管為吳州總管大

業元年正月己酉為刑部尚書而吳州遂改

為越州

唐龐玉事隋為監門直閣李密據洛口玉以關中

銳卒萬騎降高祖以隋舊臣禮之玉魁梧有

力明軍法久宿衛習知朝廷制度故授玉領

軍武衛二大將軍使衆觀以為模矚為梁州

總管巴山獠叛玉梟其首賊共斬渠長以降

徙越州都督名為監門大將軍太宗以耆厚

令主東宮兵雖老不怠卒贈幽州都督工部

尚書

見新唐書太宗題名武德元年自右衛將軍授二年七月移揚州都督與

此不合

神本府城隍神相傳以為公死而為神以福此邦詳見祠廟門

李嘉武德三年授

關稜武德四年六月自左領軍授

李大亮自安州刺史授徙交州刺史在州寫書數百卷委之廨宇而去

田德平貞觀七年七月自鄜州都督授

馮大恩貞觀九年八月授

齊善行貞觀十七年九月自蘭都督授

王奉慈永徽二年正月自潭州都督授移秦州都

督

于德方永徽五年正月自原州都督授

段寶命顯慶三年六月自洛州長史授

唐同仁龍朔元年五月自號州刺史授

劉伯英乾封元年五月自翼州長史授總章元年

終於官

李孝逸咸亨二年三月自常州刺史授移益州長

史

李孝廉儀鳳三年二月自蘇州刺史授貶平州刺

史

崔承福永淳三年二月自州刺史授

李思貞文明元年二月自婺州刺史授

郭齊宗光宅元年十月自左衛大將軍授

楊玄節垂拱元年六月自檢校州刺史授

李奇客垂拱二年三月自奉裕衛副率授移幽州

刺史

豆盧欽望如意元年三月自婺州刺史授召拜司

賓卿

唐太守題名云司農卿

錢節神功元年自揚州司馬授

蔡德讓大定元年自廣州都督授

竇懷貞長安四年自尚方監授移揚州刺史舊經

云以清幹著稱

龐貞素神龍元年五月自右衛將軍授

張合愍神龍二年七月自光祿員外卿授移徐州

刺史

胡元禮神龍三年八月自蘇州刺史授移廣州都

督

姚元之景龍元年十月自宋州刺史授移常州刺

史

楊祇本景龍二年七月自陝州刺史授

尹正義景龍三年六月自宋州刺史授移相州刺

史

王希雋景龍四年六月自相州刺史授召拜京兆

少尹

王子麟開元二年自右衛中郎將授名拜光祿卿
欽宗廟諱臣範開元三年二月自殿中少監授移瀛州刺

史

皇甫忠開元十年八月自杭州刺史授十一年移

許州刺史

鄭休遠開元十一年自汾州刺史授十五年去官

何鳳開元十六年自右領軍將軍授十九年五月

替

張況開元二十年自衡州刺史授二十一年移秦

州都督

裴鼎開元二十一年自金吾衛將軍授二十六年

移衛州刺史

元彥沖開元二十二年自襄州刺史授二十六年

移衛州刺史

敬誠開元二十六年自台州刺史授二十七年移

廬州刺史

秦昌舜天寶元年改刺史為郡守昌舜自通州郡

太守授六載移江華郡太守

杜庭誠天寶六載授七載移晉陵郡太守

張守信天寶七年自餘杭郡太守授

李處祐天寶九載自餘杭郡太守授

于幼卿天寶十三載自鄱陽郡太守授

崔寓至德二年自江夏郡太守授召拜給事中是

李希言乾元元年初置浙江東道節度使自禮部

侍郎授移梁州自合州刺史召拜金吾衛

獨孤峻自陳州刺史授加御史中丞召拜金吾衛

呂延之自明州刺史授丁憂

杜鴻漸自湖州刺史授加御史中丞召拜戶部侍

郎崇新唐書本傳不載

趙良弼自廬州刺史授加御史中丞移嶺南節度

王璵自揚州長史兼御史大夫授案唐本傳自淮

南節度使兼祠祭使徙浙東

薛兼訓自殿中監兼御史中丞授丁憂後加御史

大夫再知移太原節度使

陳少游大歷五年廢節度使置都團練觀察使自

宣歙觀察使授八年遷淮南節度使

皇甫温大歷九年八月自陝虢觀察使授

崔昭大歷十一年七月自宣州觀察使授是年廢

都團練觀察使以所管州隸浙西

王密大歷十四年自湖州刺史授建中元年復置

都團練觀察使二年復廢

韓滉自晉州刺史遷浙江東西觀察使檢校禮部

尚書

元巨貞元二年十二月自楚州刺史授

皇甫政貞元三年二月自權知宣州刺史授十三

年三月改太子賓客

李若初貞元十三年三月自福建觀察使授十四

年移浙西觀察使

裴肅貞元十四年九月自常州刺史御史中丞授

賈全貞元十八年正月自常州刺史授

楊於陵永貞元年十月自華州防禦使授元和二

年四月召拜戶部侍郎案唐本傳自華州刺

史遷浙東觀察使越人饑請出米三十萬石

拊贍貧民政聲流聞入為京兆尹

閻濟美元和二年四月自前福建觀察使授十月

追赴闕

薛苹元和二年正月自湖南觀察使授五年八月

移浙西觀察使案唐本傳以治行遷浙西加
御史大夫

李遜元和五年八月自前常州刺史授九年九月
追赴闕案唐本傳由衛州刺史以政最擢浙
東觀察使當貞元初福建軍亂前觀察使奏
益兵三千屯於境以折閩衝遂為長戍遜署
事即停之入為給事中舊唐書云為政扶弱
抑強境內稱理
孟簡元和九年九月自給事中授十二年正月追
赴闕案唐本傳以工部侍郎召

薛戎元和十二年正月自常州刺史授長慶元年
九月疾病去官案唐本傳所部州蠲酒禁者
罪死橋未貢先驚者死戎弛其禁卒治為吏
不尚約束詭名譽居官無灼灼可驚者罷則
懷之卒贈左散騎常侍

丁公著自禮部尚書翰林侍讀學士授長慶三年
九月追赴闕案唐本傳入為太常卿

元稹長慶三年八月自同州防禦使授大和三年
九月拜尚書左丞案唐本傳自同州刺史徙
觀察使明州歲貢蚶役郵子萬人不勝其疲

會稽志卷二
三
稹奏罷之舊經云所辟幕職皆當時文士鏡湖秦望之游月三四馬而諷詠詩什動盈卷秩副使竇鞏海內詩名與稹酬唱最多至今稱蘭亭絕唱

陸亘大和三年九月自蘇州刺史授七年閏七月移宣州觀察使案唐本傳文明嚴重所到以善政稱

李紳大和七年自太子賓客分司東都授九年五月復授太子賓客分司東都

高銖大和九年五月自給事中授開成四年閏正月追赴闕

李道樞開成四年正月自蘇州刺史授

蕭倣開成四年三月自楚州團練使授會昌二年七月拜給事中

李師稷會昌二年二月自楚州團練使授

元晦會昌五年七月自桂管觀察使授大中元年五月追赴闕

楊漢公大中元年五月自桂管觀察使授二年二

李杲月追赴闕

李栻大中二年二月自京兆尹授二年十月追赴

闕

李褒大中三年自前禮部侍郎授六月八月追赴

闕

李訥大中六年八月自華州防禦使授九年九月

貶潮州刺史

沈詢大中九年九月自前禮部侍郎授十二年六

月追赴闕

鄭處誨大中十二年七月自刑部侍郎授十二年

移浙西觀察使

鄭祇德大中十三年自太子賓客授

王式大中十四年自前安南經略使授咸通三年

六月移武康軍節度使案唐本傳劇賊裘甫

亂明越觀察使鄭祇德不能討選式往代擒

甫斬之加檢校右散騎常侍餘姚民徐澤專

魚鹽之利慈谿民陳瑛冒名仕至縣令皆豪

縱州不能制式曰甫竊發不足畏若澤瑛乃

巨猾也窮治其姦皆榜死咸通三年檢校工

部尚書徙武寧軍節度使舊經云甚有威略

惠政弟龜復為刺史人皆舞蹈迎之

鄭裔綽咸通三年三月自權知秘書監授

楊巖咸通五年九月自前中書舍人授六月二月

追赴闕

王渢咸通八年二月自前戶部侍郎授身百歲如

李綰咸通十一年五月自中書舍人授十三年十

一月追赴闕

王龜咸通十三年十一月自同榜防禦使授

裴延魯咸通十五年六月自中書舍人授

崔瑒乾符四年閏二月自右諫議大夫知匭使授

柳瑫乾符六年十一月自給事中授

劉漢宏廣明元年十一月自宿州刺史授中和三

年升為義勝軍節度使後為董昌所害

董昌光啟二年自杭州刺史破劉漢宏遂為義勝

軍節度使三年改為威勝軍乾盛二年削除

官爵

錢鏐乾盛三年以鎮海軍節度使兼領改威勝軍

為鎮東軍

皇朝

畢士安太平興國三年六月以右贊善大夫知是

月移台州

李準太平興國三年六月以起居郎知五年十二

月替

李孝連太平興國五年十二月以司農少卿知七

年三月丁憂罷

高適太平興國八年七月以殿中侍御史知雍熙

三年十二月二日替

江正雍熙三年十一月以虞部郎中知端拱二年

十二月二十五日替

薛智周端拱二年十二月以侍御史知淳化元年

六月二十日移婺州

韓崇訓淳化元年六月以崇儀使知二年二月移

泉州

虞文正淳化二年四月以侍御史知十二月日終

於官

封遂成淳化三年六月以太常博士知十二月丁

憂罷

王栢淳化四年四月以職方員外郎知至道元年

四月移秀州

郭異至道元年四月以工部郎中知二年三月移

京東路轉運使

元玘至道二年五月以膳部郎中知咸平元年四

月移秀州
馮礪咸平元年四月以供備庫副使知三年三月
替

裴莊咸平三年五月以度支郎中知五年八月替
康戩咸平五年九月以兵部員外郎知景德二年

四月替

王礪景德二年四月以職方員外郎知坐失舉離

任

張弼大中祥符元年六月以職方員外郎知三年

四月替

王贄大中祥符四年三月以祠部郎中知十二月

移福建路轉運使

李適大中祥符四年八月以度支員外郎知六年

四月替

皇甫選大中祥符六年四月以都官員外郎知八

年四月替

楊侃大中祥符八年四月以兵部員外郎直集賢

院知天禧元年二月替

陳靖天禧元年三月以兵部郎中直史館知四月

移蘇州

高紳天禧元年四月以刑部郎中直昭文館知三
年七月二十六日去任

盧幹天禧二年十月以虞部員外郎知三年二月

終於官

任布天禧四年四月以屯田員外郎知五年十一

月移建州

燕肅天禧五年十一月以司封員外郎知六年十

月移明州

謝濤乾興元年十二月以吏部郎中直昭文館知

天聖三年十二月一日替

尹錫天聖四年三月以屯田郎中知九月移兩浙

提點刑獄

宋可觀天聖四年十二月以金部郎中知六年十

一月替

成悅天聖六年十一月以度支郎中知九年三月

替

蘇壽天聖九年三月以比部員外郎知明道元年

十月移歙州

陳暉明道二年二月以都官郎中知景祐元年十

月責監潤州稅

葉參景祐元年十月以刑部郎中知二年七月替
趙賀景祐二年七月以右諫議大夫知十月移濠
州

李照景祐二年十二月以刑部員外郎集賢校理
知三年十一月移明州

蔣堂景祐三年十二月以吏部員外郎知四年五
月移蘇州

朗簡景祐四年五月以右諫議大夫知寶元二年
七月替

范仲淹寶元二年七月以吏部員外郎知康定元

年除天章閣待制移永興軍

陸軫康定元年六月以工部郎中集賢校理知慶
曆二年七月替

向傳式慶曆二年七月以工部郎中直集賢院知
四年八月替

晁宗簡慶曆四年八月以刑部郎中知九月終於
官

馬絳慶曆四年十二月以兵部郎中知六年十二
月替

陳亞慶曆六年十二月以司封郎中知八年十二

月替

富嚴慶曆八年十二月以太常少卿知皇祐三年

正月替

楊紘皇祐三年正月以刑部郎中知七月移荆湖

南路轉運使

魏瓘皇祐三年十月以給事中知四年六月轉工

部侍郎充集賢學士移廣州

王達皇祐四年八月以工部郎中直昭文館知五

年七月以遷葬去任

李兌至和元年六月以戶部郎中充天章閣待制

知嘉祐元年六月改龍圖閣直學士移廣州

許元嘉祐元年十月以工部郎中充天章閣待制

知二年二月移泰州

張友直嘉祐二年四月以工部郎中充天章閣待

制集賢殿修撰知四年七月終於官

刁約嘉祐五年正月以兵部員外郎集賢校理知

六年十二月替

沈邁嘉祐六年十二月以右正言知制誥知七年

七月轉起居舍人依前知制誥移揚州

張伯玉嘉祐八年四月以度支郎官知治平元年

章岷治平二年八月以光祿卿直秘閣知四年五

朱肱治平四年七月以太常少卿知十二月替

陳升之治平四年十二月以觀文殿學士尚書左

丞知熙寧元年正月移許州

鞠真卿熙寧元年四月以太常丞集賢校理知六

月移江西路轉運使

元絳熙寧元年八月以龍圖閣直學士工部侍郎

知二年正月移荆南府

邵亢熙寧二年四月以資政殿學士給事中知十

一月移鄭州

沈立熙寧三年四月以右諫議大夫知四年正月

移杭州

孔延之熙寧四年四月以度支郎官知五年十一

月召赴闕

謝景溫熙寧六年正月以工部郎中直史館知七

年三月除直龍圖閣移澶州

張諷熙寧七年四月以司勳員外郎知七月移蘇

州

趙抃熙寧八年四月以資政殿學士右諫議大夫

知十年六月移杭州

程師孟熙寧十年十月以給事中充集賢殿修撰

知元豐二年十二月替

丁竦元豐二年十二月以朝議大夫知四年十二

月替

鄭穆元豐四年以朝散大夫集賢校理知六年七

月管句洞霄宮

梁彥明元豐七年四月以朝議大夫知

穆珣元豐八年八月以中散大夫知元祐元年三

月移壽州

黃履元祐元年四月以龍圖學士朝請郎知二年

四月降授天章閣待制移舒州

章燾元祐二年八月以朝奉大夫知三年八月替

張詢元祐三年八月以朝散郎權發遣九月移福

建路轉運副使

錢勰元祐三年十一月以龍圖閣待制知

蔡卞元祐六年六月以龍圖閣待制知八年五月

移潤州

楊汲元祐八年六月以左朝散大夫充集賢院學

士知紹聖元年十一月復寶文閣待制移揚

州

章衡紹聖元年七月以左朝議大夫集賢院學士

知二年十一月復寶文閣待制移揚州

張修紹聖二年十二月以朝散大夫知三年四月

移明州

邵材紹聖三年六月以朝散大夫知

翟思紹聖四年四月以朝散郎直龍圖閣知元符

二年二月移應天府

上官均元符二年九月以朝散郎知三年五月除

祕書少監

張琬元符三年六月以朝散大夫權發遣十二月

移陝西提點刑獄

翟思建中靖國元年四月再以朝奉大夫直龍圖

閣知九月除祕書少監

邵材建中靖國元年十一月再以朝奉大夫權知

崇寧元年三月替

豐稷崇寧元年三月以樞密直學士朝散大夫知

七月移常州

周常崇寧元年八月以奉議郎充寶文閣待制知

十一月管句江寧府崇禧觀

宇文昌齡崇寧元年十二月以左中散大夫充寶

文閣待制知三年四月移杭州

詹文崇寧三年四月以朝散大夫直秘閣知

王資深崇寧四年四月以承議郎充顯謨閣待制

知

方會大觀二年四月以朝請大夫充集賢院修撰

知三年三月除徽猷閣待制知廣州十月再

知政和三年四月召赴闕

李圖南政和三年四月以朝奉大夫充顯謨閣待

制知十一月移廬州

呂益柔政和三年十一月以朝奉大夫充顯謨閣

待制知十一月移揚州

王仲巖政和四年八月以中大夫直秘閣知六年

五月召赴闕

劉韜宣和二年二月以太中大夫充徽猷閣待制

知四年五月召赴闕

章綜宣和四年 月以朝奉大夫直秘閣權發遣

宋昭年

張汝舟宣和五年七月以降授宣教郎直秘閣權

發遣六年

鄭可簡宣和七年十月以朝散郎充右文殿修撰

權發遣

李邴靖康元年八月以奉議郎充徽猷閣待制知

八月召赴闕

翟汝文靖康元年十月以顯謨閣學士中奉大夫

知建炎三年正月替

葉燠建炎三年正月以朝散大夫直顯謨閣知三

月召赴闕

李鄴建炎三年八月以奉議郎充徽猷閣待制知

傅崧卿建炎四年二月以朝奉郎直龍圖閣知四

鼓鼎月移婺州

陳汝錫建炎四年五月以朝請大夫直祕閣知紹

興元年始升州為府二年正月罷

張守紹興二年二月以資政殿學士左中大夫知

秦餘七月移福州

朱勝非紹興二年七月以觀文殿學士左宣奉大

夫知當月召赴闕

王綯紹興二年九月以資政殿大學士左中大夫

知四年七月奉祠

綦寔禮紹興四年八月以寶文閣學士左奉議郎
知五年七月奉祠

孟庾紹興五年七月以觀文殿學士左通奉大夫

知六年六月

秦檜紹興六年七月二十八日以觀文閣學士左

通奉大夫知二十九日召赴闕

孫近紹興六年八月以龍圖閣學士太中大夫知

十二月召赴闕

趙鼎紹興八年十一月再以檢校少傅奉國軍節

度使兩浙東路安撫制置大使兼知是月罷

周秘紹興九年正月以徽猷閣直學士左奉議郎

知十年四月奉祠

韓肖胄紹興十年五月以資政殿學士左奉議郎

知閏六月奉祠

張守紹興十年八月再以資政殿學士左正議大

夫知十一年四月召赴闕

孟忠厚紹興十一年六月以鎮潼軍節度使開府

儀同三司信安郡王判十二年四月充迎護

徽宗梓宮禮儀使

樓焯紹興十二年十月以資政殿學士左朝奉大

夫知十四年二月召赴闕

孟忠厚紹興十四年四月再以少傅信安郡王判

十月充醴泉觀使

詹大方紹興十五年二月以龍圖閣學士左承議

郎知十七年八月除工部尚書

林待聘紹興十八年二月以敷文閣直學士左朝

奉郎知十月奉祠

趙不奔紹興十八年十一月以敷文閣直學士右

大中大夫知十九年十月致仕終

俞侯紹興十九年十二月以敷文閣直學士右中

大夫知二十一年九月轉右通議大夫致仕

吳希終

湯鵬舉紹興二十一年十二月以左中大夫直龍

圖閣知二十二年三月罷

曹泳紹興二十二年六月以右朝請大夫直徽猷

閣知二十三年九月除直顯謨閣移臨安府

趙士璨紹興二十三年十月以左朝請大夫直敷

文閣知二十五年十二月罷

魏良臣紹興二十六年三月以資政殿學士左中

大夫知十二月奉祠

趙令詔紹興二十七年四月以左中奉大夫充祕

閣修撰知二十八年八月除戶部侍郎

王師心紹興二十八年八月以顯謨閣直學士左

大中大夫知三十年八月移福州

宋棐紹興三十年八月以左朝議大夫充集英殿

修撰知三十二年二月除敷文閣待制奉祠

湯思退紹興三十二年閏二月以觀文殿大學士

左金紫光祿大夫知隆興元年三月奉祠

吳芾隆興元年八月以左朝請大夫充集英殿修

撰知二年八月除權尚書刑部侍郎

徐嘉隆興二年十一月以左朝議大夫充敷文閣

待制知乾道元年正月罷

趙令詔乾道元年二月再以敷文閣直學士左太

中大夫知二年七月奉祠

洪适乾道二年十月以觀文殿學士左通奉大夫

知四年三月提舉臨安府洞霄宮

史浩乾道四年四月以觀文殿大學士左通議大

夫知六年四月除檢校少傅保寧軍節度使

再任六月提舉臨安府洞霄宮

蔣芾乾道六年十月以觀文殿大學士左正議大

張宗元知八年正月提舉臨安府洞霄宮正議大夫

方滋乾道八年二月以敷文閣直學士右太中大夫

王師夫知九年五月移平江府節制軍節度使

錢端禮乾道九年六月以資政殿大學士左通議

宋某大夫知淳熙元年六月除觀文殿學士二年

知淳熙四月奉祠十月除觀文殿學士二年

留正淳熙二年四月以顯謨閣直學士承議郎知

殿令是年六月罷二月除觀文閣直學士二年

張宗元淳熙二年六月以中奉大夫充敷文閣待

制知是年十二月差充大金賀生辰使淳熙

四年正月除在京宮觀直學士閣直學士二十

張津淳熙四年三月以敷文閣直學士中大夫知

淳熙五年三月召赴行在

李彥穎淳熙五年四月以資政殿學士通議大夫

知淳熙七年八月除宮觀直學士閣直學士

張子顏淳熙八年正月以敷文閣直學士太中大夫

知淳熙八月除顯謨閣直學士是年九月除在

京宮觀

王希呂淳熙八年九月以朝議大夫知九年九月

除敷文閣直學士十年八月提舉隆興府玉

鄭丙淳熙十年閏十一月以龍圖閣學士太中大
夫知十二年九月除宮觀

丘岳淳熙十三年正月以朝請大夫直龍圖閣權
發遣十四年四月除兩浙轉運副使

李彥穎淳熙十四年六月以資政殿學士通議大
夫知十二月除資政殿大學士提舉臨安府

洞霄宮

鄭汝諧淳熙十四年十二月以朝散郎兩浙轉運
判官兼知十五年正月除直秘閣就知二十

張杓淳熙十五年二月以朝散郎集英殿修撰知

五月召赴行在

王希呂淳熙十五年六月以龍圖閣學士太中大

夫知

洪邁紹熙元年二月以煥章閣學士宣奉大夫知
生信紹熙元年十二月以朝議大夫集英殿修撰

知三年正月除煥章閣待制

趙不流紹熙三年三月以太中大夫祕閣修撰知

紹熙五年五月召赴行在

葉翦紹熙五年七月以顯謨閣學士中大夫知慶
龍圖閣學士五月召赴行在

葛邲慶元元年七月以特進觀文殿學士判慶元

單夔慶元二年五月以太中大夫顯謨閣待制知

劉穎慶元三年九月以朝議大夫充集英殿修撰

張伯垓慶元三年十一月以朝請大夫除直華文

閣知十二月除右司郎中

耿延年慶元四年正月自江東運副知是年三月

應辦憲聖慈烈皇后梓宮有勞轉中奉大
夫六月丁母憂

汪義端慶元四年八月以朝奉大夫充集英殿修

撰知監國府除華文閣待制知慶元五年八
月職事修舉陞徽猷閣待制是月丁母憂

沈作賓慶元五年十一月以朝請大夫試太府卿

淮東總領除直龍圖閣知六年二月轉朝議

大夫三月除兩浙路轉運副使

趙不迹慶元六年五月以朝議大夫司農少卿湖
廣總領除直寶文閣知嘉泰元年正月應辦
光宗梓宮有勞除華文閣待制是年三月
移知潭州
袁說友嘉泰元年四月六日以寶文閣學士通奉
大夫知是年十一月三日召赴行在
李大性嘉泰元年十二月三日以中大夫試尚書
戶部侍郎華文閣待制知十二月廿三日到
任二年正月一日轉太中大夫三年三月十
六日準省劄備奉聖旨召赴行在

會稽志卷之二 以後並見續志

守鄉郡

漢自嚴助朱買臣以邦人守郡見於史至後漢時又
有陳業晉則孔愉愉子安國愉孫靖謝韜虞潭宋以
後孔生生弟靈符等皆是也至

本朝康定元年六月工部郎中充集賢校理陸公軫
來知州事朝士柳公植以下三十一人賦詩餞之於
都門今刻石府學而宋景文公亭餘內史流觴水路
入僊人取箭山之句傳天下公將終自草遺表有云
乃睠明越之壤實控東南之隅特奉咨俞存專牧守

仍賜金紫頓生光輝蓋公又嘗守明也後九十二年
建炎四年二月朝奉郎直龍圖閣傅公崧卿來知州
事及移婺州謝表有云病免帥藩恩移支郡是也距
今七十年未有繼者

本陳敷文公其六曰工將時中矣其資然致封公
其生也兼重孫著皆長也至其名起行在
其時著晉侯其帥帥子史國帥部帥撫帥兼帥采帥
其自蓋故者買其味入其味其茶史至其其

會稽志卷第二

八

會稽志卷第三



東西兩節使

節度使



唐節度使之名本起於西北用武之地如安西北庭
河陽三城盧龍范陽鳳翔河中朔方之類以地名也
河東河西淮南劍南東川劍南西川山南東道山南
西道揔數州為名也淄青澤潞之類合兩州為名也
護國天雄宣武橫海昭德鎮西大同之類特創美名
以寵其軍也然大抵多在中原耳自唐宋五代以來
漸及東南為姑息割據之術於是節鎮不勝其繁然
猶各有支郡其後四方僭竊則又擅置名號不錄於

職方獨錢氏擅有兩浙猶尊事中朝凡大事皆請命而中朝亦曲從之故境內節鎮尤多用以命其子弟若抗之為寧海越之為鎮東寂其大鎮也久之自尊但為國王而以寧海鎮東兩節授其子至其納土越州猶領鎮東軍節度而青鄆密之聯合兩浙為一朝廷以寵親王將相或外戚無歸鎮者

安撫使

初錢氏國除杭守帶鈐轄提舉兩浙路州軍兵甲賊盜而浙東限濤江議者以為非杭所能兼領皇祐三年十二月始分兩浙為東西兩路杭越守臣各兼兩

路屯駐泊兵馬鈐轄而越守自魏瓘始歷

五朝皆因之至宣和二年有方臘之變五月己亥臣寮言睦賊猖獗已見平靖慮班師之後餘孽尚在乞以杭越知州並兼本路安撫使鎮撫一方詔杭越州江寧府守臣並帶安撫使此浙東安撫使之始也

國朝初止以安撫使命河北雄州守河東代州守其後陝西沿邊亦有之及內地帥臣皆兼領

都總管

國初節度使領馬步軍都部署掌屯戍邊要訓練之政令以肅清所部

英宗皇帝即位避御名改都總管其後守臣兼一

路安撫使者皆帶馬步軍都總管浙東亦其一也

提刑司

宋興使者止有轉運使副使淳化二年置諸路提點刑獄以朝官充此提刑之始也景德四年又置同提點刑獄事以閤門祗候以上充比日察所部疑留獄訟勸課農桑按其官吏之不法別其廉良以達于朝其後再嘗省提刑然旋即復置而同提刑則屢廢不補雖置猶帶同字故武臣常居文臣之次及乾道以後復置遂去同字故武臣之權益重淳熙以後寢不復命矣祖宗時又嘗以提刑兼勸農使武臣提刑兼勸農副使後皆省去元祐初罷提

舉常平以其事來屬建炎初亦如之紹興中復置提舉常平司乃復其故浙東提刑司治所在府治之東二百三十七步前臨運河與逢萊館相望而武臣提刑則以添差通判廳為之其後武臣提刑既久不除乃復為通判東廳

提舉司

熙寧二年閏十一月壬子制置三司條例司言差官提舉諸路常平廣惠倉兼管公農田水利差役事河東梁端謝卿材江西張次山湖南吳審禮喬叙湖北田君平成成都路李元瑜梓路吳師孟田祐利路王直

溫張吉甫夔路韓正彥張援廣東游烈廣西閔杞福
建嚴君貺 詔從之皆召對遣一行或賜緋章服此提
舉常平之始也元祐初廢其官紹聖初復推行而設
官亦如初方是時立法甚嚴專以講補助之政秋毫
不許他用上下共守之至崇寧中始取以充學校養
士之費也而居養院安濟坊漏澤園至於花石應奉
皆於此取以有執奏之法乃降

御筆免執奏提舉江東常平主贍以為言

朝廷為降 詔戒敕然終亡益也侵蠹之餘至建炎

初四方所積猶以億萬計會復能提舉司所積頗為

請司侵取孫尚書覲時為給事中奏疏請復專置一

司言路論擊孫公坐去國然議者終以為不當廢乃

特置常平主管官一員隸提刑司實使之行常平司

事但避提舉官之名又之乃併提舉茶鹽司提舉茶

寧中所創置 為提舉常平茶鹽司其名始正初置使合兩

浙為一路治蘇州中徙杭州宣和末釐為東西二路

東路使者定治于越見毛平仲所撰題名記司治舊

在府衙東一里紹興末嘗以 賜皇姪恩平郡王璩

而遷提舉司於鎮東門外頗宏壯已而復以新提舉

司 賜恩平而司復還其舊今治所是也

通判廨舍

唐刺史雖有上佐然皆佐貳及方鎮權益重則佐貳尤卑屈故大曆中杜子美至云治中實棄捐也

藝祖有天下首置諸州通判以朝官以上充實使之督察方鎮非復唐上佐比故當時謂之監州典郡者至有欲求無通判處建隆中初復湖南未逾月即命賈玘等分通判諸州其委任之急如此太平既久其任稍削矣然著令猶不許知州薦舉通判蓋

驢遺意也越州舊止通判一員及經

輔藩增至三四員亦嘗有不釐務者往時

謂三司副使為選通判為倅選倅皆副貳之名然惟此兩官則稱之它雖副貳不可用矣謂通判為倅至今猶然而三司副使廢已久世或不知選之名故併記之

通判北廳在府東六十步

通判南廳在府南六十四步

通判東廳在府東南八十五步

路鈐轄廨舍

國朝置馬步軍副都部署觀察使以上充兵馬部署

及副部署皆橫班今右武諸司使今武翼大及刺史

充都鈐轄諸司使充都監以皆稱爲都監名閣門祇候

以上充凡此諸職

國初亦有以文臣充者後乃專命武臣宣和三年五月巳亥詔兩浙東路鈐轄皆視三路選差時初平

方臘也

路鈐轄解舍在府東北一里二百五十五步

正副將

元豐四年詔諸路團練結軍馬各置將副於東南置

十三將淮南東路第一西路第二兩浙西路第三東

路第四江南東路第五西路第六湖北路第七南路

潭州第八全邵永州第九福建第十廣東路第十

一西路桂州第十二邕州第十三各以兵隸之給

虎符爲驗其兵不滿三千人惟置單將熙寧七年

府畿京東西河北路兵分置將副自河北始自第

一將以下十七將在河北四路第十八將以下七

將在府畿自第二十五將以下九將在京東第三

十四將以下四將在京西合三十七將而卿延慶

至原秦鳳熙河又各列將合四十二總天下爲九

武爲三等及置部將隊將押隊訓練次諸將佐春

秋都試擇武力士千人內選十人皆以名聞待
旨解發其願留鄉里者勿疆遣也兄正副將皆選內殿崇班以上
嘗歷戰陣親民者充之仍許監司奏舉職制令將
副訓練約束措置兵政軍情不便違法聽州縣長

吏覺察以

聞今府將兵額三千人東南第四正副將各一員

蔡氏官制舊典云王荆公建言分籍諸路兵通一路圖結今東南將乃其遺制元豐中將兵法行荆公已罷相矣時北虜求忻代地富鄭公言因勅置將與遂生邊隙宜罷之便張文定公又言使敵人有以測知中國之兵數也後竟不果罷今百餘年蓋制軍之良法也

都監

都監自府州軍監至縣鎮城寨關堡並以閤門抵候以上充亦參用三班使臣監押則專用使臣而已都監監押悉充在城巡檢始其任頗重後寢衰削矣

三司屬官

安撫司

舊制都部署都總管司有參謀官兵馬鈐轄司有機宜文字走馬承受公事或不常置後罷承受公事置管勾官中興後創置參議準備差遣準備差使管勾改為幹辦機宜有主管有書寫一路多至十餘員而書寫一員例辟其子弟親屬為之後議者以諸司屬官員多宜省尋廢參謀官準備差遣差使乃罷辟差書寫惟存參議主管機宜幹辦公事員外置各二員而添差參議官獨不釐務

提刑司

部使者之屬舊有勾當官然不常置今幹辦公事
乃其職也浙東路提刑司幹辦公事一員或
雙員檢法官一員銓法注試中刑法或曾歷
法曹掾人

提舉司

熙寧初置諸路提舉常平農田水利差役崇寧中
置提舉茶鹽事紹興中併二司為一舊有勾
當公事一員於文臣通判幕職內選差如一
路十州軍許差雙員後改幹辦公事今茶鹽

常平司各一員

職官曹官廨舍

國朝大都督府官屬之制有長史左司馬右司馬錄
事參軍司戶參軍司法參軍司士參軍司理參軍大
都督闕則置知府一人通判一人而長史司馬皆省
節度兼觀察處置等使官屬之制有行軍司馬節度
副使節度判官節度掌書記節度推官觀察判官觀
察支使有掌書記則省觀察推官其實大都督節度觀察使
職務悉歸知州通判兼總之此越州州官舊制之大
略也若防團州以下其制殺減不同矣崇寧四年始

命諸州分六案以倣尚書省六曹然官名猶未改也
政和二年乃議分曹建掾猶修改久之乃定有司錄
事有司士曹事司戶曹事司儀曹事司刑曹事司工
曹事以上為曹官有士曹掾戶曹掾兵曹掾刑曹掾以上為掾
官司錄曹官承務郎以上掾官並差將仕郎建炎元
年九月詔州郡曹掾官改從舊制司錄依舊為簽
判曹掾依舊為推判官支使書記錄事參軍司理參
軍司戶司法參軍先是曹掾比舊既增負吏額亦從
而增至是又詔入吏亦減三之一擇不才多過犯
者罷之

簽書節度判官廳公事廨在府治之西南二百

七十步

觀察判官廨舍在府治之南二百六十六步

觀察推官廨舍在府治之東北一里二百十步

錄事參軍廨舍在府治之西南 宣詔亭下府

院在焉

司理參軍廨舍在府治之南獄在焉

司戶參軍廨舍在府治之東南一里一百十步

司法參軍廨舍在府治之東南二里一十步

縣令長

會稽

唐李俊之開元中為會稽令縣東北有防海塘自
上虞江抵山陰百餘里以瀦水溉田俊之增
修焉民賴其利其後令李左次又增修之

李左次見上

竇伯元河南洛陽人會稽令西南宣臨事不取

李堯年常山人會稽令東北一里二百七走

王濂字瀑源臨沂人會稽令二百六十六走

孫孝哲清河人會稽令已上四人見宰相世系表

吳鐐乾寧初為會稽令威勝軍節度使董昌反召

鐐問策鐐曰王具諸侯遺榮子孫而不為乃

自取滅亡昌怒叱出斬之併族其家

本朝曾公亮字明仲泉州人舉進士第五人以太

常寺奉禮郎知會稽縣事初試吏聽獄決訟

吏莫敢欺縣有鏡湖溉民田湖溢反為田病

公亮即曹娥江隄疏為斗門泄湖水入江田

不病後相

三朝官至太傅魯國公贈太師中書令謚宣

靖配饗

英宗廟庭

山陰

吳朱然為餘姚長遷山陰令加折衝校尉督五縣
孫權竒其能以為臨川太守

吾粲字孔休吳郡烏程人與同郡陸遜齊名為山
陰令後至會稽太守

晉沈叔任吳興武康人少有幹質為山陰令大有
治聲後為益州刺史

王鎮之字伯重琅邪臨沂人歷剡上虞令並有能
名會稽內史謝輔請為山陰令復著殊績

魏顛字長齊會稽人世稱四族之雋仕至山陰令
徐豁字萬同東莞姑幕人元嘉初為尚書左丞山

陰令精練法理為時所推後為始興太守廣
州刺史卒

傳僧祐北地靈州人有吏才再為山陰令在縣有
能稱子琰

琰字季珪遷山陰令尤以明察著名遷尚書
左丞及齊太祖輔政以山陰獄訟煩積復以

琰為令有賣針賣糖二姥爭團絲詣琰琰縛
團絲於柱鞭之密視有鐵屑乃罰賣糖者又

二野父爭雞琰各問何以飼雞一人云豆一

人云粟破雞得粟罪言豆者縣內稱其神明
琰父子並著奇績江左鮮有世云傅氏有治
縣譜子孫相傳不以示人後為廬陵王長史
南郡內史行荊州事

孔僉會稽山陰人自五經博士為山陰令
齊沈憲吳興武康人少有幹局歷烏程令太祖以
山陰戶衆難治欲分為二縣世祖啓曰縣豈
不可治顧用不得人爾乃以憲帶山陰令治
聲大振孔稚珪請假東歸謂人曰沈令斷事
特有天才後為散騎常侍孫浚

浚字叔源博學有才幹仕梁歷山陰吳建康
三縣並有能名累遷御史中丞

周顒字彥倫汝南安城人建元中為山陰令
劉玄明臨淮人有吏能為山陰令大著聲績傅琰
子翹代之

傅翹

見上

王詢永泰初為山陰令太守王敬則將舉兵反召
詢問吾欲發丁丁可得幾人傅庫物錢有幾
詢荅縣丁卒不可得傅庫物多未輸入敬則
怒將出斬之乃起兵過浙江

丘仲孚字公信吳興烏程人王敬則反以拒守有功遷山陰令居職甚有聲稱百姓為之謠曰二傳沈劉不如一丘前世傳琰父子沈憲劉玄明繼宰山陰並有政績言仲孚皆過之也梁武帝即位著令小縣有能遷大縣大縣有能遷二千石仲孚於是擢為長沙內史

梁謝歧會稽山陰人為尚書金部郎山陰令侯景亂歧寓東陽景平依張彪彪在吳郡乃會稽庶事一以委之

沈僧昭吳興武康人為山陰令

劉爽東莞莒人為山陰令

王淮之字元曾琅邪臨沂人為山陰令有能名預討盧循以功封都亭侯

江統字應元陳留圉人山陰令

千寶字令升新蔡人領國史補山陰令

宋張岱字景山吳郡吳人為司徒左曹掾累遷山陰令職事閑理時人稱之

顧凱之字偉仁吳郡吳人為山陰令邑素號繁劇前後官長晝夜不得休事猶不舉凱之理繁以約縣曹無事晝日垂簾門庭閑寂自宋出

為山陰令務簡績脩莫能尚也還為尚書吏部郎卒官湘州刺史

江秉之字玄叔濟陽考城人歷烏程建康令遷山陰令民戶三萬訟訴殷積堦庭常數百人秉之御繁以簡處之晏然以在縣有能補臨海

太守

陸邵景平初為山陰令富陽賊孫道慶等攻沒縣邑直抵山陰會稽太守褚淡之自假凌江將軍以邵領司馬邵與行軍將軍漏恭期合力

大破賊於柯亭

陳褚玠字溫理大建中為中書侍郎時山陰多豪猾前後令皆以贓汙免宣帝患之以玠清廉有幹用遂擢為令縣人張次的王休達等賄賂通姦全丁大户多有隱沒玠乃鎖次的具狀啓臺宣帝手勅慰勞并遣使助玠搜括所出軍人八百餘戶時曹義達為宣帝所寵縣人陳信諂事義達信父顯文恃勢暴橫玠執顯文鞭之吏民股慄莫敢犯者

唐韋友順京兆人山陰令

見宰相世系表

張遜乾寧初為山陰令董昌反自號大越羅平國

改元順天署置百官召遜知御史臺遜固辭
曰王自棄為天下笑且六州勢不助逆王據
孤州祇速死爾昌怒曰遜不知天意以邪說
拒我囚之它日謂人曰我縱無遜何乏於事
乃害之

刻縣

吳卜靜字玄風吳郡人為刻令

賀齊字公苗山陰人為刻長縣吏斯從為姦立斬
之從族黨遂相糾合千餘人攻縣齊開城門
突擊大破之

晉周翼郗鑒外生少遇饑亂賴鑒得存郗亡翼為
刻縣令解職歸心喪終三年後歷青州刺史
少府卿卒

謝奕字無奕陳郡陽夏人少有器鑒郡太尉掾為
刻令有一老公犯法謝以醇酒罰而遣之累

遷豫州刺史追贈鎮西大將軍

李弘度常嘆不被遇殷楊州知其家貧問君能屈
周顛志百里否李荅曰北門之嘆久已上聞窮猿
奔林豈暇擇木遂授刻縣令

殷曠之仲堪子有父風仕至刻令

宋王鎮之字伯重祖耆之位中書郎父隨之上虞

令鎮之為剡令並有能名

宋武帝時

周顥字彥倫宋明帝頗好玄理以顥有辭義引入

殿內親近宿直帝所為慘毒之事顥輒誦經

中因緣罪福亦為之少止元徽中為剡令有

恩惠百姓思之

齊張稷字公喬幼有孝性母疾時稷年十一侍養

衣不解帶每劇則累夜不寢及終毀瘠過人

杖而後起州里謂之純孝齊永明中為豫章

王嶷主簿以貧求為剡令會山賊唐寓之作

亂稷率厲部人保全縣境

梁王懷之剡令張彪傳

陳徐陵剡令

唐張子胄剡令

本朝丁寶臣字元珙晉陵人進士起家以太子中

允來知縣事始至流大姓一人除弊興利甚

衆其歿也王荆公誌墓

諸暨

吳陸凱已見蕭山門

齊卞彬字士蔚建武末為諸暨令

梁蕭眎素性靜退少嗜慾好學能清言榮利不關
於中喜怒不形於色天然簡素累遷中書侍
郎在位少時求為諸暨縣令到縣十餘日挂
衣冠於縣門而去裴子野為諸暨令不行鞭
罰民有爭者示之以理百姓稱悅闔境無訟
唐李罕諸暨令在晉刻入並士或宋心太子中
本朝丁寶臣已見刻縣其治諸暨如刻越人滋以
刻餘為循吏

梁王勳蕭山

吳陸凱字敬風吳郡人丞相遜族子也為永興諸
暨長所在有治迹吳書

晉王雅字茂達東海刻人補永興令以幹理著稱
本傳

本朝杜守一景德二年以大理丞知先是縣東五
里有虎守一為政之二年虎負子西渡浙江
而去鄉人相賀名其里曰去虎里

郭源明字潜亮嘉祐六年知蕭山縣縣之宿豪有

父子為姦利者悉置於法民有育孤女利其

貲過時不嫁者諭以禮律女遂得所歸太守

刁景純約聞之曰郭蕭山獸民望矣

餘姚

吳朱然嘗與孫禮同書學結恩愛至權統事以然為餘姚長時年十九後遷山陰令

朱亘為餘姚長遇疾疫穀食荒貴分部良吏隱視醫藥殮粥相繼士民感之

晉山遐為餘姚令時江左初基法禁寬弛豪族多挾藏戶口以為私遐繩以峻法到縣八旬出口萬餘

孫統為餘姚令性好山水居職不留心碎務蹤意游肆名山勝川靡不窮究

字恩克選補太學博士出為餘姚令

謝勝為餘姚令王羲之臨河叙曰餘姚令謝勝等

十五人不能賦詩罰酒各三斗即蘭亭之會

也見劉孝標世說注石本蘭亭詩作前餘杭令謝勝

宋韓景之為餘姚令

張永為餘姚令有稱績

劉仲道為餘姚令

明震為餘姚令

深沈瑀字伯瑜吳興武康人為餘姚令縣大姓虞

氏千餘家請謁如市瑀以法繩之又縣南豪

族子弟縱橫瑀召其老者為石頭倉監少者
補縣瀟權右屏跡

劉杳為餘姚令在縣清絜湘東王發教褒稱之
唐李穩為餘姚令

李棕為餘姚令

本朝

謝

景初

字師厚陽夏人其知餘姚縣也宛陵

先生梅聖俞以詩送之略曰我從淮上歸君
向海滙去安知無幾舍邂逅不相遇頗如飛
空雲到月不得附月行既不留雲亦值風故

師厚故知

制誥希深絳之子弟師直

景溫

師同

景年

師復

景思

皆知名士褚子棕惜亦

皆有名師厚詩極高豫章黃魯直娶其女自
以為從師厚得句法而師厚之姑實歸聖俞
觀送行詩其淵源所從來遠矣今後進乃有
詆訾聖俞者至以為不可不觀者陳無已詩
不可觀者聖俞詩豈不陋矣哉故略為辨之

上虞

後漢度尚為上虞長為政嚴峻明於發擿姦非吏
人謂之神明

吳顧雍為上虞長有治迹

濮陽興為上虞令後為會稽太守位至丞相

劉綱為上虞令師事白君受道歷年道成與妻樊

夫人俱升天而去

晉顏含為上虞令簡而有恩明而能斷然多以威

御下

傅晞為上虞令甚著政績

周鵬舉為上虞令

華茂為上虞令與王右軍會蘭亭賦四言詩

徐祚之為上虞令

王隨之為上虞令

宋王鎮之為上虞令有能名

虞季為上虞令

卞延之濟陰宛句人弱冠為上虞令有剛氣會稽

太守孟覲以令長裁之積不能容脫憤投地

曰我所以屈卿者政為此憤耳今已投之卿

矣卿以一世勲門而傲天下國士拂衣而去

王晏為上虞令孔覲自會稽發兵反晏起兵攻郡

覲率千人趨石澗竄于山崎村村人縛以送

晏斬之東閣外

齊周洽為上虞令廉約無私

進士

晉史謂會稽有佳山水名士多居之王羲之晚渡江
遂有終焉之志顧愷之謂千巖萬壑競秀爭流而一
時人物如孫綽李充賀循許詢輩皆文藝冠世說友
幼讀史長而從仕謂今會稽實拱行闕仕而有職
于東蓋無難者亦庶幾見所謂以山水名天下與人
物風流之盛者乎而宦海萍遊迄三十年而志弗遂
淳熙十六年春始得辱乘傳典倉事於是登秦望探
禹穴識其委蛇盤礴之觀而得其溫厚粹美之氣蓋
其鍾靈孕秀雲行川流胚胎醞釀發而為英傑宜有

獨盛於斯世者

國朝崇儒右文賦古為重而東南儒風宏赫盛美會
稽為最焉杜祁公以道德文章功業行實克相

昭陵德在生民勲在史冊足以儀萬世而垂後學如

李公光入參大政孫公沔晉貳樞莞顧公臨典制北

門陳公揚旋執灑中司傅公墨卿正位常伯陸公佃

石公景略皆以文學冠春官夏公璽齊公唐皆以賢

良應大科傅公崧卿以藝魁舍選儒學之秀頡頏上

下此非騫翔奮厲之所蘊而雄深秀麗之所鍾耶建

炎初

六飛渡江嘗駐蹕于越而越今為陪都蓋古三輔也
山川之所形見風化之所漸被其儒風士業流聞彭
布益以昌大要非餘郡可比王公佐詹公駉相望二
十餘年之間皆以大策冠多士王公俊石公延慶莫
公叔光皆以進士中宏博石公公輒以奏恩擢魁
名而三歲大比賜第于太常者率十餘人其連取世
科伯仲聯第者又間見層出人物之茂實為衣冠盛
事其亦有以權輿於此哉郡之前進士石朝英陸泮
張澤澤闔辭以告說友曰越之山川則有郡之圖志在
越之名卿才大夫則有國之信史在若無侯於登

載者然鄉之宗老則懼晚學之未聞也人寢遠而寢
忘事愈久而愈墜其不沒前人之事者幾希朝英等
將以郡之進士列名于石且請于府帥閣學尚書王
公願飭工鑱石寘諸郡庠之講堂於以示勸激之意
然非文不傳也敢以請說友幸以將指來越而楚實
有材又所身見而目識者其何可辭則與之言曰夫
讀古人之書肄當世之業豈直取科級鈞爵位以夸
榮侈盛於鄉曲哉其致君澤民行道及物實自讀書
肄業始漢世設科射策勸以官祿史氏譏之韋氏教
子一經志於青紫後世貶焉士之學固有遠者大者

今天子龍飛御天適當興賢之歲越之士將企前慕
昔以接踵賢躅而振袂流風者其蓋思所以遠者大
者乎雖然越有君子六千人昔人謂其有志行猶齊
之士吳之賢良也嗚呼千載之後其必有仍盛美於
前人者說友猶拭目以觀之題名起於慶曆二年前
乎此者攷諸登科記則鄉里多不載故不書而杜祁
公則大中祥符元年甲科四名進士蓋可攷云是年
十一月望日朝議大夫權兩浙西路提點刑獄公事
袁說友記

題名舊刻始於慶曆用登科記修也前此已

不詳其鄉里故雖祁公亦不復書闕所不知
是固未害然祁公不書何以寓高山景行之
瞻教授劉君庶請于府帥待制待郎單公夔
礪舊石而增修之訪遺逸於邦之長者得陸
公軫以下凡七人遂列祁公於其首自建隆
開國距慶曆餘八十年其間策名多矣未易
攷也仍存闕疑之義自慶曆至今百五十餘
歲登載日益盛今年

上以

孝廟故未親策多士而莫君子純實為南宮

第一三魁相望於四十餘年之間是碑重修其風遠矣介既為書舊記於碑首復叙大略以輔教事慶元丙辰臘月既望承議郎添差權通判紹興軍府兼管內勸農事王介書

姓氏

舊經載會稽之姓十四而不著其望之所出按氏姓書及書傳所載其望實出會稽者虞夏茲資駱五氏而已孔謝朱賀鍾離雖不云望出會稽而世居此者皆有顯人鍾氏粗有所見而榮俞戚三氏於此未有聞焉康莊闕留搖黃表皆望出會稽而舊經不載忽之凡二十有一今併考姓氏所自出與其昔之間於世者疏于後然會稽今官學最盛者杜氏石氏陸氏唐氏諸葛氏等各自有譜故不復出

虞氏帝舜之後商有虞仲實出太王之後子孫亦氏虞史記有趙相虞卿漢有虞延吳有會稽虞翻及唐虞世南望出會稽陳留

夏氏夏后氏之裔或云陳宣公之後有夏徵舒故其後亦以夏為氏後漢有夏馥夏牟晉有會稽夏統望出吳郡會稽

本朝夏竦為樞密使竦子安期為龍圖閣直

學士又有賢良夏噩亦以文稱

孔氏衛之孔氏出於孔達鄭之孔氏出於子孔吾

夫子乃出於宋之孔父嘉前漢有孔光孔安

夏乃國後漢有孔融晉有孔愉融與愉皆自以為

出於夫子之後愉之先世避亂徙居會稽遂

為會稽人孔靖孔淳之等皆其後也

本朝有孔道輔為御史中丞有直聲孔取居

汝州以隱操聞於慶曆中皆夫子之後

榮氏左傳有榮駕鵝孔子弟子榮旂列子有榮啓

期北史有榮毗唐有郎中榮九思

本朝在榮謹為光祿卿榮蕤為將作監監出

樂安

謝氏炎帝之後周申伯公食采於謝因而氏焉後漢

有謝夷吾謝奉皆會稽人東晉謝安

本朝太子賓客謝濤濤子絳知制誥絳子景

初景溫景平景回景初子棕愔皆知名望出

陳留

鍾氏出潁川左傳有鍾儀漢有鍾興鍾皓魏有鍾

繇南史文學傳有鍾嶸唐有鍾紹京江南有

禮部侍郎會稽鍾謨

本朝有鍾傳為西帥鍾世美以上書見拔擢
茲氏左傳魯大夫茲無逸今望出會稽

俞氏出姓苑古有俞附善鑿今望出河間南史孝
義傳有俞僉唐有俞文俊江寧人

本朝龍圖閣待制俞獻可弟刑部侍郎獻卿
新安人

戚氏衛大夫食采於戚因氏焉漢有臨轅侯戚鯤
南史儒林傳有戚衮

本朝睢陽人戚同文號正素先生子維為職
方郎中綸為樞密直學士望出齊郡其後雷

學世有人或問曾南豐以

宋之世家南豐以戚氏對

資氏黃帝裔孫有食采於資者後以為氏姓纂漢
有資成南陽人望出陳留會稽

駱氏姓苑云吳有東陽駱統唐駱賓王望出河南
會稽

本朝駱偃登進士第

朱氏出沛郡義陽吳郡河南四望本自高陽之後

封于邾後為楚所滅乃去邑氏朱焉范蠡去
越改姓朱曰陶朱公子孫亦或以朱為氏史

記有朱亥平原君朱建漢有會稽太守朱買
臣會稽朱雋及宋朱百年
賀氏齊之公族慶封之後漢有侍中慶純避安帝
諱改爲賀氏吳賀齊賀劭唐賀知章皆會稽
人望出河南廣平知章之後有鑄以詩文得
名於元祐中自稱鑑湖遺老又有道士賀仲
清者會稽人亦自言知章之後紹興中猶在
鍾離氏漢有鍾離昧會稽鍾離意及吳志有鍾離
牧鍾離徇舊經有鍾離表皆郡人紹興中有
鍾離松仕至朝請大夫致仕

高宗慶壽松以耆老聽再仕力辭

康氏周文王子衛康叔之後又梁有康絢其先出
自康居初漢置都護盡臣西域康居遣子入
侍待詔河西因留不去其後遂氏焉晉亂遷
于藍田唐儒學傳有會稽康子元

關九

本朝有兵部員外郎知越州康戩建炎中有
康執權爲中書舍人允之浙西安撫使知杭
州望出會稽東平京兆唐康日知靈州人有
功深趙封會稽郡王子志睦會稽郡公孫承

訓會稽縣男

莊氏楚莊王之後以謚為姓六國有莊周望出會稽東海天水至後漢避顯宗諱改氏嚴嚴光本亦姓莊乃後人追改以避諱也又前漢有嚴忌嚴助望出馮翊

闕氏左傳齊大夫闕止有吳闕澤會稽人北史有闕駟唐有闕稜

本朝尚書郎闕洞望出會稽天水

留氏出自會稽本衛大夫留封人之後漢功臣表疆圉侯留盼其後避地山陰遷居東陽陳將軍留贊留異五代留從效為泉州節度使

搖氏姓苑云句踐之後有東海王搖子孫以為氏漢功臣表有海陽侯搖毋餘望出會稽

黃氏姓苑云句踐之後封於黃因以為氏或云亦嬴姓十四氏之一也楚有春申君黃歇漢有夏黃公大司農黃昌皆會稽人及黃霸黃憲三國黃忠黃蓋望出會稽江夏按黃氏所在有之然仕至丞相者惟西漢黃霸及

高宗初黃潛善二人相距千五百年

裘氏出姓苑衛大夫食采於裘氏因以為氏望出

渤海號略姓纂云會稽有裘氏今會稽有旌

表門閭表氏別見

秦力出故表氏大夫會采秦力因公孫力

高宗時黃香善一人醉驅千五百手

有文派出至... 西黃黃羅及

三國黃忠黃... 會... 黃力故

夏黃公大白... 會... 黃

蕭致十四丸... 會... 黃

黃... 會... 黃

黃... 會... 黃

計乃... 會... 黃

會稽志卷第三

會稽志卷第四

軍營

唐太宗時於府兵外置北門四軍則募兵也其後募兵寔盛為萬騎為左右神冊天子不可自將故命中官握之謂之北司北司始盛不可制而府衛為南衙兵寔廢不備朱梁懲唐北司之弊乃取禁旅天子自將之所謂侍衛馬步軍是矣周世宗又謂之殿前軍蓋亦侍衛之比而加精銳然當時藩鎮亦皆募兵倚以跋扈雖世宗不能盡制也

祖宗有天下因周之制又盡收天下雄勁士卒列營

京畿足以坐制四方矣又謂郡亦不可無備則為之制其別有禁軍廂軍禁軍蓋因梁周之名而廂軍則因藩鎮舊名廂者乃當時分軍之名今內則龍神衛四廂及外郡有第幾廂之類皆部分耳禁軍猶曰京師之兵而廂軍則郡國所有雖衣糧有差降然皆選擇及歷歲久禁廂軍皆郡自募始猶自京師分遣壯卒為募士之準謂之兵標繼易以木擬木於是禁軍則教閱以備征戍廂軍給役而已禁軍有退情者降為廂軍謂之落廂自熙寧後置將官而禁軍又有係將不係將之別則禁軍亦分為二矣初梁太祖令諸軍悉黥面為細字各

識軍號五代至

本朝因之方募時先度人材次閱馳躍次試瞻視初

手指問之而已其後又刻木作手加白堊舉以試之然後黥面而給衣履緡錢

謂之招刺利物至今皆不改若或惜費罷募使軍士子弟失職或至於溢額冗濫者皆非也

禁軍

雄節係將第一指揮營在第五廂秦望門熙寧二

年置額五百人

威捷係將第二指揮營在第一廂都亭橋大觀二

年置額五百人

威果係將第念二指揮營在第四廂鯉魚橋東宣和五年十一月宣置各是四年二月詔增置戍將至是下江浙諸州各置威果全捷各兩指揮隸侍衛步軍司太守翟汝文置營於此額五百人

威果係將第念三指揮在第三廂水溝坊南宣和五年置額五百人

全捷係將第四指揮營在第五廂秦望門宣和五年十一月置節鎮兩指揮餘州一指揮處以威果全捷為名餘州並以威果為名隸

殿前司額五百人

全捷係將第五指揮在第三廂水溝坊南額五百人

威果不係將五十四指揮在第五廂臥龍坊宣和五年置額五百人

全捷不係將十三指揮在第五廂秦望門宣和五年置額五百人

防守步軍司指揮在

橫宮禁園外紹興二年以後置

永祐陵二百五十五人

永思陵八十五人

永阜陵八十五人

永崇陵七十八人

永廟軍五百人

崇節第七指揮在第五廂奉壘門熙寧二年置額

五百人

崇節第八指揮在第一廂錢武肅廟東熙寧二年

置額五百人

壯城指揮在第一廂北善法寺側熙寧元年

詔江浙兵官選少壯廂軍堪習武藝人充依

例教閱量留重役以備使令宣和格壯城指

揮帥府三百人節鎮二百人餘州一百人額

四百人

牢城寧節第二指揮在第一廂馬坊橋東熙寧四

年詔放廂軍名額自騎射至牢城二百三

十三色額二百五十人

屯駐營在第五廂附威果營先係海州兵養老紹

興初屯駐額二十人

作院指揮熙寧六年置額二十五人

剩員指揮

堰營

都泗堰營在會稽縣東額二十五人

曹娥堰營在會稽縣東南

梁湖堰營在上虞縣西額五十人

錢清南堰營在山陰縣西

錢清北堰營在蕭山縣東額五十人

打竹索營在上虞縣東

通明堰營在上虞縣東額二十五人

西興捍江營在蕭山縣西額二百人

土軍

三江寨屬山陰縣額一百八十二人

曹娥寨屬會稽縣額八十人

龕山寨屬蕭山縣額一百三十二人

西興寨屬蕭山縣額一百三十二人

西興都巡寨屬蕭山縣額一百三十八人

魚浦寨屬蕭山縣額四十八人

廟山寨屬餘姚縣額一百人

三山寨屬餘姚縣額一百人

眉山寨屬餘姚縣額二百人

長樂寨屬嵊縣額二百人

管界寨屬諸暨縣額一百人

新林寨屬蕭山縣額一百人

紫巖寨屬諸暨縣額一百人

會稽縣額九十五人

山陰縣額九十五人

嵊縣額九十八人

諸暨縣額一百一十三人

蕭山縣額七十人

餘姚縣額一百人

上虞縣額七十人

新昌縣額六十七人

倉

苗米倉在府衙東二百步

如坻倉在府衙東北一里

建秦少游書榜今猶存焉

淳熙四年修

支鹽倉在府衙東二里

常平倉在府衙東二百步

夏麥倉在府衙南二百步

受納糯米倉在西門外一里

庫務場局等

都稅務在府衙東一里九十步

都酒務在府衙南一百二步

比較務在府衙南一百步

和旨庫在府衙東二百六十步

激賞庫在府衙東二里十步

公使庫在府衙

軍資庫在府衙

甲仗庫在府衙

架閣庫在府衙設廳北

常平庫在府衙西二十五里

茶鹽庫

經總制庫在通判北廳

移用庫在通判北廳

五分錢庫在通判北廳

激賞錢庫在府衙西

回易庫在府城東北

醋庫在府城東

造袋局在府東北

提舉司惠民局在府東

湯浦紙局

新林紙局

楓橋紙局

三界紙局

合同場在

都物料場在府衙南子城內

受納稅場在府衙內

抽解竹木場在府橋

收糴糯米場在迎恩門外

受給場在府城東二十五里

排岸司在城南臥龍坊

浦陽府在城西四十里唐書志會稽有府一日浦

陽蓋唐之兵府也今廢

都作院在府衙南

省馬上院在府衙西

省馬下院在府衙西

潛火隊在府衙西

衢巷

府城

隸會稽山陰

越城之中多古坊曲圖經所載間可攷知曰千秋

坊

以千秋亭名蔡邕

曰禮遜坊

以陳器

曰解

坊

得椽竹以為笛

曰龍華坊

以古龍華寺名按江撫修心賦梁太

清二年嘗避地此帝

曰玄真坊

本傳後天名回軒巷曰

澄波坊

池以方平

經行其間宛然猶故處也曰

臥龍

名以山

曰錦鱗

名以橋

曰照水

名以湖

曰都賜

名以隸

曰義井

名以井

曰天長

名以觀

曰賢良

以齊唐名

曰富民曰觀仁曰清道曰德政此皆舊坊至

今存者其他更易蓋漫不可知矣按圖經隸

會稽坊二十隸山陰坊十有二厥後增益視

舊三倍不可勝記迺若甘露坊考舊云古鍾

離坊

以鍾離意

竹園坊

以陳器

筆飛坊

以江淹所

居雖復後出於古有取焉若日池坊月池坊

地皆錢武肅王所鑿故坊以池名

因吳越而重也名之美者

曰秦望

名以門

曰蕙蘭

名以橋

曰杏花

名以寺

曰花

市

以市名

淳熙乙未郡人詹君

駢

既冠多士德

政坊始更名狀元坊後二十一年而莫君子

純繼之於是復立狀元坊矣

刻縣一十坊皆如舊經進德益詠禮義清河嘉會

北慶集賢通安豐豆安齊禮

諸暨縣二十坊八如舊經九更名三創立招賢西

施以西子所遊處名范隣以近范臺名永寧臨津永壽安

仁勸農舊製錦集貨華纓浣溪綵織道山台

輔使星芝山更相門神秀狀元創

蕭山縣三坊皆如舊經清風以許詢宅名招賢以江淹宅名並

見寰宇記通闡

餘姚縣一十坊九如舊經一更名履仁清和待士

崇禮訓俗通德太平時清永寧舊雙桂更

上虞縣一十三坊皆如舊經尚德尊賢照位崇義

卹孤純孝好學屬文農務廉賈思仁重義習古

新昌縣四坊皆如舊經康樂以謝靈運所游止名霸越千秋

太平

凡外諸縣坊曲所以得名不能盡舉若

諸暨之西施范隣蕭山之招賢清風新

昌之康樂蓋古迹尤著云

館驛

府城

蓬萊館在臥龍山之左史魏公建蓋府東亭舊址高宗皇帝巡幸嘗泊

御舟於此呂曠浩奏事嘗曰臣等昨夕宿提刑司在御舟旁數步即謂此也東問

津亭北通川亭皆臨府東大河即古篔水光

映發望之如圖畫舟車既屆必有次舍焉而

實一州佳觀也子城東門有豐宜館今為觀
察判官署城西迎恩門東五雲門皆有亭以
送迎

御香則繇

陵寢寓是也按圖經唐觀察使李紳嘗於府

東建候軒亭今廢

夔明子葆光錄稱皮光業時夢亭上偶人皆列拜

覺而自負後果知東府事故老云翟忠惠公
時越亭尚亡恙公出有風骨其繼寘攔干上
或謂亭神實為崇也公怒即
日撤毀之今市人猶稱軒亭府東北有安輶

驛是為輶亭亦廢

諸縣

會稽縣有東坊驛在縣東六十里今廢館二以行

朝陵官屬在縣東三十五里有上馬亭

山陰縣有仁風驛在縣北三里柯橋驛在縣西二

十五里錢清驛在縣西北五十里

剡縣有訪戴驛在縣東南五十五步戴溪亭在縣

南二百十步

諸暨縣有待賓驛在縣西南六十步今廢興樂驛

在縣南五十里今廢亭閣驛在縣南二十里

今廢使華館在縣東百六十步楓橋驛在縣

東北五十里

蕭山縣有夢筆驛在縣東北百三十步臨川亭在
縣西北九十步蕭山館在縣西北百二十步
駐旌亭在縣西一十二里日邊驛在縣西一
十二里候春亭在縣之東門漁浦驛在縣南
三十六里

餘姚縣有寧波驛在縣西五十步今廢津亭二在
縣北一里

上虞縣有金壘驛在縣東二百步池湖驛在縣西
南五十里之明亭在縣東一里適越亭在縣

西一里

新昌縣有南明驛在縣西一百步天姥驛在縣東
南五十里

諸縣亭驛興廢大略在是其間歲月非
有故實不復具書若戴溪亭夢筆驛一
時風流皆可想見也

郵置

周官行夫掌邦國傳遽注曰若今時乘傳騎驛而使
者也乘傳騎驛而使必有頓止之次故傳置驛因皆
為次舍之名田儉傳橫至尸鄉廐置張敖傳要之置
厠魏相傳客詐止傳文帝二年十一月詔曰太僕見

馬遺財足餘皆給傳置之類是也顏師古注云置者
置傳驛之所蓋至唐而後謂頓止之次為驛也唐季
五代以前猶以民給其役謂之遞夫

皇朝建隆二年乃悉以軍士充謂之鋪兵而為之制
非法不許輒入驛役鋪兵與法所許而過其數者皆
抵罪有急脚遞馬遞步遞三等元豐六年八月始用
金字牌牌用朱漆以金飾字靖康元年嘗改用雌黃牌朱字高宗皇帝中興乃復舊制急脚遞傳送

御前文字尤速於急遞矣蓋放古羽檄之意也稽留
尺一罪至配流甚者上其罪能不廢其事亦次第推

賞紹興五年諸軍斥堠鋪專承軍書其刑賞亦如之
三十二年十一月又放斥堠之法立擺鋪遞軍書與
他文書之最急者降此則步遞也而謂之常程然步
遞亦有京遞省遞之別如今甲所云文書當遞赴京
者因謂之京遞紹興五年有

旨諸路機速文書許入二百遞
尚書省急遞故又因謂之省遞焉今州境屬縣八九
為鋪四十三鋪兵三百八十一人東南接明台婺西
達于行在所

獄

府院在府衙南

司理院在府衙南

市

照水坊市在城東南二百步

清道橋市在城西一里

大雲橋東市在城南二里屬會稽縣

梅市在城西十五里屬山陰縣梅市鄉鄉有梅福

里舊經云梅福傳有人見福會稽變姓多為

市門卒十道志云即梅福為監門處陸左丞

適南亭記梅山少西有里曰梅市即此

古廢市在都亭橋南禮遜坊舊經云薊子訓貨藥

於此列仙傳大薊子訓齊人賣藥於會稽市

時乘青驃往來忽然不見

大雲橋西市在城北屬山陰縣

龍興寺前市在城北二里傍有市門橋其北街曰

市北街寺今廢

驛地市在城北二里

江橋市在城北五里

堰

會稽縣

曹娥堰在縣東南七十二里唐光啓二年錢鏐破

韓公汶於曹娥埭與朱褒戰進屯豐山後埭

遂為堰治平中齊祖之撰曹娥重修解字記

去自陽武之越隄開封之翟橋摠為堰者二

大雲十七曹娥其一也

東郭堰在縣東南三里

陶家堰在縣東四十里

都泗堰在縣東三里宋何太祖至都賜埭去郡三

里因曰僕棄人事此埭之遊於今絕矣梁江

摠言王父昔莅此邦卜居山陰都賜里都賜

今作都泗按江摠言王父莅此邦乃江慮也事見別卷

茅洋堰在縣東三十里

礬江堰在縣東二十二里俗作九江

政平堰在縣東十五里

王家堰在縣東五十里

稱浦堰在縣東北三十里

杜浦堰在縣東五十五里

董家堰在縣東七里

嚴浦堰在縣東北三十一里

瓜山堰在縣東四十二里熙寧中越州檢照會稽
山陰共管礮閘水碓一十六所瓜山堰之一
白米堰在縣東六十五里

言家堰在縣東三里

苦里堰在縣東北五十里

新埭堰在縣東七十里

夏家堰在縣東四十五里

彭家堰在縣東五十二里

石堰在縣東五里

山陰縣

南堰在縣南一里

三江門外堰在縣東北七里堰之北有則水牌

湖桑堰在縣西十里堰旁有小市居民頗繁

白樓堰在縣西四里常喜門外堰之西有則水牌

政和中立舊經云漢江夏太守宋輔於種山

南教授白樓亭世說許玄度孫興公共商略

先達人物於此注云亭在山陰臨流映壑今

堰屬山陰縣界下臨溪流昔之白樓亭斯近

之矣俗呼常喜堰又名湖塔堰

錢清舊堰在縣西北五十里

錢清新堰在縣西北五十一里嘉泰元年置先是

小江南北岸各一堰官舟行旅必沂往者如

織每潮汛西下壅遏不前則紛爭鬪授甚至歐

傷堰卒革曰繼夜不得休或以病告提舉茶鹽

葉公夔因寓公之請始為之仍於堰旁各置屋以舍

人牛蓋捐鏹二百萬而兩堰落成入皆便之

蕭山縣

西興堰在縣西十三里古西陵也水經云西陵湖

一名西城湖湖西有湖城山東有夏蓋山湖

水上承天皐溪下為折江謝惠連有西陵遇

風寄康樂詩見文選東坡杭州試院詩云為

傳鍾鼓到西興

楮木堰在縣西南三十里其地舊多楮林

磧堰在縣南三十里

從塘堰在縣南二十五里

太末堰在縣東二十五里舊經漢會稽郡有太末

縣韓文東出二里太末之里按太末今信安

郡堰名

西二十五里

里也

鳳堰在縣東一里梁郭原平常於永興縣南郭鳳

埭助入引舡鳳埭意助此也

湊堰在縣東一里

楊辛堰在縣東一里

單家堰在縣西二十五里

章家堰在縣東北一里

錢清舊堰在縣東五十里

錢清新堰在縣東五十一里

賈家堰

張九堰

標山堰

餘姚縣

蘭風鄉堰一十三所

東山鄉堰九所

開元鄉堰二十三所

雲柯鄉堰一十三所

孝義鄉堰二十三所

通德鄉堰一十所

龍泉鄉堰五所

燭溪鄉堰四十八所

雙鴈鄉堰一十三所

梅川鄉堰七所

上林鄉堰三所

沿山鄉堰三所

雲樓鄉堰八所

鳳亭鄉堰十一所

上虞縣

梁湖堰在縣西二十五里

通明北堰在縣東一千里

通明南堰嘉泰元年冬始置海潮自定海歷慶元

府城南抵慈溪西越餘姚至北堰幾肆百里

地勢高仰潮至輒回如傾注鹽運經由需火

瓜山閘在縣東四十里

少微山閘在縣東五里

曹娥閘在縣東南七十二里

山陰縣

王山閘在縣北一十八里唐正元元年觀察使皇

甫政始置斗門泄水入江後置閘

蕭山縣

清水閘在縣西一十里二百步景德三年知越州

王礪置清渾二水閘往來者便之王荆公蕭

山詩云靈胥引水清穿市謂此水也

渾水閘在縣西一十二里

標山閘在縣東

縣履仁鄉需水既田即啓開放水

徐家閘在縣西三十五里

縣長興安養二鄉地即多旱遇決湖既田先開

開須二鄉水足然後
啓開放水夏孝鄉

謝婆閘在縣西一十一里

村口閘在縣西二十一里

姚縣

康堰閘在縣東北五十里

橫河閘在縣北三十里

石堰閘在縣北二十里

上虞縣

夏蓋湖閘在縣西南四十里

陳倉閘在縣

橫河閘在縣

小穴閘在縣西北四十五里

西溪湖閘在縣南三里

孟家橋閘在縣東南一里

清河坊閘在縣東南一里

通明閘在縣東一十里

斗門

會稽縣

高口斗門在縣東北六十六里

曹娥斗門在縣東南七十二里俗傳曾宣靖公宰

邑所置曾南豐鑑湖序云湖有斗門六所曹

娥其一也

三江斗門在縣東北八里三江說不同俗傳浙江

浦陽江曹娥江皆匯於此舊有堰今廢為

刺舍斗門東南通鏡湖運河北達于海史記河

渠書云於吳則通渠三江五湖貨殖傳云夫

吳有三江五湖之利國語吳越春秋載五之

胥之言曰吳越之國三江環之民無所移謂

吳越地舊有三江通渠貨利足以自殖民居

其中無所移徙可也史記正義云松江古笠

澤江也上江一名東江下江一名婁江於其

分處為三江口國語注云三江者松江錢塘

江浦陽江也水經注云江水東逕黃橋下江水

又東逕餘姚縣故城南江水又東注于海是

所謂三江也以地里攷之史記國謂所謂三

江皆在吳不在越水經云江水逕黃橋餘姚

縣南者乃姚江也與今三江不合蓋今江東

北流由直北以達于海非特泝妣笮江而後至海也酈道元叙會稽浦陽江已誤其論三江不合固宜按禹貢三江旣入震澤底定孔安國云江從彭蠡分爲三共入震澤復分爲三乃入海說者未以爲當至他諸儒論載各異如顏師古云中江南江北江也郭景純云岷江浙江松江也韋昭云松江浙江浦陽江也眉山蘇氏云北江中江南江也王介甫云義興毗陵吳縣三所各爲一江也禹迹已邈書傳浩渺未易圻畷而史記正義獨辨韋昭之注爲

不然蓋以其江在吳越間似是而非爾吳越春秋云范蠡去越出三江之口入五湖之中水經引庾仲初揚都賦云今太湖東注爲松江下七十里有水口分流東北入海爲婁江東南入海爲東江此江又爲三矣顧野王地志云松江東北行七十里得三江口東北入海爲婁江東南入海爲東江并松江爲三江也今姑以吳越論之婁江東江松江者吳之三江也松江錢塘江浦陽江者吳越之三江也東逕黃橋又逕餘姚縣南及東注于海者

越之三江也至如錢塘江浦陽江曹娥江今
匯為斗門者越人所謂三江也俱存之以俟
博聞之君子

山陰縣

朱儲斗門在縣東北二十里唐正元初觀察使皇
甫政鑿玉山朱儲為二斗門以蓄水後築塘
湮廢景德三年知山陰縣大理丞段斐改造
嘉祐三年知縣李茂先尉翁仲通更以石治
斗門八間覆以行閣閣之中為亭以即塘北
之水東西距江一百一十五里漑田二千一
百一十九頃凡所及者一十五鄉里人沈少
曹紳撰記略曰泐湖水門衆矣廣陵曹娥是
皆故道而朱儲為大曾南豐鑑湖序云去湖
最遠者朱儲斗門也

新涇斗門在縣西北四十六里唐大和七年浙東

觀察使陸亘始置

涇音徑已見水類

廣陵斗門在縣西北六十四里

柯山斗門在縣西北二十里

餘姚縣

東山斗門

雲柯鄉斗門二所

龍泉鄉斗門五所

上林鄉斗門五所北二十里

冶山斗門五所西北六十四里

雲樓斗門五所直隸置

燭溪湖東斗門西北四十六里宮大味十半

石堰斗門百本論

晉上虞縣本論

曹娥斗門在縣西三十五里

七里斗門在縣西二里

會稽志卷第四

會稽志卷第五

戶口

舊經具錄兩漢地理郡國志晉地道記太康地志及
宋齊隋唐戶口然領縣多寡與今不同前漢會稽一
郡兼閩浙而有之後漢則東浙與閩皆在焉吳又頗
包江東至吳錄領縣乃兼有明州之境宋齊州郡志
亦然是則前代戶口之數不可用於今也惟唐志載
開元二十三年戶部帳可以較登耗其曰領縣十
時新戶自唐始

萬二百七十九口五十二萬

十五百八十九

國朝大由

什符四年戶一十八萬七千一百八十

丁三十二萬九千三百四十八

會稽戶三萬四千七十六丁三萬五千五百八

十五

山陰戶二千一百七十一丁三千八百

剡戶三萬二千五百七十八丁五萬五千六

諸暨戶四萬九千六十二丁七萬七千五百六

十七

蕭山戶二萬三千八十六丁三萬九千四百三

十三

餘姚戶二萬一千六十三丁四萬一千九百一

十三

上虞戶五千一百四十一丁二萬八千二百五

十七

新昌戶二萬三丁四萬七千七百六十七

元豐九域志主戶一十五萬二千五百八十五客

戶三百三十七

嘉泰元年主客戶二十七萬三千三百四十三丁

三十三萬四千二十中小老幼殘疾不

成丁一十萬七千七十二

會稽戶三萬五千四百六丁四萬一千七百八十一不成丁一萬四十三百七十八

山陰戶三萬六千六百五十二丁四萬六千二百二十七不成丁一萬五千七百六十七

七

嵯縣戶三萬九千七百九十二丁五萬三千五百七十七不成丁一萬七千四百七十七

八

諸暨戶四萬二千四百二十四丁五萬六千四百二十一不成丁一萬八千五百二十七

七

蕭山戶二萬九千六十三丁三萬五千一百六十八不成丁九千四百七十五

餘姚戶三萬八百八十三丁三萬二千一百四十五不成丁一萬二百三十四

上虞戶三萬三百三十三丁三萬二千三百一十九不成丁九千四百五十八

新昌戶二萬八千八百二十丁三萬六千三百八十二不成丁一萬一千七百五十五

賦稅

夏

戶人身丁錢舊管三萬六千七百六十五貫二百六十九文足

今催五萬三千五百八十二貫六百六十八

文省

會稽四千六百一貫四百三十文

今催六千二百二十四貫八百八十文

山陰五千一百三十七貫八百一十三文

今催六千三十八貫九百九十二文

剡縣五千八百八十九貫八百五十文

今嵯縣催七千四百一十二貫七百二十八

文

諸暨八千四百三十七貫一百五十文

今催一萬三百一十四貫七百五十二文

蕭山二千四百五十六貫六百六十六文

今催二千九百三十三貫六百五十六文

餘姚三千三百三十一貫八百六十文

今催五千四十七貫六百八十九文

上虞三千二百九十八貫二百文

今催五千一百二十六貫七百二十文

新昌三千六百一十二貫三百文

今催一萬四百七十三貫二百五十一文

紬舊管九千一百六十四疋三丈八尺四寸三分

今催八千六百一疋三丈三尺四寸六分六厘

厘

會稽一千四百六十九疋二丈二尺一寸五分

今催一千三百八十八疋一丈一尺一寸五分

分

山陰一千八百二十八疋一丈三尺七寸

今催一千七百九十四疋七尺五寸五分五厘

厘

剡縣九百二十疋二丈六尺三寸

今嵯縣催九百二十九疋一丈四尺四寸一

分

諸暨一千四百五疋三丈八尺三寸

今催一千一百六十六疋一丈四尺四寸一

分一厘

蕭山九百八十七疋一丈八尺八寸

今催一千四疋二丈六尺二寸三分

餘姚九百二十九疋一丈二尺五寸八分

今催九百七十疋三丈五尺三寸八分

上虞一千三百三十五疋三丈七尺

今催一千八十六疋一丈一尺四寸三分

新昌二百八十七疋二丈九尺六寸

今催二百六十一疋三丈二尺九寸

緜舊管九萬八千二百四十六疋四尺五寸

今催九萬九千八百九疋二尺一寸九分

厘六毫

會稽一萬一千一百六十六疋二尺七分

今催一萬三千七百一十八疋二尺一寸五

分五厘

山陰一萬七千六百九十四疋三丈八尺九寸

今催一萬七千二百四十七疋一丈九尺四

寸

剡縣一萬一千三百六十七疋三丈二尺六寸

今嵗縣催一萬三千二百二十四疋八尺四

寸四分三厘

諸暨二萬八百二十疋二丈二尺

今催一萬八千六疋二丈八尺六寸三分六

毫

蕭山一萬三十八疋四尺一寸七分

今催一萬四百八十八疋三尺九寸一分三厘

餘姚一萬一千八百一十疋三丈七尺

今催一萬二千四百二十二疋一丈七尺五

寸五分

上虞一萬三千九十九疋二丈一尺

今催一萬二千四百四十九疋一丈八尺一

寸三分三厘

新昌二千二百四十八疋一丈六尺七寸六分

今催二千二百五十二疋三丈三尺八寸七

分

綿舊管五萬八千九百八十一屯四兩四錢八分

九厘七毫五絲

今催四十一萬二千二百五十二兩七錢一

分七厘九毫五絲

會稽七千七百四十二屯二兩五錢九厘七毫

五絲

今催五萬三千四百一十兩九錢二分九厘

七毫五絲

山陰九千一百二十二屯四兩三錢八分五厘
今催六萬七千五百三十六兩一錢三分四厘七毫五絲

剡縣五千九百七十七屯一兩六錢五分

今嵊縣催四萬八千五百七十四兩五錢六

分六厘二毫五絲百五十二兩一錢

諸暨一萬一千五百二十九屯三兩四錢八分

今催八萬四千四百四十三兩一錢六分八

厘七毫五絲

蕭山五千九百二十九屯四兩二分

今催四萬一千八百八十四兩四錢五分七

厘八毫五絲

餘姚六千六十八屯四兩

今催五萬六千二百四十三兩七錢八分一

厘二毫五絲

上虞六千九百七十二屯二兩二錢五分五厘

今催四萬六千一百九十二兩二錢五分五

厘三毫五絲

新昌五千六百三十九屯一錢九分

今催一萬三千九百六十二兩四錢二分三

秋

苗米舊管二十四萬九千二百二十石五斗六升

七合九勺

今催二十五萬二千六百六十五石二升七合七

勺

會稽額管三萬七千九百五十石七斗八升七合四

勺

撥充職田學糧

橫官買過田免納

石五斗九升一合三勺

冊江逃絕等

合催三萬五千六百四十二石八斗六升六

合一勺

山陰額管四萬六千五百三十三石六斗六升

五合二勺

撥充職田等二百五十六石一斗六升五合

九勺

冊江逃絕七百四十五石八斗

合催四萬五千五百三十一石六斗九升九

合三勺

嶧縣額管二萬四百三十五石一斗五升一合

合九勺

卍溪五百七石七斗三升

合催一萬九千九百二十七石四斗一合九

勺

諸暨額管三萬六千一百七十八石一斗九升

三合一勺

卍江逃絕等一千七百八十一石一斗三升

合催三萬四千三百九十七石六升三合一

勺

蕭山額管三萬一千六百三十石五斗四升

合七勺

撥充職田學糧九百一十五石一斗一合

江逃絕等四百七石六斗一升

合催三萬三百七石八斗三升一合七勺

餘姚額管三萬二千五百七十五石五斗一升

七勺

卍江海移埭海塘等九百三石五斗一升

合催三萬一千六百七十二石七勺

上虞額管三萬七千八百九十七石六斗六升

一合五勺

合零就整三百三十四石二斗三升

三千四十六石二斗四升

合催三萬四千五百一十七石一斗九升一

合五勺

新昌縣額管七千六十三石五斗三升五合二

勺

合零就整等一百一十五石一斗七合七勺

坍溪二百八十八石九斗一升

合催六千六百五十九石五斗一升七合五

勺

舊額之外創增

和買一十萬疋係經建炎三年十一月紹興二年九

月八年二月淳熙八年閏三月紹熙元

年二月五次蠲減之數

會稽一萬三千二百四十三疋九尺二寸

山陰一萬四千七百四十三疋二丈七尺九寸

嵯縣一萬七千九十八疋二丈二尺五寸

諸暨一萬八千八百五十五疋二丈二尺四寸

蕭山一萬四千二百六十一疋八寸

餘姚七千七百疋七尺

上虞七千二百九十七疋三丈五尺八寸

新昌六千七百九十九疋三丈四尺四寸

役錢一十六萬七千九百二十八貫九百五十文

會稽一萬八千七百四十三貫八十八文

山陰二萬二千一十三貫九十八文

嵯縣二萬一千九百七貫七百三十文

諸暨二萬六千三百七十八貫八十一文

蕭山一萬三千九百一貫四百一十文

餘姚三萬九千四十四貫五百七十七文

上虞一萬三千九百五十一貫九百八十六文

新昌一萬一千九百八十八貫九百八十文

水陸茶錢八千八貫二百三文

會稽二千八百八十八貫六百五十八文

山陰一千八百五十一貫三百一十六文

嵯縣七百四十貫一百一十七文

諸暨八百三十貫文

蕭山三百二十一貫二百三十三文

餘姚二百九十二貫九百一十三文

上虞八百五十二貫八百六十六文

新昌二百三十一貫文

小綾二千五百疋折錢一萬五千四百二十二貫五

百文

會稽二百五十疋折一千五百四十二貫二百

五十文

山陰二百五十疋折一千五百四十二貫二百

五十文

嵯縣二百五十疋折一千五百四十二貫二百

五十文

諸暨六百疋折二千七百一貫四百文

蕭山六百疋折三千七百一貫四百文

餘姚二百疋折一千二百三十三貫八百文

上虞二百疋折一千二百三十三貫八百文

新昌一百五十疋折九百二十五貫三百五十文

湖田米六萬六千三石七斗四升三合一勺

會稽二萬六千二百六十四石五升

山陰三萬二千六百八十九石五升三合一勺

諸暨四千二百一十石三斗二升

蕭山二千八百四十石三斗二升

職田米一萬五千九百九十九石五斗

會稽四千六百二十一石九斗四升

山陰四千二百八十四石九斗

嵊縣三百三十三石七斗

諸暨一千四百一十一石五斗八升

蕭山二千八百八十六石九斗七升

餘姚一千八十五石四斗七升

上虞一千三百七十四石九斗四升

折變

會稽免先是紹興三十二年本府奏會稽縣十七十

八十九都皆

官所在請有以寬卹之十月三日

詔會稽三都人戶二稅不得支移折變常賦外免其
他差使至隆興二年本府又申浙東和買本府既重
而會稽視諸縣爲尤重欲乞用永安縣優卹舊例盡
蠲一縣支移折變五月六日
詔從之

折帛錢三十三萬四百三十二貫六百二十八文

係將人戶鹽稅紬綿絹丁鹽和買絹數

內科折每紬一疋折納一丈三尺三寸

綿一兩折納五錢丁鹽稅絹一疋折納

八尺和買一疋折納一丈和買每疋折錢六貫五百文它絹若紬每疋並折七貫文綿每兩并耗折四百六十文

山陰六萬四千一十五貫一百八十文

嵯縣五萬三千五百三十四貫五百三十五文

諸暨七萬五千五百三十七貫一百二十六文

蕭山四萬三千六百六十八貫四百八十四文

餘姚三萬五千五百七十六貫六百五十五文

上虞三萬九千三百一十三貫八百文

新昌一萬八千七百八十六貫八百九十八文

折紬綿四萬一千五百三十一兩每紬一疋數目

折納一丈三尺三寸以綿一十七兩折

紬一疋惟山陰以折帛之餘盡折為綿

不輸本色蓋會稽既免折變當時折紬

之綿無自出又不欲偏科它縣以盡以

歸山陰麥及糯米亦然故山陰折變視

它邑為重

山陰一萬二百兩

嵯縣五千二百一十九兩

諸暨七千七百八十六兩

蕭山五千七百四十六兩

餘姚五千七百九十七兩

上虞五千六百二十七兩

新昌一千一百五十六兩

折稅縮變六千六百九十九石三斗六升一合諸

縣科數等第不同然皆以二石四斗一

升折縮一疋

山陰一千六百三十三石三斗四升

嵊縣二百九石五斗

諸暨七百二十石

蕭山一千一百四石九斗九升

餘姚一千六百四十三石七斗九升六合

上虞一千二百八十九石九斗五升

新昌九十七石七斗八升五合

折苗糯米一萬九千六百六十二石八斗三升八

合諸縣科數等第不同然皆以一石折

苗一石一斗一升

山陰五千一百石一斗八升

嵊縣四百八十三石四斗

諸暨三千九百一十石六斗一升

蕭山二千九百四十八石二斗八升九合

餘姚三千三百三十石八斗八升六合

上虞三千六百三十五石四斗七升三合

新昌二百五十四石

課利

稅

都稅務祖額五萬四千八百三貫二百一十四文

遞年六萬二千二百五十六貫九百五十九

文

六縣七場一務

嵯縣祖額二千五百九十三貫七百二十一

遞年趨到三千五百五十一貫六百七十七

文

諸暨祖額八千六百八十一貫二百一十五文

遞年趨到四千八百一十八貫三百七十八

文

蕭山祖額三千五百七十一貫三百一十文

遞年趨到五千七百九十五貫七百一十八

文

餘姚祖額四千九百七十三貫四百九十九文

遞年趨到三千四百七十六貫九十五文

上虞祖額四千六十一貫四百九十一文

遞年趨到二千八百八貫二十六文

新昌祖額二千五十一貫二百八十四文

遞年趨到九百五十八貫四十四文

錢清場祖額七千六百六十九貫七百五十七文

遞年趨到一千九百四十五貫五百三十八

文

曹娥場祖額五千六百七十三貫一百五十一文

遞年趨到六千二百八十五貫五百一十六

文

三界場祖額三千四百八十六貫七百四十二文

遞年趨到一千五百四十四貫二百八十四

文

蛟井場祖額一千七百八十三貫一百二十六文

遞年趨到一千七百四十三貫四百三十九

文

楓橋場祖額一千九百五十五貫六十七文

遞年趨到三千九十貫五百六十九文

新林場祖額一千三百一十貫七十六文

遞年趨到一千一百三十九貫一百二十六

文

溪口場祖額四百八十三貫六百三十八文

遞年趨到九百八十一貫二百一十七文

漁浦務祖額二千六百七十三貫五百八十八文

遞年趨到四千九百一十九貫四百二十八

文

鹽

四場每歲買納

錢清五千一百一十九石九斗八升

曹娥一萬七千八十三石四斗一升

三江二萬二千五百五十五石八斗二升

石堰六萬三千四百二十三石六斗

八縣每歲佳賣

會稽二千二百五十斤

山陰二千二百五十斤

嵯縣二萬四百斤

諸暨八萬二千五百斤

蕭山二千七百斤

餘姚二千七百斤

上虞八千七百斤
新昌四千八百斤

茶

八縣每歲批發住賣

會稽批發二萬三千三百二十斤

住賣九百二十斤

山陰批發七千七百斤

住賣六千四百一十斤

嵯縣批發二百斤

住賣五千四十斤

諸暨批發無

住賣六千一百三十斤

蕭山批發一百斤

住賣六千八百五十斤

餘姚批發一萬四千六百斤

住賣三百斤

上虞批發六百斤

住賣六百斤

新昌批發無

住賣四百五十斤

酒

都務祖額二萬五千三百三十四貫七百八十七文

比較務祖額一萬五百五十六貫一百六十一文
贍軍務祖額二萬五百二十七貫八十文

和旨樓祖額六千三百三十三貫六百九十八文
嵯縣祖額一萬二千七百七十四貫九百二文

遞年趨到四千五百八十六貫六百六十六

文

諸暨今屬 戶部

蕭山祖額一萬七千二百九十六貫五百十九

遞年趨到九千五百四十一貫二百四十文

餘姚祖額一萬九千七百二十四貫七百二十文

遞年趨到四千五百三十四貫七百五十文

上虞祖額九千六十六貫三百七十文

遞年趨到五千五貫五十三文

新昌祖額六千五百二十一貫二百二十一文

遞年趨到二千七十三貫八百三十九文

漁浦祖額一萬五千二百九十五貫六百一十九

文

遞年越到五千四百九十四貫四十九文

經總制錢

經總制錢之名始於

徽宗時大漕陳遵所建至建炎初呂忠穆公又增廣潤色之

經制錢一十九萬七千八百一十九貫一百文

總制錢二十一萬一千四百一十貫一十四文

添收頭子錢二萬七千二百六十四貫六百二

十三文

增收朱墨勘合錢四千九百二十七貫八百三

十二文

二項係乾道元年十月二年九月增添每年

附總制帳起發

經總制立額之初一切趣辦所至困於太重淳

熙十六年因言者有請

上命臺諫及戶部長貳參詳減額且命諸路監

司取十年增虧數開申是年八月有

旨紹興府經總制錢各減三萬貫

今額即其已減者若

總制則得十之四猶有可取名數經制雖多方

科取僅得十之六歎歲又不能及此

宮陵園廟營繕等費及南班宗室忠順官等俸
皆仰以給當以時辦至於起發降本七萬貫當
不能足益高額實無所收而七萬餘貫蠲減不
盡雖歲以聞於
朝未報也

按宣和三年發運使經制兩浙東東財賦
陳邁乞於東南諸州權添膏酒賣糟并典
賣田宅稅契錢并添收樓店務白地三分
錢官負添給頭子錢並充經制及建炎初
總制使翁彥國乞將諸州酒稅契官錢

分隸入總制司而發運判官霍蠡請

云戶部郎官黃敷書請置未詳紹興十

詔委逐州通判專一主管經總制錢如監

司州縣擅行允借拘截取撥侵移互用不

以赦降原減先是正錢一貫收頭子錢一十

文既而增收頭子錢一十二文凡四十三文

以二十八文五釐為經制錢七文為總制錢

五文五分為移用錢一文九分五釐為州公

使錢五分為授刑司公使錢乾道中又增頭

雜貢

會稽於禹貢屬揚州貢金三品瑶琨篠簜齒革羽毛

惟木厥篚織貝厥包橘柚周官職方氏實為東南巨
鎮其利金錫竹箭班固志地理考迹詩書推表山川
以綴禹貢周官春秋下及戰國秦漢而土貢雜物無
所登載至唐頗多若編文紗寶花紋等羅白編交梭
十樣花紋等綾輕容生縠花紗吳綃丹砂石蜜橘葛
粉瓷器紙筆

皇朝務從蠲省以祥符圖經元豐九域志參攷之承
平之久雖微有增益然以匹貢者為綾二十排花紗
十輕容紗五表紙千張瓷器五十事全具輕容紗五
疋越綾十疋而已當漢建武時光武因陸閔所著
布單衣勅會稽郡嘗獻此殆所謂錫貢非故常也

會稽志卷第六



陵寢

卷第六 陵寢



紹興元年四月十四日奉

隆祐皇太后遺誥歛以常服不得用金玉寶貝權宜就近擇地殯殯候軍事寧息歸葬園陵所製梓宮取同吾身勿拘舊制以爲它日遷奉之便此 橫宮之始也以是月十七日大殮遂治 橫宮李回爲總護使胡直孺爲橋道頓遞使故事

皇太后又嘗垂簾當以相臣爲山陵使是時范宗尹當軸而止用執政爲總護使它官亦不備置者以

攢宮故比 陵寢少異也自是用此為故自四月至

六月甫三十五日而 攢宮告成蓋議者謂它日歸

紂附

泰陵則山陵之制始當畢講今皆當略於是總護使

首辭所賜銀絹橋道頓遞使亦辭而乞受其半章誼

在臺中劾之橋道頓遞使遂亦盡辭而公使錢每料

纔支三百貫不得過三料蓋不及千緡比故例省費

幾四十萬貫方是時上距

欽聖憲肅皇后山陵已三十餘年中更變故圖籍無

在者而朝士多新進亦鮮能知於是以前江東轉運

副使曾紆嘗為

欽聖山陵使司官屬命為兩浙轉運副使專修奉

攢宮使臣張宗吏人朱宸皆自言嘗經

欽聖山陵差使省記當時施行次第亦命服役 攢

宮卜地在越州會稽縣然道路橋梁之類皆命越州

所管八縣分地修營至紹興十三年六月

徽宗皇帝

顯肅皇后

憲節皇后靈駕自

行在發引初

隆祐攢宮稱

昭慈聖獻皇后攢宮至是以不可備稱
帝后尊號

詔以

永祐陵攢宮為稱

其後永思陵永阜陵
永崇陵並用此為故事而

攢宮自

祖宗時有殿攢啓攢之名皆用殯字至

顯仁皇太后祔

永祐陵攢宮始並以攢字易之起居郎熊克著中興

小曆云先是有持陰陽家說欲廣

殯宮禁域為二

十里有墓在其間者皆當徙去浙東帥臣王師心力

言其不可時監察御史任文薦奉詔監掩殯宮就

令按視於是獲免者七百六十有奇又薦獻之物舊

取於民師心請以上供錢給其直從之

濮王園廟

濮安懿王在

英宗皇帝時以塋為園即園立廟俾王子孫世襲

濮國自主祭祀行之累朝紹興中以濮邸宗室有

在遠未集行在者故久闕嗣王止以見在行高者

為主奉濮安懿王祠事久之乃復除嗣王濮園

既阻絕廟拓寓會稽之天寧寺今為報恩寺蓋以

英祖初詔有立廟京師之戒故止寓會稽當時講求亦詳矣十三年主奉祠事賀王士会請即光孝之法堂為廟而闢寺西隅南嚮為廟門如舊制置衛甚謹其香火官吏出入繇別門園令一人以濮邸諸王孫充嗣 濮王奉朝請歲以春秋來薦獻亦循舊制也

大禹陵

禹巡守江南上苗山會計諸侯死而葬焉猶舜陟方而死遂葬蒼梧聖人所以送終事最簡易非若漢世人主豫自起陵也劉向書云禹葬會稽不改其列謂不改林木百物之列也苗山自禹葬後更名會稽是山之東有隴隱若劍脊西嚮而下有窆石或云此正葬處疑未敢信然檀弓註天子六綵四碑所以下棺則窆石者固碑之制度至其數不同或繇繁簡異宜或世代悠遠所存止此皆不可知也窆石之左是為禹廟背湖而南嚮然則古之宮廟固有依丘隴而立者按皇覽禹冢在會稽山自先秦古書帝王墓皆不稱陵而陵之名實自漢始舊經云禹陵在會稽縣南一十三里

祠廟

府城

城隍顯寧廟在子城內臥龍山之西南自昔紀載皆

云神姓龐諱玉按唐書忠義傳實龐堅四世

祖也京北涇陽人魁梧有力明兵法仕隋為

監門直閤李密據洛口寢逼東都王以關中

銳兵屬王世充擊之百戰不衄煬帝崩乃率

萬騎歸唐時唐室新造諸將起於行伍高祖

以王隋之舊臣久宿衛習朝廷制度拜領軍

武衛二大將軍俾為諸將模矐秦王尤所親

倚常從征伐薛舉寇涇州拔高塹舉死子仁

杲勢益張秦王命梁實營淺水原賊將宗羅

睽攻之甚力王於是奮擊士卒殊死戰秦王

以勁兵擣其背羅睽大敗遂擒仁杲平隴西

尋為越州摠管威望甚著盜不敢犯其境武

德二年召還巴山獠叛除梁州都督悉討平

之越州題名記與新唐書所載先後不同詳見馬萬頃所述王傳召為監門

大將軍卒太宗為輟朝贈工部尚書幽州都

督初王鎮越惠澤在民既卒邦人追懷之祠

以為城隍神梁開平二年吳越武肅王上其

事封崇福侯五代會要作紹興元年詔以

駐蹕會稽踰年妖祲不作

行殿載寧城隍

崇福侯廟賜額顯寧封昭祐公三十年

顯仁皇后靈駕渡江無虞加號忠順乾道五年加號孚應八年加號顯惠淳熙三年封忠應王後又加號昭順靈濟孚祐郡人奉祀甚謹以九月十二日爲神生日享薦尤盛

護國旌忠廟在子城內自昔陝西出兵祈禱三聖必獲顯應當睦寇作是邦得三聖陰祐遂建廟紹興元年宣撫處置使張■奏據吳玠陳請乞於鳳翔府和尚原立三聖廟賜額旌忠封

忠烈靈應王忠顯昭應王忠惠順應王所

廟祀一用是額

崇善王廟在府衙蓬萊閣西

五通廟在子城內

吳越武肅王廟在府南四里三百二十六步本甚闕

壯歲火墮圯今僅餘四楹有巨碑舊在廡下今乃立荒園中皮光業之詞也具載唐長興

七年吳越王棄宮館後二年嗣王建廟於越

按長興後唐明宗年號止於四年而崩歷閔

帝清泰帝凡三年而晉高祖卽位改元天福

若不數閔帝清泰則七年乃天福元年劉恕
吳越紀年稱天福元年七月乙卯立武肅王
廟于東府今攷之碑與紀年雖不同其實皆
歲丁酉清泰廢閔帝爲鄂王晉祖追貶清泰
爲庶人皆削其年號而天福改元以其年十
一月則十一月以前皆長興七年矣漢高祖
削晉出帝開運之號稱天福十二年亦用此
比也然武肅王實以壬辰歲薨文穆王襲位
壬辰蓋長興三年不得云長興七年吳越王
棄宮館後二年嗣王建廟於越也按五代史
及劉恕紀年開皇紀吳越備史皆言武肅王
以三年薨則碑爲誤然碑當時立光業爲其
國丞相亦不應誤繆至此蓋皆不可知光業
曰休子紹興中王裔孫啓叔廣言廟中神像
雖從者及伶人皆坐示不可遷也

旌忠廟在府南三里二百六十六步建炎四年十一月
高宗皇帝自建康東巡會稽大臣呂頤浩
等建議請移蹕四明會虜報踵至遂行命
李鄴守會稽鄴嘗使虜至是畏死不能守遂
降虜大酋兀朮在錢塘遣其下號琶八大師

者為偽知州而檄鄴為偽同知日同視事於
府出則並馬而行郡士民多懷忠憤然莫敢
先發初

大駕之行詔百司分半扈從而親兵輦官長
入祇候亦止以三千人從行有衛士唐琦者
不得在行中琦開封人資忠勇自誓與虜偕
死以報國會琵琶八鄴俱出乃懷巨磚欲邀
擊殺之復疑從騎衆恐不克成功顧視道傍
有小閣乃趣上適俯見二人馬即奮磚擊之
不中中其繖從騎羣至遂執以歸琵琶八鄴共

坐問故琦大罵不絕曰吾欲碎汝腦作

趙官家鬼琵琶八氣折曰大金兵數百萬汝殺
我一人何益琦曰汝敢來為此州主故欲殺
汝又顧鄴曰我請官一石五斗米尚不肯負
國汝受國恩何如所為乃尔豈人類耶虜
亟命引出害之罵猶不止

大駕再幸會稽帥傅崧卿為立廟且以其事
聞請賜廟額未報會崧卿以疾請文郡

詔移婺州乃作文祭之其辭甚壯讀者凜然
增忠義之氣其詞曰乙巳之冬金虜大入塞

太上皇內禪幸浙明年正月虜兵徑犯京師
議和於城下而還是冬再犯京師明年春
二聖出狩朔漠五月

今天子即位于宋又明年冬虜深入渡淮已
酉二月遂犯揚州

天子幸杭其冬虜分兩道寇江浙其一由武
昌渡江犯洪州

隆祐若衛宮從六百司遷于虔以避之虜自
洪進兵西南至瀏陽西北至建昌撫其一由
歷陽渡破建康陷太平廣德進破杭渡

江入越陷明

天子前自越幸明自明航海幸温今年二月
虜始捨明越而西復陷秀陷平江達于鎮江
並山鑿河通道建康卒以其衆若所掠吳越
之人濟江而北裴回於淮南至于今去否所
不得知也嗚呼虜內侵六年 國家之難生
民之禍至此極矣前世未有也士大夫畏避
至不敢誦言虜爲賊其能爲吾

宋伏節死難者與有幾侯以衛士武人生不
知書遇亂憤發顧不能愛其死狙擊虜酋慢

罵降帥至死猶不絕口其義豈惟今之人所
希見古書傳所載何以尚茲嗚呼偉哉崧卿
時治兵在衢方道路梗絕旁郡縣行事往往
不相聞知惟侯之事謀者爭相傳以爲美談
至一日十許告聞者相與嘆惜有爲流涕者
或恨不與之偕死已而崧卿守越凡在越之
人類能言之參攷既審亟以其事聞
天子愍嘉之 詔議追褒而邦之人復相與請
建祠宇以旌侯之忠以勸來者乃作今廟方
須其成請額於 朝且記其事於石未及

崧卿旣以病免矣於其行日姑以不譽之
禮于像貌之前而致告焉後帥陳汝錫復以
爲言 詔賜額曰旌忠隆興中帥吳芾增葺
屬其客陳澤作修廟記今在廟中

東嶽行宮在府東南四里一百六十二步

保寧王廟在府東南四里二百八十六步

助海侯廟在府西北三里三百一十六步

越王廟在府西北二里

興武侯廟在府西北四里一百三十七步

鮑郎廟在府南二里二百四步

愍孝廟在府東北二百七十九步孝子蔡定父革以

傭書自給惟定一子命為進士建炎元年革

以事逮捕繫獄年七十當贖吏持不可定祈

哀太守願以身代不報會大雨雪定嘆曰生

無益於親當以死繼萬一有司憐而釋之因

自撰墓銘并訴牒一道實諸懷服巾紵趨府

橋下自湛而死太守翟公汝文聞之亟命出

其父且給輶以葬定死後七年太守王公

始克請于朝賜廟額曰愍孝

會稽縣

虞舜廟在縣東五步

舜廟在縣東南一百里述異記云會稽山有虞舜巡

守臺下有望陵祠

禹廟在縣東南一十二里越絕書云少康立祠於禹

陵所梁時修廟唯欠一梁俄風雨大至湖中

得一木取以為梁即梅梁也夜或大雷雨梁

輒失去比復歸水草被其上人以為神縻以

大鐵繩然猶時一失之政和四年

勅即廟為道士觀賜額曰告成禹陵舊在

廟旁今不知所在獨有當時窆石尚存高丈

許狀如秤權廟東廡祭嗣王啓而越王句踐亦祭別室鏡湖在廟之下爲放生池臨池有咸若亭又有明遠閣懷勤亭懷勤取

建炎御製詩登堂望稽嶺懷哉夏禹勤之句南鎮廟在縣南一十三里周禮職方揚州之鎮山曰會稽隋開皇十四年詔南鎮會稽山就山立祠取其旁巫一人主灑掃且命多壽松栢天寶十載封會稽山爲永興公歲一祭以南郊迎氣日

國朝乾德六年詔問禮官五鎮見祭罷祭之由時以會稽山在吳越國乃下其國行祭事淳化二年祕書監李至言五郊迎氣之日皆祭逐方嶽鎮海瀆自唐亂離之後有不在封域者遂闕其祭 國家克復四方間雖奉詔特祭未著常祀望遵舊禮就迎氣日各祭於所隸之州長吏以次爲獻官從之其後立夏日祀南鎮會稽山永興公於越州

越王廟在縣東南一十二里

曹娥廟在縣東七十二里娥上虞人父盱能弦歌爲巫祝漢安二年五月五日於縣江沂濤迎波

神溺死屍不得娥年十四緣江號泣晝夜不絕旬有七日遂投江而死元嘉元年縣長度尚改葬於江南道傍爲立碑焉墓今在廟之左碑有晉右將軍王逸少所書小字新定吳茂先師中嘗刻於廟中今爲好事者持去

國朝熙寧十年十月詔曹娥孝女墳廟載祀典又有朱娥者上虞民朱回女母亡養于祖母娥十歲祖母與里中朱顏鬪被刃娥趣救之得免而娥連被數十刃絕吭而死治平二年太守章公岷以其事聞賜其家粟帛會稽

縣令董階以娥配食曹娥至今存焉

馬太守廟在縣東南三里八十步太守名臻字叔若

刺陳公永和五年創立鏡湖在會稽山陰二縣界築

塘蓄水水高於田田高於海各丈餘水少則

泄湖溉田水多則泄田水入海塘周回三百

一十里溉田九千餘頃會稽記云創湖之始

多毀冢宅有千餘人怨訴臻被刑於市及遣

使按覆絕不見人閱籍皆先死云者唐章瓘

脩廟記云開元中刺史張楚深念功本爰立

祠宇久而侈敗今皇帝後元九年觀察使孟

公崇大棟梁孟公簡也其在越乃元和申記
云後元蓋省文爾

孔府君廟在縣南二十五里又謂之孔官廟按世說
孔車騎少有嘉遁意年四十餘始應安東公
未仕宦時常獨寢歌吹自箴誨自稱孔郎遊
散名山百姓謂有道術爲生立廟今猶有孔
郎廟

陳朝公主廟在縣東八十五里

嚴司徒廟在縣東三十五里相傳云司徒助也

典善將軍廟在縣東四十里白塔吳越忠懿王建

真太尉廟在縣東南一十五里廟之下即樵風涇也

舊在山麓今遷山上

的耳潭龍王廟在縣東北一十里

防風廟在縣東北二十五里禹誅防風氏此其遺迹

樊將軍廟在縣東四十里

青山廟在

橫官神路側舊名伏虎大王廟在青山下後

遷

靈應廟在

昭慈聖獻皇后橫官復土後立在禁地內

山陰縣

城隍廟在縣東五步

塗山禹廟在縣西北四十五里 事具塗山

馬太守廟在縣西六十四里 事具會稽

項羽廟在縣南十五里項里溪上以亞父范增配食

不知其始歲月傍有聚落數十戶歲時奉祀

福順王廟在縣西北七里

感聖侯廟在縣西北二十里

聖姥廟在縣西南三十里

贊禹龍王廟在縣南二里

銅井瑞澤龍王廟在縣西七十里

秦望山靈惠侯廟在縣南三十里

漢太守朱公廟在縣東北三江門外四里

柳姑廟在縣西一十里湖桑埭之東前臨鏡湖蓋湖

山勝絕處也鄉人舊傳以為羅江東隱嘗題

詩今不傳

靈助侯廟在縣西四十五里錢清鎮

景氏廟在縣西九里三山之東山石堰上入有一景氏廟在縣西七里吉宅村俚俗傳以為二景本伯仲死而為神能福其民故至今四時祀祭望山之吉宅之景氏廟叢木陰翳居大澤中四絕不通或云舊每為立廟輒為菑故至今但露祭而已按景氏與昭屈同為楚之望姓疑二景非近世人云

嵎縣

城隍廟在縣西五十步

東嶽廟在縣北一里

上善濟物侯廟在縣北四十五里五十步嵎浦按鄜道元水經注云廟甚靈驗行人及樵伐者皆致敬焉若有侵竊必為蛇虎所傷今雖不聞有蛇虎之異而邑有水旱必先致禱又嘉祐進士何淹記云侯姓陳氏為台州之仙居令晉天福中有封誥

南天嶽廟在縣南一十里

箬山廟在縣南四十五里

靈輝廟在縣西北三十里水旱疫癘祈禱輒應鄉民

謂之靈威王不知得封在何代乾道八年賜
今額

東石鼓廟在縣東七十里西石鼓廟在縣西二十里
大抵剡多石鼓廟村聚往往有之歲常以春
秋祭皆能福其民蓋一方所奉神也

黃姥岑廟在縣東二里輿地志云縣東門外有黃姥
神祠民多奉事之

石姥廟在縣西六十里

保邦興福廟在縣西六十五里

仙姑廟在縣西六十里

二女廟在縣西二十五里有墓

猪烏五龍堂在縣西四十里

正順忠祐靈濟昭烈王廟在縣北一百八十步

東白巖廟在縣東二十五里

威勇王廟在縣西三十里

佑順侯胡侍郎祠在縣西五十里兵部侍郎胡則婺

之永康人嘗奏免衢婺身丁錢民被其賜

廟祀於衢婺之間無慮數十胡歿于慶曆中

廟初未有封爵永康之民因宣和中封方巖

神為祐順侯牽合以為胡侍郎九婺州境內

皆以祐順為名故嶮亦承誤焉

阮仙翁廟在縣南一十里

惠應廟在縣西六十里舊號蘇明王廟宣和四年賜

今額

西嚮王廟在縣西三十五里

顯應廟在縣西四十里祠初建於赤烏二年神嘗

為令此邑有惠政廟食于此歲久失其姓宣

和辛丑睦寇起蔓延旁境魔堂響應剽縣屠

戮焚蕩尤酷一夕四山旗幟車蓋隱隱出入

雲間見者咸疑神游而廟不存矣視之果

燼未幾又有復見如前日之異若反旆而來

賊徒忽驚呼曰天兵至矣遂自相攻殺官軍

未至賊已殲盡鄉人相與復築廟宇甚盛旱

潦疾疫有禱必驗紹興十一年詔賜額顯

應鄉人姚公憲為諫議大夫率鄉人陳于府

縣詔封靈祐侯

諸暨縣

城隍廟在縣西北三十步

秦始皇廟在縣西一里會稽記云始皇崩邑人刻木

為像祀之配食夏禹後漢太守王朗棄其像

江中像乃沂流而上人以為異復立廟唐葉
天師焚之開元十九年縣尉吳勵之再建慶
曆五年知縣寇中舍毀之改作迴車院今院
側仍有小廟存

烏帶廟在縣東北四十五里烏帶山夏侯曾先地志
云梁武帝遣烏笏採石英於此山而卒後人
立廟帶笏聲之誤也

范相廟在縣東南五里蓋祀越相范蠡
福順王廟在縣西南二里
松山朱太尉廟在縣西五十里

五通廟在縣西北四十里

靈女臺廟在縣東北二十五里

白龍堂在縣東北四十里

五泄夾巖廟在縣西四十里

柵潭明王廟在縣東七里

亭閣廟在縣西南二十里

五泄龍堂在三學院側境接富陽浦江東西兩源會

為飛瀑五折而下雪濺雷吼聲聞數百步有

湫幽邃神龍所宅過者雖伏暑亦慘凜歲旱

禱雨輒應嘉祐中縣主簿吳伯固處厚禱焉

刻石記之說者謂瀑水奇不減廬山天台鴈
蕩石門然名不甚著爲可恨

東嶽廟在縣東南五里金鷄山下大觀四年置洪氏
夷堅志頗記其異

俞柳仙判官廟在縣東南孝義鄉父老傳有姓俞者
以寓村媪家病革語媪曰死以兩大甕合以
葬我扛折則寔鄉人如其說復夢俞白今爲
天曹雨雪部判官會野火且至烈日中雨雪
冢上遠近異之即其地立祠紹興初父旱迎
神至大雄寺禱雨立應歲以大稔相傳神喜
柳枝邑人致禱必持柳枝以獻因號柳仙云
柳鮑仙姑廟在縣東南孝義鄉廟負山帶溪景趣勝
絕父老以溪聲高下卜雨暘甚驗人皆異之

孤廟五蕭山縣

城隍崇福侯廟在縣南五十步蓋郡城隍初封也
西殿寧邦祿慶王廟在縣西三十五里隋大業中有
孔大夫者爲陳果仁裨將討東陽賊婁世幹
降之立廟黃山唐光化二年吳越武肅王上
其事封惠人侯後加封今額

真護廟在縣東四十里舊號駐師侯廟紹興三十年

以

顯仁皇后靈駕所由

勅賜真護廟仍封顯佑侯淳熙十五年加號
昭烈慶元五年加號翊順

昭佑廟在縣東四十三里漢乾祐元年封保江寧波
王蓋吳越王有國時也宣和三年賜今額

寧濟廟在縣西南一十三里西興鎮政和三年

賜今額六年高麗入貢使者將至而潮不應
有司請禱潮即大至 詔封順應侯宣和三
年進封武濟公紹興十四年

徽宗皇帝靈駕渡江加武濟忠應公三十年
顯仁皇太后合祔加武濟忠應翊順公淳熙
十五年

高宗靈駕之行顯應尤異先數日太守侍郎
張公杓躬眎漲沙泐

御舟入浦去處盡護以紅竹詰朝方集萬夫
迨潮落沙已蕩盡水去所立之竹纔尺許及
虞祭畢沙復漲塞莫不驚異於是 詔加武
濟忠應翊順靈佑公慶元四年

憲聖慈烈太皇太后歸附

永思將渡江會大雨震電隨禱而止遂
賜王爵是為孚祐王慶元六年十二月
永崇歲事畢進封孚惠善佑王

武佑廟在縣北二里舊號北嶺將軍廟方獵陷錢塘
欲東犯會稽其衆見將軍探金甲陳兵於西
興江岸張大旗有北嶺字賊不敢渡郡守劉
忠顯公幹上其事賜今額紹興十二年以
徽宗皇帝靈駕所由封顯應侯三十年加號
以靈助

南殿保國資化威勝王廟在縣南五十里漢乾祐

年吳越王建

崇安保善王廟在縣西四十五里

初平侯廟在縣東五十里

助勝侯廟在縣西七里

破虜侯廟在縣西北八里

豕山東嶽廟在縣西五里

龍王廟在縣東四十里有龍井在山之巔

餘姚縣

城隍廟舊在縣西二百步今移在縣東北一十步

東嶽廟在縣東三里政和四年知縣事廖天覺建通

直郎顧復幾等捨廟基

緒山廟在縣西二百五十步祀典始於東晉咸康中
有江都李泳者作記謂

徽宗皇帝嘗夢禁中火有神人撲滅已雨奏
曰臣越之餘姚緒山神黎明內庭果火會雨
而止

上異之有旨下本道訪求遂賜應夢之號
字子永御史中丞定之曾孫諸父仕多通顯
其說宜不敢妄云

石頭廟在縣西二里其初山闕大江有石入江流
為舟楫之害故邑人立廟於其所邑上其
思去其石凡石之入水者鑿之殆盡今不復
為害矣

保慶寧邦王廟舊在縣江南之東紹興五年知縣事
朝奉郎陳時舉因江南數有火災徙在縣南
門之側去縣八十步自此火不復作乾道九
年知縣事宣義郎留觀頤重修

助海侯廟在縣江之北二百三十步地名鄧家隩以
其有功海上故邑人祀之會稽城中彭山亦
有助海侯廟當是一神也

正順忠祐靈濟昭烈王廟即廣德軍祠山張王神也
在縣西二百六十步慶元四年建祠山廟甚
盛江浙間多有行廟祭者必誦老子且禁食
彘肉云

南雷應瑞大王廟在縣南雙鴈鄉舊廟在大小雷山
因溪水泛溢流木至此遷于今所傍有古大
木特異木根有穴可容數人穴有小潭或云
神龍居之知縣事林迪因歲旱具酒與神對
酌禱之甘澤隨至自後凡旱潦有禱多應

梁武帝廟在縣東七十里上林湖又有蕭帝廟

江南之東南五里竹山邑民稱為蕭帝廟

五靈廟在縣東二里

虞公廟在鳳亭鄉之石龜吳國虞翻之墓也

歷山舜帝廟在雲柯鄉事見古迹門

千將軍廟在縣東北冶山鄉

嚴子陵廟在縣之冶山鄉安山橋有墓在廟旁一里

詳具子陵墓

上虞縣

城隍廟在縣東五十步

舜帝廟在縣西三十五里

秦始皇廟在縣東南三里

蕭王廟在縣南五十里

梁王廟在縣東七里

霸王廟在縣西南五十里今廢

利濟侯廟在縣北二十五里今廢

朱侍中廟在縣北四十七里廟南二十步有學堂橋

洗硯池邑人謂買臣嘗讀書於此廟西有大

冢巋然亦傳以為買臣冢然按史買臣吳人

方是時吳屬會稽謂之會稽吳人則可謂之

會稽山陰人則不可蓋朱侍中別自是一人

非買臣也

陶朱公廟在縣西南七里

靈惠廟在縣東南九里本鳳鳴洞主廟乾道間禱雨

隨應知縣錢似之以其事上府府以聞于

朝賜今額

夏湖明府廟在縣南三十五里

蔡風公主廟在縣西北六十里

夏蓋夫人廟在縣北五十里

通澤廣利侯廟在縣南五十里侯即方石聖官吳越

封通澤將軍熙寧八年封廣利侯有清獻趙

公所撰記立石於廟廟前石山雙立如筍高數百尺上有異花鄉人神之

正順忠祐靈濟昭烈王廟在縣西一里

朱娥孝女廟在縣南八里娥縣民朱回女年十歲冒

白刃救祖母事具曹娥廟旣配曹娥其後上

虞邑人復為立祠政和三年增修有新定江

公亮記

赤石夫人廟在縣北五里山腰有望夫石夕陽反照

其色正赤鄉人異之為立祠

握登聖母廟在縣西南四十里握登山之巔舊傳舜

母名握登生舜於姚墟因姓姚氏

蕭將軍廟在縣東南十四里將軍秦人諱闓與弟閔

領兵東之上虞植金鞭於地而自誓曰化為

黃竹吾當血食於此已而黃竹生焉黃竹嶺

由此得名嶺去廟甚近廟有斷碑云吳太元

二年縣令濮陽興立

順聖龍王祠在縣東八里

嵩城大王廟在縣西北六十里

崔長官廟在縣西六里

新昌縣

城隍廟在縣西一百五步

公塘廟在縣南四里

天嶽廟在縣西南七里

梅姑廟在縣西南二十里

康侯廟在縣東八里

張王廟在縣西南三里



勾踐伐木獻於夫差得名木客山魁別名

謂上古入山林逢不若之類

勾踐庶子家在夫山

越絕記地距山陰縣三十里

按越世家勾踐

之後為王子鼯與而庶子不得其名

大夫文種墓在種山越既霸范蠡去之種未能去或

讒於王乃賜種劍以死葬於是山故名

陳音冢在山陰縣西南五里是為陳音山音善射者

孔擘記曰其冢壁猶畫作騎射之象也

灼龜公冢越絕云勾踐客秦伊善灼龜者疑此是而

其冢曰秦伊山者未詳按十道志當在龜山下

朱買臣墓在嵯縣北六里有石羊存焉今號石羊廟
買臣吳人今墓在此姑以傳疑

嚴光墓在餘姚陳山輿地志云墓衛有石羊乾道中

丞相史文惠公守越於墓側建祠堂自作碑

屬錢塘虞似良書之似良字仲房有分隸名

自言隸法專師逢童子唐僊人二碑

孟嘗墓在上虞縣西七里嘗字伯周別見

曹娥墓在會稽縣東七十二里自漢元嘉初縣長度

尚改葬娥江浦道邊至今存焉墓所有翁仲

對峙亭曰雙檜後人所封殖也

魏朗墓在上虞縣西北四十二里詳見人物門

謝夷吾墓在種山南華鎮覽古云今夷吾將死救其

家曰漢末當亂必有發掘露骸之既宜縣棺

下葬子孫遵之故能獨全以至今云

虞國墓在餘姚縣西五里孔曄記云國為日南太守

有惠政出則雙鴈隨軒及還會稽鴈亦隨焉

其卒也猶棲於墓不去

朱雋墓在蕭山縣東洛思山郡國志云雋葬於此洛

人送葬登山望洛一歎而絕也孔曄記又稱雋為光祿大夫

夫時遭世哀將洛下冢師歸登山相望冢師去鄉既遠日極千里北望京洛遂縈咽而死

因葬山頂然則洛思山者
又為冢師墓也今兩存之

劉剛墓在餘姚縣南八十里其妻樊夫人祔剛仕為

上虞令有道術能召役鬼神政尚清靜歲歲

大豐民受其惠其妻亦有道者事見葛稚川神仙傳

葛仙翁墓在上虞縣西南四十里萬公山之巔有石

室高丈餘狀如冢

虞翻墓亦見舊經夏侯曾先地志在餘姚羅壁山下

蓋縣南十有八里

丁固冢在會稽固山陰人少夢松生腹上謂人曰

松字十八公後果為司徒又名司徒冢

戴顓墓在剡縣北一里王僧達吳郡記顓死葬剡山

今石表猶存故王龜齡詩云千年戴顓墓三

字道傍碑也

褚伯玉墓在剡縣白石山南史本傳云齊高帝於是

山立館居之伯玉常居一樓上及卒葬樓所

謝康樂靈運墓在山陰縣西南三十三里靈運死建

康蓋歸葬于此

羊玄保墓在蕭山縣西三十九里嘗為本郡太守

楊素墓在上虞縣西北五里亦見舊經或謂素死長

安又非越人疑有同姓字者爾

徐浩墓在山陰縣南二十一里

賀知章墓在山陰縣東南九里其地因名九里墓在山巔鄉人呼為賀墓

康希鈇墓在山陰蘭亭希鈇會稽人歷饒海台睦四州刺史其碑顏魯公撰并書郡守吳奎得之王荆公及弟平甫賦詩而墓始著

石昉墓在新昌黃壇按公弼家譜墓前有柘樹生而內向覆墓如蓋每有登科者則柘生特一枝一人或二三枝則二三人云

吳越遜王宗墓在會稽秦望山接備史宗疾阻

以王禮葬焉望秦一名天柱聳特秀峙侔之子孫多以文詞知名建炎初裔孫伯言自北邙遷奉累世之喪歸祔天柱名士多有挽辭

蔡墓在上虞縣西十里世傳是蔡伯喈墓按邕固嘗

避難至越然史載邕六世祖與其父及母死

廬墓事不聞有墓在此也死獄中又不在越

非漢蔡邕明矣太平御覽載人有夜坐論史

忽有扣戶自稱蔡邕字伯喈者人曰死王允

獄中非子耶鬼曰彼自是東漢之蔡伯喈也

吾姓字適同耳以此推之殆亦此類姑存之

近代冢墓

冢墓舊經所載外餘隨訪求所得書之故無前後之次亦有未

盡書者尚多當侯續書

會稽縣

太傅信王墳在會稽昌原村王諱璩以少保恩平郡

王判太宗正始賜府於紹興府後罷太宗

正府如故進少傅王薨遂贈太保信王以葬

其加贈太傅別又慶元之六年云

陸諫議軫墓在五雲鄉焦塢贈太傅

陸都官珪墓在袁孝鄉贈至太尉今改葬本縣鷓鴣

寺前

錢內翰

希白

墓在天柱峯下子集賢彥遠裔孫伯言祔

沈少卿

紳

墓在雲門

已上並見舊經

陸發運

真

墓在富盛鄉

郎中

沅

祔發運墓

陸左丞

佃

墓在陶宴嶺

陸少師

宰

墓在雲門盧家嶼

知郡

淞

通判

漫

並祔少師墓

陸右司

長民

墓在上臯尚書塢

叅議

靜之

提舉

升之

教授光之

並祔右司墓

蘇計議

師德

墓在陶宴嶺

吏部 班 祔計議墓

楊樞密 愿墓在何山

知郡 祐 祔樞密墓

詹司諫 元宗墓在秦望山

詹太博 林宗墓在鹿里

大監 駮 祔太博墓

梁司諫 仲敏墓在秦望山

胡尚書 直孺墓在秦望山

齊賢良 唐墓在昌原

顧內翰 臨墓在昌原

傅屯田 瑩墓在浪港山

傅編修 堯咨墓在石碁山

給事中 崧卿 左藏 繪 並祔編修墓

王提舉 然墓在五雲鄉中竈

判院 謬侍郎 淪 並祔提舉墓

王知郡 饒墓在蔡村

韓樞密 肖胄墓在太平鄉

韓左司 膺胄墓在太平鄉

韓運使 髦墓在太平鄉

富樞密 直柔墓在古城

富知府杞墓在古城

張祕書淵墓在昌原

尹侍郎暉墓在龍瑞前峯下未仕時嘗封和靖處士

莫侍郎叔光墓在平水

孝子蔡定墓在觀嶺下

山陰縣

魏惠憲王墳在山陰法華山王諱愷

孝宗第二子也初自魏邸出判寧國府又判

明州兼領雍州牧王薨有

旨宜於紹興善地權厝遂厝於天衣寺之法

堂遣使較祭且視窆焉

陸知郡卷墓在黃紡卷墓在黃紡卷

齊尚書執象墓在昌原

傅銀青傳正墓在承務鄉

尚書墨卿祔銀青墓

宋修撰輝墓在九里

朱提學興宗墓在苦竹村

王中書孝迪墓在九里

陳中書過庭墓在黃紡嶺

王特進俊墓在西山

尚書 佐 祔特進墓

司馬提舉 視 墓在亭山

侍郎 佐 監丞 佐 祔提舉墓

呂顯謨 正己 墓在九里

曾文清公墓在道樹

大卿逢侍郎 逮 並祔文清墓

杜太師墓在永昌鄉苦竹村

孫威敏公墓在承務鄉

陸太保 昭 墓在承務鄉左丞之祖四世葬此有陸氏

大墓碑

太師墓在承務鄉清獻公之祖與陸氏墳正相對

亦有碑

唐右史 閱 墓在蘭亭

唐運使 閱 墓在古城

石銀青 元之 在墓 盛塘孫朝議 中 寺正 邦 墓 村 銀青墓

石提舉 繼曾 墓在謝墅

李太尉 顯忠 墓在天衣山

嵯縣

石祠部 麟 之墓在昇平鄉

石尚書 公 弼墓在僊山

諸暨縣

安定郡王今誤墓在花山

馬郎中純墓在陶朱鄉

寺丞延之祔郎中墓

廖都承虞弼墓在陶朱鄉

新安郡王士衡墓在陶朱鄉

姚太師舜明墓在長寧鄉

叅政憲祔太師墓

安定郡王子清墓在安俗鄉

蕭山縣

王兵部絲墓在縣西南八里

王侍郎弗墓在廣福寺傍

餘姚縣

胡尚書沂墓在澄溪

李莊簡公墓在姜山

陳侍郎崇墓在化安寺

趙知府彥嗣墓在鳳亭鄉

趙知府師龍墓在石堰

上虞縣

趙提刑彥綱墓在五夫山鳳凰村

豐郎中誼墓

潘經略時墓

趙龍學續墓

新昌縣

石尚書待旦墓在仙桂鄉

朝議溫之朝議牧之金紫衍之太博象之太博亞

之大夫景衡並祔尚書苦

石祠部景術墓在高端

二知郡彦和墓在蒼嶼

石朝議景術墓在蘭嶼

石知軍慶墓在仁山

石知軍慶墓在石佛寺山

石少尹彦中墓在蒼嶼

許知郡從龍墓在杜黃山

趙知郡孟墓在伍山鄉

石刑部書問墓在小江

石檢詳宗照墓在王公塢

太師賀孝敏王士泰墓在山陰縣天衣寺法華山

節使滕國恭靖公不微墓在山陰縣東黃

直閣不羈 祔恭靖墓

會稽志卷第六

會稽志卷第七

宮觀寺院

道士所居為宮觀僧則曰寺院宮古者上下通稱如

子皆異宮儒觀本樓闕之名仙人好構居故道士亦

稱之南北朝又有稱館 玄壇者今都下醴泉萬壽

集禧之類皆有道院以處其徒外方如丈人觀等亦

或有之然不多置也寺本官置之名後漢浮屠初至

洛陽館於鴻臚寺及建精舍因冒寺名曰白馬寺隋

更其名曰道場若毘陽詢所撰西唐初復曰寺院五

代以來寺院特盛江南吳越閩是建寺度僧不可勝



計今以會稽一郡攷之凡梁開平以後稱造某寺賜其額皆錢氏割據時爲之非真中國之命也故其多如此及地入輿圖乃有勅賜額宣和初旣以僧屋爲德士女德乃併改寺院爲宮觀僧揣知必不久皆仍舊扁止易一字以應命而歲其舊字及還寺院名則復其初今會稽如戒珠寺等猶可辨也

宮觀

府城

天慶觀在府東南五里一百三十步隸會稽唐之紫極宮也梁開平二年改真聖觀大中祥符

元年正月改曰承天觀時天書事猶未興也

初景德五年正月

即祥符元年

乙丑左承天門

天書降戊辰改元大中祥符以其日爲天慶節二年十月十四日詔曰朕以欽崇至道

誕錫元符率土溥天期福祥之咸被靈壇仙

館俾興作以攸宜庶昭清靜之風永洽淳熙

之化式營仙館以介民禧宜令州府軍監關

縣擇地建道觀一所並以天慶爲額蓋用節

名也惟西京稱天慶宮餘悉爲觀於是州以

承天應詔五年閏十月九日詔曰近者告

期中夕降聖皇闡昭示誨言備聞帝曾尊祖
聿隆於顯號奉先式煥於丕圖鴻緒發源旣
彰於累積絲區設教用表於欽崇天下州府
軍監並於天慶觀置

聖祖殿其殿內尊像及侍從並令王清昭應
宮降樣其後遂著令諸州給閑田供齋廚藩
鎮十頃餘七頃五頃官吏之官罷任並朝拜
禁乘馬出入遇天慶節士庶焚香庭中殿在
觀之昊天殿北建炎初罷王清神霄萬壽宮
詔迎長生青華像赴觀建炎三年十一月

高宗皇帝駐蹕於亥

列聖御容至自東京亦迎赴天慶奉安云

報恩光孝觀在府東三里九十四步隸會稽陳武
帝永定二年捨宅建名思真觀太平興國九
天壽年州乞改額乾明以從聖節祝

至尊壽 詔俞其請崇寧二年改崇寧萬壽
政和三年改天寧萬壽置

徽宗本命殿號景命萬年殿紹興七年改報
恩廣孝十二年又改今額專奉

徽宗皇帝香火初天聖間

章獻明肅皇后殿遣中使脩建用玉清昭應宮別殿小樣將成羨材尚多中使謂主觀道士曰當爲奏陳別建道院於東偏道士唯唯而已它日復言之又不對中使不懌遂已道士者惜不知其姓名必賢者也

天長觀在府東南六里一百六十六步隸會稽唐天寶三載祕書監賀知章辭官入道捨宅置號千秋觀七載改今額初開元十七年從羣臣請以八月五日上降誕日爲千秋節觀蓋用節名後改千秋節爲天長地久節觀名

從之觀嘗有客道士攜草履數十緡坐觀門有過者輒與之已而得履者或有脚疾或辭瘍著之皆頓愈競相傳布而道士已失所在故至今俚俗謂天長爲草鞋宮殿上像設竒古傳以爲唐代所塑如麻姑浮丘伯等皆他宮觀所無郡人謂之土寶又殿東有小銅鐘範製甚竒聲尤清園遠聞非凡鐘比嘗撲損匠者鋸爲大罇聲乃如故汝陰王廉潛作八分書於鐘上惜其不爲人所知今從於他所

矣

開元宮在府南四里一百二步隸山陰唐開元二十
八年建宮舊極闕廣後多為民居所侵今所
謂甲子巷者乃開元之六十甲子殿也

會稽縣

告成觀在縣東南七里政和四年二月敕改禹祠為
告成觀靖康初元翰林學士翟公汝文守會
稽作三清於正殿因設醮祭其青詞曰臣聞
昊天有目之所共覩尚絕形容上聖衆妙之
所圓成熟能體象敢以凡情之見解妄慕浩
劫之高明深慮愚冥自貽誅譴伏念臣叨蒙

叨蒙覆燾粗識薰修每嘆玄像之不傳莫慰
羣倫之生敬力求繪素仰肖光儀用志歷年
僅成茲事今者甫塵丹陛獲遂夙心竊惟高
上至極之尊必示淵默無爲之相寫三清之
垂拱用仿威神具萬德之莊嚴出臨霄極儻
獲上通帝所克簡聖衷即乞頒降諸天普同
供養咸瞻睟表永有依歸臣尚恐粉墨旣焚
闕藏雲闕復命工師再刻崇建琳宮流傳颺
歛之姿安奉告成之宇庶存下土以廣真游

臣誓願歷劫始終歸誠道蔭生身嗣續祇命

玄科非敢萌纖毫僥福之心直以盡頂踵報天之實自稱小兆臣翟汝文又作真武像尤極精緻說者謂得天人粹溫之氣而陰威肅然初建殿於西北隅後以奉安御書碑移殿西廡下南向殿之西南有井能愈疾一郡所崇事也餘具禹廟事中

龍瑞宮在縣東南二十五里有禹穴及陽明洞天道家以爲黃帝時嘗建候神館於此至唐神龍元年置懷仙館開元二年因龍見改今額宮正居會稽山南峯嶂造峯其東南一峯崛起上平如砥號苗龍上昇臺苗龍者不知其名唐初人善畫龍得道仙去大抵龍瑞尤宜煙雨中望之重峯疊巘圖畫莫及故邦人舊語曰晴禹祠雨龍瑞舊有道士魏景暉能琴有行業紹興中郡侯洛人李_撰贈之詩云惟有彈琴魏道士抱琴橫膝對斜暉朱希真_敦儒頗稱之

千秋觀在縣東南五里乾道四年八月安撫使史

丞相_浩奏移天長觀舊額建其中爲三清殿

兩廡分享前代高士東廡曰高尚之士西廡

曰列仙之儒凡四十一人故俗謂之先賢堂
前有閣榜曰鏡湖一曲亭曰懷賀

嵒縣

金庭觀在縣東南七十二里孝嘉鄉道經云王子
晉登仙是天台山北門第二十七洞天桐栢
山洞中三十五里見日月下見金庭壁四十
里唐高宗時賜名金庭觀宣和七年改崇妙
觀舊傳王右軍捨讀書樓為觀初名金真館
後改金真宮至宋齊間嵒伯玉居此山三十
餘年後游南嶽霍山復歸謂弟子曰吾從此

去十旬當逝及期而終年八十有六史言嵒

之辨疾救於剡白石山立真誥云上虞吳曇

者得許承一瓢贈伯玉伯玉云授弟子朱僧

標歷代寶之可受一斛唐先天間遣女道士

詣金庭觀投龍因見此瓢遂持以進今觀之

東廡有右軍肖像又有墨池鵝池

桃源觀在縣城內東北四十步唐武德八年置號

黃籙太清觀後廢漢乾祐三年重置仍改今額

諸暨縣

乾明觀在縣西二里紹興二十六年道士陳師惠

建請于朝移舊乾明觀額

餘姚縣

廣福觀在縣東七十步舊號聖祖下院其址在

縣城內天聖中建熙寧二年用治平德音賜

壽聖觀額廢於建炎兵火縣以弓手舊營易

其址廣縣治紹興二十五年道士張襲明即

所易新址重建三十二年以避開道

太上皇帝尊號例改今額

祠宇觀在縣南七十里四明山漢人劉剛及妻樊

夫人上昇之地古有祠宇觀唐明皇天寶三

年以其地險遠移觀於瀑布下故俗謂之白

水宮本朝政和六年詔建玉皇殿蠲其

雜賦初唐末有高士謝遺塵隱於是山之南

雷今有大雷峯亦不知南雷何在嘗至吳中謂陸魯望曰吾

山有峯最高四穴在峯上每天宇澄霽望之

如牖戶相傳謂之石窻故茲山名曰四明山

中有雲二十里不絕民皆家雲之南北每往

來謂之過雲有鹿亭有樊榭有潺湲洞木實

有青櫛子味極甘而堅不可卒破有猿謂之

鞠侯於是魯望與友人皮襲美各賦詩九篇

傳於世然今雖山中居人皆不知此異境界
在何處與華山之華陽武陵之桃源無異蓋
神仙所居可聞名而不可到也或謂山圍八
百里四面皆七十峯其說出於近世莫可得
而攷按今明州蓋以此山得名而山實屬會
稽之餘姚縣正如眉州本以峨眉山得名而
山乃屬嘉州之峨眉縣也又華州以華山得
名華山高五千仞華州乃不見而同州反見
之故語曰世間多少不平事却被同州看華
山亦此類也

上虞縣

天慶觀在縣南一里太康中獲金壘於上虞觀
國朝祥符二年詔天下立天慶觀縣亦許之
故賜今名

新昌縣

鼓山真聖觀在縣西四里

寺院

府城

開元寺在府東南二里一百七十步節度使董昌
故第後唐長興元年吳越武肅王建奏以開

元復爲大善寺而以此爲開元寺蓋處一州
之中四旁達近適均重闕廣殿脩廊傑閣大
鐘重數千斤聲聞浙江之湄佛大士應真之
像皆雄寺工緻冠絕它刹歲正月幾望爲燈
市傍十數郡及海外商估皆集玉帛珠犀名
香珍藥組繡髹藤之器山積雲委眩耀人目
法書名畫鐘鼎彝器玩好奇物亦間出焉士
大夫以爲可配成都藥市建炎庚戌虜騎侵
犯旣退群盜投隙而至遂焚不遺一椽今七
十年雖繼興葺尚未能復初武肅王有浙東

以董昌第爲開元寺
是同時廢于火亦有數焉

大中禹跡寺在府東南四里二百二十六步晉義

熙十二年驃騎郭將軍捨宅置寺名覺嗣唐

會昌五年例廢大中五年僧居玄詣闕請僧

契真復興此寺并置禪院於北廡詔賜名大

中禹跡且命契真居所置禪院寺門爲大樓

奉五百阿羅漢甚壯麗初釋氏自達摩至慧

能以耒傳禪宗然禪院皆寓律寺至百丈山

懷海始創爲禪居乃不復寓律寺契真亦懷

海弟子是時禪寺雖創尚未盛行故猶寓禹
跡北廡為禪院而已凡寺院冠以大中二字
皆廢於武宗而復於宣宗者惟祥符非是紹
興末曾文清公卜居于越得禹跡東偏空舍
十許間居之手種竹盈庭日讀書賦詩其中
公平生清約不營尺寸之產所至寓僧舍蕭
然不蔽風雨惟食奉祠之祿假三兩老兵給
使令始終如一日公詩有曰手自栽培千箇
竹身常枕藉一床書蓋寓居時所賦也

延慶院在府東南五里二百二十六步唐大中

二年台州刺史羅昭權捨宅建

崇報院在府東二里一百九十四步開運四年司
農卿周仁邈之妻許及其子從徽捨宅建名
報恩後改今額

大中祥符寺在府東北三里二百步唐中和二年
僧可瑫建號中和水陸院後改稽山羅漢院
周廣順三年改保聖寺開寶七年改法雲寺
大中祥符元年改今額

圓通妙智教院在府東南三里一百五十步開寶
八年少卿皮文粲捨地建號觀音院方唐之

末皮日休避地吳越死焉其子光業爲其國丞相裔孫公弼仕

國朝亦通顯文粲光業諸孫仕於其國者新唐書據小說以爲日休誅死蓋誤也熙寧間太守趙清獻公具奏以禱祈之地賜額圓通紹興初

車駕駐蹕宣賜

御書金剛經板乾道八年府又以禱旱疫有應聞于

朝加額妙智初有興福院與圓通隣久廢僅

有一佛殿至是用主僧善超請併興福入圓通或云圓通本興福之觀音懺堂後寢盛別爲院而興福日衰至無一僧乃併有之事之興廢有如此者亦可一歎也

永福院在府東二百五十八步晉天福四年吳越文穆王建名光明院大中祥符元年改今額慶曆八年七月初五日朝旨永充天台教院有重建院記

隆教院在府東一里三百四十六步太平興國元年觀察使錢俛建號無礙浴院大中祥符元

年改賜今額

景德院在府東南六里七十四步唐天祐四年建號鏡清開寶三年改福清院大中祥符元年改今額有十六觀堂趙侍郎不流之先嘗寓居侍郎實生於此及來爲守興葺之

明教院在府東南五里四十六步建隆元年錢塘縣令林仁憲捨宅建號彌陀院大中祥符元年改賜今額

旌教院在府東南四里一百九十四步周顯德二年錢承裔建號法華藏院開寶三年改置臺永壽院大中祥符元年改今額院舊植杏其茂至今謂杏花寺

長慶院在府東南一里二百二十八步宋永徽二年建本晉尚書陳翼竹園因號竹園寺唐會昌五年毀廢周顯德五年僧德欽重建號廣濟院大中祥符元年七月改賜今額

善法院在府東南四里二百二步晉天福七年吳越建爲左院號永寧本朝大中祥符初改今額熙寧八年併左入大慶以爲僧院紹興初秦魯國賢穆大長公主寓第院中培地得

金塗銅塔

壽昌院在府東南五里一百四十六步漢乾祐三年建觀音吉祥院開寶三年建佛殿景德二年改今額

廣福院在府東南六里七十六步太平興國元年温州刺史錢儻之子熙暎捨園建號俱胥院俱胥西域語也蓋錢氏所名及治平四年正月一日

英宗皇帝受徽號德音私造寺觀及三十間以上有佛像者以聞賜名壽聖壽聖蓋

英宗誕節名也故僧寺名壽聖者所在有之一州或至十數初前代及

本朝有以誕節名寺觀者如千秋天長天清承天乾元之類雖間有之然不多也至壽聖始遍及天下崇寧間蔡京請郡置一寺觀名天寧萬壽蓋權輿於此紹興三十二年六月高宗皇帝內禪移御 德壽宮上尊號曰

光堯壽聖太上皇帝是歲十二月 詔寺院宮觀祠廟及鄉里坊巷官私亭館名有犯壽聖及 德壽字者並回避又 詔天下寺

觀名壽聖者皆改爲廣福云

法濟院在府東南四里九十六步至道元年邑人
陳建捨園爲台州萬年山解院天禧三年賜
院額

悟本院在府東南三里三十四步唐乾符二年張
希劉審言共捨宅置號鏡水院開寶七年改
明心院又賜今額佛屋戶上有題捨錢人姓
名墨高去木一分許蓋歲久風雨推剝木朽
而字以墨覆故獨不動世傳華州西溪有亭
蓋杜子美詩所謂鄭縣亭子者杜詩書石上
墨字挺起尤高蓋此類也

福果院在府東南三里三十四步

右隸會稽

大善寺在府東一里二百一十步梁天監三年民
黃元寶捨地錢氏女未嫁而死遺言以奩中
資建寺僧澄貫主其役未期年而成賜名大
善屋棟有題字云天監三年歲次甲申十二
月庚子朔八日丁未唐開元二十六年改名
開元後唐長興元年吳越武肅王別創今開
元乃復大善舊名建炎中

大駕巡幸以州治為行宮而守臣寓治於
大善及移蹕臨安乃復以行宮賜守臣為治
所然歲時內人及使命朝橫陵猶館於大
善乾道中蓬萊館成乃止獨太常少卿按行
陵下寓館焉慶元三年十一月寺僧不戒于
火一夕煨燼惟羅漢天王堂浴院經院庫堂
僅存寺有塔亦俱焚或發其塔中地得石刻
乃越州龍興寺宋太始元年唐大中元
年造塔大宋淳化三年十一月火焚塔寺俱
盡景德元年重建石刻中間多斷闕不可盡
讀按龍興寺與今龍興橋相近或謂提舉歷
舍是也疑龍興塔既焚後人取廢塔所葬舍
利佛骨益以他舍利葬於大善塔耳以棟上
字觀之則大善自德寺以來初未嘗有被焚

之事亦未嘗
名龍興也

報恩光孝禪寺在府南二里二百二十二步宋元

徽元年製法華經維摩經疏僧遺教等與法

師惠基於寶林山下即龜山亦建寶林寺時
名飛來山

有皮道與捨宅連山造寺山之巔有石岫岫

有靈鰻禱雨多應旁有巨人跡錫杖痕會昌

毀廢乾符元年重建因改為應天寺晉末沙

門曇彥與許詢元度同造輓木二塔未成詢

亡父之岳陽王將至彥預告門人曰許元度

來也岳陽亦早承誌公密示至州即入寺尋

訪彥望而曰許元度來何暮昔日浮圖今如
故王曰弟子姓蕭名啓師何故以許元度呼
之彥曰未達宿命焉得知之遂握手命入室
席地王忽悟前身造塔之事宛若今日由是
塔益加壯麗崇寧三年八月詔改崇寧萬壽
禪寺三月八日又改崇寧爲天寧每歲天寧
節郡寮祝聖於此紹興七年改報恩廣孝禪
寺俄又改廣孝爲光孝專奉

辭

徽宗皇帝香火蓋以本天寧祝聖之地也

舊有長老滋須者有高行會改當十錢爲當
五郡守召須及能仁長老密告之且曰聞二
寺方大興造有未還瓦木工匠之直而蓄當
十錢多歸可急償之明日文字一出皆大折
閱矣二人旣歸能仁呼知事僧告以將赴它
郡之請凡有負者皆即日償之於是出千餘
緡與之抵夜乃畢得者皆喜明旦遣侍僧問
天寧則曰長老歸自郡齋即以疾告閉方丈
門熟睡至今猶未起也及令下須始以當五
之數償負能仁乃大媿服

大能仁禪寺在府南二里一百四步本晉許詢捨

宅號祇園寺後廢至吳越王時觀察錢儀復
建號圓覺寺咸平六年從知州事兵部員外
郎康戩之請用承天節名改賜承天寺政和
七年上后土號曰承天効法厚德光大后土
皇地祇 詔天下承天僧寺皆改爲能仁寺
蓋避后土號也是歲 詔建神霄玉清

萬壽宮以僧寺壯麗富贍者改建而越以能
仁爲之石刻 御製宮碑奉安法堂上作朱
漆樓閣嚴護正殿左奉長生大君右奉青華
帝君侍立真人各二人側殿奉韓君丈人又

繪左右仙伯及從官於兩序殿柱以金龍

之殿庭爲醮壇殿門立二十四戟用鑄石頭

朱漆捍其捍上青下綠彩畫雲鶴蛟龍仍綴五色帶五條每帶綴一銅鈴通長一丈二尺八寸

殿上設威儀金鉞玉斧五明扇九天寶蓋神境錦繡飛空霓旌真境十絕靈

幡朝天朱幢仙境絳節紫金垂雲如意尺十種各二築亭行符水名

仁濟亭講堂名道紀堂經藏名雲章寶室賢

產名道業天寧天應天符寧貺元成節各設

醮醮多至千二百位自 京師降青詞朱表

御香守闈及掃洒用禁軍文書入疾置守臣

雖前二府但稱管勾百步內禁雜戶及屠肆

街衢責地分人掃除車檐及庖厨宴集音樂
采捕刑獄之具皆有禁道士知宮副知宮皆
降勅差名曰長貳氣焰熏灼監司守臣通書
啓送迎交謁如等夷方是時泗守棄默建昌
守陳并秀守蔡巒皆爲神霄道士所訟得罪
至流竄歲用名香朱丹幣帛酒醴華果不可
勝數紙札尤多一取以千計皆池表歛表之
類不許以地所產充數猶退易不已遇特設
齋道士視錢自三十千至三百率無虛月

靖康內禪始稍減削 建炎中興 赦書

命神霄復爲僧寺遷像設於天慶觀而能仁
寺復故州又有能仁院故郡人謂能仁寺爲
大能仁寺云

戒珠寺在府東北六里四十七步葺山之南本晉
右將軍王羲之故宅或曰其別業也門外有
二池曰鵝池墨池其爲寺不知所始陳太建
二年有僧定光來寓寺中耳過其頂擎銀像
長立不臥寺之中爲臥佛殿有所謂十大弟
子者哀泣其旁或候氣或捫足而佛之父母
亦在焉僧惠迪言方政和間道家盛時有道

士結僧曰寺院皆祝壽之地乃爲此狀何也
當聞於州毀之有僧出曰北見道宮進

天寧節祝 聖䟽首列道德經若干卷經中

乃云上將軍居右言以喪禮處之死而不亡
者壽強梁者不得其死死之徒十有三以其
求生之厚是以輕死民至老死不相往來如
此類皆何等語汝乃殊不避何也道士掩耳

而去寺有上方院熙寧中郡守程公師孟與

法雲長老重喜來遊喜能詩乃擬程公體坐
上立成曰行到寺中寺坐觀山外山程公大

喜又有竹堂雪軒字泰閣皆一郡登覽之勝

李參政漢老有雪軒詩曰四山環繞翠岩荒
想見凌晨雪未消八萬四千脩月手不知何
處琢瓊瑤人推絕唱字泰紹興中爲士子肄
業之地常十餘人策名巍科者相踵蓋山川
之秀有以相之寺南百步有題扇橋蓋賣扇
老姥所居云

光相寺在府西北三里三百七步後漢太守沈勳

公宅東晉義熙二年宅有瑞光遂捨爲寺安

帝賜光相額給事中傅公崧卿退居北海里

第夫寺最近數杖屨過之

能仁院在府西北三里三百三十七步開寶六年
觀察使錢儀建太平興國二年吳越給地藏
院額大中祥符元年改承天政和七年五月
改賜今額事在大能仁寺篇

廣教院在府西六里二百二十七步戴山東麓院
後山壁刻字有曰唐景福元年歲在壬子准
敕建節度使相國隴西公生祠堂其年十二
月十六日興功開山建立蓋董昌生祠也昌
敗祠廢後唐天成四年吳越王錢鏐夢神人

求祠宇或言祠本古天王院有魚池因建天
王院大中祥符元年七月改通教院天聖初
避

章獻明肅皇后父名又改今額建炎末與開
元寺同時廢于火紹興中院僧惠迪募緣再
建佛殿西北隅山壁有陸少師題名石刻云
盧駿元王源之吳廷瞻曹季明沈詠道孫元
禮陳志行陸元鈞自戒珠寺雪軒過竹堂登
上方尋徑到此政和八年三月二十八日元
鈞題盧公名天驥西安人以儒學進名重當

世後避天字改名襄字贊元終於吏部侍郎
時爲浙東提點刑獄少師時爲淮西提舉常
平詠道名時升爲部酒官有文學盧公遇之如
交友遊覽必與俱後以子貴贈至太師吳國
公

妙明院在府北三里一百七步開寶五年鎮海軍
都指揮使陳志建吳越給光讚般若院額大
中祥符元年七月改今額佛殿東南有八角
石井舊嘗有大珠夜風雨晦冥輒出照殿上
及廊廡盡明或濬而索之弗得建炎兵亂有
北客來居墜小兒死焉珠遂絕不出院本其
廣今非復舊址矣

觀音教院在府西北三里一百二十七步乾道九
年有沈安中者捨所居請于府移會稽縣界
圓通妙智教院舊額建

右隸山陰

會稽縣

泰寧寺在縣東南四十里周顯德二年建初號化
城院又改爲證道院建中靖國元年太師陸
佃旣拜尚書左丞請以爲功德院改賜名證

會稽志卷三
慈米芾書額寺門外築亭曰慶顯紹興初
詔卜

昭慈聖獻太后攢宮遂以證慈視陵寺而議
者謂

昭慈將歸祔

永泰陵因賜名泰寧禪寺其後

永祐

永思

永阜

永崇四陵修奉皆在其地故泰寧益加崇尊云

淳化寺在縣南三十里中書令王_一子敬所居也美

熙三年有五色祥雲見安帝詔建雲門寺會

昌毀廢大中六年觀察使李褒奏再建號大

中拯迷寺淳化五年十一月改今額寺有彌

陀道場杭僧元照書額門外有橋亭名麗句

亭刻唐以來名士詩最多先唐時雲門止有

此一寺今裂而為四雍熙者懺堂也顯聖者

看經院也壽聖者老宿所棲菴也或謂雲門

寺本面東主秦望而對陶宴等山如列屏障

會昌廢寺後止存一小殿面南未毀遂因附

益以為寺非復舊址而舊址乃多犁以為田
紹興中淮僧廣勤為雍熙副院嘗因牛足陷
得小銅維衛佛像於田中蓋古雲門寺地也
凡寺額冠以大中者捨大中祥符外皆唐宣
宗時所復會昌廢寺

雍熙院在縣南三十一里一十步初僧重曜於雲

門拯迷寺之西建懺堂號淨名菴開寶五年

觀察使錢儀弟廣之為大乘永興禪院懺堂

在今佛殿後法堂前雍熙二年十月改

賜今額紹興元年六月賜故尚書左丞陸

公為功德院陸氏功德院本在證慈至是

賜是院時方立法應賜功德院者不院有

吳越忠懿王在國時所貽書石刻其一曰報

雲門山淨名菴長老重曜今差人賫到白乳

茶三十斤稜瓷香爐一隻衙香五斤金花合

盛重五十兩仍支見錢一百千文足陌可親

入懺保安遣此示諭不具押字付其一曰報

越國雲門山淨名菴長老重曜昨據節度使

錢儀申所請為官中入懺保安事具悉師心

鏡絕塵衣珠無類脩釋氏務三之訓得淨名

不二之宗泊掛錫寶坊棲真玉筍節使素欽
於景行遠有來聞國家因罄於精誠遂可其
請况竒峯正聳炎景斯煩非坐非行頗勞精
進傾心引領尤媿忠勤今則再賜到乳茶三
十斤乳香三十斤至可領也爰熟想得平安
好故茲告諭想宜知之不具押字付長老重
曜此亦可略見錢氏下書境內之體錢氏自
周世宗及

宋興之後益務尊戴 中朝然其書猶不能
無竊擬書詔之意故具載之院額錢惟治所

書院前橋亭曰好泉亭亭扁蓋陸少師所題
取范文正公詩林無惡獸佳巖有好泉來之
句又有牧菴朝陽亭及范丞相純作兄弟章

樞密案曾舍人鞏晁侍讀說之江少卿緯廉

博士布題名錢氏據舊史雖封吳越國王然
初不言會稽別稱越國於此見之史魏公家
有當時金書法華經稱錢儀為判會稽府則
又有會稽府之稱矣吳越備史又云遜王移
居東府似又稱東府也

顯聖院在縣南三十里周顯德二年於拯迷寺石

壁峯前建看經院乾德六年賜號雲門寺至
道二年九月改今額院後有王子敬筆倉實
一智井有經藏甚靈異中間院嘗無主僧者
久之郡牧毀其法堂以脩園館然經藏猶如
故今院復小葺絕無產業僧童賴經藏以給
云

廣福院在縣南四十里晉天福六年建初名上庵
熙寧三年六月以治平 德音賜壽聖院額

隆興元年例改今額雲門四寺相比廣福最
在其上小而秀邃可喜傍又有雲泉雲峯庵
皆幽勝

大禹寺在縣南一十二里梁大同十一年建會昌
五年毀廢明年重建寺自唐以來爲名利西
偏有泉名菲飲有亭覆之紹興中王編修鉉
題名大字刻泉上

天華院在縣東六十里周廣順二年建號無礙浴
院至道二年十一月賜名天華院呂文靖公
有賀家湖上天華寺一軒窻向水開之句
今院乃在小市去湖差遠不稱此詩疑嘗移
建云

東山壽寧院在縣東二十五里宣和五年陸祠部

傳所建初蔡京爲黨禁凡故二府臣寮名在

元祐黨者皆奪墳剝例更其名爲壽寧陸左

丞證慈院其一也政和中詔皆復賜之額亦

復其故祠部適以家貲建東山院成遂請於

州以壽寧名之方建寺時祠部年逾六十方

手植穉松人或笑之及歿年九十松皆爲喬

木云

寶山證慈院在縣東七十二里曹娥鎮曹娥廟之

旁米禮部書額證慈本陸左丞寶山功德

院名後以

昭慈聖獻皇后攢宮改院名泰寧而徙額于

此

大中昭福院在縣南一百里唐元和二年寧貢禪

師建會昌廢大中八年文質禪師重建

妙峯寺在縣東七里唐光啓元年蔡邠等於古靈

山寺基建靈山寺大中祥符元年改賜今額

福慶寺在縣東南七十里晉將軍何充宅也世傳

充嘗設大會有一僧形容甚醜齋畢擲鉢騰

空而去且曰此當爲寺號靈嘉充遂捨爲靈

嘉寺唐會昌五年廢晉天福七年重建大中
祥符六年改賜今額

隆慶院在縣東北二十里晉元嘉三年建號長樂
寺會昌廢建隆元年重建號興福院大中祥
符元年改賜今額

資壽院在縣東南七十里晉開運四年阮羅建乾
德二年吳越號資國院大中祥符元年改賜
今額

護聖院在縣東四十里周顯德元年建院有塔
因號千佛塔院大中祥符元年七月改今額
廣愛院在縣東南一百里漢乾祐三年於古寶安
寺基上建號德政院大中祥符元年七月改
賜今額

崇仁院在縣東南一百里唐龍紀二年建號相國
永泰禪院晉天福四年吳越改瑞峯院大中
祥符元年改賜今額

資聖院在縣東四十里漢乾祐元年建號證福院
大中祥符元年七月改賜今額乾道九年改
爲禪院

普濟院在縣東北八十里孔浦後唐長興四年建

號興福禪院大中祥符元年改賜今額

福聖院在縣東北八十五里纂風浦周廣順元年

建顯德五年吳越給延壽院額大中祥符元

年改賜今額

慶恩院在縣東南九十里晉天福七年建周顯德

元年吳越給報恩院額治平元年改賜今額

靈峯院在縣南二十二里開寶九年觀察使錢儀

建號三峯院治平元年改賜今額

普濟院在縣東四十里乾德元年盧文朗建即晉

鴻明道師誦經之地將軍何充累詣聽經次

號何山院乾德三年改雲濟院治平二年改

賜今額

淨勝院在縣南二十里唐中和三年齊肇以其祖

丞相抗書堂建號雲水塔院治平二年改賜

今額

渚修院在縣南一十八里周顯德五年集惠大師

建號福清塔院治平二年改賜今額

妙智院在縣東南二十五里晉開運二年建觀音

左院今為僧院治平二年改賜今額

淨住院在縣東北四十里齊永明二年建號靜念

寺會昌廢漢乾祐三年陸君泰重建治平三年九月改賜今額

廣教寺在縣東二十五里晉開運四年建號善訓寺治平三年二月改賜今額

澄心院在縣東六十里唐景福二年吳越武肅王建周顯德五年改水心院治平三年二月改賜今額

華嚴院在縣東南七十五里咸通九年賜今額寺久廢後移五雲鄉今方廣院乃其子院爾

沈鷲峯院在縣東南七十里唐大中五年建天祐六年賜號金峯院治平三年二月改賜今額

延安院在縣東南七十里建隆元年建號護國保安院治平三年二月改賜今額

崇勝院在縣東南九十里晉天福七年建號保安院治平三年改賜今額

九蓮院在縣東南七十五里建隆三年建號蓮花院治平三年二月改賜今額

佛果院在縣東南八十里乾德二年建號保福院治平三年正月改賜今額

清修院在縣東南八十里晉開運三年建號清泰

院治平六年九月改賜今額

寶林院在縣南一百里元豐元年州以三界鎮接待院奏請賜今額

化城院在縣東南四十里周顯德二年於古皇城院基建

石佛妙相寺在縣東五里唐大和九年建號南崇寺會昌廢晉天福中僧行欽於廢寺前水中得石佛遂重建治平三年賜今額石佛今在寺中高財二尺餘背有銘曰齊永明六年太歲戊辰於吳郡敬造維衛尊像凡十有八字

筆法亦工按會稽未嘗號吳郡

在隋嘗名吳川然在北後

年百餘此石佛既得之水中又一人可負之而趨者安知非吳郡所造而遷徙在會稽耶按天衣有維衛銅像雲門雍熙又嘗犁地得銅像亦維衛也蓋古多作此像者

稱心資德寺在縣東北四十五里梁大同三年建會昌中廢大中五年觀察使李褒奏重建稱心在唐爲名山與雲門天衣埒宋考功之問守會稽時有遊稱心寺詩曰步步陟招提宮北極山海觀千巖透紫遶萬壑殊悠漫喬木傳

夕陽文軒劃清渙洩雲多表裏驚湖每昏旦
問予金門客何事滄州畔謬以三署資來刺
百城半人隱尚未弭歲華豈兼玩東山芝桂
芳明發坐盈歎考功詩名冠冕一代李適以
爲自康樂以後殆爲絕唱此詩尤高絕信乎
其似康樂也又有唐律二篇見集中雲門天
衣至今遊會稽山水者必至焉惟稱心在海
隅獨以僻遠寺又蕪蕪故詩人騷客有終不
一到者名亦晦而不彰豈獨人材有不遇哉
明覺院在縣東三十五里刺浮山唐開元十八

建會昌毀廢晉天福八年復建號大明院治
平二年改今額有千歲和尚塔亦有碑而其
說荒怪不可攷質然院頗幽絕可愛院門下
數諸峯如柳柳州所謂林立四野者入門石
壁屹立盛夏爽然如秋

隆德崇善寺在縣南二十五里昌源故 皇叔祖
信王璠功德寺慶元四年賜今額

崇福院在縣南二十五里

興福院在縣南一里一百步晉天福五年觀察使錢

僞建號錢湖院大中祥符元年改賜今額今廢

山陰縣

天章寺在縣西南二十五里蘭亭至道二年二月
崇寧內侍高班內品裴愈奏昨到越州見晉王羲
之蘭亭曲水及書堂舊基等處得僧子謙狀
乞賜御書收掌於書堂上建一寺舍焚修
崇奉宸翰特賜天章寺額淳熙十年重建
御書閣奉安

仁宗皇帝天聖四年六月十二日 宣賜
御書篆文天章之寺鐫刻四字牌額又紹興
八年三月壬寅降詔到

高宗皇帝御書蘭亭序石刻一本賜浙東
撫使孫近有近題跋勒石蘭亭曲水右軍書
堂及畫像至今皆在或謂宋高宗天章
仁宗書此額時本書

真宗御集閣為天章之閣四字既成
聖意未愜再書之前本遂不用有內侍奏
章獻明肅皇太后言越州天章寺天下名山
今欲乞

皇帝更書一寺字易閣字以賜越州

太后與

上皆欣然許之此四字是也故老所傳如此
天衣寺在縣南三十里晉義熙十三年高僧曇翼
結菴誦法華經多靈異內史孟覲請置法華
寺至梁惠舉禪師亦隱此山武帝徵之不至
有翼公所頂戴紫檀十二面觀音及梁昭明
太子統遺舉公金縷木蘭袈裟紅銀澡瓶紅
瑠璃鉢至今具在又有金銅維衛佛像本西
域阿育王所鑄浮海而至梁武以施山中儀
相甚偉今奉於西序宣和初詔改僧爲德
士寺院爲宮觀銅鏡銅像期以十日盡輸官
俄復命惟輸鏡而銅像悉獲存故維衛像
今嚴奉焉寺有十峯堂以山之十峯爲堂名
山下又有雙澗故曾文清公詩云布鞞青鞋
躡欲無看山看水未成踈十峯雙澗尤竒處
萬壑千巖總不如淳熙七年詔以皇子
魏惠憲三薨橫于山中設置衛守且歲時加
恩澤有差云

法雲寺在縣西北八里本名王舍城寺久廢吳越
王時有大校巡警見其地有光景乃復興葺
開寶七年改名寶城寺中允陸公仁旺及弟

大卿捨園地以益之大中祥符中改額法雲建中靖國元年大卿之孫拜左丞請爲功德院三歲度僧一人建炎初金虜入寇有三騎至寺主僧道亨不勝憤閉寺門擊殺之尸諸門虜後騎至遂焚寺道亨婺州人在法雲四十年度弟子三十二人寺焚復營葺不少挫未成而卒其後自修契彛繼之乃成道澤又建觀音殿鐘樓經藏往時有重喜者不知何郡人爲童子時擁篲掃廊忽渙然有省遂能詩有傑句元豐中居法雲嘗作詩曰地爐無火客囊空雪似楊花落歲窮拾得斷麻縫破衲不知身在寂寥中

本覺寺在縣西北一十五里梅山後唐清泰三年節度經略副使謝思恭捨宅建號靜明寺寺有雲峯堂以曾文清公詩得名亦有曾公手書行記寺後有適南亭可以望海郡牧程給事建陸左丞作記又有子真泉

智度寺在縣西北九十五里後唐天成三年建周顯德元年吳越改旃檀寺大中祥符元年七月改賜今額

靈祕寺在縣北五十里梁大同十年將軍毛寶捨宅建會昌毀廢大中五年重建

寶壽院在縣西三十五里唐大順二年建天禧三年造殿號清化院景德二年改賜今額

寶嚴院在縣西一百二十五里晉開運二年建純一禪師壽塔漢乾祐元年吳越給清化純一塔院額大中祥符元年七月改賜今額

奉聖院在縣南二十五里唐開元十六年建爲玄儼律師度僧戒壇院會昌毀廢漢乾祐二年吳越重建改明恩院大中祥符元年七月改

賜今額

延福院在縣西六十里新安鄉牛頭山之麓晉天

福三年開寶六年錢氏給安國院額大中

祥符元年七月改賜今額建炎中廢于火紹

興五年重建乾道五年始畢工有石菴感禪

師安禪之地景德初贈太傅陸公軫與鄉士

數人肄業於此嘗遇大雪絕食累日陸公禱

山神明日獲二麀焉聞者歎異及陸公直集

賢院來守鄉邦遣衙校致祭書堂在寺之西

北隅今寺僧猶能識其處牛頭山產石可作

假山其小碎者取爲盆山尤宜草木皆葱蒨耐父與崑山所出相埒東坡先生所謂盆山不見日草木自蒼然是也

寶壽院在縣西一百二十里唐貞元三年建周廣順三年吳越給永豐院額大中祥符元年改賜今額

長壽院在縣東北二十五里晉天福六年鄒彥超建周廣順二年吳越給願果院額大中祥符元年七月改賜今額

廣濟院在縣西北十五里晉天福六年於古福壽院基上建號聖壽院開運元年改嘉賓院大中祥符元年七月改賜今額

報恩院在縣西一百二十三里乾德四年竇玘捨地建號彌陀院大中祥符元年七月改賜今額

廣利院在縣西一百二十里清化山開寶九年柳公訓捨宅建吳越給清化西塔院額大中祥符元年七月改賜今額

慈恩院在縣西一百二十二里後唐長興二年謝君彥捨地建晉天福七年吳越給永安院額

大中祥符元年七月改賜今額

延壽院在縣西八十二里後唐天成四年建號普安院大中祥符元年改賜今額

等慈院在縣西一百十二里晉天福三年僧道山

建號天長院大中祥符元年七月改賜今額

資教院在縣西一百二十一里晉天福七年建漢

乾祐元年吳越給城山院額大中祥符元年

七月改賜今額

慶壽院在縣西六十五里開寶七年邵仁造捨山

建號烏石院大中祥符元年七月改賜今額

集善院在縣西北二十五里太平興國元年建

上方院在縣西北九十一里晉天福二年建

香林院在縣西四十五里漢乾祐三年建號寶林

院治平三年二月改今額

青蓮院在縣西南七十里唐乾符元年建號蓮華

院治平三年二月改賜今額

報恩院在縣西三十五里唐乾符三年建崇寧五

年重建

華藏院在縣西南二十五里唐咸通四年觀察使

王龜建號華嚴院治平三年改賜今額

安康院在縣西北九十三里後唐長興元年建

福安院在縣西北九十二里後唐長興元年於古
樓隱寺基上建號資福院治平元年改賜今

額

保安院在縣西北五十一里晉開運元年建號休

寧院治平三年改賜今額

安隱院在縣西北一十里隋開皇十三年建唐武

德中重修會昌毀廢後唐清泰元年高伯興

等重建號安養院治平三年改賜今額

崇教院在縣西九十里梁大同元年建尋廢周顯

德五年鎮海軍都指揮使薛溫重建號新興

塔院治平三年改賜今額院東一百步有越

王城

普香教院在縣西北五十三里乾德三年於古靈

隱寺基上建開寶三年吳越給觀音普聞院

額開寶六年改賜今額

鷲臺院在縣西四十五里晉乾祐三年建號重臺

院治平三年二月改賜今額

資壽院在縣西一百四十里晉開運二年建號延

壽院治平三年改賜今額

明因院在縣西南一百里晉開運元年建號遇明
院治平三年改賜今額

壽量院在縣北九十七里後唐長興元年陳司空
捨宅建

永興院在縣西北四十五里晉天福八年建

崇福院在縣西北五十里建隆三年衢州刺史朱

仁幹建號浴室院乾德二年改法水院大中

祥符八年十二月改賜今額

興教院在縣東南一十五里晉天福四年建號道

林院即鳥窠禪師道場

興教院在縣西一百一十六里晉天福五年建

興善院治平三年改賜今額

惠悟院在縣西一百二十里周廣順元年建號全

悟院治平三年改賜今額

顯慈資慶禪院在縣西三十里蘭亭皇祐五年樞

密副使孫威敏公奏乞建墳寺賜額

廣福院在縣西三十五里初僧思純造香林寮治

平四年賜壽聖院額紹興三十二年例改今

額

靈祕院在縣西三十里柯橋館之旁紹興中僧智

性創柯橋接待院初惟蘧蔭一厦日益增葺
請于府移江北安昌鄉靈祕廢院額智性年
九十餘精神不衰猶能領院事淳熙十六年
九月準尚書禮部符甲乙住持

龍興寺宋太始元年建號香巖寺唐神龍元年改
爲中興寺神龍二年改爲龍興寺初五王旣
誅張昌宗兄弟中宗反正復唐室稱中興故
寺觀有名中興者已而武三思用事五王及
禍遂以爲母子相繼不得言中興凡名號在
中興者皆改易如此寺是也然他部猶有至

今謂之中興寺者藝之東陽是也或是初不
曾用後詔或是崇宗以後復中興之名不可
知也會昌五年毀廢大中二年僧契真重建
今廢爲提舉司

大慶尼寺在府城南三里三百步隸山陰西晉永康元
年有諸葛姥日投錢井中一日錢溢井外遂
置靈寶寺會昌毀廢大中元年觀察使李褒
重建改今額及廢顯教院又併其屋入焉西
偏別爲教院用十方規制選名行尼主焉頗
習經學勵行業鄙人稱之顯教院本名保越

居皆以織羅爲業所謂寶塔羅是也乾道中
以其院舍忠順官而徙其徒於大慶又有善
法居院晉天福七年吳越所建名永寧大中
祥符元年改額熙寧八年知州趙清獻公以
其幽迥非居可居徙居於大慶而院爲僧坊
大慶又有觀音居院在縣東南二十五里晉開運
二年建今爲妙智院亦僧居之山陰有寶積
居寺在縣北五里乾德四年觀察使錢儀建
名執慈寺大中祥符元年改額又有崇居教
院在縣西北五里二十步周廣順二年吳越

武肅王建名惠濟院大中祥符元年改額
並廢

會稽志卷第八



寺院

嵊縣



惠安寺在縣西一百五十步剡山之下晉義熙二

年南天竺國有高僧二人入金華師道深第

宣慈子竺法友授阿毗譚論一百二十卷甫一宿

而誦通道深遂讚法友曰釋迦重興今先授

記遂往剡東印山東印山今屬新昌縣復於剡山立般

若臺寺獵士陳惠度射鹿此山鹿孕而傷既

產以舌舐子身乾而後母死惠度弃弓矢投

寺出家後為名僧鹿死之處生草號鹿胎草
會昌廢咸通八年重建改法華臺寺天祐四
年吳越武肅王改興邑寺大中祥符元年改
賜今額

宣妙寺在縣西四十五里宋元嘉二年建號崇明
寺會昌廢晉天福四年重建治平三年改賜
今額

安福寺在縣南六十里梁永明二年置唐會昌五
年廢景福元年重建

上鹿苑寺在縣西四十五里寺山自太白山來宋
元嘉七年姚聖姑於西白山造寺賜披雲院
額會昌廢咸通七年重建改咸通披雲院晉
天福七年吳越改披雲寺

下鹿苑寺在縣西四十五里寺山亦自太白山來
其上即披雲寺宋元嘉二年建號靈鷲寺會
昌廢咸通十四年重建山有瀑布及龍潭寺
治平元年改賜今額

明覺寺在縣南二十里梁大通元年智遠法師建
號禪林寺會昌廢晉天福元年重建大中祥
符元年改賜今額

禪惠寺在縣西二十里傳者以爲齊景明元年安南將軍黃僧成家天雨錢捨以造寺號錢房院梁天監中改禪房寺會昌毀廢咸通二年重建後改賜今額

福感寺在縣東二十五里晉天福四年建號報恩寺大中祥符元年改賜今額

實性院在縣西二百五十步唐乾元中建號清泰院會昌廢晉天福七年重建大中祥符元年改賜今額

寶積院在縣北三十里後唐長興四年建號德興院大中祥符元年改賜今額

龍藏寺在縣北四十五里梁天監二年建號龍官院會昌廢咸通十四年重建浙東觀察使李紳少年寓此肄業有紳所爲碑存大中祥符元年改賜今額

普惠寺在縣西四十里齊永明三年建號安養法華院會昌廢乾符六年重建治平三年改賜今額

普安院在縣東二十五里宋元嘉二年建會昌廢後唐清泰二年重建

戒德院在縣西四十里齊永明三年建號光德院
會昌廢晉天福七年重建治平二年改賜今
額

定林院在縣西四十五里宋元嘉二年建號松山
院會昌廢晉天福八年重建有響巖龍潭治
平三年改賜今額

圓超院在縣西二百五十步院山與刻山相連舊
曰靈岫菴晉天福六年建奉國院有觀音靈
異祈禱必應西廡有亭臨雙溪之上溪山勝
絕政和間衢人盧駿元天驥為提點刑獄行

部至此命其亭曰挾溪題詩云孤亭瞰平野
雙溪分兩腋野闊春風香溪晴照人碧駿元
工詩能書札任至吏部侍郎寺前松嶺之側
有俯山堂下瞰城邑前對羣山昔人留題甚
多邑士傳誦一聯云近離城市不多地高壓
樓臺無限家莫知誰氏作也今堂廢久矣
真如院在縣西四十里周顯德三年建號寶壽院
大中祥符元年改賜今額

尊勝院在縣東四十里宋元嘉二年建號厚山院
會昌廢咸通十一年重建久之又廢晉天福

六年重建治平三年改賜今額

天竺院在縣西二十里晉天福七年建號西明院
大中祥符元年改賜今額

靈巖院在縣西七十里唐乾符三年於茹蘭禪師
伏虎歇食巖下古石門寺基上建有石門龍

潭

法祥院在縣東七十里宋元嘉二年建號延福院
會昌廢後唐清泰二年重建大中祥符元年
改法朗後以犯

聖祖諱改今額

超化院在縣北二百步晉天福七年建號水院

大中祥符元年改賜今額

瑞像院在縣東二百步唐景福元年吳越武肅王

建

法華院在縣東二百步唐龍紀元年建

南巖解院在縣東二百步唐龍紀元年建

清隱院在縣東七十里唐大中七年建號三峯院

院後有山三峯故曰三峯治平三年改賜今

額

大明院在縣西三十里晉天福七年建號資國大

明院大中祥符元年改賜今額

證道院在縣西四十里晉開運元年建號五龍院

後改今額院晉高僧白道猷道場山有龍潭

華藏院在縣東四十五里晉開運二年建號雲峯

院大中祥符元年改賜今額

皇覺院在縣西六十里漢乾祐三年建號仙巖院

大中祥符元年改賜今額葛仙翁釣臺石梯

在其傍

顯淨寺在縣西二十里齊永明三年建號青林寺

會昌廢後唐長興元年重建大中祥符元年

改賜今額

報恩院在縣西二十里唐乾寧元年建號報德院

大中祥符元年改賜今額

資福院在縣東二十里晉天福八年建號增福院

大中祥符元年改賜今額

空相院在縣南四十里太平興國元年建號開明

院大中祥符元年改賜今額

悟空寺在縣西三十里周廣順元年於古烏流寺

基上建號保安院治平二年改賜今額

安國院在縣西六十五里晉天福七年建號太平

院治平三年改賜今額

明心院在縣北二里建隆二年陳鄴捨宅建號黃
土塔院大中祥符元年改賜今額

諸暨縣

大雄寺在縣西一里梁普通六年大智禪師建號
法樂寺會昌廢大中二年重建改報國寺後
資改賜今額

咸通保壽寺在縣西南一十一里唐大中八年僧
神智建號大中聖壽寺咸通十年改賜今額

寺牌實唐人書

永壽寺在縣南二里梁大同二年左僕射吳文寵
捨宅建號延壽寺會昌廢咸通十年重建後
唐天成三年改長壽寺後改今額

化城寺在縣東北八十五里晉天福七年建周顯
德二年吳越給靈根寺額大中祥符元年改
賜今額

青蓮院在縣西一十八里天福四年建號碧泉院
至道二年改賜今額

三學禪院在縣西六十里唐元和三年曹溪第四
代靈默禪師建成通六年賜五洩永安禪院

額天祐三年改應乾禪院後改今額自夾巖
山峯并五洩溪至響鐵嶺盡屬之

寶乘院在縣北二十里後唐同光二年吳越武肅

王建號石佛院大中祥符元年改賜今額

永慶院在縣北五里唐天祐元年建號五峯院

法海院在縣南三里二百步唐大中八年僧神智

建號保壽廨院大中祥符元年改賜今額

慈氏院在縣西北一十八里晉天福七年建號玉

泉院大中祥符元年改賜今額

彰聖院在縣東南七十里唐咸通十四年建號古

靈院大中祥符元年改賜今額

香社院在縣南三十里隋樓世幹捨宅建會昌廢

大中元年重建院有連理木咸通元年賜木

連院額後改今額

雲峯院在縣西南五十里唐中和二年長老可伏

於蔣洞穴建大順中賜靈洞翠峯院額後改

今額洞名白雲

安隱院在縣東北六十里唐咸通十二年建廣明

二年賜國慶院額後改今額

靈峯院在縣北六十五里後唐長興二年建號溪

山院後改今額

淨觀寺在縣西一里唐天祐元年建乾德三年吳越給翠峯院額後改今額有范蠡祠相傳云范蠡宅也山上有鳴真井寺有

仁宗朝賜經二藏又有范文正公題詩石刻修惠院在縣東北七十五里後唐長興五年於古資聖院基上建太平興國元年改精進院後改今額

三德院在縣北七十里唐貞元十四年智藏禪師建惠操禪師後復居此咸通八年賜額

智度院在縣北一里五十步唐景福二年建號香積院大中祥符元年改賜今額

保福院在縣東北八十里唐咸通八年建乾符二年號保唐禹泉禪院又改保錢院後改今額崇壽院在縣西南二十里乾德二年建號寶泉院大中祥符元年改賜今額

崇勝院在縣東南四十五里唐貞觀十五年千歲禪師開巖建會昌廢大中重建咸平二年改華嚴般若院後改今額

延慶院在縣東南七十里唐貞觀元年建有千歲

禪師修行于此因號道場院會昌廢咸通八年重建又號溪山院周顯德五年改興福永安院大中祥符元年改賜今額

法善院在縣西二十五里唐文德元年建號普廣院大中祥符元年改賜今額

道林院在縣北七十里唐天祐元年於古寶華院基上建周顯德四年吳越給洩巖院額大中祥符元年改賜今額

鍾山院在縣南五十里梁普通中伏虎禪師住持之地唐咸通八年建

法藏院在縣東南八十里周顯德二年建號官田院大中祥符元年改賜今額

延祥院在縣東北四十里晉天福七年建號清福院大中祥符元年改賜今額

咸通西岳院在縣東北六十里本丁令威鍊丹之地丹井存焉梁朝僧法成建成通八年賜額藥師院在縣西四十里唐咸通四年建廣明元年賜額

薦福院在縣東七十里開寶四年建號報恩院大中祥符元年改賜今額

上普潤院在縣東南二十五里本千歲和尚所居
有小石巖上有文殊普賢像晉天福七年建
號醴泉院後改今額

下普潤院在縣東北二十五里太平興國元年於
古靈瑞院基上建號石井院後改今額

明教院在縣西南六十里晉天福七年建號仁豐
院大中祥符元年七月改通教院天聖初以
章獻明肅太后家諱避通字如改通進司爲
承進司通州爲達州諸州通判爲同判通事
舍人爲宣事舍人之類是也餘至

仁宗皇帝親政皆復故惟通州遂爲達州至
今不復改如明教院額亦是也

淨土院在縣北五里唐天祐元年法雲大師建號
五峯塔院大中祥符元年改賜今額

永慶院在縣南五十里周顯德元年建號永光塔
院大中祥符元年改賜今額

法雲院在縣東五十里晉開運二年建號龍安院
化城院在縣東五十二里梁大同二年建會昌廢

崇文開寶四年重建號紫巖院後改今額

慈光院在縣東四十里梁靈智禪師結庵之地唐

咸通五年建號通化院後改今額

崇法院在縣西一里本唐白鶴觀基開寶四年建號水陸院大中祥符元年改賜今額

顯教院在縣西南七十里本唐忠國師道場晉開運四年建號忠山院大中祥符元年改賜今額

額

離相院在縣東南九十里晉天福四年於歸一禪師塔院基上建號福田院後改今額

永福院在縣東南二十五里因梁武帝書堂基建號應國禪院有硯水井會昌廢晉天福七年

重建改今額有米元章禮部所書一碑

淨住院在縣南六十五里唐永貞二年建號龍潭

禪院會昌廢建隆三年重建改安福院大中

祥符元年改賜今額

崇教院在縣南六十五里唐貞觀元年建玄寂禪

師塔院會昌廢周廣順元年重建高松院後

改今額

清涼院在縣東南九十里漢乾祐二年建號上林

院後改今額

薦嚴院在縣北五十里唐咸通八年建號香嚴院

後改今額院有台州刺史康希銑碑趙州刺史徐嶠書

明覺院在縣東五十五里周顯德四年建號靈峯院後改今額

栖巖院在縣西南五十里唐景福元年建號高峯院後改今額

淨隱院在縣東南一百里晉開運三年建號崇化院後改今額

正覺院在縣東六十里晉開運元年建號菩提院後改今額

歸寂院在縣西五十里唐天祐五年建號歸寂塔院後改今額

宣妙院在縣北七十里唐咸通二年建號妙興院後改今額

香林院在縣西南二十五里漢乾祐三年建號松林院後改今額

雲就院在縣北七十里晉天福五年建

梵惠院在縣西南四十里乾德四年建號淨福院

後改今額

廣福院在縣南六十里周顯德三年建號鴻福院

後改今額

資聖院在縣西二十五里唐天祐三年建號應乾
廨院皇祐元年改賜今額

普濟院在縣北七十里乾德五年建號通濟院天

聖元年閏九月改明濟治平三年改賜今額

天曹院在縣西四十里開寶五年建

寶林院在縣南六十里晉天福四年於玄寂禪院

宣妙基上建

雲居院在縣南四十五里唐天祐六年鑒真大師

建貞明四年賜越山禪院額治平三年改賜

今額

解空院在縣東南九十里建隆二年建號法訶院

後改今額

四果院在縣東北七十里晉天福三年吳越文穆

王建號保安羅漢院大中祥符元年改賜今

額

大曆廣福院在縣南四十五里本唐大曆院紹興

三年僧道雄重建仍以大曆壽聖為額三十

二年改賜今額

嘉福院在縣南六十五里乾德五年於懷靜禪師

院基上建號嘉善院後改額今廢

蕭山縣

祇園寺在縣西北一百步東晉咸和六年許詢捨
大智山陰永興二宅建寺號崇化穆帝降制云山
陰舊宅名曰祇園永興新宅號曰崇化會昌
廢建隆元年重建寺有閣藏

仁宗皇帝御書後歸寶文閣治平三年改賜
今額

覺苑寺在縣東北一百三十步齊建元二年江淹
子昭玄捨宅建會昌廢大中二年重建賜名

昭玄寺祥符中避

聖祖名改今額寺有大悲閣熙寧元年沈著
達遼爲之記又作八分書寺額四字筆意極
簡古閣後壁有毗陵戚舜臣水成氏以畫水
名家此壁尤爲識者所貴并著達文及書謂
之三絕或詆成氏以爲似印版水紙過矣

廣化寺在縣南四十里梁大通二年建號法興寺
會昌廢咸通十三年重建治平三年改賜今
額

覺海寺在縣南四十里唐會昌元年建號政信寺

五年廢晉天福四年重建祥符元年改賜今額

慈雲寺在縣西南四十里梁天監十二年僧寶誌於許玄度宅基上建號開善資寶寺會昌廢晉天福三年重建祥符元年改賜今額

惠濟院在縣東北一百五十步晉天福五年悟真師於古崇寺基上建號資國看經院太平興國七年改惠通院治平三年改賜今額

淨土院在縣西一里唐開寶五年於古善明寺基上建號彌陀院太平興國七年改賜今額

正覺院在縣東五十步後唐天成元年吳越武肅王建號十善院院有浴室王絲父宸建謝絳開建為銘祥符元年改賜今額

廣慈禪院在縣南七十里梁大同二年建號安禪寺隋大業十三年廢晉天福七年重建吳越改保安禪院景德二年改今額寺多勝槩范希文葉道卿元厚之沈存中施正臣唐彥猷晁美叔吳伯固皆留題其中又有柳郎中永

題會景亭有分得天一角織成山四圍之句

真廟永以樂府得名此詩雖不高亦不失為工也

真濟院在縣南三十八里唐武德七年建會昌廢
晉天福六年重建吳越文穆王給興國禪院
額太平興國七年改賜今額

和慶院在縣南六十五里唐天祐十六年建號龍
門院祥符元年改賜今額

明化院在縣西一十二里後唐長興三年吳越文
穆王建號化度院景德三年改今額

開善院在縣東四十里晉天福元年建號資化院
祥符元年改賜今額

淨惠院在縣南三十五里晉天福八年建號妙律
院祥符元年改賜今額

廣法院在縣西一十二里後唐天成元年建號六
通救苦禪院祥符元年改賜今額

廣福院在縣西南七十里後唐同光元年建號龍
門護國院毀於建炎紹興二十九年僧妙通
重建鞏大監湘為記祥符元年改賜今額

資教院在縣東一十四里晉開運三年建號崇真
院祥符元年改賜今額

興法院在縣東四十里梁大同三年建號大翔寺
隋大業十三年廢晉天福八年重建吳越改

寶乘院祥符元年改賜今額

淨土院在縣南八十里梁大同二年白敏將軍捨宅建號白墅寺會昌廢咸通九年重建祥符元年改賜今額

資福院在縣西一十二里周廣順元年建號妙福院祥符元年改賜今額

重興院在縣西九十里本晉許徵君巖下寺會昌廢咸通十四年重建改賜今額

顯教院在縣南一十五里乾德二年建號崇福院舊有閣面衆山曰環翠爲士夫登覽之所僧馱庸鄙客數至乃易爲諸天閣與山相背

無復舊觀治平三年改賜今額

興教院在縣南一百里唐天祐二年建號靈峯院

祥符元年改賜今額
普惠院在縣南八十里唐天祐二年建號華嚴院祥符元年改賜今額

聖果院在縣西南四十五里唐咸通九年建號靈峯萬壽院治平三年改賜今額

資利院在縣東三十里舊係白鶴接待院紹興十五年僧請于府乞以迴向資利院舊額歸焉

栖真院在縣南七十里漢乾祐二年建號福安院

治平三年改賜今額

興善院在縣東五十里晉天福三年建號新興院

聖果治平三年改賜今額

靈峯院在縣南八十里周顯德六年建號郭峯院

普惠治平三年改賜今額

法印院在縣南九十里周顯德二年建號法華院

治平三年改賜今額

六和院在縣南六十里漢乾祐元年建號大通興

福院治平三年改賜今額

崇因院在縣南六十里漢乾祐二年建號崇明院

治平三年改賜今額

隆興寺在縣西一里舊係接待院乾道五年僧請

于府乞以隆興寺舊額歸焉

餘姚縣

龍泉寺在縣西二百步東晉咸康二年建唐會昌

五年廢火中五年重建咸通二年改今額龍

泉在寺山王荆公有絕句所謂四海蒼生待

霖雨不如龍向此中蟠今有大字刻於泉旁

蓋後人倣公書爲之非真筆也

高宗皇帝巡幸時泊御舟於亭前江中寺
又有碑乃虞世南撰武后天授中布衣董彞
書世南止曰虞南蓋避太宗諱按太宗在位
時羣臣皆不避其名如虞世南蘇世長李世
勣等是也世勣至高宗初乃去世字止曰李
勣猶用古禮卒哭乃諱之文世南卒於太宗
時未嘗單名南此碑蓋書人追去之也

九功寺在縣西一十五里齊建元中越州刺史榮
穎捨宅建號休光寺會昌廢大中十二年重
建周顯德五年吳越武肅王修改今額

圓智寺在縣南一里齊永明元年建號禪房寺唐
天寶四年改大法寺會昌廢咸通元年重建
大中祥符元年改賜今額

建初寺在縣南二百步晉大和元年建號平元寺
會昌廢周顯德四年重建吳越改興元寺大
中祥符元年改賜今額

普滿寺在縣東北一十五里周顯德六年建號靈
瑞塔寺大中祥符元年改賜今額

廣安寺在縣西北五十五里唐乾寧三年建號報
恩寺尋廢漢乾祐二年重建大中祥符元年

改賜今額

文慶院在縣東北三十五里唐長慶四年建號柯城道場院會昌廢大中二年重建天祐六年

吳越改今額

羅漢院在縣東一里三十步梁大同元年建號棲閑院會昌廢周顯德四年高景淮重建改賜今額

應天鎮國禪院在縣西一里龍泉山之上唐大中五年何延竦等建號聖德禪院咸通十五年

改賜今額

悟法院在縣西南六十里梁天監元年建會昌廢大中元年重建號四明寺天祐八年吳越改東明禪院大中祥符元年改賜今額

普濟院在縣東北六十里唐大中元年建號上林院大中祥符元年改賜今額在上林湖山之西麓俗謂之西寺山勢回抱地學者多稱之以爲可亞四明之天童山陳康肅公爲漕案行窰所嘗來遊有詩云山遠峯峯碧林疎葉葉紅凭欄對僧語如在畫圖中今刻石寺中

隆慶院在縣東北六十里梁大同元年建號上林

院唐文德元年改仙居院大中祥符元年改
賜今額俗謂之東寺山有仙人跡深寸又有
淨聖泉大旱不枯謝師厚景初題詩邑中頗
多其上林湖山詩云山水有奇秀何必耳目
親茲地世未知偶游良可珍平湖瞰其中翠
巘圍四垠青松千萬植落瀑如懸巾佛廟聳
殿塔裝點繪畫新清谿與斷崖水石聲磷磷
峯巔見滄海日出常先晨花草時節異寧問
秋夏春陵谷千萬古豈無稱道人得微言不
信又恐遠故堙樽酒且樂我醉來事事皆

觀仙居山瀑布云落泉下峭壁斗絕千萬丈
濺急雪片飛望若匹練廣曲嶺隔青林三里
已聞響其旁有巨石平潤可俯仰愚俗所不
道我輩偶來賞須期秋色清攀蘿將爾上師
厚希深之子一代名士詩尤得名歐陽文忠
公梅聖俞王文公皆推之黃魯直娶其女自
言從謝公得句法

如意院在縣東北三十五里晉天福六年建號保
安院大中祥符元年改賜今額

寶積院在縣西三十五里晉天福六年建號保安

院大中祥符元年改賜今額

廣教院在縣西北四十五里晉天福六年建開山僧於土中得石佛五尊奏請賜號瑞明大中祥符元年改賜今額

西福昌院在縣東北三十五里周廣順元年建號烏山資福院大中祥符元年改永安院政和元年以寺犯陵名改賜今額

普明院在縣西北三十五里漢乾祐元年建號松山報恩院大中祥符元年改賜今額

東福昌院在縣東北七十里唐長慶四年建會昌廢大中二年重建吳越給永壽院額大中祥符元年改賜今額

建福院在縣西北三十五里梁天監元年建號天香院隋大業元年毀周顯德二年重建改天華院大中祥符元年改覺朗院崇寧元年改賜今額

普圓院在縣南三十五里後唐清泰元年建號化安院大中祥符元年改賜今額

法性院在縣東二百三十步晉天福七年邑人於古大寧寺基上建有大士像隨潮而至父老

迎寘于院改觀音院大中祥符元年改賜今額

靜凝教忠寺在縣西北五十里本號姜山院祠一
女子曰孟姜不知何世人也俗傳繆妄可笑
會昌廢晉天福二年重建改報國興福院大
中祥符元年改靜凝院隆興元年李莊簡公
家請為功德院增教忠二字

清果院在縣東北七十里晉天福七年建號鹿田
院治平三年改賜今額

禪慧院在縣東北七十里晉天福七年建號精進
院治平三年改賜今額

明真院在縣南三十里靈源山後唐長興元年建
號四明院治平三年改賜今額

雙林院在縣東南四十里唐天祐元年建號雙桐
院治平二年改賜今額

正覺院在縣南二十五里唐天祐元年邑民邵誓
捨山建會高麗僧永乾遊方至此乃請居焉
為開山祖晉天福中吳越文穆王給昭覺院
額治平三年改賜今額

極樂院在縣南一里漢乾祐元年建號彌陀院治

平三年改賜今額

超果院在縣西南一十五里唐天祐元年建號越

安院治平三年改賜今額

普安院在縣南一十五里晉開運二年建號興安

院治平三年改賜今額

慈聖院在縣南七十里晉開運二年建號白雲院

院治平三年改賜今額

嘉福院在縣東北四十里

報先院在縣南五十里紹興二十一年主奉吳王

祠事乞移東京報先院額建

勝果院在縣東北三十里紹興十七年右從事郎

昉乞移應天府勝果院額建昉文定公曾孫

地藏尼院在縣西南一里

上虞縣

等慈寺在縣東一里梁天監二年建始曰化民院

後改上福禪院會昌毀廢咸通元年重建後

唐長興四年改上福寺祥符元年又改等慈

後廢于火長老智策台州人道譽甚盛自號

塗毒巖主既至等慈首創三門極於闕壯

長慶寺在縣北四十里咸通二年建號永壽寺大

中祥符元年改賜今額

興教禪院在縣西南四十里唐乾符六年建號建福院天祐三年吳越改象田禪院太平興國九年改賜今額

戒德院在縣西北五十里唐大中十年建成通九年賜名義讓寺治平二年改賜今額

上乘院在縣西南七十里在唐為休光寺大善道場嘉猷禪師奏建會昌毀廢大中五年三白和尚道全重建成通九年更為大興善禪院

越州觀察使李郢書額治平三年改賜今額

智果院在縣東十里後唐清泰元年建號建福院大中祥符元年改賜今額

國慶院在縣西南五十四里唐元和四年安禪師建成通九年賜今額即謝太傅故宅也

明教院在縣西北二十里後唐清泰元年建號仙壽院大中祥符元年改賜今額

重明院在縣西北四十里唐大順二年於古興善寺基改建尋賜機證禪院額其額用絹素書今存同光四年吳越改給今額

普淨院在縣西北七十里晉天福七年號報恩院

大中祥符元年改賜今額

法果院在縣西南五十里晉天福六年建號含珠院初闍僧從契栖隱于此邑人馮實為創禪齋焉大中祥符元年改賜今額

棲禪院在縣南三十五里唐開成三年建號錢溪院會昌廢光化元年重建天復三年吳越改錢溪羅漢院大中祥符元年改賜今額

咸通寶泉院在縣南五十里唐大中七年建成通六年賜額

智度院在縣西南三十里晉天福七年建號光相

院舊寺在黃茆嶺下和尚山之巔遺址宛然寺之未遷也鐘磬之聲與今寺之山相應後乃遷此大中祥符元年改賜今額

諸林院在縣東南七里後唐長興三年建漢乾祐二年吳越給額

勝因院在縣南六十里晉天福七年建號永清院大中祥符元年改賜今額

澄照院在縣南四十里晉天福二年建號涼泉院大中祥符元年改賜今額

東資聖院在縣東南十五里晉天福八年建號聖

壽院大中祥符元年改賜今額

法界院在縣北一十里唐咸通二年建後唐同光

二年吳越給利濟院額大中祥符元年改賜

今額

栖仁院在縣南三十五里唐天復三年僧行先建

晉天福七年吳越給額

太岳院在縣南五十里本晉白道猷結菴之地後

唐清泰元年陳師益等建

乾符報恩院在縣南四十里唐乾符三年建

明因院在縣東南一十里晉天福五年建開運四

年吳越給福泉院額治平三年改賜今額

瑞像院在縣西南一十五里晉天福六年於古南

源院基上建開運四年吳越給額

西資聖院在縣南五里唐咸通七年姜進思捨地

建八年給額

海惠院在縣東南十五里晉天福七年建漢乾祐

二年吳越給仙鳳院額治平三年改賜今額

化度院在縣東南一十里晉天福五年建號雲溪

院大中祥符五年改賜今額

廣教院在縣西四十里開寶四年有僧築菴山下

鎮國軍節度使■事治因建為寺易名保安
治平三年賜今額國初嘗置官窰三十六所
於此有官院故址尚存

奉國報恩院在縣西南二十五里唐元啓二年建
廣明寶蓋禪院在縣南五十里唐廣明二年建
淨衆院在縣西北五十里晉天福四年建賜名見

明院治平二年改賜今額

福祈禪院在縣西北三十五里晉天福四年建

福仙院在縣西北三十里唐咸通八年建

湧泉院在縣南二十里漢乾祐二年建

新昌縣

寶相寺在縣西南一十里齊永明中僧護鑿石造
彌勒像建寺號石城至梁天監十二年像始
成身高百尺劉勰作記唐會昌五年建三層
閣改寺曰瑞像閣大中祥符元年賜今額以
歲久傾圮淳熙元年僧智高一新之漢嘉所
謂大佛者高千尺過此殆十倍黎陽大佛者
又加大焉嘗亡盜數人捕不可得久之乃於
佛耳中獲之

雲居寺在縣東北三十里宋元嘉二年建會昌毀

廢晉天福九年吳越重建號石門寺大中祥符元年改賜今額

大明寺在縣東北二十五里昔沙門法乾支道林白道猷下築東岬山晉隆和元年賜號東岬寺會昌毀廢後唐同光元年重建後徙高碑大中祥符元年改賜今額

七寶院在縣西南五里舊號元華寺齊永明中孟蘭法師建會昌廢晉開運三年趙仁爽見巖龕有石佛千身重建院宇改千佛院大中祥符元年改賜今額

福聖院在縣北八十步周顯德元年僧昭度建五年吳越給無礙浴院額大中祥符元年改賜今額

寶嚴院在縣西九十步晉開運二年趙仁爽建漢乾祐二年吳越給釋天院額大中祥符元年改賜今額

慧雲院在縣東南六十里唐會昌六年僧師祐建後唐清泰二年吳越給九巖院額大中祥符元年賜今額東廡有水出石罅間名蒙泉

興善院在縣西南四十里晉太康十一年西域僧

幽閑卜築於此號新建寺會昌廢大中元年
重建廣明元年賜號興國禪院治平三年改
賜今額

祖印院在縣西南二十里宋元嘉中建號南岩院
會昌廢咸通八年重建大中祥符元年改賜
今額

廣福院在縣東南六十里周廣順元年大寂禪師
德韶建號天姥院至道三年改賜今額

沃洲真覺院在縣東四十里方新昌未為縣時在
剡縣南三十里居沃洲之陽天姥之陰

天台山之華頂赤城北對四明山之金庭石
鼓西北有支遁養馬坡放鶴峯東南有石橋
溪溪源出天台石橋故以為名晉白道猷竺
法潛支道林乾興淵支道開威蘊崇實光誠
斐藏濟度暹印皆嘗居焉會昌廢大中二年
有頭陀白寂然來遊戀戀不能去廉使元微
之始為卜築白樂天為作記以為東南山水
越為首剡為面沃洲天姥為眉目其稱之如
此舊名真封寺不知其始治平三年賜今額

列翠院在縣西南二十里宋元嘉二年建唐咸通

八年賜額

鷲峯院在縣東南六十里本號靈巖院唐天寶三載建會昌廢後唐清泰二年重建嘉祐七年改賜今額

天宮院在縣東北三十里本號靈居院梁普通元年建會昌廢大順元年重建治平三年改賜今額

華藏院在縣東南六十里本號龍巖院唐龍紀元年僧文肅建治平三年改賜今額

昌法院在縣東四十里本號靈慶院周廣順元年建治平三年改賜今額

保福院在縣東一十五里本號遵德保安院周顯德三年建治平三年改賜今額

香林院在縣東北三十里本號梅林院周顯德四年建

普閏院在縣西三十五里晉天福六年建號華巖院後改清潭院治平三年改賜今額

普門院在縣東三十里本號觀音院晉天福八年建治平三年改賜今額

方廣院在縣東北一十五里元號華巖院乾德六

年建治平三年改賜今額

戒壇

開元寺昭慶戒壇咸平四年寺僧曉原立浮屠之法必受戒二百五十乃成爲桑門不然雖已祝髮或已說法爲人師猶謂之沙彌而已所謂高沙彌者是也戒壇舉天下財二三所往往行數千里受戒其後寢多今處處有之會稽戒壇在開元寺賜額曰昭慶遇

聖節則開以傳度其徒以爲盛舉有臨壇僧二十餘皆推擇有行業者府爲給帖初戒壇四面皆爲天王及日月星宿之象而僧踐其上宣和初詔禁之皆毀去然近歲創者亦復有之矣

尼戒壇在大慶寺大殿之後

道戒壇每年聖節就天慶觀三清玉帝大殿

接待

會稽樊江接待院

平水石碑頭接待院承節郎馬正卿造

太平山接待院本謝敷舊隱從事郎錢筠年於進

士鍾邦俊所捨基內蓋造法堂庫堂三門仍

買田辦供邦俊又自蓋造僧堂及買田并柴

太平山

山陰虹橋接待院紹興五年僧法宥師覺募緣蓋

佛殿及建藏

三江玉山觀音堂接待

嵯縣黃沙接待院

諸暨中浦接待院紹興初臨安府靈芝大智律師

元照創立慶元元年監左藏西庫呂昭亮買

田辦供又募衆蓋造佛殿法華懺堂三門浴

室廚庫等

紫巖岳廚接待院

新昌開嶺接待院

餘姚西橫河接待院

仙亭接待院

施水

稽山門施水坊

橫官步觀音懺堂施水

昌源施水坊

常喜門外跨湖橋施水坊

沉釀堰施水坊

梅市真隱施水坊

九里施水坊

會稽志卷第八

會稽志卷第九

山

府城

臥龍山府治據其東麓隸山陰舊經云種山一名

重山越大夫種所葬處太平御覽種山之

名因大夫種以語訛成重也寰宇記隋開

皇十一年越國公楊素於種山築城自隋

迄唐即山為州宅吳越備史云遜王侑於

臥龍山西寢後置園亭栽植花竹周徧高

下旦暮登臨沆于四時侑能為歌詩亭榭

間紀錄皆滿臥龍山名始見於此

國朝康定初范文正公撰清白堂記云會

稽府署據臥龍山之北足上有蓬萊閣嘉

祐末刁景純撰望海亭記云越冠浙江東

號都督府府據臥龍山為形勝山之南亘

東西鑑湖也山之北連屬江與海也周連

數里盤屈於江湖上狀臥龍也龍之腹府

宅也龍之口府東門也龍之尾西園也龍

之脊望海亭也先是越句踐荆飛翼樓取

象天門東南伏漏石竇以象地戶陵門四

達以象八風因山劫勢畚築為城一千一百

二十步至唐人以址倣址為望海亭其後亭

閣崢嶸踵起相望與其山川映帶號稱仙

居元微之夸州宅示白樂天詩云謫居猶

微之題望海亭云湖山四面爭氣色曠望

不與人間同東坡詩云臥龍盤屈半東州

秦少游詩云共躡丹梯山西北幽徑蔽虧

上臥龍作詩多不悉載傍皆叢篁灌木其地缺齧不整傳云大夫

種墓曩因潮水穴山後失其尸也前太守

申約束止樵採務在封殖以為軍府苾映

然百年喬木成章者可數園林竹樹雖數

榮耀秀大抵多比威所植也地出佳茗以

山泉烹瀹為宜景祐中蔣吏部堂閔山序云

形勝予視亭之明日見其竹樹零悴僅有

半在問吏曰為昔人剪伐使然自謂非予

寺土此山殆將童矣於是申約束止樵採

作閔山詩云東南亘羣山形氣或斷續茲

山窮蘄絕孤峙越之腹呼吏對泉石申禁

護林麓熙寧十年程給事公關植松千餘

章於山上秦少游撰樂安公唱和詩序云

昔樂安蔣公以山富草木樵蘇所採令於

公府止之湖地沃衍田於豪奪為表於朝

廷復之又廢山西淫祠引湖流為流觴曲

水文山永閣棹歌之詩至今稱焉程公能

述樂安公之志狂枝惡蔓斬雜以時秀甲

珍茅無得輒取春秋佳日開池築具舟

與民共遊而樂之隆興二年吳給事

臥龍山草木記云越城入山蜿蜒奇秀

臥龍山也山之陽州宅據其下是宜林

叢茂乃大不然驅鈴下卒輦糞壤除樹

種竹萬竿桃李千本方特發茶於秋栽松

於冬植花卉於春以盡復舊觀而予還朝

餘根併列于碑陰大夫種墓舊亡其處與

地志云種山西缺處是也范公清白堂記

云山巖之下獲廢井視其泉清而白色味

之甚甘以建溪日鑄臥龍雲門之茗試之

甘液華滋說人襟靈張伯玉蓬

兼閣詩自注臥龍山茶冠吳越

山南舊傳白樓亭今遺址無所考山巔

城隍祠其西南越王臺下為威果營營

有烏龍井連營居民櫛比為臥龍坊舊

引孔華會稽記云種山南有白樓亭江

夏太守守輔於此立學教授沛國豆儼

避地至會稽聞陳業賢往候之不見臨

去入交州留書繫白樓亭柱而別世說

又云許玄度孫興公共於此商略古今
賈逵支道林聞之云二公故自有才情
注白樓亭在山陰臨流映壑十道志云
白樓山飛翼樓山南頭也白樓一作百
樓蓋種山之南先有白樓亭故山亦以
此名信如志言飛翼樓山南頭今望海
亭即其地也或云自山西百餘步出常
喜門今尚有白樓臺云自吳越以後山
以臥龍著故
他名寢泯

龜山在府東南二里二百七十二步隸山陰一名

飛來一名寶林一名怪山舊經云山遠望似

龜形故名越絕云龜山句踐所起遊臺也東

南司馬門因以灼龜又仰望天氣覩天怪也

臺高四十六丈周五百三十步具越春秋云

城既成琅琊東武海中山一夕自來故名怪

山寰宇記又云龜山下有東武里即琅琊東

武山一夕移於此東武人因徙此故里不動

山巔有巨人迹錫杖痕靈鰻井多寶塔遊臺

一名觀臺唐徐季海詩云茲山昔飛來遠自

琅耶臺孤岫龜形在深泉鰻井開李公垂詩

云一峯凝黛當明鏡千仞喬松倚翠屏元微

之詩云一峯墮伏東武小兩峯鬪立秦望雄

自郡齋南望屹然相對其浮圖侵雲漢張伯

玉有清思堂雪霽望飛來山詩云隱几高堂

上坐對飛來峯梵塔倚天半樓臺出雲中又
題寺壁云一峯來海上高塔起天心秦少游
錄寶林事實云越城凡三山能與秦望山為
主客者臥龍寶林戢山也其城南左右數十
里疾馳屹立皆屬於秦望又率其左右之山
因鑑水謁于越城臥龍為郡守所治戢山少
東不能正受秦望之謁蓋越之形勢自臥龍
而下未有如寶林者今寺名報恩光孝禪寺
紹興初以

濮安懿王園廟寓焉

山舊傳有聖母閣灼龜公家許玄度書堂
迹皆泯以井有靈鰻一名靈鰻岫昔有老
僧且暮鑿是山鑄鑿不絕又加以火灼醋
淬巖崖幾盡故蔣吏部堂詩云聞之有必
芻歲久苦刻鑿聲響深崖火燼淬層壁
平為土木基蔑有蒼翠色金粟千億身宰
餘皆百

戢山在府西北六里一百七步隸山陰舊經云越

王嗜戢採於此山故名晉王右軍羲之故居

也按羲之傳嘗在戢山見一老姥持六角竹

扇賣之羲之書其扇各五字姥初有愠色因

謂姥曰但言是王右軍書以求百錢姥如其

言人競買之佗日姥又持扇來羲之笑而不

蒼今山下有題扇橋墨池鵝池戒珠寺寺有
右軍祠堂唐衢州刺史趙璘直寺碑云句踐
故城東北三里有山曰葢葢蔬類也傳云昔
越君所嗜常採於此遂用名之

火珠山在卧龍山隅小而圜絕類龍頷之珠為浙

東提刑解上有稽山閣西有識舟亭今廢

陽堂山在府南二里二百四步隸山陰一名鮑郎

山山西有鮑郎祠舊經云鮑郎東漢人名蓋
生好獵死葬於此見忽夢

郎更生急開棺視之尸儼然但無氣爾
人事之頗有靈驗事見郡國記寰宇記

蛾眉山在府東二百九步隸山陰

白馬山在府東北三里三百一十六步隸會稽

彭山在府北三里三百一十六步隸會稽舊經云

昔彭祖隱居之城也有助海侯廟

會稽縣

會稽山在縣東南一十二里周禮揚州之鎮山曰

會稽山海經云會稽之山四方上多金玉下

多砮石勺水出焉史記云禹會江南計功而

崩因葬焉命曰會稽會稽者會計也注禹到

大越上苗山爵有德封有功因更名曰會稽

吳越春秋禹還大越登茅山以朝四方羣臣

乃大會計治國之道內美釜山別鎮之功外
演聖德以應天心遂更名茅山曰會稽之山
輿地志云會稽山一名衡山其山有石狀如
覆鬴亦謂之覆鬴山十道志云會稽山本名
茅山一名苗山一名塗山禹行天下會稽名
山因地爲名吳夫差入越王以甲楯五千保
會稽山太平御覽會稽之山古防山也亦名
茅山又曰棟山越絕云棟猶鎮也即揚州之
鎮山三國志虞翻曰南山攸居實爲州鎮隋
開皇十四年詔會稽等山並就山立祠唐開

道山

元十四年封四鎮山爲公會稽南鎮曰永興

公唐地里志會稽縣有南鎮永興公祠即此
山也自經史地志所著曰苗山曰茅山曰衡
山曰釜山曰防山曰覆鬴又曰棟山亦曰南
山實一山也東北接觀嶺其上有磐石屹立
曰降仙臺一曰苗龍仙人臺永興公祠之側
有茗鴟淘沙徑思古亭遺址山南別峯曰石
傘峯之下有唐齊抗書堂范蠡養魚池山西
北五里即禹井禹廟今爲告成觀又西百餘
步有大禹寺菲飲泉

山與宛委相接宛委山即禹穴甌陽明洞天按

舊經引吳越春秋東南天柱號宛委乃禹藏書處在會稽山南三里則宛委列一山也又舊經云會稽山周回三百五十里蓋摠言東南諸山之隸會稽郡者如晉王彪之刻石山費云會稽刻石山宋何休譚得云居會稽秦望山然則刻石秦望皆可會稽山名之泊宅編云會稽東南巨鎮對案梅李尖山謂之筆案其周回六十里此又兼言寶山也然則會稽云者諸山之通稱爾

秦望山在縣東南四十里舊經云眾嶺最高者與

地廣記云秦望在州城南為眾峯之傑秦始皇

皇登之以望東海宋何廟太祖居會稽秦望山

山有飛泉西起學舍即林成援因巖為堵別

為小閣室寢處其中又於山側營田二頃講

隙從生徒游之太平御覽云山在州城正

涉境便見秦始皇帝登山以望南海自平地

取山頂七星懸磴孤危峭路險絕攀蘿捫葛

然後得至山上無甚高木當由地迥多風所

致山南有譙峴中有大城王無餘之舊都也

苟踐語范蠡曰先君無餘國在南山之陽社

稷宗廟在湖之南山有三巨石屹立如筭龍

池冬夏不竭俗號聖水傍有崇福侯廟山在府城

南與今府治屹對謂之南山為宜今人以南鎮公祠在會稽山南即以唐所封鎮山遊為南山又為會稽山也吳越春秋云越王無餘

國在南山之陽太平御覽以越王無餘之舊

都繫之秦望山此為有證咸平中陸參撰法
華山碑云夏后氏巡付越山方名會稽後世
分而為秦望釐而為雲門法華其實一山然
則秦望亦可以會稽名之自秦始皇登此山
以望南海又陟天柱之高峯以望秦中始有
秦望望秦之名而秦望最著十道志秦始皇
登秦望山使李斯刻石其碑尚存姚令威叢
語云予嘗上會稽東山自秦望山之巔並黃
茅無樹木山側有三石筭有水一泓別無它
石筭上並無字以此訂之始皇所刻石不在
此山明矣舊經會稽之別峯曰茅峴此山
之南亦有譙峴茅譙音近似疑傳之訛也

望秦山在縣東南三十二里舊經云秦始皇與羣臣

登此以望秦中也一名天柱峯一名卓筆峯

蓋會稽山之別峯下有錢遜王侗墓或疑望

名天柱峯即宛委山之一峯也然舊經以望

秦二山王龜齡賦亦云山有秦望而望秦

宛委山在縣東南一十五里舊經云山上有石竇壁

立干雲升者累梯而至十道志石匱山一名宛

委一名玉笥有懸崖之險亦名天柱山昔禹治

水歌功未成乃齋於此得金簡玉字因知山河

體勢水經云玉笥竹林雲門天柱精舍並踈山

為基築林栽字割澗延流盡泉石之好太平御

覽云會稽石匱山上有金簡玉字之書夏禹發

之得百川之理山下有棲神館唐改為懷仙館

今為龍瑞宮道書云陽明洞天一云極玄太玄

之天山巔有飛來石其下葛仙翁丹井山南葉

天師龍見壇

太史公上會稽探禹穴史記注二禹至會稽因葬焉上有孔

民云禹入此穴自舊經諸書皆以禹穴繫之會稽宛委山里人以陽明洞為禹穴今無所

故惟唐鄭勣書禹穴二大字元微之銘而勣序之然昌黎送惠師云嘗聞禹穴竒東去穿

既闕越俗不好古流傳失其真則禹穴不可定名久矣舊經引遁甲開山圖云禹治水至

會稽宿衡嶺宛委之神奏玉匱書十二卷禹開宛委山得赤珪如日碧珪如月各長一尺

二寸吳越春秋引黃帝中經云東南天柱曰宛委赤帝在闕其巖之巔承以文玉覆以磐

石其書金簡玉字編以白銀皆琢其文及禹巡衡岳血白馬而祭之夢見赤繡衣男子自

稱玄夷使者闕帝使命于斯故來候之倚歌覆鬴之山顧謂禹曰欲得我神書者齋於黃帝皇

岳之下三月庚子登宛委山發金簡之書按金簡玉字得通台水之理上說不經始錄之

射的山在縣南一十五里舊經云山西石室乃仙

人射堂也東峯上有射的遙望山壁有白點

如射侯土人常以占穀貴賤語曰射的白米

斛百射的玄米斛千其石室深可二丈遙望

類師子口俗謂之師子巖太平御覽云射的

山半石室之東高巖臨澗有石的岫形甚圓

明視之如鏡唐李白詩云仙人居射的道士

住山陰

白鶴山在縣南一十五里一名箭羽山孔靈符會

稽記云射的山西南水中有白鶴山此鶴嘗

為仙人取箭曾刮 尋索遂成此山漢鄭弘

少貧賤採薪為業嘗於山中得一遺箭羽鏃

異出帛心怪之頃之有人覓箭弘以還之後遂

得朝南風暮北風也 鄭弘南北風事 見樵風涇注

石帆山在縣東一十五里舊經引夏侯曾先地志

云射的山北石壁高數十丈中央少紆狀如

張帆下有文石如鷓一名石帆十道志云山

遙望如張帆臨水謝惠連汎南湖至石帆詩

云漣漪繁波綠參差層峯峙南湖即今鏡湖

也宋之問詩云石帆來海上天鏡出湖中

赤堇山在縣東三十里舊經云甌冶子為越王鑄

劍之所越絕云赤堇之山破而出錫若耶之

溪涸而出銅吳越春秋薛燭曰赤堇之山已

合無雲文選張景陽七命云耶溪之鋌赤山

之精赤山即此一名鑄浦山

若黃山在縣東十二里舊經云秦皇東遊於此供

芻草俗呼遶門山

寶山在縣東南三十里一名上臯山今

橫宮山也東接紫雲山昔有龍憩山上紫雲
乘之旁聯錫山產錫之所南抵下臯富盛山

西北接龍尾若賈諸山山峻有趙家嶼一名
趙樂嶼西塘裏城今禁園內

陵兆所宅乃其地也山巔號白鹿尖新婦尖
雞籠山五峯嶺其對案曰梅李尖自寶山東
七里有巨石中圓竅深可一尺廣可四尺號
鳳皇窠昔鳳生雙雛從此翔去今山下有上
鳳村下鳳村亦名鳳林方勺泊宅編云會稽
山為東南巨鎮周四六十里下瞰鏡湖有山
橫抱如几案案外尖峯曰梅李尖地理家謂
之筆案當勺所著在宣和建炎中尚未下

宮陵也矧十餘里間憩龍雛鳳產錫蓄寶寶
儲慶錫羨於今日豈偶也哉

自龍尾山五
峯嶺青山等
名皆舊經所不著上臯山即寶山也龔頤
正稽古錄紹興府橫官號寶山是也

紫雲山在縣東南五十里舊經云昔有遊龍憩此
山中常有紫雲起故以為名

富盛山在縣東四十里
下臯山在縣東三十里

錫山在縣東五十里舊經云越王採錫於此舊傳

出
鉛銀或坯鑿取之忽山嘯摧壓數十丈今迹
存焉其後里人無敢採者此山去寶山不遠
意寶山之
名或取此

白鹿山在縣東南二十九里越絕云在大亭山南
若耶山在縣東南四十四里舊經云葛玄學道於

此山晉謝敷傳後還南山若耶中宋何太祖廟諱

居若耶山山發洪水樹石漂拔其室獨存山

下有潭潭上有石號葛仙石舊經云葛玄所

鹿三足共行兩頭冬更食十道志云葛玄於

此山升仙所服白桐凡化為兩頭鹿一頭食

何山在縣東南四十七里即何太祖廟諱所居

雞山在縣東南五十里俗稱雞籠山越絕云雞山

在錫山之南句踐蓄雞於此將伐吳以食

也

鶴鳴山在縣東南五十七里郡國志云山上時有

鶴鳴

洞浦山在縣東南二十四里舊經云即湖南龍尾

山西南之趾

陶宴嶺在縣東南四十四里舊經云陶弘景隱於

此山有巨石高數丈傳云昔為任公釣磯

日鑄嶺在縣東南五十五里地產茶最佳歐陽文

忠歸田錄草茶盛於兩浙兩浙之品日鑄第

一黃氏青箱記云日鑄茶江南第一華初平

云日鑄山茗天真清烈有類龍焙昔甌冶子
鑄五劍采金銅之精於山下時溪涸而無雲
千載之遠佳氣不泄蒸於草芽發為英榮導
味幽香為人資養也

葛山在縣東一十里越絕云句踐罷吳種葛使越
女治葛布獻吳王夫差也吳越春秋云句踐
種葛於此採葛人歌曰嘗膽不苦味若飴今
我採葛以作絲

銅牛山在縣東南五十八里夏侯曾先志云射的
山南銅牛山即越王鑄冶處

舊經云昔銅牛
見於靈祀橋人

逐之奔入此山掘地視之悉銅屑也又云舊
有黃牛於此山嘍草樵人見之謂是民家所
牧或驅之失所在太平御覽云事出孔暉會稽志

嶠山在縣東七十里舊經云漢駱夫人學道於此

昇仙有石室石井丹竈存焉嶠音豪

上虞縣
嶠山名

同今兩
存之

雲門山在縣南三十里舊經云晉義熙二年中書
令王子敬居此有五色祥雲見詔建寺號雲
門今為淳化雍熙顯聖廣福唐孟東野詩云

碧嶂幾千繞清源萬餘流蓬瀛若仿佛四野
多泛浮杜子美詩云若耶溪雲門寺青鞋布

後從此始山有謝敷宅何公井好泉亭王子
敬山亭永禪師臨書閣

土城山在縣東六里吳越春秋越王使相者求美
女於國中得之苧羅山鸞薪之女西施鄭旦
飾以羅縠教以行步習於土城教於都巷三
年學服而獻吳王舊經引州僚記云越王作
土城以貯西施即此山下有浣沙石

犬亭山在縣東南三十里舊經云越王畜犬獵南
山白鹿即此越絕云句踐畜犬獵南山白鹿
欲得獻吳故曰犬山其高爲犬亭

稱山在縣東北六十里舊經云越王稱炭鑄劍
此越絕云句踐時采錫於山爲炭稱炭聚載
太平從炭瀆練塘各因事名之俗呼稱心山

鄭弘山在縣東南三十里弘仁後漢爲太尉

鹿池山在縣東南八里鏡湖中舊經云山中昔有
白鹿故名一云越王養鹿於此俗呼鹿墅山
刻石山在縣西南七十里一名鵝鼻山自諸暨入

會稽此山爲最高晉王彪會稽刻石山詩云

隆山差峩崇巖嶮傍觀滄洲仰拂玄霄文

命遠會風淳道遼秦皇遐巡邁茲英豪宅靈

基河銘跡峻嶠蓋秦皇刻石頌德宜在此山
姚今威叢語云自秦望行小徑至一山俗名
鵝鼻山頂有石如一屋插碑其中文皆為風
土所剝隱約就碑可見闕畫如禹廟沒字碑
之類不知此石果岑石歟或云大篆小篆皆
不可故事見碑類叢語又云鵝鼻山險絕人罕至者得一採藥引之方

至山西北屬山陰界

太平山在縣東南七十八里晉謝敷隱居太平山

中十餘年以母老還南山若耶中太平山有三一在會稽一在餘姚一在上虞上虞之太平山一名

上虞未詳今繫於此從舊經也

儲山在縣東南一百四十里周處風土記云

供儲在此又云張瑤種田立廡倉於山

名之俗稱粟山

六山在縣北一十四里一名句踐山越絕書云句

踐鑄劍銅不鑠埋之東坂其上生馬箐句踐

遣使者種六山飾治為馬箐獻吳王即此地

舊經云唐天寶六年改為句踐山今從越絕曰六山

脊山在縣南四十三里

姥山在縣東南一十五里山南二里又有姥嶺

大白山在縣東南七十五里

小白山在縣東南八十里

茅峴在縣東南一十五里茅君隱於此一名玉笥

出美玉其形如笥山陽一峯狀如香爐又謂

之香爐峯

茅峴與會稽山接舊經會稽山一名苗山亦名茅山疑只此山然舊

經茅峴有香爐峯蓋會稽山之別峯也今因之

稷山在縣東五十三里舊經穢山一名稷山越王

種菜於此後漢謝夷吾為穢鄉耆夫即此越

絕云稷山句踐齋戒臺也十道志云一名棕

山隋書會稽郡有稷山重山

幹山舊經云山南有許詢宅十道志許詢宅側

公巖之南有落星石

陰山舊經云秦始皇移在會稽山之北有陰山之

尚書稱

橫山在縣東三十四里舊經云山有草莖赤葉青

人死覆之更活寰宇記載同一云神異經東

方朔云

少微山在縣東一十二里職方郎齊公唐居也顧

內翰序職方集云鑑湖東北有山巋然公

親率箕畚栽培其上而闢其下為寢疏泉為

沼植花卉果蔬為圃與湖之西南會稽山禹祠相望為山水奇偉之觀自名其山曰少微山方干島在縣東南五里唐方干別墅也干咸通中居越中有詩云沙邊賈客喧漁市島上潛夫醉筭莊鄭谷題方干別墅云野岫分開迳漁家並掩扉今鏡湖中小山是已

尚書鵬在縣東南三十三里寰宇記云孔稚圭之山園也稚圭字德璋會稽人仕宋為都官尚書

穀來嶺十道志云舜耕於此天降嘉穀之處嶺以此名

刺涪山在雲門南山不甚高而登其上則見雲門陶宴諸山林立在下又山頂有池大旱不涸

山陰縣

塗山在縣西北四十五里舊經云禹會萬國之所按史記國語禹會諸侯於會稽執玉帛者萬國防風氏後至禹誅之史載仲尼之言曰越人得其骨節專車書曰禹娶於塗山注塗山國名左傳禹會諸侯於塗山杜預注在壽春縣東北說者云今濠州也蘇鶚演義云塗山

有四一會稽二渝州巴南舊江州三濠州四
當塗縣又引文字音義云僉山音塗塗古國
名既為古國禹娶之宜矣自越絕 等書皆云
禹娶于會稽塗山應劭曰在永興北永興今
蕭山縣也吳越春秋又兼載塗山之歌其說
不經大氏渝濠宣越之塗山皆有禹迹蓋禹之
濠川雖嘗徧歷海內其會諸侯於會稽則信而
有徵至娶婦處則好事者傳會於此非其實也
又柳子厚山銘東坡廟詩乃在渝濠非此之謂
侯山在縣西四里舊經云南湖侯山迥在湖中俗

名九里山蓋昔時去縣之數也孔愉少棲此
山後官至車騎封侯論者以愉致侯之北見
於此晉孔愉傳愉山陰人為會稽內史在郡
三年乃營山陰湖南侯山下數畝地為宅草
屋數間便棄官居之山有孔太守廟

蘭渚山在縣西南二十七里王右軍修禊序云此
地有崇山峻嶺茂林脩竹

陳音山在縣西南四里一百五十步舊經引吳越
春秋云范蠡進善射者陳音楚人也王曰善
子之道願子悉以教吾國人音曰道出於天

事在於人人之所習無有不神於是乃使音
教士習射於北郊之外三月軍士皆能用弓
弩之巧音死王傷之葬於國西號其葬所曰
陳音之山其冢悉畫騎射之形今對塘頭亭
南湖中一山首北望者是也寰宇記以陳音
山屬上虞縣非也

亭山在縣西南一十二里舊經云晉司空何無忌
為郡置亭於山上

蜀阜山在縣北三十五里舊經云自蜀飛來帶兒
婦二十餘人隨山而至善織美錦自言家

西蜀今忽至此或云白踐將伐吳置婦女於
巫山山以邀軍士後人以婦訛為阜也十道志云
錢璠白踐以寡婦居此今軍人遊焉一名獨婦山
法華山在縣西南二十五里舊經云義熙十三年
入支僧曇翼誦法華經感普賢應現因置寺今為
天衣禪院山有十峯咸平中裴使君莊各命
羊以名一法華二衣孟三積翠四朝陽五雲門
六倚秦七天女八猿嘯九起雲十月嶺山下
二溪東北流冬夏不竭唐李邕碑云其峯五
連其溪雙帶蓋謂此也萬齊融碑云雙鳥所

以示兆今尚翔鳴舊經云山有雙鳥雛長則

送出之

舊經法華山在會稽縣南四十里後正之

容山在縣西南二十七里

羊石山在縣西三十六里山有石如羊

柯山在縣西三十一里

人安山在縣北四十六里舊經云舊馬鞍山以形

似馬鞍也天寶七年改為人安山

鎚頭山在縣北四十一里以形似故名

巫山在縣北一十八里舊經巫山一名梅山越絕

書云巫山者越魘神之官死葬其上朱育對

濮陽興曰越王翳遜位逃於巫山之穴越人

薰而出之陸左丞農師適南亭記云梅山昔

子真之所居也其少西有里曰梅市其事應

史山西南有永覺寺梅子真泉適南亭竹徑

茶鴨

石匱山在縣東南一十五里舊經云山形如匱禹

治水畢藏書於此

五峯山在縣南三十二里

西余山在縣西北四十二里

烏風山在縣西北四十九里

聖女山在縣西二十九里

茅巖山在縣西南三十三里

石城山在縣東北三十里吳越備史乾寧三年錢
鏐討董昌攻石城去越三十里即此今山下

有石城里

檀宴山在縣東十道志云謝靈運游宴處今人往
往聞簫笙之音

下馬山在縣北二十七里舊經云秦始皇息駕於
此一名蝦蟇山按此山四面皆水非息駕之
所疑其音訛爲下馬遂有息駕之說

梅里尖山其陰爲梅仙隴多桃李梨梅來禽以梅

福里得名自隴度一小嶺有異境煙水直至
郡城與臥龍相直

磴山有石泉在竹樹陰中甘寒可淪茗山形如磴
故得名

六峰山有溪出山麓產楊梅居民百餘戶

項里山有溪清澈居民二百餘戶產楊梅與六峰
埒其號何塔者尤奇

戴於山遠望若兩山其實一也居民二百戶或云
舊有戴於二姓居之

何山有塔久廢近復營之頗增湖山之麗

玉架山三峯如筆格故得名秀麗可畫

花涇山多桃李及柳望之如錦繡包絡山谷

直步山多薜梅亦產楊梅下有溪入鏡湖

徐山姚嶼皆小山財如岡阜多桑竹在鏡湖中

彈丸山以其狀名下有方鵞渡

甌山兩山相類正如兩酒榼

海山多桑竹下有居民三四十戶以漁釣為業

蜀山爾雅曰獨山謂之蜀山郡境多此名古語也

鳳凰山在梅市鄉至小而具山形嘗有鳳集焉

玉山在縣北三十三里舊經云唐貞元元年浙東

觀察使皇甫政鑿此山為斗門八間泄水入

江按唐書地志山陰縣北三十里有越王山

大白堰皇甫政鑿山以畜泄水利與舊經相合即

此舊經山陰縣北二十八里又一玉山乃重復今刪之

琵琶山在縣南五里

烏土山在縣西南四里

三山在縣西九里地里家以為與臥龍岡勢相連

今陸氏居之嘗發地得吳永安晉太康古甌

疑昔人嘗十築或嘗為寺觀云

嶧縣

剡山在縣北二里縣治處其坳山下園圍亭館白樂
三山天沃洲記云東南山水越為首剡為面其山
高土巔屹起小峯號白塔俗傳秦始皇東遊使人
鑿斷此山以泄氣今土坑深千餘丈號剡坑山
北有戴顯墓

大白山在縣西六十里舊經云此山峻極崔嵬吐
雲含景與小白山接乃趙廣信煉九華丹登
仙之處有白猿赤獲又有鳥似雞文彩五色
口吐綠綬長數尺號吐綬鳥雙石筭各長五
六丈對立如闕瀑布泉飛下號瀑布嶺土人亦

稱西白山

按宋書褚伯玉隱身求志居剡縣

瀑布山三十餘載揚州辟議曹後
事皆不就意瀑布山之在剡即此華初平瀑
布嶺詩序云在嶧縣西六十里福善所集蔚
有靈氣昔產仙茗寰宇記瀑布嶺
屬餘姚縣蓋此山聯接餘姚縣界

小白山在縣西六十里真誥云趙廣信陽城人魏
末渡江來此山師李一成服氣又授師左君
守中之道徹視五藏或入城市賣藥莫知其
年歲後白日升天山有丹井今存

刻石山在縣南三十里十道志云一名穿山相傳
以刻石為名不知文字所在昇明末縣人倪

襲祖行獵見山上有文凡三處苔生其上到

苔視之其大石文曰黃天皇蕭字道成得賢

師天下太平舊經云或言衛夫入碑墜此中

因以為名唐寶曆元年觀察使元稹使人訪

碑不獲山半有井井有蛟

丹池山在縣東七十二里舊桐栢山唐天寶六載

改為丹池道經云上有桐栢合生下有丹池

赤水南岳真人云越有桐栢金庭與四明天

台相連神仙之宮也真誥曰桐栢山高一萬

五千丈周回八百里四面視之如一其一頭

在會稽東海際其一頭入海中是公庭一頭

之鄉在桐栢之中方四十里上有黃雲覆之

樹則蘇紆珠碧泉則石髓金精其山臺盡五

色金也經丹水而行有洞天從中過在剡臨

海二縣之境按桐栢山在天台金庭山在剡

道一頭在會稽東海頭一頭

石鼓山在縣東五十里有石鼓神祠白樂天沃洲

記云北對四明而金庭石鼓介焉諸暨縣有

同各

簞山在縣東三十一里有白巖神祠并龍潭祈禱

有驗舊經云山遙望之如鋪簾

動石山在縣東北五十里下臨溪有石數百天歛
雨石必先動

嘯山在縣北四十四里舊經引輿地志云自上

七十里至溪口從溪口隨江上數十里

兩岸峻壁乘高臨水深林茂竹表表輝

爲嘯嘖奔瀨迅湍以至剡也水經云嘯

嘖山接其間瀕澗懷煙泉溪引霧吹陸

觸岫延賞王元琳謂之神明境事見謝

山居記水經注又云嘯山有成工嘯嶠

臨江歎路峻狹不得併行行者牽木稍進不

敢俯視嶠西有一孤峯飛禽罕至山頂樹下

有十二方石地甚光潔嘗有採藥者泂山見

通蹊至此還復更尋遂迷前路

車騎山在縣東四十七里舊經云晉車騎將軍謝

玄爲會稽內史嘗於此山立樓居止後人因

以爲名水經云嘯山東北太康湖謝玄舊居

右濱長江左傍連山平陵脩通澄湖遠鏡於

江曲起樓樓側悉是桐梓森聳可愛號桐亭

樓山中有三精舍高甍凌虛垂簷帶空俯眺

平烟杳然在下水陸寧晏足為避地之鄉江
有琵琶圻圻有古冢隨水甃有隱起字云筮

吉龜凶八百年落江中謝靈運取甃詣京師

咸傳觀焉舊經引謝靈運經此有詩云曩趾即先築故也不更穿果木有舊行

穰石無遠連按此詩康樂還舊園作贈顏廷年自注即始寧園也始寧今上虞縣有西莊

別墅存焉然舊經載於此未詳

嵯山在縣東三十曰里水經云山下有亭亭帶山

臨江松嶺森鬱

了山在縣東北一十二里南有餘糧以其地產禹

餘糧

榆樹山在縣西北八十里

槌山在縣西七十五里

子周山在縣西北七十里

葛峴山在縣西北二十里

諸暨縣

長山在縣西一里夏侯曾先地志云山高五十餘

丈其頂平博有石室可坐百人南范蠡壇陶

朱公廟東法樂寺

苧羅山在縣南五里輿地志云諸暨縣苧羅山西

施鄭旦所居其方石乃煦紗處十道志句踐

索美女以獻吳王得之諸暨苧羅山賣薪女
西施山下有浣沙石太平御覽云羅山今名
苧羅山山足有王羲之墓孫興公文王獻之
書碑今不存

苧羅山一在蕭山縣今並存之

衡山在縣西南二十里舊傳有彌勒佛古迹

覆斗山在縣南五十里

東白山在縣東九十里一名太白峯連跨三邑其
在剡曰西白在東陽曰北白

楮山在縣西一十八里山多楮木一名諸山

金鵝山在縣南五十里舊經云昔有金鵝自此山

飛入吳郡

烏帶山在縣東北四十五里山出紫石英舊經云
晉謝敷夜夢神人語曰當以珍寶相贈至明
視床下有異石而瑩乃紫石英也舊名烏筮
山梁武帝遣烏筮採石英終於此後人立廟
祠之帶筮聲近蓋俗之誤也

杭烏山在縣北七十五里舊經云疊嶂七十二有
石冢大石為門其平如削傍有杭烏刺史廟
一峯特高風雨晦冥常聞樂聲號鼓吹峯又
有池或時龍見

句乘山在縣南五十里舊經云句踐所都也國語云越臣於吳吳更封趙南至句乘即此地其山九層亦名九乘山南有句乘亭

浮塘山在縣南四十五里

九江山在縣北二十五里舊經云山有石室幽邃其四壁刻石爲女人號靈女臺

石鼓山在縣南五十里山下盤石如鼓扣之有聲

多黃精白朮竹箭

縣有石鼓山名同各存之

黃蘗山在縣東南九十五里以山多黃蘗故名

大巖山在縣北九十里

巖崖山在縣北五十里

雞冠山在縣西五十里山形如雞冠出奇石其紋

若星月花獸山有玉女冢一名高冢

細辛隴山在縣南九十八里山多細辛

五泄山在縣西五十里自山五級泄水以至溪山

水獸川最爲秀絕

寶掌巖在縣東南四十五里寶掌禪師所居也一

名千歲巖禪師不知名氏自云生於周末當

魏晉間由西域入蜀貞觀十五年開巖於此

周顯德二年正月遷化壽一千七十二歲真

儀在半巖去地四十九尺石室可容百餘人
洞內石版數片如削傳云里人沐浴之所禪
師種貝多木一枝亦數百年矣

金雞山在縣南五里

壯禪師巖在縣南四十五里寶掌巖側

范公巖在縣南九里陶朱公所遊歷也巖有洞

蕭山縣

蕭山在縣西一里西漢地志云蕭山潘水所出東

入海舊經云許詢嘗登其山憑林築室蕭然

自致乃名蕭山

北幹山在縣北一里舊經云晉許詢家於此山之

陽其詩云蕭條北幹園

翠嶂山在縣西二十五里一名夏駕山舊經云山

出菘草織以為席甚細密多接者為精山在

夏駕湖湖去海止數里

舊經上虞縣夏蓋山一名夏駕山亦去海

數里疑與此同今俱存之

荏山在縣東北一十一里舊經云越王種荏於此

黃竹山在縣東三十三里舊經云范蠡遺鞭於此

山生笋為林竹色微黃狀如刀削

洛思山在縣東四十三里輿地志云永興縣洛思

山先是洛下人隨朱雋來會稽三年不得返
乃登山北顧而歎或云雋遭母喪止葬此山
黃竹請洛下圖墓師相地師去鄉既久目極千里
北望洛京號呼而絕因葬山頂故以為名寰
宇記太平御覽所載略同

乾薑山在縣西四十里舊經云山北有泉冬夏不
竭清白於餘水越王用此水造薑

摩烏山在縣南二十里舊經引東方朔神異記此
山是亞父割斷蕭山南嶺將摩於烏江也江
東以擲為摩

航烏山在縣西四十七里舊經云句踐之航也三
百石長負卒七十人渡之一曰舸烏里

連山在縣西一十二里舊經云連山長岡九里西
北至定山秦始皇欲置石橋渡浙江石柱數
十列於江際其傍別有小山號石井山

吹樓山在縣東四十里一名樓山一名岵市山
螺山在縣東二十里舊經云山似螺故名有會稽

內史夏靜墓

菊山在縣西三里山多菊故名唐永泰中縣令李

萼尉丘丹登北山因名菊山

茗山在縣西三里山多茗下有二塘

臨江山在縣東南二十里舊牛頭山天寶中改此

名諺云牛頭亭羅一日三過謂舟行信宿猶

經舊處也山南有石室

去虎山在縣北五里山有猛虎常傷人一夕負子

渡江西去縣令社守一以名其山時景德四

年六月晦也

三臺山在縣南五十里山有臺三所故名

亭羅山在縣南三十里有西子廟一在諸暨縣今兩存之

龕山在縣東五十里

慈孤山在縣東四十里

石巖山在縣西南二十五里

東蜀山在縣東一十里

西蜀山在縣南一十五里

峽山在縣南六十里其山八面皆向江有雞籠石

石有紅影略如雞形故諺云金雞影山也

許元度巖在縣西南八十里晉許詢所居也

餘姚縣

祕圖山在縣北六十七步舊經云上有石匱夏禹

所藏靈祕圖之所舊號方山天寶六年改今

名上有嚴公堂高風閣皆以子陵而名此

舊為壽聖觀北縣治在其南麓觀既廢於建炎兵火遂以弓手營地為廣福觀易之以廣

縣

四明山在縣南一百十里高二百一十丈周回二

百一十里山四傍皆虛明玲瓏如牖故名孫

綽天台賦云涉海則有方丈蓬萊登陸則有

西登四明天台今奉化鄞山皆此山之脉也唐皮

日休詩云穴開自真宰四達見蒼崖山有九

題石窻過雲雲南雲北鹿亭樊榭潺湲洞青

櫺子鞠侯是也日休與陸龜蒙俱有詩山與

四明山今日之

竹山在縣東南五里

羅壁山在縣南一十八里舊經引孔曄記云山有

虞國野襟帶山溪表裏疇苑洛陽人來云巖

圓天勢具體金谷邨太宰遍游諸境棲情此

地每至良辰携子弟遊憩後以司空臨郡遂

卜居之

懸泥山在縣北六十里孤峙海中其上多橘下有

湧泉冬夏不竭

靈緒山在縣西一里一名嶼山孔曄記云山有三

足白麕昔虞翻嘗登此山望四郭誠子孫曰
可留江北居後世祿位當過於我聲名不及
爾然相繼代興居江南必不昌今諸虞氏由
此悉居江北也山巔有葛仙翁井及山罾有
徵泉未嘗竭名龍泉在龍泉寺中王荆公少
時隱居讀書於此題二絕句說者謂其有公
輔之噐元章簡公絳赴郡晚泊題云江上潮
聲送落暉江邊倦客拂塵衣勞生俗事何時
了不送山雲自在飛

渚山在縣西三十里舊經云秦始皇飲馬於此

姚丘山在縣西北六十里舊經云舜母握登感虹
生舜之地又引周處風土記以為證 三朝
國史云餘姚縣有姚丘山

虞山在縣西三十里舊經嘗引太康地志云舜避
丹朱於此與史不合

吳女山在縣西三十八里周七十里舊名娥眉山
天寶六載改今名

鳴山在縣西南一十二里舊經云支道林居剡每
名辰遠來鳴山或問之荅曰謝安石昔來見
就輒移旬日今觸情舉目不覺欣想後病甚

遂移來隴中僧史云支遁嘗經餘姚隴信宿
彌日不去或問其意曰昔安石相從未嘗不
移旬今觸情是愁耳乃移隴中永和元年閏
四月四日沒葬於隴中支道林葬處今泯世說云永和元年支終於剡之石城山戴逵過其墓曰德音未遠拱木已積棺其語繫之隴山未詳始兩存之

太平山在縣東南七十里輿地志云餘姚縣有太平山山形似繖四角各生一種木不雜他木一角擦一角純梓一角純榿有道士舊築居山上穢身者來輒飛倒自非潔齋不敢至焉

藝文類聚餘姚江源出太平山東至陝江口入于海孔稚圭詩云陰澗落春榮寒巖留夏

雪即此太平山有三一在會稽一在上虞一在餘姚而餘姚之山最著謝敷居太平山不著何所但云會稽人故繫之會稽然敷所居或恐即此梁杜京產居日門山陶弘景有太平山日門館碑云吳郡徵杜君拓宇太平之東菁山之北爰以幽奇別就基址栖集有道多歷世年蓋京產所居日門亦太平山之別名也

大小黃山在縣東二里

九里山在縣東九里

西石頭山在縣西二里社稷壇在其左

童山在縣西三里

大小雷山在縣南二十里

殿山在縣南十五里

屯山在縣北十五里

松山在縣北二十五里

栢山在縣北三十里

眉山在縣北三十五里海中望之如脩眉故名

廟山在縣北五十里

白山在縣東南五

化安山在縣東南二十里

白水山在縣東南六十里

歷山在縣西北八十里舊經云在會稽縣東南

舜耕所也又云越有歷山舜并象田者以舜

之餘族所封舜姚姓故曰餘姚蓋其子孫思

舜鄉取像於此亦猶漢新豐之義蓋此山雖

非舜之耕所亦因舜而得名也王介甫歷山

賦序云餘姚縣人與季父爭田予為直之將

歸閔然望歷山而賦之歷山在上虞界中按

此山實屬餘姚介甫謂在上虞界中誤矣

演義云歷山有四一河中二齊州三冀州四濮州雷澤又其二不聞又云耕之與漁宜皆在雷澤史記注云歷山在河東漁澤今屬山陰然則舜之所耕不在明矣演義云歷山其

二不聞豈此山乃其一耶梁江文通題歷山詩云愁生白露日思起秋風年落葉下楚水別鶴噪吳田嶂氣陰不極日色虧半天酒至情蕭瑟憑尊還惘然文通會稽永興人所門乃此山也

大蘭山在縣東南八十里傳云劉樊夫婦於此山

仙去

靈源山在縣西南三十里有泉曰靈源故名

烏膽山在縣西南四十里山與上虞縣接於上虞至見

風山在縣西北一十里廣四十里十道志云山少

木多石通于始寧及剡

東明山在縣西南五十里

白雲山在縣西南六十里

冶山在縣東北二里傳云歐冶子鑄劍之所會稽

董山鑄浦皆傳歐冶子鑄劍處今並存之

陳山在縣東北一十五里有嚴子陵墓靈瑞塔山

魚山下泉名華清

石匱山在縣東六十里傳云禹藏書於此山有大

石礪石礪其形如匱會稽縣宛委山一名石匱山陰縣西亦有石匱山今

並存

安山在縣東北一十里

石人山在縣東北四十五里山下有洞

破山在縣東北六十里一名三山

嶼山在縣東北三十里

仙居山在縣東北六十里一名拷老山

聖龜山在縣西北二里一名打石山

鑊劍山在縣西北四十里

烏山在縣西北二十里

姜山在縣西北五十里表十里山有五峯曰金雞

風山曰蛾眉曰積翠曰凌雲曰白馬山下有姜女

永山泉精舍

熨斗山在縣西北二十五里

何山在縣西北四十里

上虞縣

傘山在縣南五里一名太平山舊經云形如傘也

吳道士干吉築館於此山巔平行有良疇數

十頃橫塘漑之無水旱太平山有三一在會稽一在餘姚一傘山

亦名太平山舊經云此山在餘姚縣西南一百一十里驗之的然

上申山在縣南四十里

昇相山在縣南三十五里山巔瀑布號白水

蘭穹山在縣西北二十五里一名蘭風舊經云葛

洪嘗栖隱於此有石井丹竈山多石少木四

望迢迢有形勢自東西眺之則正方寰宇記
云琅邪王弘之垂釣之地宋王弘之傳性好
釣上虞江有三石頭弘之常垂綸於此人問
得魚賣否荅曰釣自不得得亦不賣

東山在縣西南四十五里晉太傅謝安所居也一
名謝安山巋然特立於衆峯間拱揖蔽虧如
鸞鶴飛舞其巔有謝公調馬路白雲明月二
堂址千嶂林立下視滄海天水相接蓋絕景
也下山出微徑爲國慶寺乃太傅之故宅傍
有薔薇洞俗傳太傅携妓女游宴之所又山

西一里始寧園乃謝靈運別墅一日西莊按
謝安傳云寓居會稽與王羲之許詢支遁游
出則漁獵山水入則言詠屬文後雖受朝寄
然東山之志始末不渝靈運傳云父祖並葬
始寧山中并有故宅及墅遂移籍會稽故其
詩云偶與張邴合久欲還東山又云分離別
西川迴景歸東山注謂會稽靈運之所居也
蓋太傅始居此及出鎮新城欲造泛海之裝
自海道還東雅志未就而沒後卒葬焉今山
西有太傅墓靈運自移籍會稽多在始寧其

著山居賦云南北兩居水通涯阻注云兩居

謂南北兩處南山是開創卜居之處傳云修

營別業傍山帶江盡幽居之美今山半有洗

衾池東西二眺亭雖後人好事為之然舊園

別墅迹不可泯又舊經云梁徵士魏道微修

道得仙於謝安山南史杜京產與顧歡開舍

授學於東山下今距山一二里有杜浦顧墅

舊經云東山在縣西北三十里非也東山因

太傅而名者三一在臨安山中按傳云嘗坐

石室臨澹谷悠然嘆曰此與伯夷何遠東坡

詩云謝公含推量世運屬艱難獨携縹緲人

來上東西山今臨安縣東西巖石室存焉一

在金陵按列傳云及登台輔於土山營墅

館林竹甚盛每携中外子姪往來遊集建康

志云謝安太居會稽東山後入朝乃於此營

築以擬之山無巖石故名土山是二山雖太

傳平生之所游歷非故居之東山也惟始寧

東山乃其故居其證明甚世說王羲之語劉

俊曰若安石東山志立當與天下共推之注

引續晉陽秋曰安石家於會稽上虞縣優游

山林六七年間徵召不至雖彈奏相屬繼以

禁錮晏然不屑也自咸康初辟召不起高臥

歷年所以放情丘壑正在此山自東漢末祈

上虞之始寧鄉為始寧縣至東晉有上虞始

寧二邑陽秋所載得其實矣王性之著東山

記言東山之在會稽其證有七獨不援此為

說豈偶遺之耶然晉宋諸賢居會稽剡中例

稱東山阮裕居剡中有肥遁之志其在東山

久之蕭然無事嘗內是於懷戴逵屬操東山

王脩鈴在東山甚貧乏道一道人從都下還

東山支遁好鶴住東山何軼以會稽

山多靈異居若耶山雲門世號謝為小山

亦曰東山又向子朗等六人於東山受學梁

虞寄領會稽郡掾致書陳實應自稱東山虞
寄然則會稽剡中若耶雲門皆可稱東山也
今阮戴支趙遺迹在嵯縣何歙所居在雲
門東岫山屬新昌縣九山之處東皆可稱東
山但不若此山固太傳而著爾王性之記云
安石與戴逵同寓此東山恐別有據大氏晉
宋人指會稽剡中皆曰東如太傳傳
云樓遲東山又云海道還東是也

檀燕山在縣西南五十里舊經云神仙讌集之所

上有旃檀香氣襲人樵者或時聞管簫聲太
平御覽山頂有十二方石悉如坐席許大皆
作行列仙靈之所讌集也

釣臺山在縣西南七里舊經云山有槎大十圍昔
陶公嘗乘此垂釣公既去槎墜於潭底不復

浮矣

嶮山在縣西南四十二里舊經云漢東陽駱夫人

於此上昇傍有井竈歲久蕪沒今山崖南有

二白石土人號日月石會稽縣東七十里有嶮山云駱夫人學道

之所各存之舊經作駱大夫誤

指石山在縣西南四十五里舊經云上虞縣有立

石所謂指石者俗呼為公靳言舜登此石

夏蓋山在縣北五十里舊經云山形如蓋因以為

名引輿地志云上虞縣北有夏駕山在湖中

湖即名夏駕出菘草土人織以為席甚細密

多接者為精識書云夏駕山浮可避甲申水

災湖北去海數里山北對海鹽岸蓋一作駕

蓋駕音近傳之訛耳舊經蕭山縣翠嶂山一名夏駕山在縣西二十

五里有夏蓋湖湖北去海數里山北對海鹽岸餘並同

握登山在縣西南四十里山有握登聖母廟

象田山在縣西南四十里周四十餘里山平行俗

呼小天台南有舜井

大雷尖山在縣南一十里十道志云一名百樓山

山腰有平地數十丈漢魏伯陽嘗築居於此

石壁山在縣西南四十五里十道志其南小山山

形方正如樓號鼓吹樓寰宇記云山有飛翼

樓謝靈運題石壁精舍詩云披拂趨南徑愉

悅偃東扉注云精舍讀書齋也

龍山在縣西二十五里

佛跡山在縣西北四十五里有石逕尺許深一寸

如巨人足迹

長者山在縣南二里

蔡墓山在縣西一十二里或以為蔡邕墓山也按

蔡邕傳邕陳留圉人亡命遠迹吳會文選伏

滔笛賦云邕避難江南宿於柯亭之館取椽

為笛又傳云邕過吳讀曹娥碑則邕嘗至會稽郡然有墓於此未詳

裏嶼山在縣西南三十里

龍塘山在縣西南四十里一名鵝鼻山山有上下

二潭上潭泉脉不竭下潭多枯歲崇禱於此有驗里人結屋以覆之

崑崙山在縣西南四十里有神祠

羅巖山在縣北七里

羅壁山在縣北十里

餘姚縣南十八里山同今並存之

雙基山在縣西南五十里俗傳三仙者沐訖對奕

於此

四明山在縣南四十里南史梁孔祐隱四明山見

山谷中有錢數百斛視之如瓦石采樵者競

取之入手即成沙礫有鹿中矢來投祐祐為

豢之瘡愈而後去太平御覽李汾上虞人嘗

入四明山讀書

餘姚縣南一百二十里山名同今並存之

銅山在縣南二十五里

烏瞻山在縣東一十五里

大雷山在縣西南六十五里

鳳凰山在縣西南六十里山有鳳穴

含珠山在縣西南五十里

鳳山在縣北三十五里山形如鳳

白道猷嶺在縣南五十里晉天竺僧白道猷卓菴

於此

孝聞嶺在縣北十里昔嶺下有包全居之以孝聞

新昌縣

南明山在縣南五里一名石城一名隱岳初晉僧

曇光棲跡於此自號隱巖支道林昔葬此山

下齊僧護夜宿聞笙磬仙樂之聲梁天監中

建安王始造彌勒石佛像劉勰撰碑其文存

焉山有錢鏐所造三層閣寶相寺白雲莊

蓮菴齊顛井白鷗鴈石縫梅皆勝迹也

處今泯按世說戴逵過林法師墓曰德晉朱

遠拱木已積注云永和元年支遁終於剡之

不城山因葬焉今不知何所王珣詩序云予

以寧康三年命駕之剡石城山即法師之丘

也高墳鬱為荒塋丘隴化為宿莽遺迹未滅

而其人已遠感想平昔觸物悽懷其為時賢

所持如此僧史云道林葬

餘姚鴈山未詳今兩存之

東岬山在縣東四十里晉僧法深支遁皆隱居此

世說支道林好鶴住剡東岬山有人遺其雙

鶴養成翮便使飛去又嘗就深公買岬山深

公曰未聞巢由買山而隱

沃洲山在縣東三十二里晉白道猷法深支遁皆
居之戴許王謝十八人與之遊號為勝會亦
白蓮社之比也唐白樂天山院記云東南山
水剡為面沃洲天姥為眉目唐韋應物權德
輿送靈澈歸沃洲有詩序傳焉山有靈澈杖
錫泉西南養馬坡放鶴峯皆因支道林得名
吳虎臣漫錄云沃州天姥號山水奇絕處自
異僧白道猷來自西天竺賦詩云連峯數十
里脩林帶平津茅茨隱不見雞鳴知有人晉
宋之世隱逸為多寰宇記以沃洲山屬嵊縣今從正之

天姥山在縣東南五十里東接天台華頂峯西北

趙山趙山聯沃洲山上有楓千餘丈寰宇記云登此山

者或聞天姥歌謠之響道藏經云沃洲天姥

福地也謝靈運詩云暝投剡中宿明登天姥

岑李白詩云辭君向天姥拂石臥秋霜又夢

遊天姥歌云天姥連天向天橫勢拔五嶽連

赤城天台四萬五千丈對此欲倒西南傾杜

陵壯遊云剡溪蘊秀異欲罷不能忘歸帆拂天姥中歲貢舊鄉時少陵將辭剡西入長安也或云自剡至天姥山八十里歸帆拂之非也詩人之辭要當以意逆志大槪言此山之高而已

南巖在縣西南二十里世傳任公子釣魚之所莊

子任公子以五十犗為餌蹲於會稽投竿東海經年而得巨魚唐齊顓題南巖云南巖寺本滄海任公釣臺今尚在巖側有任公釣車石棺蛻骨存焉人掘其地有螺蚌殼云巖下乃海門也

穿巖在縣西南五十里有十九峯排列如圖畫中峯有一圓竅東西通故名穿巖巖有石室廣二十餘丈

鼓山在縣西四里山形如鼓

天嶽在縣西南七里

劉門山在縣東南三十里傳云劉晨阮肇自剡採藥至此山有劉阮祠山亭採藥逕山下居民多劉姓者

石牛山在縣西三里

黃罕嶺在縣三十里唐咸通中賊裘甫寇浙東主式曰惟黃罕嶺可入剡然卒亦成擒甫果自嶺入剡兵遂敗

會稽志卷第九

發人機矣豈想人掘其地有蟬蛻者

黃帝時... 陵然卒亦為餘浦吳自

可半... 通故名穿巖巖有不空

多... 陵

鼓山藥... 陵... 山亭... 山不... 月

... 山亭... 山不... 月

... 山亭... 山不... 月

會稽志卷第十



水

府城



府河在城南二里屬會稽縣河東南流經府市北出
 定清門入運河又西北流由蕭山達于浙江
 篔簹河在府西二百步一名投醪河舊經古越王句
 踐投醪之所或又名勞去聲師澤水經越王栖
 會稽有酒投江民飲其流戰氣百倍所投醪
 即浙江也華安仁考古云句踐謀霸拊存國
 人與共甘苦師行之日有獻壺漿跪受之覆

流水上士卒至流而飲之人百其勇一戰而

有吳國也唐大和六年觀察使陸亘重浚

仁云府東大河也然俗以府學前西河為是或又以新河北匯水為之經云投膠即浙江

蓋自府河東西諸流皆達于浙江也

運河在府西一里屬山陰縣自會稽東流縣界五十

餘里入蕭山縣舊經古晉司徒賀循臨郡鑿

此以溉田

新河在府城西北二里唐元和十年觀察使孟簡所

浚

會稽縣

海在縣北二十里海水北流入嘉興府海鹽縣史記

秦始皇上會稽望于南海二世並海南至會

稽西漢地里志南江從會稽吳縣南入海中

江從丹陽蕪湖縣西東至會稽陽羨東入海

北江從會稽毗陵縣北東入海蓋漢會稽地

廣綿亘數千里凡三江皆繇此以達于海也

水經云江水奇分謂之三江口又東會稽東

入于海又云浙江水出三天子都北過餘杭

東入于海三江之說不同至江流入于海則

古今論者不能易也釋名云海者晦也主引穢濁其水黑而晦博物

志云天地四方皆海水相通地在其中央無
幾四海之內皆復有海也初學記云凡四海
通謂之裨海之外復有大瀛海環之曰百谷
王一日朝夕池一日天池一云大壑海神曰
海若海中山曰島海中洲曰嶼水經餘姚故
城背巨海王粲海賦云翼驚風而長驅集會
稽而一睨隋書志開皇十四年詔東海於會
稽縣界並海立祠取側近巫一人主洒掃

曹娥江在縣東南七十里源出上虞縣經縣界四十
里北入海會稽典錄云曹娥上虞人父盱漢
安二年迎伍君神泝濤而上為水所溺娥年
十四自投江而死江因娥得名也世說晉陽
秋曹娥父盱溺不得尸娥投衣於江祝曰父
在此衣當漚旬有七日夜偶沉娥遂投江而

死縣長度尚悲憐其義為之葬且命邯鄲子
禮作碑蔡邕聞之來觀夜闇以手摸其文而
讀之題云黃絹幼婦外孫壑曰二百年後碑
當墮當墮不墮逢王叵魏武過曹娥碑下讀
碑陰八字謂楊脩曰解否荅曰解魏武曰卿
未可言待我思之行三十里魏武乃曰吾已
得之令脩別記所知脩曰黃絹色絲也幼婦
少女也外孫女子也壑曰受辛所謂絕妙好
辭魏武亦記之與脩同乃嘆曰我才不及卿
乃較三十里異苑云蔡邕過吳讀曹娥碑旁

作八字魏武見而不能解有婦人浣於汾渚
曰弟四車乃解既而悟曰禰正平也衡即以
離合義解之此婦人即娥靈也二說不同世
說亦兩存之廟碑晉夏統曰曹娥父子喪尸
後乃俱出國人哀其孝義爲歌河女之章潘
逍遙題詩云曹娥廟前秋草平曹娥廟裏秋
月明扁舟一夜炯無寐近聽潮聲似哭聲

若邪溪在縣南二十五里溪北流與鏡湖合越絕云
若邪之溪涸而出銅吳越春秋云赤堇之山
已合無雲若邪之溪深而莫測戰國策云涸

若邪而取銅破堇山而取錫溪傍即赤堇山
也後漢劉寵爲會稽太守去郡若耶父老人
齎百錢相送爲受一大錢十道志云後人因
此名劉寵溪唐徐季海嘗遊溪因歎曰曾子
不居勝母之閭吾豈遊若耶之溪遂改爲五
雲溪李白詩云若邪溪邊採蓮女笑隔荷花
共人語李公垂詩云傾國佳人妖艷遠鑿山
良冶鑄爐深自注云若邪溪乃西子採蓮歐
冶鑄劍之所

樵風溼在縣東南二十五里舊經云漢鄭弘少時採

新得一遺箭頃之有人覓箭問弘何所欲弘
識其神人也荅曰常患若邪溪載薪為難願
朝南風暮北風後果然世號樵風水經云鄭
弘少以清節自居恒躬采伐用質糧膳每出
入溪津常感神風送之憑舟自運無伏節之
勞村人貪藉風勢常依隨往還有淹留者徒
輩相謂曰汝不欲及鄭風耶其感致如此宋
之問詩云歸舟何慮遠日莫使樵風劉長卿
詩云仙客常因一箭贈樵風長到五雲間

齊祖之鑄浦涇詩云掃拂嫩蓬
出涇來自注越人謂水道為涇

鑄浦在縣東南三十里與若邪溪接一名錫浦浦上

有橫梁人家聚落歐冶祠齊祖之家山記事
云昔歐冶子鑄神劍之所今為里俗所祠

沉釀埭在縣南二十五里若邪溪東十道志云鄭弘

舉送赴洛親友餞於此以錢投水依價量水

飲之各醉而去一名沉釀州

按太尉泉即鄭公泉弘自能飲此水愈疾以埭
為泉非也蘇鶚演義云鄭弘嘗飲酒至宿
一埭名沉釀弘投錢於中勸飲盡多酣暢
皆得大醉更名為沉釀泉

浪港在縣東南二十里樵風涇之北天無風亦常有

浪港北循山逕一巨石頃歲里人因開逕得石鑪鐵鉢恐為仙人煉丹之所

炭浦在縣東六十里舊經云句踐運炭於此越絕云句踐稱炭聚載從炭瀆出炭瀆鍊塘各因事而名吳越春秋云吳封地百里於越東至炭瀆

纂風浦在縣東六十五里

石瀆在縣東四十八里

小舜江在縣東南九十里源出浦陽江東北流至錫浦以至於江

苦溪在縣東三十五里一名橫山源出台州寧海

北流入縣界溉田三百餘頃

了溪在縣東北一十五里源出了山合縣南溪流以

西入于剡溪舊經云禹疏了溪人方宅土華安仁作

趙仲淵傳云安道采真於了水安道戴逵也以了水通剡故云

平水在縣東二十五里鏡湖所受三十六源水平水其一也唐元微之撰長慶集序云嘗出遊平

水市中見村校諸童競習詩召問之曰先生教我樂天微之詩也水南有村市橋渡皆以

平水名

公翁洲在縣東舊經云徐偃王居翁洲即此王龜齡賦

云翁洲訪偃王之廬既浦思夫差之封十道志翁

州一名翁山在海中徐偃王所居隸慶元

范蠡洲舊經云句踐平吳蠡泛五湖後人思之名其洲也

山陰縣

西江在縣西四十五里源出諸暨縣界五十里西北流入蕭山江闊一里餘湖高至八尺

蘭渚在縣西南二十五里舊經六山陰縣西蘭渚有亭王右軍所置曲水賦詩作序於此水經

云蘭亭一曰蘭上里太守王羲之謝安兄弟

數往造焉王虞之移亭在水中晉司空何無

忌臨郡起亭於山椒極高盡眺亭宇雖壞基

陛尚存世說以蘭亭敘為臨河序賦詩者二

十六人不能賦罰酒者一十五人天章寺碑

云羲之謝安謝萬孫綽徐豐之孫統王彬之

王凝之王肅之王徽之袁嶠之郗曇王豐之

華茂庾友虞說魏滂謝繹庾蘊孫嗣曹茂之

曹華平栢偉王玄之王蘊之王渙之各賦詩

合二十六人謝琨卞迪丘髦王獻之羊模孔

熾劉密虞谷勞夷后綿華者謝藤任儼呂系

呂本曹禮詩不成罰三觥合十六人世說以

謝藤作謝勝餘杭令作餘姚令何延之蘭亭

記云四十一人有許詢支道林晉書列傳又

有李充當以碑為正渚旁有曲水清流激湍

映帶左右沆今猶然晉王羲之列傳云初渡

佳山水名士多居之謝安未仕時亦居焉孫

綽李充許詢支遁與羲之同好嘗燕集山陰

之蘭亭羊欣筆陣圖云羲之年二十三書蘭

亭叙王師乾撰右軍祠堂碑云右軍自內史

後峻誓墳塋捐弃龜組曲永蘭亭自為之序

黃長睿東觀餘論云永和十年右軍年三十

八壽已去會稽郡矣何延之蘭亭記云永和

九年暮春宜游山陰修禊禮祈記右軍出

處年歲皆不同晉書列傳云羲之衣渡浙

有終焉志會稽佳山水名士多居之嘗與

志燕集山陰之蘭亭為之序以申其志信如

列傳則蘭亭之遊乃右軍隱居之日也按通

鑑云永和四年殷浩以江州刺史王羲之為

-10 242 40 965" data-label="Text">

護軍八年王羲之遺殷浩書諫北伐十年以

前會稽太守王述為揚州刺史又晉書列傳

羲之自護軍右將軍會稽內史實代王述及

述刺揚州臨發一別而去後王述檢察會稽

郡疲於蘭對稱疾去郡於墓前自營時永和

十一年之三月也以此推之歲在癸丑為永

和九年其時為會稽內史無可疑者晉傳既

脫畧羊欣王師乾輩所記皆舛黃長睿號該

洽嘗跋右軍破范帖云永和十二年去會稽

郡已歲餘此語良是至東觀餘論則自相抵

語有不可解列傳又言右軍享壽五十有九

按右軍生於惠帝大安二年癸亥沒於穆帝

五年辛酉以此推之右軍蘭亭之遊時年五

十有一當是時謝太傅隱居東山遂同此集

碑署瑯琊王友謝安是也葛常之韻語去一

死生為虛誕齊彭殤為妄作蓋用謝安一時之語或者又疑羲之傳為會稽內史日與尚書僕射謝安書云云按謝志傳以升平四年為亘宣武司馬後十餘年始當國為僕射而永和八年為尚書僕射者謝一尚也以尚為安乃列傳之誤

上淺溪在縣西五十二里

餘支溪在縣西四十七里舊經云溪有二源一温一

凉匯於此其温凉不雜其實亦鏡湖之別流

也故名餘支

官瀆在縣西北一十里越絕云句踐工官也

射瀆在縣南五里舊經云越陳音教射之所越絕云

射浦句踐所教習兵處也射率陳音死葬浦

西五里今人或稱射浦

麻溪在縣東八十里水經麻溪溪之下為潭

雙澗在縣西南三十里法華山唐李公垂詩云十峯

排碧落雙澗合清漣自注法華寺前後有十

峯廻繞雙澗合流于良史宿天衣詩云掬水

月在手弄花香滿衣掬水疑即謂此澗水也

曾文清詩亦及此見天衣寺

紀家匯在縣西七十里

乾道八年諸暨縣陳請開浚湖道水利得旨浚紀家匯

導蕭山新江以達諸暨知蕭山縣謝暉言山陰松江皆山也諸暨蕭山地勢低下小江舊以導諸暨之水也今浚新江其底石堅不可鑿徒費民力紀家匯一開則上流衝突而蕭

山縣之桃源亭羅許賢新義來蘇崇化昭明
凡七鄉皆被巨浸力疏其不便上之議遂寢
三邑民皆感其
惠馮詢為作碑

嵯縣

剡溪在縣南一百五十步溪有二源一出天台一出
婺之武義西南流至東陽入縣一百四十里
東北流入上虞縣界以達于江晉王子猷居
山陰夜雪初霽四望皓然獨酌酒詠左思招
隱詩忽憶戴逵時在剡便乘小舟詣之造門
不前而返曰本乘興而行興盡而返何必見
安道耶今人稱為戴溪又曰雪溪皆以此邑
中亦有戴溪亭云李太白詩云試問剡溪道
東南指越鄉舟從廣陵去水入會稽長杜子
美昔遊云剡溪蘊秀異又曰歸帆拂天姥皆
謂此地也

嵯浦在縣西南四十五里水經云嵯山成工嶠以北
有嵯浦浦口有廟甚靈行人及樵採者皆先
致敬若相盜竊必為蛇虎所傷浦北即嵯山
與嵯山接二山雖異縣而峯嶺相連潘道遥
晚泊詩去曉泛剡溪水晚見剡溪山漁唱深
潭上鳥啼高樹間嵯浦與石欄干相連皆溪

山竒絕之地紹興中有方士李季憇道傍遇
異人自石欄干下揖季曰君來何爲季曰秦
太師遣往桐柏設醮請福其人太息曰秦今
死矣張浚劉錡皆當起爲將相秦豈得存耶
季大駭亟去比至天台則秦之薨問至矣蓋
天下名山宜有神仙往來云
臨溪在縣東北五十里

諸暨縣

秋水在縣西七十里源出富陽經縣永泰鄉入于江
槩浦在縣北十九里吳王闔閭弟之子夫槩所封因

以爲名

浣江在縣東南一里俗傳西子浣沙之所一名浣浦
又名浣渚元微之詩云浣浦逢新艷蘭亭詫

舊題

五泄溪在縣西五十里輿地志云山峻而有五級故
以爲名下泄垂三十丈廣十丈中三泄不可
踰度登他山望始見之上泄垂百餘丈聲如
震霆水經云浦陽浙江東逕諸暨縣與泄溪
合溪廣數丈中道有兩高山夾溪造雲壁立
凡有三泄水勢高急聲震水外上泄高二百

餘文望若雲垂此是瀑布土人號爲油爾嘉
祐中刁景純詩云西源窮底到東源直住層
崖五磴泉

石瀆溪在縣西南六十二里上下源各有二石井相
聯合流如瀆故以爲名

上桑溪在縣東四十里

黃壇溪在縣東北五十里源出黃壇嶺

烏石溪在縣北四十八里溪多烏石故名

開化溪在縣南二里

瀨溪在縣南六十里一名堰溪

雙橋溪在縣東北十四里源出烏石溪北流入高湖

櫟溪在縣東北四十里源出白崖山北流入秘浦湖

干溪在縣東北六十二里以吳干吉故居於此故名

俗呼乾溪非也

靈泉溪在縣西二十五里源出范蠡潭山其流溉民

田甚廣他鄉多求穀種於此俗呼稻種泉

山遐浦在縣東八十里舊經云山遐斷高公湖爲浦

取漁所集千艘後人思之號山遐浦按遐字

彥林建元初爲餘姚長爲官出豪彊所藏二

千戶境內肅然衆共驅之令不得安席後至

東陽太守出晉書本傳

蕭山縣

浙江在縣西二十五里源自西東來由富陽經縣一

百五十里轉北流入臨安府鹽官縣出海經

云浙江西北入海注云今錢塘有浙江也說

文云別流為汜至山陰會為浙江顧野王地

志云浙江發源東陽新安不與岷山接至錢

塘江有浙山正居江中潮水衝山即回入海

故曰浙江亦曰定山是也漢地志云浙江水出丹陽縣南

中北逕其縣南又云穀水自太末連北逕

波惡乃從狹中渡蓋捨此而渡餘杭矣莊子云浙河之水經漸江水出三天子都即浙

江也唐盧肇海朝賦云浙者折也蓋取其潮屈折而倒流也

浦陽江在縣東源出發州浦江北流一百二十里入

諸暨縣溪又東北流由峽山直入臨浦嶴以

至海俗名小江一名錢清江酈道元水經注

云浦陽江導源烏傷縣東逕諸暨與泄溪合

東回北轉逕剡縣縣開東門向江江廣一百

餘步又云柯水東北逕永興東與浙江合謂

之浦陽江引漢地里志蕭山縣潘水所出又

疑浦陽江之別名自外無水以應之謝惠連

西陵遇風詩云昨發浦陽浦今宿浙江湄韻
譜云水之相入爲汭又云水北曰汭自浦陽
江北流入浙江二水參錯其名曰汭宜矣泄
溪屬諸暨縣所謂東回北轉蓋由山陰會稽
匯曹娥江由上虞以入剡溪也道元又云浦
陽江東北逕始寧縣嵎山其北即嵎浦又云
東逕上虞縣南至王莽之會稽地名虞賓復
云餘暨之南餘姚西北浙江與浦陽江同歸
海又引闕駟十三州志云江水至會稽與浙
江合自臨浦南通浦陽江其說不一與一

自相抵牾蓋始寧今上虞縣嵎浦嵎山皆屬
嵎縣虞賓屬上虞又接餘姚江臨平湖在浙
江以西其源殊別餘暨即諸暨距餘姚二百
餘里謂餘姚西北浙江入海非也蓋此江東北
流自山陰會稽沂曹娥江始至上虞餘姚嵎
縣謂東回北轉入上虞嵎縣斯可矣道元之
論又曰東南地卑萬流所湊故川舊瀆難以
取悉此未必一皆得其實蓋道元未嘗身履
浙江以東故其誤如此後人因襲遂認此江
爲上虞江其失則寔邈矣漢志去蕭山縣潘

水所出水經云柯水東北逕水與東與浙江

合今山陰縣二十里有柯橋其下為柯水然

則浦陽江與柯水一源由蕭山以達于浙江

古今蓋不易也十道志婺州浦江一名浦陽江蓋江之導源實出於此禹

貢三江既入震澤底定韋昭云三江者松江錢塘江浦陽江蓋江之名尚矣越絕云浦陽

者越三句踐兵敗衆憊於此故曰浦陽去山陰五十里唐書志越州會稽縣有府一曰浦

陽今土又以錢清為古浦陽也孔延之松莢集云越之通道有四接錢塘曰浙江城西

四十五里曰錢清江州之東七十里曰曹娥江餘姚縣曰姚江舊經云會稽縣東南九十

里為小江津然則錢清江小江津皆浦陽江之別名也今以地里放之自浦陽江至曹娥

百餘里鄞道元誤以曹娥為浦陽江豈當哉曹娥江之名亦名浦陽耶或陵谷遷變

舊流不循其故道耶十道志云浦陽江有曹娥碑信此則曹娥江即浦陽江

五臣文選注云浦陽浦經上虞至會稽山陰為浙江謝康樂山居賦注云浦陽江自嵎山

東北逕太康湖其說皆誤蓋自道元有東逕嵎縣又逕上虞之說有以誤之爾梁褚淡之

為會稽太守孫法亮叛淡之遣隊主陳願議曹震道納二軍過浦陽江與賊戰柯亭破之

漁浦在縣西三十里十道志云漁浦舜漁處也梁丘

希範且發漁浦詩云漁潭霧未開赤亭風已

颺謝靈運詩云宵濟漁浦潭錢起詩云漁浦

浪花搖素壁西陵木色入秋窻

祖瀆水經云浙江又東逕祖塘謂之祖瀆昔太守王

朗拒孫策數戰不利孫靜果說策曰朗負阻

守難可卒拔祖瀆是道要也若從此出攻其
無備破之必矣策從之破朗於固陵

餘姚縣

餘姚江在縣南一十步源出上虞縣通明堰東流十

餘里經縣江東入于海江闊四十丈潮上下

二百餘里雖通海而水不鹹

菁江在縣四十五里源出四明山北流匯餘姚江以

達菁江王荆公題詩云丹樓碧閣無處所惟

有江山照眼明

湖塘浦在縣東西十里水經云餘姚水東逕穴湖塘

水沃其一縣並為良疇

上虞縣

上虞江在縣西二十八里源出剡縣東北流入江分

二道一出曹娥江一自龍山下出舜江又北

流至三江口入于海

初學記云凡江帶郡縣以為名則有會稽江山

陰江上虞江是也

運河在縣南二百二十步源出七里湖漁門浦自阜

李湖皆匯于河西抵梁湖堰東之通堰各三

十五里

通明江在縣東十里源出餘姚江其西自運河入于

江

有堰曰通明堰蔡舍人肇明州謝上表云
三江重複百怪垂涎七堰相望萬牛回首
蓋自杭經越至明九三
絕江七度堰此其一也

五夫河在縣北三十五里源出夏蓋湖曰驛亭堰凡
三十里東流入餘姚縣之菁江

夏湖溪在縣東南二十五里源出黑龍潭冬夏不竭
由下管寶泉至浦口入溪流注五十餘里

李家溪在縣南六十里源出白龍潭由上山鄉寶泉
浦口入溪

杜浦在縣西南四十里梁杜京產之居也按京產傳

在始寧東山開舍授學州辟從事稱疾去自
浦之東山一里許其山舍下臨此浦也

顧墅灘在縣西南四十里杜京產與同郡顧歡同契
在東山開舍授學世傳顧歡家墅於此一作

故墅

石溪在縣南三十五里

思湖浦在縣西北六十里東通海西抵錢塘其對岸

即海鹽縣俗呼為風門海口

飲牛溪在縣南五十里白道猷巖下石有繫牛足迹

溪以此名邑人江公亮詩云好是道人巖畔

月夜深清照飲牛溪

姚家浦在縣西北六十里一名謝浦

陳家浦在縣西北六十里

槎浦在縣西六十里

達浦在縣西北六十里

簞浦在縣五十里

省河在縣東一十里

說者云舊有運河距梁湖通明二堰名三十餘里積雨閉壅民

有墊溺者異時邑令浚此河欲以殺運河水勢然兩河止隔一小隄溺風濤上下撞擊其土易動運河一决如建瓴水下流尤被害此河之浚蓋未見其利也

釣川在縣西南七里陶隱居乘槎垂釣於此華安仁

云仙馭不返沉槎無迹謂此

新昌縣

東溪在縣東一里其源東南來自天台石橋瀑布水

北逕石笥出青檀別一源東南出南州北逕

小將與青檀別一源東南出南州北逕小將

與青檀水合流入羽林又一源南出黃杜北

逕天姥山出羽林今流入縣至虎隊支派入

蛟湖入縣南流西溉田一萬二千畝其巨派

從北流過縣後西北流為三溪出嵊縣為剡

溪唐咸通元年浙東賊裘甫陷剡縣衆數千人觀察使鄒祗德將沈君縱張公晉李珪

擊之甫設伏於三洪北壅溪上池使可步既
戰陽敗走官軍追之半涉壅水大至官軍敗
三將死之後甫由黃
罕嶺入剡兵遊潰

王宅溪在縣北三十里源出四明奉化由沙溪西南
入剡轉北至杜潭別一源出台州寧海由三
坑西逕唐家洲紆繞三十六渡北流匯杜潭
水出嵊縣浦口

查浦在縣北水經云浦東流二百餘里與句章接浦
周六里其夾浦居民五百家門皆面水昔嘗
過之今尚如水經所言可避世如桃源也

石筍溪在縣東八里一名石溪

柘溪在縣東南二十五里源出天姥山

石牛溪在縣西二里源出天台山瀑布

沃洲在縣東七十里晉支道林白道猷隱居於此唐

朱放詩云月在沃洲山上人歸剡縣江邊劉

長卿詩云何人住沃洲魏鄭公留題云何代

沃洲今夜與倚闌干聽赤城鍾

放馬澗在縣東三十二里支道林放馬之所世說或

養馬不韻答曰貧道但賞其神駿
自此之沃洲天姥皆有道林遺迹

湖

會稽縣

回涌湖在縣東四里一作回踵舊經云漢馬臻所築以防若邪溪溪水暴至以塘灣回故曰洄涌南史謝靈運傳會稽東郭有回踵湖靈運決以為田太祖令州郡履行此湖去郭近水物所出百姓惜之太守孟覲執不與初學記山陰有回涌湖蓋舊屬山陰縣界

鏡湖在縣東二里故南湖也一名長湖又名大湖通興云東溪永和五年太守馬臻始築塘立湖周三百十里既田九千餘頃人獲其利王逸少有云山陰路上行如在鏡中游鏡湖之得名以此輿地志山陰南湖縈帶郊郭白水翠巖互相映發若鏡若圖任昉述異記云軒轅氏鑄鏡湖邊因得名或又云黃帝獲寶鏡於此也酈道元注水經云浙江東北得長湖口北寫大江又大湖石帆山水深不測傳與海通然則長湖大湖之名蓋又出鏡湖之先矣

會稽之五雲鄉也水經云湖五百里既田萬頃與通典不合

湖兼屬山陰縣其源實出

浮湖在縣東

石浦湖

范家湖在縣東南四十里

錢湖在縣東一里湖上僧菴號興福院今為圓通寺
山陰縣

天照湖在縣東三里

芟塘湖在縣西五十五里新安鄉以塘湖多芟葑故名

諸暨縣

古放生湖在縣西南一里舊經云唐大曆中使程希

賓往諸道放生遂以此湖放生禁採捕并浦

陽江等凡五所俱置後改建於縣東二里為

今放生池

縣湖在縣西北三里淳熙改元知縣事何僑重浚

置二閘以漲涸為啓閉邑人便之

必浦湖在縣北七十里周四十里俗訛為祕浦其傍

橫港曲灣以百數多採捕者

朱公湖在縣北六十里昔朱氏浚此湖

鯉湖在縣南二十里湖多鯉故名或云范蠡養魚之

地今世傳范蠡養魚經有養鯉魚法甚詳

高公湖在縣東二十里昔高氏浚此湖

蕭山縣

湘湖在縣西二里周八十里溉田數千頃湖生蓴絲

葦美水利所及者九鄉以畝漁為生業不可

數計

初崇化由北夏孝昭明長興安養新義
來歸入鄉皆仰食湖利乾道中知縣顧
中許賢一鄉距湖水雖差遠亦可既及乃
益舊約益以許賢為九鄉均其利刻石示眾
曰均水
約束云

白馬湖在縣西二十四里周二十五里溉田百餘頃

一名石姥湖

紹興中民沈琮以湖田三千畝
獻入寧壽觀有旨兩浙漕臣

驗視不可
田議遂寢

瓜歷湖在縣東二十五里周五里舊號臨江湖溉田

二十頃

梓湖在縣西三十五里

落星湖在縣西二十五里周二十里溉田百餘頃

經云後漢漢安二年落星湖中故名

湖地今
五千九

百二十五畝三角熙寧中以湖地高者為田
為三千八百一十一畝置十九圍其低者不
圍乾道二年撥田九百畝賜歸正官大周仁
之妻張氏議復以湖利還民淳熙十一年言
者以為請有旨下所屬開掘故湖之為田
者復以予民自邑以西逐歲得水利田者得
以資灌溉之利慶元六年臨安府龍華
寺僧資華陳乞撥賜為田今湖利遂廢

詹家湖在縣西二十五里

女陂湖在縣南二十里周四里

淨林湖在縣西二十六里周一十里俗稱杜湖

清霖湖在縣南二十二里

馬社湖在縣東二十五里邑人馬社所築

後山湖在縣東南二十七里周三里

徐安正湖在縣西四十里周一十五里以浚湖人得

名

戚家湖在縣西三里與湘湖接一名椿湖

周家湖在縣南二十里

桃湖在縣南六十里

大小湖在縣

厲市湖在縣南十二里

童湖在縣東四十里

牧馬湖在縣東四十里

千湖在縣六十里

餘姚縣

桐下湖在縣東一十一里周十五里西北有土門

穴湖在縣東一十二里舊經引夏侯曾先地志云吳

時望氣者鑿斷此山故以名湖周六里西有

土門

燭溪湖在縣東北一十八里舊經云昔人迷失道忽

有二人執燭夾溪而行因得路故名燭溪一

名明塘湖俗號淡水海周一百五十里深二

丈溉田千餘頃東西各有石閘其西閘中間

易為土門奔流湍激旋即廢慶元五年知縣事
施有始復其舊更鑿山骨開令廣每放湖水
勢不挽人皆便之十道志云湖中有燭傳云昔人入山遠惑昏暗四塞

悲泣山中忽有雙燭照之與舊經略合

梅澳湖在縣東北一十八里東即燭溪湖此其澳曲

也舊經云昔有梅樹吳時採為蘇臺梁湖側

猶多梅木俗傳水底梅梁根也今巨木湛臥

湖心雖旱不涸不露殊八月或有聲如鼉吼

震徹數里土人謂之湖淫十道志吳起建鄴

明塘谿口梅下俄見樹長堪為梁伐材還都梁已足更別無用梁一夜飛還土人異之

曰梅君此材今在溪中水旱則自浮沉一云用為禹廟梁是也舊經云梁時修廟惟欠

梁忽風雨漂一木至乃梅梁也今梅梁以二鐵繩繫之繩間相傳此物歲久待為神異云

鱧子湖在縣東北三十五里周八里有土門

桐木湖在縣東北四十里周八里傍多桐木故名湖

內有田七百四十五畝

上林湖在縣東北六十里周五十八頃有奇有石閘

上澳湖在縣東北七十里周三頃有奇有石閘竭各

一所

寺湖在縣東北五十里周八十餘畝北有土門

烏戎湖在縣二十里周三十餘畝有土門

黃山湖在縣北二十五里周二十八里溉田一百頃有
土門

獨姥湖在縣北四十里周八里西有土門上有獨姥

祠

附子湖在縣北三十里周二十五里

勞家湖在縣北三十五里周一百五十餘丈

松陽湖在縣東南一十五里周九十畝東有土門

檀湖在縣東南一十八里周五十畝東北有土門

東泉湖在縣南一十五里周十畝

西泉湖在縣西南一十五里周七畝

莫家湖在縣西南一十五里周三百畝東有土門

前溪湖在縣西南一十七里周百畝北有土門

鵝蕩湖在縣西南二十里周百畝北有土門

蒲陽湖在縣西南二十五里周十二里北有土門

趙蘭湖在縣西南二十七里周百五十畝北有土門

樂安湖在縣西二十里周二十九頃有土門

臧聖湖在縣西三十里周四里

小檀湖在縣西三十七里周一十七里南有土門

牟山湖在縣西北三十五里周三十里東北有土門

汝仇湖在縣西北四十里周三十里有土門六所湖

內籍田七百餘畝

湖南先有田數多紹興二年得旨復廢為湖詳見

上虞縣夏益湖注

餘支湖在縣西北五十里周二十里有上門七所湖

內籍田三百餘畝

千金湖在縣西北六十里周五里西有土門

漁浦湖在縣西北六十里一名白馬湖舊經引夏侯

曾先志云驛亭埭南有漁浦湖深處可二丈

漢周舉乘白馬遊而不出時人以爲地仙白

馬湖之名由此水經云漁浦湖中有大獨小

獨二山唐貞元中置湖門三所別於北門置

放水塘四百步

上虞縣

西溪湖在縣西南三里舊七里湖舊經云縣令戴延

興立周七里故以爲名溉田二百頃

阜李湖在縣西北五里周一十五里

謝陂湖在縣北三十五里舊經云謝靈運莊也自湖

夏蓋湖至謝氏西莊一十餘里

大楂湖在縣東北一十里周五里三十步湖中小阜

號龜山

破岡湖在縣北二十五里舊經云吳時望氣者鑿斷

山岡因名

任嶼湖在縣西北二十七里舊經云寶曆二年縣令

金堯恭開置漑田二百頃

夏蓋湖在縣西南四十里湖內三十六溝其岸北二

斗門依山有神祠湖東北則夏蓋山也夏蓋一作

夏駕又作夏架水經云西陵湖西有湖城山東有夏架山湖水上承妖臯溪而下逕浙江

古語云夏駕山浮蓋山屹立於湖中不為湖水之漲涸也紹興二年上虞縣令趙不揚言

縣所管夏蓋湖等一十三處為田不便吏部侍郎李光奏一方利害無甚於湖田乞比較

興湖為田以來所失常賦孰多孰少自政和以來以湖為田者乞復為湖得旨張守具

經久利害以聞限三日知越州張守言上虞縣夏蓋湖改為田者一百三十一頃二十四

十一頃四十九畝二年内暗失米四千二百

三十六石八斗有零民間所失當復數倍乞復廢為湖自此兩縣可望全熟委是經久有

害無利奉聖旨依仍自三年正月為始

給事傅公崧守鄉郡時侍郎陳橐入幙上

公利便橐竊惟執事作鎮鄉郡必思所以興

利除害為此邦悠久之福橐亦嘗蚤夜籌慮

期有獻於左右其間非無利害之大者復念

吾君遷播未有定居戎羯憑陵疆圉弗固乃

欲於此時陳利害之說是猶疾病之人邪氣

未除而遽議調補亦似乎不知務也故事非

迫切於今日者皆未敢輒有言前日因至上
虞境內過夏蓋湖而備究湖田之爲害實吾
民今日倒懸之苦有不得不言者古人設陂
湖以備旱歲王仲蕤建請以爲田乃引鑑湖
自然淤澱已成田陸爲說又有不妨民間水
利之語其欺罔甚矣然佃戶占請之初各有
畝數不敢侵冒當時湖之爲田者纔十二三
佃戶止於高仰處作塚未敢涸湖以自便民
田尚被其利但滴水不如曩日之多故諸鄉
之田歲歲有旱處比年以來冒佔不已今則
湖盡爲田矣以夏蓋湖推之諸處可以類見

橐所知者止上虞餘姚其它四邑皆不及知

新昌嵯縣無上虞餘姚所管陂湖三十餘所而夏

蓋湖最大周廻一百五里自來蔭注上虞縣
新興等五鄉及餘姚縣蘭風鄉此六鄉皆瀕
海土平而水易洩田以畝計無慮數十萬唯
藉一湖灌溉之利今既涸之爲田若雨不時
降則拱手以視禾稼之焦枯耳其它諸湖所
灌注皆不下數百頃植利人戶倚以爲命而
乃盡奪之一遇旱暵非唯赤子飢餓僵踣道

路而計司常賦虧失尤多雖盡得湖田租課
十不補其三四又况每遇旱歲湖田亦隨例
申訴官中檢放與民田等昨見上虞丞言曾
蒙上司差委相度湖田利害因點對靖康元
年建炎元年湖田租課除檢放外兩年共納
五千四百餘石而民田緣失陂湖之利無處
不早兩年計檢放秋米二萬二千五百餘石
只上虞一縣如此以此論之其得其失豈不
較然民間所損又可見矣但當時以湖田租

課歸 御前與省計兩家雖得湖田
角而常賦虧萬餘石 臣猶將曰此百餘

者 御前所得也不荆湖田何以有此省計
虧羨我何知哉今湖田租課既充經費則漕
臺郡守固當計其得失之多寡而辨其利害
夫公上之與民一體也有損於公有益於民
猶當為之况公私俱受其害可不思所以革
之耶橐得之父老云本州之湖其自然可以
為田者唯有鑑湖高仰去處蓋不失水利兼
與民田亦無相妨其它皆隨湖廣狹以定植
利之頃畝尋常湖水平堤旱歲尚憂不足頃

見李宣州言此利害甚詳而明必曾與執事
熟論况執事越人也想前已洞達於曾中君
子懷濟民利物之志每恨不得行耳然則解
斯人之倒懸顧不在今日乎橐愚意欲望執
事斷以不疑除鑑湖外諸縣湖田悉罷之以
便民誠不貲之利也然儻俟奏報則湖田皆
在四月上旬插種之後若行罷廢似非人情
不廢則失今夏滴水之利故橐必冀左右以
權宜即日施行一面具利害聞 奏仍上章

待罪如四總喜納則位位米狼狽之慶可坐
而致或俞音尚閱則湖已滴水今歲不得為

田足以寬嗷嗷之衆秋間果得一稔則疲氓
可蘇盜賊可息人樂其生無思亂之意執事
雖以此得罪亦無愧於心矣此事唯在斷而
行之雖謀之上客謀之益友愚恐少有肯贊
高明以必行者執事試召所親信三數人詢
之必有二三之論非其智識有不逮也其勢
然耳為 國計者必曰湖田歲入幾萬斛正
今日經費所賴而遽罷之則緩急何以濟為
左右計者必曰 行在咫尺公為守臣豈可

不待 奏報而專罷行之事此皆知其一而不知其二也又或以謂未必然者亦人情之常橐若非前日親見雖它人以誠相告亦未盡信蓋橐聞湖田之害熟矣向雖在幙府未嘗言及今播種迫期方獻言於左右誠以親究其害耳執事儻以橐之言為信不異身臨而目覩也恐或以謂湖田行之累年矣縱不便於民未應疾苦若此其甚豈可未聞於朝一旦驟欲罷廢待報而行未為晚也橐謂

此詩句擊守常之徒非則但愛民者之言也吾民困苦極矣前此怨嗟呼號為其甚也

者恬不聞知流害滋深以至今日今執事將自比於拘攣守常之徒乎抑以世之重自任耶又事有大可慮者頃年雖有豐有凶然富民薄有儲畜兼它邦轉糴可以相補故小民幸免於溝壑今虜騎所過之地穀粟皆被焚蕪屈指聚落之間有餘糧者無幾且無它邦轉糴之望而官兵支費又將取給於民父子兄弟不相聊矣然猶竭力耕種以覲秋穫雨澤在天不可必也陂湖之與奪在人幸未至

於後時可不任其責哉失此機會歲事或虧
湖田之租常賦之額兩無所得元元艱食流
離道路強者為盜弱者為丐嘯聚弄兵豈不
由此執事當自見之知橐不為過論也建炎
一年春邑民嘗訴湖田之害於撫諭使者使
者下其狀於州縣上虞令陳休錫遂悉罷境
內之湖田翟帥以未得 朝廷旨揮數窘之
陳不為變是歲越境大旱如諸暨新嵒赤地
數百里農夫無事於鉅艾獨上虞大熟餘姚
次之 餘姚七鄉通江潮蔭注兼有燭溪湖而

上虞新與等五鄉被夏蓋湖

其冬新嵒之民糴於上虞餘姚者屬路不絕
向使陳令行之不果則邑民救死不暇况他
境乎夫以一縣令尚能為之橐之所望於左
右宜如何 聞陳令見在會稽敢 橐既知利害
望呼召訪以利害 之詳今或不言橐則有罪遂敢不避僭易仰
瀆聽覽不任悚懼更有數項鄙見條具于後

此事如蒙采擇須在三月盡文字到諸縣
設或遲緩不可過四月初二三也蓋此時
湖田插種者尚少兼植利人戶須於梅雨

前脩築堤塘兩作之後難以施工也

橐三月廿一日舟行湖中詢田夫云已種

二十之一至月末可種十之一若罷湖田

所插之秧當為棄物興大利不可恤小害

也左右果欲施行不可先使眾人知恐刻

木得以為市

租湖田人有願種者亦有不願者往往相

半蓋王仲疑多抑勒等第人租佃或插種

不及即空納租課如此之類皆不願者緣

湖田不罷不敢惟還官中年年以為患亦

有請其名為名而侵佔蔓延至百十亩如

此之類皆願種者此湖之所以盡為田也

前此累有論訴官中差人打量只是為刻

木及牙人乞覓租課只仍元額未嘗增也

擅湖利者皆鄉村豪強之人中間上司體

量利害此輩行賄至千餘緡今來或罷田

當有訴牒紛然並至必以已種為詞亦有

乞俟收成罷廢者此乃緩官中行遣至期

官吏移易又復寢矣惟在台嚴少加懲戒

毋為浮言所惑幸甚

似聞鑑湖所入居一郡湖田課額之半可望台旨令案吏具數亦可簽貼稟聞

朝廷若存鑑湖田止減其半而民田免旱涸常賦無虧減亦朝廷所樂聞也

上虞陂湖之為田者共一十四所共管納租米四千餘石其西溪湖等十三所共納

二千餘石而夏蓋湖獨管納二千餘石可見夏蓋湖之廣闊係上虞餘姚兩縣六

鄉二萬餘戶植利所繫非輕蓋六鄉皆邊海爾望蓋湖自興湖田無廢者郢間有地

歲至檢放秋米一萬餘石逮建炎二年陳令罷湖田獨此一鄉無一戶訴旱其利害

甚明

前年陳令為新昌丞素備聞其語

恐台意以謂方

朝廷多故又總鄉邦帥權慮事涉太尋未

欲盡罷不識可先罷夏蓋湖田否蓋其他諸湖比之為狹縱失其利未為大害雖州

郡行遣不當分彼此然一時權宜救民之所甚急於理無礙此亦俟雍齒之意民間

曉然皆知惠之將及我也

此已涉第二義恐思其上者而

不得故
謾及之

此項如蒙垂聽須當出榜述夏蓋湖利
害及先罷之因并言已一面具奏付
下植利張挂仍令本縣告示佃戶即時
罷種若止行下本亦而不出榜恐刻木
特遲其事必致後時榜文既到必不敢
匿

橐今所言儻不蒙鄙斥更當密詢利害條
具呈以備

回鑿時論列

橐恐安撫龍圖為事已迫期不暇草

奏敢乞只以橐今所言錄白繳

進

不急之語
乞賜刪去

苟利於民橐雖死不恨

梨湖在縣西北二十里唐縣令金堯恭開置

皮湖在縣西北三十里

廟門湖在縣北一十二里周三里

潛湖在縣西南四十二里並湖民多潛姓故以名

高公湖在縣西南一十二里周二百餘畝

隱嶺湖在縣西北二十五里周二百畝

小楂湖在縣東北一十五里周七里

湖與餘姚縣雲
橫鄉接蓋此湖

雖屬縣而灌溉之利乃及於雲樓鄉以水勢東傾而就下也湖今漸田一十六頃四十畝

光嚴湖在縣西南四十二里

孔家湖在縣西南四十二里

章汀湖在縣西南四十二里周三百六十畝

高境湖在縣西南四十里周四十餘畝

錢家湖在縣西南三十里

圖湖在縣西南四十二里

上湖在縣西南四十里

圓湖在縣西南四十里周八十畝

姥山湖在縣西南四十五里周四里

江湖在縣西南五十里

昔有尼寺一女陷於湖有寺鐘墮水底有見之頃歲旱涸

旱池

軍注無陽忽見鐘鼻鄉人共挽出之俄頃雷而暴至鐘復沒

菱湖在縣西南四十五里

馬家湖在縣西南五十里

鍾湖在縣西南五十里周二百二十畝一名鍾家湖

大湖在縣西南五十里湖雖闊其水利止及近田

伶仃湖在縣西南五十里

赤峴湖在縣西南五十里

池湖在縣西南五十里周七十餘畝入口險山之北

圭山湖在縣南四十里

銅山湖在縣南二十五里唐元和二年邑民葉再榮

率其里人開創始再榮語於人曰銅山之北

谷嶺之陽有泉滔滔不竭可瀦之以備歲旱

余鼎黃定童雲悉力助成之鄉貢進士張岳

大賦記

瀦湖在縣南五十里里圍二百二十疇一畝穀

周家湖在縣南四十里

尚湖在縣西南三十里

旱湖在縣西南四十里

韓湖在縣西南四十里

白馬湖在縣西南四十里在夏蓋湖南水經云白馬

潭深無底剗湖之始邊塘婁崩百姓以白馬

祭之因以名其湖焉白馬湖有三一在蕭山

或名漁浦湖惟此湖無別名

黃灣湖在縣西南四十里

雙湖在縣西南四十里

四角湖在縣西南五十里

雙碁湖在縣西南五十里

沐慈湖在縣西南五十里

前厲湖在縣南四十里

蚌湖在縣南四十里

葛糧湖在縣南三十里

李家湖在縣南四十里

四角隄塘

會稽縣

稱浦塘在縣東四十里唐地里志云會稽東北四十

里有防海塘自上虞江抵山陰百餘里以蓄

水溉田開元十年令李俊之增修大曆十年

觀察使皇甫溫大和六年令李左次又增修

之隆興中吳給事希重加浚疊李益謙譔記

云府城北水行四十里有塘曰防海自李俊

之皇甫政李左次躬自修之莫原所始

皇朝改隸巫山威鳳二鄉適直其地爲因八

百頃前志謂畜水以利灌溉今泯然無跡而

海水冒田獨爲民病塘之外不能尋尺其役

始以紹興三十二年十月成以隆興二年十

月去

鍊塘在縣東五十七里舊經云越王鑄劍於此越絕

云句踐炭瀆鍊塘各因事而名水經銅牛山

北湖下有鍊塘里句踐鍊冶之處

稱心海塘在縣東北五十里

菁江石塘在縣東六十里俗稱石塘越絕云石塘越

所害軍船也塘廣六十五步長一百五十三

步淳熙九年令楊憲重築加甃塘岸一里餘

北塘在縣東北八十里北抵平江府大澤

刑塘在縣北一十五里舊經引賀循記云防風氏身

三丈刑者不及乃築高塘臨之故曰刑塘張

伯玉會稽山詩云防風獨彊梁後至行越越

天威不可捨敗骨盈高車至今憔悴煙慘燄

藏封隅華安仁刑塘詩云汪芒後至知何用

敗骨空專一素車

夾塘俗傳漢太守馬臻所築夾鏡湖而為塘也

康家塘自塘以外即鏡湖一名東隄

儉塘在縣東五十里舊經云昔儉楚共築此塘堰水

溉田營居室於此故名

杜塘在縣東十五里少微山下嘉祐中兩浙漕杜公

所築齊祖之詩云新築隄成號杜塘結茅深

穩佔湖光

山陰縣

古塘在縣西南二十五里晉太守謝輔築

運道塘在縣西北一十里唐地理志云元和十年觀察使孟簡築

富中大塘越絕云句踐治以為美田肥饒故謂之富中也十道志句踐以田肥美故富中都文選吳都賦富中之毗貨殖之選舊經云富中里界塘在縣西四十七里唐垂拱二年始築為隄五十里闊九尺與蕭山縣分界故曰界塘

石塘在縣西北四十里越絕云越所害軍船也塘廣六十五步高一丈五十二步

下塘在縣西南一百二十里

支塘在縣西南一百里

漢塘在縣北二十五里

新塘在縣西三十里

廣利塘在縣西三十里

蕭山縣

捍海塘在縣東四十里長五百餘丈闊九尺

荻溼塘在縣南二十里
柳塘在縣西三十里茗山下

餘姚縣十里

東部塘在縣北四十里慶曆中謝景初董役海塘詩云

五行交相陵海水不潤下處處壞隄防白浪

高於馬董衆完築塞跋履既率曠野自塘以西

支猷奔為長隄詳見海隄

謝家塘在縣北四十里

王家塘在縣北四十一里

和尚塘在縣北四十二里

上虞縣

上塘在縣南水經云江南有上塘陽中二里隔在湖

南常有水患太守孔靈符過峰山前湖以為

埭下開瀆直指南津又作水埭二所以會北

江得無淹瀆之患

橫塘在縣南三十里

新昌縣

泄塘在縣西南七里長廣三十畝

新塘在縣東三里

夾溪塘在縣南里僧顯忠詩云南溪北溪深橫塘截

流過

池

會稽縣

放生池在府東南一十里天寶二年祕書監賀知章

表乞永周湖數頃為放生池詔許之明年春

以黃冠歸故鄉賜鑑湖剡中一曲敕永周湖

為放生池府有池放生始見於此先是梁元

帝時荊州請立放生湖其碑文見藝文類聚

唐初州縣未有其制自唐天寶後李愷於襄

州置放生江顏真卿於昇州采石及湖州各

置放生池至乾元元年泚江諸州自池至洋

八十一州各置池一所其敕書有云所以宣

皇恩廣慈愛也

國朝天禧元年詔江浙淮南荆湖路諸州舊

有放生池廢者悉興之元無處泚江滄州軍

近城上下五里並禁採捕天聖三年詔諸郡

縣未置者於附郭三里浚之紹興十三年

勅有司以時省視網罟入者以盜論自永周

歲久湮沒更為民田舊池浸廢歲遇

壽節放生無定所隆興二年

田二百七十頃以為放生池奏聞

詔從之又於池側置咸若亭曾文清公撰記
謝公池在縣南五里

王右軍洗硯池在縣南五里白馬山下舊經云王右
軍洗硯處今人指戴山潢汗為池非也

鵝池在縣南二里戴山戒珠寺前舊經云王右軍養
鵝之所華安仁攷古云逸少既善筆札性復
好鵝所在穿池滌墨其傍必有牧鵝之所此
池是也

方干池在縣東十里澄波坊唐方處士所居華安仁

攷古云雄飛門巷雖攷故池未湮即此池也

干字雄飛以詩名號雲菴處士門人私謚玄
英

日月池在縣東北一里池二所俗傳錢武肅王所浚
王有目疾故浚此二池云

山陰縣

王公池在西園皇祐五年知越州王逵始置齊祖之
撰記云方錢氏仗鉞為後庭棹謳鳧鴈之樂
邦人不與其觀

聖朝受圖籍建守宰且百年前治越者始新

西園及公始命邦人無小大得恣樂其中故
王公池非新也由王公名之也

南池在縣東南二十六里會稽山池有上下二所舊
經云范蠡養魚於此又云句踐栖會稽謂范
蠡曰孤在高山上不享魚肉之味久矣蠡曰
臣聞水居不乏乾燬之物陸居不絕深澗之
寶會稽山有魚池於是修之三年致魚三萬
今上破塘村乃上池

蘭亭古池在縣西南二十五里王右軍修禊處唐天
曆中鮑防嚴維呂渭而次三十七人聯句於
此云曲水追歡處遺芳尚宛然名從右軍出
山在古人前賞是文辭會歡同癸丑年

王右軍墨池在縣西南二十五里蘭亭橋東華鎮記

云聞右軍上巳日修禊處在天章寺有墨鵝
池皆遺迹池不甚深廣引溪為源每朝廷

恩命至池墨必先見皇祐中忽三日連發未
幾御書至趙清獻公親到池上與僧約曰
池墨見即當為請之既煇香致禱須臾響應
墨光黑色倍常時因貯之於甕以獻于

朝任屯田布罷任游山以香酒祭池倏忽墨

見留詩云田曹郎吏何多幸親見池中墨水

生復齋漫錄載臨川王右軍墨池每貢土之

第者此池靈異亦其比也

右軍鵝池在縣西南二十五里華鎮記云聞鵝池有

白魚長數尺有捕者騰躍而起鬣如銀下前

池而去後復見於池中蓋異物也

瑟瑟池在縣西二里以池水湛碧故名錢公輔小隱

王右軍山記云山堂因山之名凡一景一趣無不為

之稱有瑟瑟池

龍噴池在縣西一里酒務前

西禪池在縣北五里

龜山魚池在縣西一百步龜山下唐元微之留題云

勸爾諸僧好護持不須垂釣引青絲雲山莫

厭看經坐便是浮生得道時李公垂詩云汲

水添池活白蓮十千仿佛盡生天凡庸不識

慈悲意自葬江魚入九泉後有題云微之詩

戒僧以護生之意及公垂見而笑之未幾果

有寺僧罟於池中者故公垂因形之於詩云

唵縣

放生池在縣東三里

右軍墨池在縣南十五里金庭洞天晉王右軍所居也
唐裴通記云金庭洞天在縣之東南循山趾
而右得小香爐峯即洞天之北門常聞異香
時值仙人從古不死真天下之絕境也瑯邪
王羲之家于此山其書樓墨池舊制猶在通
以元和二年二月來遊登書樓臨墨池但見
其山水之異

諸暨縣

放生池在縣東二里周四十里一名放生湖唐天寶
中縣令郭密之築隄塘溉田二十餘頃池心
有小山狀如龜號龜山其東有虹梁扁放生

橋

餘姚縣

放生池在縣南以東西各一百五十步立石為界陰
興改元知縣事王度始置朱待制翌撰記
鴈池在縣東雙鴈里水經日南太守虞國舊宅號西
虞即雙鴈送歸處華鎮詩云南國使君歸故
里霜鴻飛舞送朱輪

項家池在縣南一十里

洪家池在縣南一十五里

阮家池在縣西南三十五里

上虞縣

放生池在縣南二百步

朱公洗硯池在縣西北四十里池側有學堂云朱買

臣讀書堂其西有朱侍中廟

謝公洗屐池在縣西北三十里東山傍俗傳康樂遺

迹以其登山躡屐也然華安仁攷古詩云謝

公白首乘軒地長記滄波洗屐時又指言謝

文靖爾

潭

會稽縣

孤潭在縣東南舊經云若耶溪側潭深而清孤石聳

出潭上有大櫟木謝靈運與惠連聯句刻於

樹側水經云麻溪下孤潭周數畝甚清深有

孤石臨潭乘崖俯視猿狖驚心寒木被潭森

沉駭觀麻潭下注若耶溪水至清照衆山倒

影窺之若畫唐人徵故事聯句云古寺思王

令孤潭憶謝公

賀精潭在縣東南

少微潭在縣少微山下

龍潭在縣東南

嫡耳潭在縣東一作的耳

鹿迹潭在縣東南

山陰縣

射的潭在縣南仙人石室下潭深叵測

破潭在縣東廣八十畝

照潭在縣南

包家潭在縣西北

蘇家潭在縣南

月潭在三山之西廣袤數畝於觀月為冥然不知其

得名之始

壽家潭又在月潭之西差小於月潭

嵯縣

下鹿苑潭在縣西鹿苑寺西源出山巔二小穴石湧

流至葛仙翁祠下出二石甕間又一里許石

崖壁立瀑布十餘丈下瀦為潭頃歲旱投

潭內劃有聲俄頃水盡黑雷自潭發雨

如響

三懸潭在貴門山下有龍祠號普濟祭禱有應

簞山潭在縣東水經云東有簞山山下有潭

石汛激浮溢四注

五龍潭在烏猪山巔潭有五龍故名

響巖潭在細嶺

靈巖潭在子周山

石門潭在縣西

動石潭在縣東北

餘姚縣

竹山潭在縣東

泉潭在縣東南

魁肅潭在上林山坳入迹罕到傍有龍王祠崇禱有

應

上虞縣

彈潭在昇相山之巔垂瀑百餘丈匯於潭潭上巨石

隱隱有足迹號仙人迹

黑龍潭在縣南俗呼其山曰潭山山之上下凡三潭

山巔入迹罕至寂下潭君山椒傳云嘗有

龍見

白馬潭在縣東水經云白馬潭深無底創湖之

塘婁崩百姓以白馬祭之用以名

白龍潭在縣南山頂有三潭凡請禱者挽樓而上

至下潭已目眩股栗不可留傳云昔有
見故名

新昌縣

長潭在縣西南其源西南自東陽北出來溪過

別一源南自天台出墓門溪東轉韓峯逕西
與穿巖水合流入于潭又西北流入剡西門
唐方干詩波濤漫撼長潭月謂此

百丈潭在縣東潭有三所皆神龍所窟

海隄

餘姚海隄絲亘八鄉其袤百四十里慶曆中縣令謝

礪治隄事始築二萬八千尺王文公去石記

之厥後增築視舊倍蓰隄或鐸弊不堅受潮

之齧頽圯推隳甚則蕩析田疇漂溺室廬於

是歲起役夫六千人人為役二十日率於農

隙董治脩築吏或苟且不經意隨築輒壞隄

蓋未嘗固也慶元二年令施宥始因歲役

具就實旣竣事則圖所以永其存蓋東

雲柯梅川上林在承平時嘗有牛祕

為隄歲久隄移石亦湮沒命工求諸

具得之爰相舊規創意疊築旣壯其東

西之為蘭風東山特當禱勢衝突徒恃
懼不能久則又計工採石鼎新改築
者八千緡而西偏石隄復立焉深惟
民蠲役經營海塗開墾曠土總之行
百畝有奇廼建置海隄莊用其租入隨時
直力不困下而隄益固自是歲省民夫十有
二萬提舉常平劉誠之以事請于
上報可而顯謨門學士樓鑰為海隄後記

明正德翻刻
宋嘉泰會稽誌
下圖

會稽志卷第十一



泉

府城



清白泉在府西清白堂側范文正記云西巖下獲發井泉甘色白淵然丈餘引不可竭王十朋賦云啜茗於清白之堂漱齒於清白之泉

三汲泉在臥龍山麓泉甚淺不過有水數斗然汲盡已復滿未嘗竭也舊在陸左丞園內今析為二其一歸陸參議靜之其一歸司馬監丞僖

會稽縣

子真泉在梅山本覺寺泉味甘寒廉博士布嘗為書
子真泉三大字或疑子真隱吳市門不應在
會稽然子真方避禍棄妻子變姓名豈常在
吳市門者故今會稽多有子真遺迹

鄭公泉在縣五雲鄉去葛仙翁釣磯為近以鄭弘得
名水經云在若耶溪東方數丈冬溫夏涼輿
地志云若耶鄭弘所居之側有鄭公泉弘雖
居台輔常思故居曾病困思得泉水家人馳
取飲少許便差泉有二脉滴瀝出石罅味極
甘宜茶石之上為行路而泉注溪中非山僧
野叟不能知其處

雲門泉在雲門山唐僧靈一詩云泉源新湧出洞澈
映纖雲范文正公詩去林無惡獸住山有好
泉來

菲飲泉在大禹寺側王龜齡詩去梵王宮近夏王宮
一水清涵節儉風越俗不知玉好惡泉名恰
在酒名中

真珠泉在少微山齊祖之家山十詠泉其一也
苦竹泉在秦望山側曾文清墓林多苦竹泉出其下
泓潔宜茶

傅公泉在射的山給事中傅公崧編先墓因地坎窪

鑿池瀦水每上冢以前煎茗浣祭器池縱五尺

衡六尺深半衡之數泓潔甘美遇旱不涸士

夫咸謂可以方公清德遂目之曰傅公泉

山陰縣

半月泉在法華山天衣寺側唐公垂詩去殿湧全身

塔池開半月泉姚氏叢語去泉隱巖下雖月

圓池中只見其半寔為佳處紹興初僧法聰

鑿開巖上名曰滿月甚可惜也

嵊縣

偃公泉在明心院側院僧仁偃施水於此得名王龜

齡詩云泉自何時得得名從偃公誰能繼長

陸為載水經中

沸泉在溪坑一穴周二三尺常如湯沸自下袞起四

時不竭

餘姚縣

姜女泉在姜山泉流清冽常有木葉蔽其上或去葉

泉濁

華清泉在縣北陳山元豐中楊景謨顧臨來遊酌泉

賦詩於此

龍泉在靈緒山龍泉寺上王荆公絕句所謂天下蒼生待霖雨不知龍向此中蟠也有大字刻泉傍蓋後人做公書非真筆

高宗皇帝巡幸時嘗泊

御舟於寺前江中識者以為龍蟠之識

白水泉在縣西南四明鄉山壁環繞峭立上有溪流四十二條自絕頂投空而下冬夏水聲不絕

新昌縣

象泉在慧雲寺姚

祐

云飲鹿花開壯此山遊人多作

慧泉看

杖錫泉在縣東沃州山下唐僧靈澈之故迹

井

府城

鰻井在寶林山舊經云井有靈鰻一或時出現墨客

揮犀云越州應天寺鰻井一在磐石上其高

數丈井纜方數寸乃一石竅唐徐浩詩云深

泉鰻井開即譚此鰻時出遊人取之置懷袖

間了無驚猜如鰻而有鱗兩耳甚大尾有刃

迹相傳黃巢嘗以劍刺之凡鰻出遊越中必

有水旱疫癘之災鄉人嘗以此候之華安仁

攷古云飛來山下石井大如盆孟無耗溢有
二鰻文采煥爛世言下徹滄海好事者以綵
綫懸錢探之極兩絀不得其所止

錢王井井凡數十大抵多在五雲稽山門外以石甃
水高於地五森潦不溢大旱不涸方暑時行路
甚以爲惠傳以爲吳越王時所浚蓋不可攷
然至今俗謂之錢王井

葛仙丹井在雲門淳化寺佛殿西廡之外僧房中泉
味甘寒冠一山唐顏況詩云野人愛向山中

子規來上啼即此井也松已槁死六十年前
故老猶有見之者唐詩人又有句曰月在山
中葛洪井晁文元公愛賞之今有松偃蹇天
矯如龍正覆井上若護此泉者真可異也但
僧輩頗戕其小枝爲可惜耳

陸太傅丹井在法雲寺佛殿前少東太傅昔以直集
賢院守鄉邦晚謝事居寺東魯墟故廬辟穀
煉丹專汲此井用之辟穀十餘年容鬢氣力
皆不衰丹已八轉忽變化飛去太傅乃洗爐
鉢水飲之數日不疾而逝又以餘水分諸孫

飲者三人中大必年八十六祠部傳年九十
承奉倚年八十三

方井在通判北廳臥龍山足齊祖之有新井詩今名

臥龍泉

會稽縣

禹井在縣東南會稽山山海經注會稽郡山陰縣南

山上有禹井水經云山南有硎去廟七里謂

之禹井

葛仙翁井在縣東南禹穴側宋之問詩云著書惟太

史鍊藥有仙翁華安仁攷古云葛稚川煉丹

於宛委山下有遺井大如盆盂其深尺許清

泉湛然

歐冶井在劍浦山齊唐錄鑄浦事云歐冶子始鑄神

劍之所有淬劍大井存焉

山陰縣

何公井在雲門山西梁何太祖廟所居也宋之問詩云

樵涇謝村北學井何巖東

蛟井舊傳井有三蛟故名

嵯縣

蛟井在縣南穿山下井有蛟故名近井有鎮市居民

煙火數百家

趙廣信井在縣西小白山仙人趙廣信鍊九華丹於此

諸暨縣

鴟夷井在淨觀院側嘉祐中吳處厚廟碑云陶朱公俗傳諸暨人今淨觀院其故居也鄉曰陶朱井曰鴟夷皆以公得名

丁令威井在縣東北咸通寺側

硯水井在永福寺梁武帝讀書堂井尚存

蕭山縣

金泉井在縣西今為居民徐氏園每縣務醞酒取汲於此士大夫家釀亦多用之故縣多名酒所謂釀泉為酒泉香而酒冽者信有之

潘井在縣西南七里井高於路數尺其水可掬寒暑未嘗竭漢地里志注云蕭山潘水所出東入海意水源或出於此寰宇記云疑浦陽江之

別名

上虞縣

舜井在縣西北三十五里興教寺傍有象田或者以為的對

金壘井在縣南一里天慶觀東廡晉太康中獲金壘
於上虞縣即此井也

焦家井舊經云昔焦贛卜地穿此井水味甚甘

柴家井在縣西一十里

蕭家井在縣東一里等慈寺本梁蕭氏所捨宅也

龍頭山井在縣東山崖間水經云石井冬夏常冽清

泉南帶長江北連上陂

新昌縣

石井在縣東天姥山下

齊公井在縣南五里南明山之東麓俗云齊相井唐

齊顛所居山中有十五題井其一也按齊顛不為相俗傳誤也

洞

會稽縣

陽明洞天在宛委山龍瑞宮舊經云三十六洞天

之十一洞也一名極玄太元之天唐觀察使元

稹以春分日投金簡於此詩云偶因投秘簡

聊得泛平湖穴為探符圻潭因失箭剗白樂

天和云去為投金簡來因挈玉壺洞外飛來

石下為禹穴傳云禹藏書處一云禹得玉匱

金書於此史記司馬遷探禹穴注云禹巡狩

至會稽因葬焉上有孔穴民間云禹入此穴
水經云山東有礪深不見底東游者多探其
穴今無所攷詳見宛委山

風洞在刻石山遇陰雨聞鼓樂聲

玉洞在劔浦山齊祖之詩云白石洞間路吾家在其
中琴窻與書閣一半是雲封

嵯縣

金庭洞天在縣東南天台華頂之東門也道經云越
有金庭桐栢與四明天台相連神仙之宮也
唐裴通記云刻中山水之奇麗金庭洞天為

寂其洞即道門所謂赤城丹霞第六洞天也

按上清經洞天在天台桐栢山中辟方四十

里其北門在此小香爐峯頂人莫見之又云

晉王右軍家于此山書樓墨池舊制仍在南

齊道士褚伯玉於此置金庭觀乃右軍之家

也通留詩云寂寂金庭洞清香發桂枝魚吞

左慈釣鵝踏右軍池華云周王子晉善吹笙

為鳳凰聲從浮丘登高高而羽化緱山去後

主治天台華頂號白雲先生往來金庭風月

之夕山中有聞吹笙者

諸暨縣

玉京洞在洞巖吳處厚詩云秉燭携筇步步前玉京

迢遞訪神仙四時自有壺中景一罇都迷物

外天時刁景純同遊

仙巖洞在五泄山宋禧留題云翠巖仙洞白雲深躡

石捫籬一訪尋縣令劉述禱雨於此亟應有

詩云英英洞口雲觸石纒一縷須臾徧空山

霈然作靈雨

餘姚縣

潺湲洞在四明山陸龜蒙皮日休有唱和

石人洞在縣東北石人山洞北向高廣各六尺許

若埽漑其石壁如粉昔有浮屠裹糲持炬而

入越信宿出洞中邃杳不可窮其底聞舫聲

而迴

吳山洞在縣東北吳山洞而滄海巨浪激撞巖石嵌

空旁產牡蠣

上虞縣

薔薇洞在東山李白詩云不到東山又薔薇幾度花

白雲他自散明月落誰家我舍携謝妓長嘯

謝人羣欲報山東去開關臥白雲王性之記

云謝文靖携妓游戲之地雖草莽蒙塞然古
色不改宛有六朝氣象

仙姑洞在縣東南一名鳳鳴洞昔有仙女乘鸞鶴來
下後人立廟祠之號鳳鳴洞主洞闊丈餘周
數十步高十餘丈雙崖峭立懸石如磬飛瀑濺
沫常若風雨歲祈禱有驗

新昌縣

真溪洞在縣東洞高四尺闊三尺深不知其底有持
炬入者僅數十步風自洞出疾甚炬滅竟不
得入匝洞舊植碧桃花時可愛今桃蹊

石

會稽縣

窆石在禹祠舊經云禹葬於會稽山取此石為窆後
人覆以亭屋有古隸不可讀宣和中楊時有
題名秦少游禹廟詩云一代衣冠埋窆石千
年風雨鎖梅梁

葛仙石在縣東若耶溪葛稚川嘗投竿坐憩於此謝
康樂兄弟皆嘗遊每至此酬唱忘歸華安仁
詩云聞說風流謝客兒鶴原相應日忘歸仙
翁遺迹雲深處携手行吟送落暉

秦始皇坐石在會稽山南輿地志云方石數丈是始皇坐其兩邊方石八所是丞相斯已下坐蓋俗傳云爾

酒甕石在射的山足三石品峙其狀如甕舊經云巨石三在鏡湖東時人謂之秦皇酒甕石

齊祖之鑄浦錄云絕湖而濟巖壑相望雙石若甕號秦皇酒甕華安仁攷古集云若耶溪傍雙石如甕而大世言始皇之所遺也今甕石實有三與齊華二公所記不合以舊經為正

西施石在若耶溪一名西子浣沙石唐王軒詩云嶺上千峯碧江邊細草春今逢浣沙石不見

浣沙人宋之問云越女顏如花越王聞浣沙國微不自寵獻作吳官娃一行霸句踐再笑

傾夫差一朝還舊都艷粧驚若耶

杜牧詩云西子下姑蘇一舸逐鷓夷東被詞云五湖聞道扁舟歸去仍携西子姚令威業語云嘗以此問王性之性之云西子自下姑蘇一舸自逐鷓夷不可云范蠡將西子去也吳越春秋云吳云西子被殺如宋之問卜詩所述則西子平吳後還會稽也說不同俱存之雲溪友議郭素擬王軒事怪僻今不取

岑石在刻石山越絕云秦始皇三十七年以正月中

戊到大越取浙江岑石長丈四尺南北面廣

六尺三寸東南廣四尺西廣尺六寸刻石於

東山上其道九曲去越二十一里

落星石在曹娥江高七八尺每江潮至石輒不沒舊

傳云星隕而結石也

舊經落星石有二一在會稽一在餘姚皆星隕所化也按曹娥江乃二邑按境此石居江之中流屬會稽縣今繫於此歐陽文忠嘗得吳越國封落星石為寶石山其制稱寶正六年知其嘗改元也然落星石吳越地間有之其制所封石未詳

石傘在會稽山之別峯唐顧况銘云亭亭石傘有物

有名如蓋若傾如芝一莖石傘山東山銜日

宮石傘山西山銜月宮南巖北阜首出屹雄

齊抗於峯下置書堂後為精廬今壽聖院有

齊相書堂遺址存焉元和初拂於陵與其屬

來遊賦詩刻石熙寧初元厚之留題云竒峯

如傘見遥青玉笥山頭地有靈三逕荒涼丞

相隱一篇清絕放夫銘抗裔孫唐有石傘書

堂詩見少微集

飛來石在禹穴側石上有唐宋名賢題名碑鄉云賀

知章題名在龍瑞宮此石所鐫者

研朱石在宛委山側華初平云葛稚川既仙去遺朱

研於玉笥山得丹砂之力歲久彌大今為一

巨峯

鳳凰窠石在寶山西石有一圓竅深一尺廣四尺俗傳鳳毓二雛自此而能翔傍有上鳳村下鳳村

新婦石在縣東南會稽山巔

石旗在白鶴山側山有石屋砥平可容數十人建炎中士大夫避地於此多得全形如張旗故名胡孫石在射的山下臨樵風涇涇水漲石常不沒里人以此候水之分寸

蝦蟇石在宛委山與龍瑞宮對昔宮廩失粟蹤跡豈

流信之命工鑿石口果驗

山陰縣

羊石在縣西吳越備史光啓二年錢鏐使遊奕崔則

守羊石

磨鏡石在鏡湖任昉述異記云鏡湖世傳軒轅氏鑄

鏡湖邊因得名今軒轅磨鏡石尚存石畔常潔不生蔓草吳虎臣漫錄云湖以鏡名恐不然蓋鏡湖之水平如鏡面唐人詩中謂之天鏡者是也湖之上源地名平水亦此義

石城在石城里吳越備史乾寧三年錢鏐討董昌攻

石城去越三十里即此

嵯縣

石床在縣北謝靈運垂釣於此

馬蹄石在縣東北傳云秦始皇東巡經此馬蹄所踐

迹也

諸暨縣

石屏在五泄山嘉祐中丁寶臣題云天作錦屏環十

里僧開朱屋面千峯

石鼓在五泄山巔狀如鼓擊之有聲

石門在縣西僧咸潤詩云雙峯起雲際彷彿五侯門

浣沙石在紵羅山下一名西施石寰宇記山下有石

迹本西施浣沙之所今浣沙石猶在舊經引

輿地志苧羅山西施所居有方石乃照沙處

十道志句踐素美女以獻吳王得諸暨苧羅

山賣薪女西施山邊有浣沙石又云苧羅乃

所居處沙蓋布沙非紗帛之紗也

寰宇記十道志及舊經所載西子居諸暨

苧羅山輿地廣記云越人西施出於蕭山

蓋蕭山昔永興縣吳嘗改諸暨為永興而

二邑疆界昭接苧羅山二邑皆有之諸云

牛頭苧羅一日三過今牛頭山亦屬蕭山

也寰宇記諸暨縣西里句踐得西施之所

至今有西施家東施家以舊經諸志

所載則西子家宜在諸暨故今繫之

餘姚縣

石窻在四明山虛明如牖唐陸龜蒙詩云石窻何處見萬仞倚晴虛皮日休詩云樞中空吐月扉際不扃霞

盤羅石在上林湖仙居山其平若掌可坐數人石旁有方方有峭壁旁產長生草掇之着几案間者久而乾枯沃之以水則榮翠如初石龜在縣獨鳳亭其地多生古苔梅

上吳縣

雙筍石在釣臺山通澤廟側石雙立各數百尺其巔有異花若人立而冕者每杜鵑花開爛若霞錦里人競觀之齊唐序贊國朝其祖宗三后登格皇穹花枯瘰者各三今復韡如俗以爲神華安仁詩序云廣利侯祠宇得山中之勝前有雙石筍對峙溪上花時爛若霞錦照映山谷

蘭峯石太平御覽云上虞縣龍頭山上有蘭峯頂盤石廣丈餘葛洪嘗坐其上

葛仙馬蹄石在縣西南石在道傍迹如馬蹄其一蹄常有泉脉不竭

藥白石在縣西南石窟凡五小者受一二升大者受一斗許俗云葛仙翁藥白石也傍有三石鼎峙昔仙翁嘗滌藥於此水底石如碎丹砂流去復生他水皆受穢惟此溪澄澈纖塵不棲亦一異也

銚架石即藥白石傍王不也形如銚架故名

煉丹石在太平山巔石有三圓竅深各一尺許俗傳云葛稚川煉丹於此

葛稚川石室在太平山室廣數丈高丈餘其室析為二俗傳葛稚川所居也傍有菴址吳道士干吉卜築於此

新昌縣

石後視在南明山二石對峙如異獸嘉祥中僧顯忠詩云亭除兩後視一仰復一俯一待智顛死二獸來瞻覩逡巡化為石埋在深土事怪因難詰但見形可取

津渡

會稽縣

豐山渡在縣東六十五里

曹娥渡在縣東七十二里

杜浦渡在縣東七十里

東小江渡在縣東南九十里

舊渡在縣東三十里

新渡在縣東三十里

僧塘渡在縣東五十里

富盛渡在縣東四十里

上竈渡在縣東南三十里

延德江渡在縣東南八十里

本憩渡在縣東一百里

田家渡在縣東五十里

水江渡在縣東一百里

山陰縣

蘭亭渡在縣南二十五里

離渚渡在縣西南三十里

嵯縣

東津渡在縣東一里

西津渡在縣西南二里

南津渡在縣南一百五十步

胡勝津渡在縣南一十五里

餘姚縣

陸家渡在縣東四里

邵家渡在縣東一十里

鄒家渡在縣西一里

啞兒渡在縣西五里

霍家渡在縣西七里

方家渡在縣西十里

徐家渡在縣西一十二里

吳家渡在縣西一十五里

邵家渡在縣西二十里

郭家渡在縣西三十里

沈家渡在縣西三十五里

燭溪渡在縣東北二十里

黃沙渡在縣東北三十里

上虞縣

百官渡在縣三十里

梁湖渡在縣二十五里

趙村渡在縣六十里

橫汀渡在縣四十里

羅家渡在縣四十里

指石山渡在縣四十里

濠渡在縣三十五里

浦口渡在縣四十里

蔡山渡在縣三十五里

華家渡在縣一十里

虞大渡在縣一十二里

方家渡在縣二十二里

姚家渡在縣一十五里

安家渡在縣一十五里

新昌縣

三溪渡在縣東一里

橋梁

府城

府橋在府門東蓬萊館前舊東亭橋

通泰橋在府城東北今名新橋

府西橋在府城東北市會稽縣西

甲子橋在府城東南舊開元宮甲子真君堂址與其

坊名借存

集商橋在府城東

馬坊橋在府城東南

羅紋橋在府城東教場後

蓮河橋在城東天慶觀後

都亭橋在城東禮遜坊傍有廢井注得云蒯子訓賣藥

之所也越絕云秦始皇東遊之會稽以甲戌

到大越舍都亭都亭之名始此蕭山縣亦有都亭未知孰是

吳伯橋在城東鍾離坊內

鍾離橋在城東東漢鍾離意山陰人仕至尚書僕射

此其所居至唐鍾離牧意七世孫

竹園橋在禮遜坊昔紀伯與陳囂此修藩籬侵其地

囂不較又益與之伯慙亦此避號義里此其

地也

紡車橋在城東觀音寺側

鏡水橋在城東趙處士仲微所居事見隱逸

斜橋在城東北其下多客邸四明舟楫往來所集

小江橋在城東北

昌安橋在城東北吳越備史乾寧丁三年錢鏐攻昌安

門橋因明而名

長橋在城東北支鹽倉側西

東雙橋在府城東

開元寺前橋在城東一名坊口橋

落星橋在府城東祥符寺前

辭雲橋在府城東南

越仙橋在府城東北

潘師橋在府城東廣陵坊

濟川橋在府城東

望星橋在府城東南

五接橋在府城東南

落碧橋在府城東

大夫橋在東郭唐張志和居也詳見玄真子宅

廣寧橋在長橋東漕河至此頗廣民居鮮少獨士人

數家在焉紹興中有鄉先生韓有功復禹為

士子領袖暑夜多與諸生納涼橋上有功

有朱襲封元宗追懷風度作詩云河深風月

故時秋不見先生曳杖遊萬壘遠青愁對起

一川漲綠淚爭流蓋橋上正見城南諸山也

襲封亦修絮士云

題扇橋在戴山下王右軍為老姥題六角竹扇人競

買之事見山類然今郡人但謂之蒲扇橋

安仁攷古云舊橋在解慍坊

大慶橋在城東南以傍有大慶寺故名

景明橋在城東南

大雲橋在府城東南舊大雲寺前

南堰橋在府城南

廟橋在府城南錢武肅王廟側

捨子橋在府城東南龜山下

南店橋在府城東南

市門橋在府城東

龍興橋在府城東南以龍興寺故名

通市橋在府城東俗名鵝鴨橋

清道橋在南市

觀橋在城東開元宮側

蕙蘭橋在府城東

獅子橋在府城東北

西雙橋在府城東北

水澄橋在府城東北

新河橋在府城東北

江橋在城東北寰宇記引山陰記云江橋乃宋江彪

所居之地因以名焉今郡人乃以爲江文通

故居

謝公橋在新河坊以太守謝公所置故名

官海橋在城東北

光相橋在城西北

北海橋在城西北俗傳唐李邕寓居之地

火珠橋在火珠山下

新營橋在府城東北

拜王橋在獅子街舊傳以爲吳越武肅王平董昌郡

人拜謁於此橋故以爲名

平橋在山陰縣側

斗門橋在府城

稱心橋在府城

望城橋在府城

鱉魚橋在府城西北

錦鱗橋在府城西北

教場橋在府城東南

倉橋在府城東北

萬安橋在新河蜀馮氏居於河之北築園於河之南

學子橋作橋以通往來

酒務橋在府城東南

大善橋在府城東北

車水橋在府城南

蓮花橋在府城南司理院前

清冷橋在府城西南西園門口

章家橋在府城東南

暗橋在府城東南

黃泥橋在府城東南

塔子橋在府城東南

馬五橋在府城東南鍾離巷口

大郎橋在府城西南

石灰橋在府城東北

滑橋在府城東北

香橋在府城東北俗謂朱買臣還鄉始作此橋故名

鄉橋其說附會不足取

黃甕橋在府城東

望花橋在府學前其傍地名上原多以蓳花為業橋

蓋以此得名

禹跡寺橋在府城東南

圓通寺橋在府城東南

顧家橋在府城南

鹹酸橋在府城東南

八字橋在府城東南兩橋相對而斜狀如八字故得

名

藕梗橋在府城東南

九節橋在府城東南光孝觀前

八仙橋在府城

朱家橋在府城東南

小虹橋在府城

草貌橋在府城東舊傳此地在州城外俗謂征稅之所

所為貌此以在郊故名草貌

黃鐵頭橋在府城東北

鮑家橋在府城東南狀元坊裏

安寧橋在府城東北

專錦橋在府城

張斗橋在府城東南

草子橋在府城

馮家橋在府城

會稽縣

靈汜橋在縣東二里石橋二相去各十步輿地志云

山陰城東有橋名靈汜吳越春秋句踐領功

於靈汜漢書山陰有靈文園此園之橋也自

前代已有之汜一作圯唐李公垂詩云靈汜

橋邊多感傷水分湖派達回塘元微之詩云

靈汜橋前百里鏡石帆山嶼五雲溪尚書故
實辨才靈汜橋嚴遷家赴齋蕭翼遂取蘭亭
俗呼為靈橋

臯步橋在縣東一十五里自橋東趨上下臯步

東城橋在縣東六十里

塔橋在縣東五十五里

三橋在縣東南五里有橋三其中橋有亭扁通濟今

鏡湖分東西以此橋為限然以地勢言之恐

亦非古

五雲橋在縣東二十六里有亭溪山奇麗舊跨溪人

在平陸矣

平水橋在縣東二十五里其南為平水市二小橋通

諸暨嵎縣

雲門橋在縣東南三十五里若耶溪南傍有仙翁釣

磯宋考功之問詩云鴈塔騫金地虹橋轉翠

屏謂此自橋東百餘步又有小石橋架亭其

上扁麗句亭

寒溪橋在縣東四十里

董家橋在縣東一十五里

大凌橋在縣東七里

小凌橋在縣東七里

馬山橋在縣東北二十里

樊江橋在縣東二十五里

梁湖橋在縣東六十里

丁家橋在縣東六十里

俞家橋在縣東六十里

石旗中興橋在縣東一十八里一百步

洞亭橋在縣東一十五里陽明洞前架小亭其上自

橋東數十步又有關牛觀山三橋入龍瑞宮

告成橋在縣東一十里橋東禹祠

千秋橋在縣東六里橋側千秋觀

拗馬橋在縣東六里

阮家石橋在縣東北八十里

孫家橋在縣東北八十里

石新橋在縣東北八十里

丁橋在縣東北八十里

和尚橋在縣東北八十里

竇家橋在縣東三十五里

富盛橋在縣東四十里

鳳凰橋在縣東六十里

壽寧橋在縣東六十里

二鄉橋在縣東六十里

植利橋在縣東六十里

山陰縣

咸橋在縣西九里

西跨湖橋在縣西六里上有亭傍有浮圖

跨河橋在縣西北八里

官瀆橋在縣西北九里

杜浦橋在縣西北一十一里漕河傍自此而南煙水

無際鷗鷺翔集過三山遂自湖桑埭入鏡湖

黃城東橋在縣西北一十三里

黃城西橋在縣西北一十五里

柯橋在縣西北二十五里文選伏溜長笛賦序云蔡

邕避難江南宿柯亭之館取屋椽為笛注柯

亭在會稽郡宋褚淡之為會稽太守孫法亮

等攻沒郡縣淡之破之於柯亭賊遂走水興

柯亭即此地也漢地志上虞縣仇亭柯水東

入海然俗傳柯水即此

魯墟橋在縣西北一十三里南為漕河北抵水鄉如

三山吉澤南莊之屬又北復為漕河漕河之

北復爲水鄉渺然抵海謂之九水鄉蓋大澤也
曾文清詩云談誇水鄉勝謂不減吳松即此是也

梅市橋在縣西北二十里唐趙嘏贈山陰叟詩云佳
近梅橋市嘗稱魯國人

蘭亭橋在縣南二十五里晉王右軍修楔處橋下細

石淺瀨水聲晝夜不絕跨橋爲含暉亭吳巨

文題詩云秦望奇峯北天章古寺東石橋

驚瀨雲屋巖層穹

阮社橋在縣西北三十里

餘支橋在縣西北四十五里

板橋在縣西北四十五里

廣舍橋在縣西北六十六里

錢清橋在縣西北五十里

廣溪橋在縣西北五十二里

宣橋在縣西北五十五里

西小江浮橋在縣西北五十五里

高橋在縣南二十五里

亭山橋在縣南二十五里

橫塘橋在縣南二十五里

大洪橋在縣南四十里

稽山橋在縣南一十五里

上橫橋在縣西南二十七里

虹橋在縣西七里迎恩門外三里

萬家橋在縣西四里

大驛橋在縣西五十六里

嵯縣

廣陵橋在縣北一里

謝公橋在縣西一里俗傳因康樂得名三大字

後人所題額橋下公溪門

楊公橋在縣北一里

直瀆橋在縣東一十五里

茆岸橋在縣西一十五里

十五板橋在縣西一十三里

新官橋在縣西一十五里

和尚橋在縣東一十三里

浦橋在縣西一十里

高古橋在縣西一十二里

望仙橋在縣北四十里

諸暨縣

通遠橋在縣南六十步唐大曆中建

放生橋在縣南三里

義津橋在縣南二百步唐天寶中縣令耶密之建後
人改扁今名

豐江橋在縣南六十五里

雙橋在縣東北一十四里

跨江橋在縣東一十里

苦李橋在縣東二十六里

櫟橋在縣東四十里

楓橋在縣東北五十里

干溪橋在縣東北六十二里傳以為吳力士干吉所

居

竹橋在縣北一十里

觀湖橋在縣西北一十五里

下黃橋在縣西南三十里

蕭山縣

夢筆橋在縣東北一里天監四年葉道卿記云初齊

建元中左衛江公捨所居宅為六福田斯橋

之興與寺偕始天聖紀號之二年李君以廷

尉評宰是邑創橋表寺自橋三十步至昭玄

寺今覺苑寺是也

真濟橋在縣北一百步舊都亭橋

新橋在縣西北一里

雙峯橋在縣東四十五里運河上一名方家橋

白鶴橋在縣東三十五里

小江橋在縣東四十里

倉橋在縣西一十二里

望峯橋在縣北一里今廢

高遷橋十道志云董襲見孫權於此寰宇記云吳志

孫策入郡郡人迎于高遷注永興有高遷橋

今廢

餘姚縣

德惠橋在縣南一十步舊曰虹橋崇寧五年邑人莫

若鼎始剏橋大江無柱高數丈其傍有碑云

海船過而風帆不解其高大可見也建炎末

兵火遂壞至紹興初重建雖稍不逮昔尚爲

壯觀淳熙戊戌王司業遜捐已帑新之

祕園橋在縣北一百步

小祕橋在縣北一百一十步

永濟橋在縣東二里二百步舊黃山橋一名善政橋

蘭墅橋在縣西南二里

楊溪橋在縣南一百三十步

後清橋在縣北一里

客星橋在縣北一十里舊安山橋以近嚴子陵墓故

易今名

孫埭橋在縣西一十五步舊孫浦橋

陸浦橋在縣西一里二百步

白鶴橋在縣西二里

休光橋在縣西一十五里

石牌橋在縣東八里

大川橋在縣東一里

汪姥橋在縣東

黃橋在縣西二百步水經云江東逕黃橋下注黃昌宅

東黃橋也

明星橋在縣南

戰場橋在縣南四里宣和中縣率兵戍此以拒魔寇

故名

隱鶴橋在縣東南一十五里

赤石橋在縣東一十二里

上虞縣

通利橋在縣東南一百步舊通村橋紹興間王吏部

義朝重建

虹橋在縣東南一百五十步

清河橋在縣東南一里

等慈寺橋在縣東一里

浴堂橋在縣東一百七十步

東黃浦橋在縣東二里

西黃浦橋在縣西二里

姜家橋在縣西五十步橋南有則水牌

新橋在縣西二十里

百官橋在縣西北三十五里寰宇記云越州餘姚舜

橋避丹朱於此百官候之故亦名百官橋晉

太康地記云舜避丹朱於此故名縣百官從

之故縣北有橋繇此十道志上虞縣百官橋

一名舜橋橋雖以舜得名然謂避丹朱於此

非也

舜生於諸馮遷於負夏卒於鳴條孟子以為東夷之人史記舜耕歷山漁雷澤陶河濱其地宜皆在冀方也今縣有舜橋百官里以舜支庶封於此故名詳見山類

觀橋在縣南一里東即天慶觀

板橋在縣南八里

楊橋在縣東一百五十步俗傳曹操與楊脩讀書曹
娥碑後脩為曹操所忌殺之橋因脩得名

學堂橋在縣西北四十里俗傳朱買臣讀書堂也傍
有洗硯池朱侍中廟

大夫橋在縣北三十里

酒務橋在縣東一里

分金橋在縣西六十里傍有義遜院

望稼橋在縣東二里今廢

清通橋在縣東南二里一百步

營老橋在縣東一百五十步

安民橋在縣東五十步

孟宅橋在縣東南一里三十步漢孟嘗所居也華安

仁詩云漢上還珠太守家小橋斜跨碧流沙

新昌縣

石牛橋在縣西一里

石橋在縣東七十里舊經引剡江東經石橋廣八丈

高四丈下有石井徑七尺橋上方石長七尺

廣二丈二尺橋端有盤石可坐二十人溪兩

傍悉高山山有石壁二十餘丈溪水攻撞巖

響外發聲聞數里輿地志云剡東百里有石

橋里人傳云舊路自石笥入天姥今石笥橋
下一大井與水經頗合疑今石橋即昔之石
笥橋也

司馬悔橋在縣東南四十里一云落馬橋舊傳唐司
馬子微隱天台山被徵至此而悔因以為名
竊謂此橋當表而出之足為處士輕出者之
戒

會稽志卷第十一

會稽志卷第十二

八縣

望會稽縣本山陰縣地隋廢山陰更置會稽縣為會
稽郡治唐垂拱二年復分置山陰並在府郭下東西
一百二十四里南北一百三十里

東至上虞縣界九十二里以東小江中流為界自
西南界至上虞縣二十八里

西至山陰縣界六步以運河中流為界自界至山
陰縣五百五十步

南至嵊縣一百五十里以杉木嶺為界自界至嵊

縣五十五里

北至海二十里過海北岸接嘉興府界

東南到嵯縣界一百四十里

西南到山陰縣界三里一十步

東北到上虞縣界七十五里

西北到山陰縣界三里二步

道路 水路附

東路來自上虞縣界經縣界九十三里西入山陰縣界

南路來自嵯縣界經縣界一百六十里北至海岸

東南路來自嵯縣界經縣界一百七十里西入山

西南路來自山陰縣界經縣界一百五里東北入

曹娥江路南來自上虞縣界經縣界四十里北入

海勝五百石舟

若邪溪路南來自縣五雲鄉界經縣界二十五里

北入鏡湖勝五十石舟

一十四鄉

坊郭鄉舊名管里二

待賢里 德政里

鳳林鄉在縣東二里管里三

西施里 鏡水里 石亭里

雷門鄉東西兩管在縣東北一十三里管里四

上臯里 臯平里 石瀆里

長樂里

上亭鄉在縣東北二十二里管里三

上許里 靜志里 淳墅里

表孝鄉在縣東三十五里管里一

通德里

廣孝鄉在縣東四十里管里二

蘇墟里 崇德里

曹娥鄉在縣東北四十五里管里二

福嚴里 箬林里

延德鄉在縣東北八十里管里一

西岑里

富盛鄉在縣東五十里管里一

積下里

千秋鄉在縣東南六十里管里二

稽山里 城南里

太平鄉在縣東南一百里管里四

章汀里 全節里 太平里

嵩山里

德政鄉在縣東南一百一十里管里三

太欽里 赤石里 奉化里

五雲鄉東西兩管在縣東南一十二里管里二

石帆里 西施里

東土鄉在縣東南七十里管里三

美箭里 謝公里 迴潭里

淳熙中有發地得唐阿史那夫人墓誌稱葬會稽縣萬歲里今無此名或謂政和間避萬歲之語故改如京兆萬年改樊川縣之類其實不然按舊經已無此名則不始於政和明矣

城池

縣墻周二里二十步

廨舍

知縣廨在府東一里有寬簡堂知縣事廬陵歐陽伋建丞廨在縣東大德政坊

主簿廨在縣內西偏

尉廨在縣東七里靈汜橋左

曹娥巡檢廨 監曹娥鹽場廨並在縣東南七十

二里

鎮

三界鎮在縣東南一百二十里

東城鎮在縣東六十里今廢

場

曹娥鹽場在縣東南七十二里今無

望山陰縣本越王句踐之都會稽之地志曰邑在山

陰故以名焉東西九十八里南北一百一十八里

東至會稽縣界一百五十步以運河中流為界自

界至會稽縣六步

西至蕭山縣界五十三里以西小河中流為界自

界至蕭山縣五十里

南至諸暨縣界七十里以古博嶺為界自界至諸

暨縣一百四十三里

北至海一百五里海北岸即嘉興府界

東南到會稽縣界一百六十六步

西南到蕭山縣界五十八里

東北到會稽縣界五十八里

西北到蕭山縣界四十七里

道路水路附

東路來自會稽縣界經縣界五十四里西入蕭山

縣界

南路來自諸暨縣界經縣界二百二十里至海岸

過海入嘉興府界

西小江水路東南來自諸暨縣界經縣界五十五

里西北入蕭山縣界勝舟五百石

運河水路東來自會稽縣界經縣界五十三里一

百六十步西入蕭山縣界勝舟五

一十四鄉

坊郭鄉

舊名鏡水管里四

大雲里

市南里

北海里

新河里

迎恩鄉

舊名永昌在縣西北二十五里管里四

蘭上里

明福里

會昌里

苦竹里

靈芝鄉東西兩管在縣西北二十五里管里八

袁賓里

質祐里

萬歲里

禹川里

盡祐里

埭石里

北瀆里

溝瀆里

感鳳鄉在縣東北二十六里管里二

永仁里

玉笥里

巫山鄉在縣東北二十八里管里五

朱尉里

永仁里

鹿山里

塗山里

石城里

溫泉鄉東西兩管在縣西北二十八里管里三

懷信里

興德里

崇業里

梅市鄉在縣西北二十九里管里三

梅福里

永新里

寶盆里

旌善鄉在縣西北三十里管里二

敬忠里

周嘉里

承務鄉在縣西南二十七里管里二

洪漸里

道泰里

禹會鄉在縣西北五十里管里一

廣陵里

清風鄉在縣西北八十里管里二

清化里

駱思里

安昌鄉在縣西北八十一里管里二

齊賢里

東林里

新安鄉在縣西南一百里管里一

調山里

天樂鄉在縣西南一百二十里管里四

方山里

馨浦里

斯裏里

利竿里

城池

縣墻周一里八十步高一丈二尺六寸

見舊經今不存

廨舍

知縣廨在府南三里二百步有畫簾堂茅亭府清

亭候鳥亭

丞廨在縣內東偏

簿廨在縣內西偏

尉廨在縣西北八里一百八十步有大雅堂紹興

中尉東陽沈山作記山字魯山本姓陳

登科時為沈氏復歸姓仕至秘書省正

字

三江巡檢廨在縣東北三十五里

監三江鹽場廨在縣東北二十里

監錢清鎮堰廨監錢清鹽場廨並在縣西北五十

里

鎮

錢清鎮在縣西北五十里

場

錢清鹽場在縣西北五十里

望嵯縣本漢剡縣

道書云兩火一刀可以逃言剡多名山可以避災也

宣和三

年改今名縣有嵯山水經注嵯山與嵯山峯嶺相連

又云東有簞山南有黃山西有西白山為縣之秀峯

嵯山在北乃四山為嵯之義在府東南一百八十里

東西二百七十六里南北一百七十六里

東至慶元府奉化縣界一百四十里以陸照嶺為

界自界至奉化縣一百里

西至諸暨縣界一百三十六里以勞嶺為界自界

至諸暨縣七十三里

南至新昌縣界一十五里以胡塔為界自界至新

昌縣一十五里

北至會稽縣界五十五里以池湖驛為界自界至

會稽縣一百四十里

東南到新昌縣界一十五里

西南到婺州東陽縣界九十里

東北到會稽縣界六十二里
西北到會稽縣界六十二里

道路 水路附

東路來自慶元府奉化縣界經縣界一百七十六里西入諸暨縣界

南路來自新昌縣界經縣界一百七十六里北入會稽縣界

剡溪路西南來自婺州東陽縣界經縣界一百四十里東北入上虞縣界春夏勝舟一百

石

二十七鄉

崇信鄉在縣東二十五里管里五

休祥里 甘泉里 竹山里

懷安里 剡中里

莖節鄉 舊經莖音無字書莖莖之字如此本草通作莖 在縣東二十里管

里五

灌濤里 昇仙里 馴習里

思善里 澄江里

靈山鄉在縣東三十里管里五

欽義里 下闡里 靜安里

守義里 崇孝里

金庭鄉在縣東四十五里管里五

昌化里 善政里 惟新里

永寧里 緣德里

忠節鄉在縣東七十里管里五

三峯里 孝嘉里 石鼓里

忠節里 修仁里

孝嘉鄉在縣東七十里管里五

石鼓里 桐栢里 安樂里

忠節里 安義里

孝節鄉在縣西三十里管里五

新豐里 從化里 招賢里

綏安里 方山里

崇仁鄉在縣西二十五里管里五

感化里 霞立里 靜林里

歸善里 愛敬里

永富鄉在縣西四十里管里五

克遜里 西清里 東聞里

餘風里 禪房里

永安鄉在縣西六十里管里五

澄清里
懷善里
依賢里

化信里
清安里

正順鄉在縣西七十里管里四

長敬里
新安里
溫泉里

慈烏里

清化鄉在縣西三十里管里五

懷善里
開明里
欽賢里

習善里
招賢里

羅松鄉在縣西四十五里管里五

紫巖里
雙壁里
中川里

斷金里
豐樂里

剡源鄉在縣西五十里管里五

尊賢里
澹城里
中和里

光明里
積善里

昇平鄉在縣南一十五里管里五

承霞里
靜豐里
尚賢里

大和里
伍山里

仁德鄉在縣南五里管里五

甘棠里
永樂里
餘糧里

歸仁里
金塘里

方山鄉在縣南一十五里管里五

金節里

永壽里

懷仁里

通山里

禮遜鄉在縣南一十五里管里五

長安里

仙林里

平樂里

懷忠里

新安里

桃源鄉在縣南三十里管里五

永闡里

白泉里

長樂里

崇信里

安居里

積善鄉在縣南三十里管里五

南巖里

雙壁里

中川里

斷金里

豐樂里

台化鄉在縣南三十五里管里五

馴善里

攀轅里

鳴絃里

戴星里

遷星里

開元鄉在縣南四十里管里五

靜君里

迴鄉里

招仁里

居賢里

冰魚里

太平鄉在縣南六十里管里五

碧潭里

擇賢里

懷仁里

建昌里

懷信里

康樂鄉在縣北三十里管里五

遊謝里

宿剡里

竹山里

康樂里

感化里

遊謝鄉在縣北三十里管里五

康樂里

明登里

宿星里

暝投里

吹臺里

靈芝鄉在縣北四十五里管里四

石床里

東節里

正筠里

化善里

城池

舊經云縣城周一十二里高一丈二尺厚二丈孔

擘記云縣治本在江東吳賀齊為令始

移今縣城蓋齊所創也南臨大溪溪流

湍暴至慶元初為水所齧存者纔二三

尺知縣葉軌累石為堤百餘丈城賴以

全後二年水復東渡堤提舉常平李

公大性給千緡創築又明年秋水大至

城壞知縣周增築一百二十餘丈縣

門臨江有東渡南渡西渡而南門常闔

不開想傳以為開即有寇盜之患

官廨

知縣廨在縣城內

丞廨在縣東南七十步

簿廨在縣西三十步

尉廨在縣東南百步

監酒稅廨在縣東南二百步

倉場

米倉在縣北一十步

驛料庫在知縣廨東一十步

稅務在縣東南五十步

酒務在縣西南五十步

鎮

剡鎮在縣東南一百步今廢

按舊經所載如此今遺跡不可復攷近邑民於

縣西南惠安寺前池中得片石題贍都

鎮下有文云當鎮奉

勅旨重開河道開池子以防火燭開已

丑之歲二開日開此淨池開畢功故紀

于此後漫不可辨所謂贍都鎮疑即舊

鎮也然以剡為贍又天慶觀有錢氏時
東都公移稱兩都都軍糧帖檢先據贍
縣奏云云錢氏借稱抗為西都越為東
剡為贍矣疑因古語有兩火一丁之說
惡其不祥改為豐贍之贍理或然也宣
和中方冠初平宣撫司亦乞改剡為嵯
其意殆亦出於此宜撫使者乃童貫也
其意卑陋與錢氏略同方其擅
權所請無不從固不獨此也

蛟井鎮在縣西南一十五里

按舊經所載刻石山山下有井井中有蛟因是

為名宣和四年置

望諸暨縣本越王允常所都或言西有楮山北有暨

浦諸文省暨音近因山浦以為名也或言無諸舊封

夫槩故邑上取諸下取槩因封邑以為名也在府西

南一百四十二里東西一百六十里南北一百六十

一里

東至嵯縣界八十三里以茆峴嶺為界自界至嵯

縣一百二十六里

西至臨安府富陽縣界八十一里以黃峴嶺為界

東南自界至富陽縣一百二十六里

南至婺州浦江縣界七十里以新界官道為界自

界至浦江縣五十里

北至蕭山縣界九十一里以南亭浦為界自界至

蕭山縣界九十二里

東南到婺州東陽縣一百二十里十六里

西南到臨安府富陽縣界五十里二百步

東北到山陰縣界八十一里

西北到蕭山縣界七十里

道路水路附

南東路來自嵯縣界經縣界一百六十里西入臨

安府富陽縣界

南路來自婺州浦江縣界經縣界一百六十里

入蕭山縣界

東南路來自婺州東陽縣界經縣界二百里東北

入山陰縣界

西路來自臨安府富陽縣界經縣界一百二十里

西北入蕭山縣界

浣江路東南來自安俗鄉界經縣界九十一里北

入蕭山縣界勝二百石舟

二十四鄉

陶朱鄉在縣西三步管里四五

前應里 茆渚里 長山里

白隔里

安俗鄉在縣東二十步管里五

丁橋里

無潭里

東朱里

砂袋里

烏石里

長泰鄉舊名永泰在縣東北二十五里管里十

望海里

桑溪里

竹藪里

魚魯里

鄭墅里

竹橋里

皂山里

新城里

古塘里

檀籠里

開元鄉在縣西北一十五里管里二

溪丘里

下墅里

花山鄉在縣北二十五里管里五

白門里

像湖里

晚浦里

下浦里

中浦里

靈泉鄉在縣西三十里管里五

後金里

石蟹里

地岸里

高冢里

斗泉里

金興鄉在縣西北二十里管里四

平泉里

稠水里

惠渚里

佳亭里

南三十里

天稠鄉在縣西南三十里管里四

里湖里 坎頭里 硯石里

金輿鄉 高塘里 北二十里管里四

超越鄉在縣南五十里管里四

乾溪里 同古里 前山里

靈泉鄉 塘頭里 三十里管里五

諸山鄉在縣西南五十里管里三

梅山里 青潭里 野畝里

槩浦鄉在縣西五十里管里六五

陳宅里 大馬里 塗塘里

獨山里 婁下里 南安里

義安鄉在縣西北六十里管里六

俞宅里 廻隊里 茹繩里

西身鄉 朱墓里 東北洩下里 管里 里亭里

長寧舊名永寧鄉在縣東三十五里管里五

身阜鄉 步溪里 昌嶼 大坑里 石廢里

馬塘里 黃山里

花亭鄉在縣東南四十里管里五

天林里 白杜里 徐岸里

五竈里 後岸里

長浦鄉在縣南六十里管里二

興樂里 赤岸里

大部鄉在縣東六里管里三

白水里 白豐里 安樂里

長草鄉舊名永昌鄉在縣東七十里管里二

長草鄉舊名永昌鄉在縣東七十里管里二

西長安鄉在縣東北六十里管里七

杜汪里 銀下里 竹浦里

吳助里 祕浦里 孔胡里

祈祈里

東長安鄉舊名永安鄉在縣東北七十五里管里

蕭泉鄉在縣南六十里管里四

屠里里 胡部里 招桂里

杜塢里 烏程里

紫巖鄉在縣北七十五里管里八

黃闊里 盛後里 白曆里

金汀里 樂厨里 牛格里

中里 琴塢里

孝義鄉在縣東南七十里管里十

流子里 杜坑里 胡塗里

白水里

程演里

白隔里

黃碧里

官園里

小際里

錢里

開化鄉在縣東南七十五里管里十

沉坑里

苦竹里

峽山里

岳風里

潭裏里

筭溪里

福田里

演溪里

獨山里

大門里

龍泉鄉在縣南六十里管里四

板橋里

黃擇里

樓子里

黃畝里

同山鄉在縣南七十里管里三

西坑里

東向里

豐江里

城池

縣城周二里四十八步高一丈六尺厚一丈

見舊

唐開元中令羅元開建東北門天寶中

令郭密之建西南門天祐初吳越武肅

王嘗遣裨將王永修之今廢

廨舍

知縣廨在縣城內有琴堂

五十步有種學堂清暉閣

簿廨在縣西南三十步

嘉泰元年丁君宗重建陸華文游為作記有逍遙齋

興蓮亭亭下橋有池頗歲產異蓮耕耐故以名焉

尉廨在縣東六十步有窺月臺

鎮

南安鎮在縣西五十里

今廢

楓橋鎮在縣東北五十里

舊為驛大觀二年外鎮淳熙初為義安縣今復為鎮

倉場務 治附

省倉在縣廨東廡之後

常平倉在省倉東

鹽倉在縣西北二十步

見舊經

酒務在縣西南一百五十步

稅務在縣東南一百五十步

銀冶在縣南六十里

今廢

緊蕭山縣本吳王闔閭弟夫槩之邑以縣西蕭山為名在府西北一百里九十步東西六十二里南北九十里

東至山陰縣界五十里以西小江中流為界自界

至山陰縣五十三里

西至臨安府錢塘縣界二十三里以浙江中流為

界自界至錢塘縣三十里

南至諸暨縣界六十五里以勞嶺為界自界至諸

暨縣六十五里

北至臨安府錢塘縣三十五里以浙江中流為界

自界至縣四十七里

東南到山陰縣界五十一里

西南到臨安府錢塘縣界四十八里

東北到山陰縣界四十九里

西北到臨安府錢塘縣界一十五里

道路

東路来自山陰縣界經縣界六十二里西入臨安

府錢塘縣界

南路来自諸暨縣界經縣界九十里北入臨安府

鹽官縣界

浦陽江路南来自諸暨縣界經縣界一百五十六

里北入山陰縣界勝舟二百石

運河路東来自山陰縣界經縣界六十二里西入

臨安府錢塘縣界勝舟二百石

一十五鄉

昭明鄉在縣東南二百步管里五

縣南里 小鳳里 龔野里

開明里 社頭里

由化鄉在縣東北二里管里八

趙野里 永豐里 五里

安野里 賓浦里 秦君里

去虎里 勞湖里

崇化鄉在縣西南五十步管里九

陳村里 徐潭里 百步里

朱村里 黃村里 趙村里

史村里 社壇里 許君里

履仁鄉在縣東一十三里管里七

東京里 下浦里 陳野里

楊新里 佳浦里 楊東里

楊南里

鳳儀鄉在縣東四十里管里十六

白鶴里 義里 新田里

瓜歷里 章浦里 中義里

園里 龕山里 童市里

路西里 佳浦里 周里

塘頭里 丁里 翔鳳里

長巷里

夏孝鄉在縣西十二里管里八

山宅里

范巷里

許村里

斜橋里

杜湖里

寺莊里

城東里

城西里

長興鄉舊名永興在縣西三十五里管里三

雞鳴里

安正里

亞父里

安養鄉在縣西南三十五里管里五

清德里

靜居里

橫塘里

羅村里

魚潭里

蘇鄉在縣南二十里管里二

招蘇里

朱汀里

苧羅鄉在縣南二十二里管里五

安國里

孔湖里

臨浦里

西施里

朱里

許賢鄉在縣西南二十七里管里五

開善里

三基里

謝山里

馬閣里

蓮里

新義鄉在縣西南三十里管里五

前豪里

莫浦里

峽下里

冗里

河由里

桃源鄉在縣南四十里管里五五

通遠里

崇山里

方山里

曹塢里

永福里

孝悌鄉在縣西南七十里管里五五

白墅里

香橋里

鄭村里

兔沙里

盛里

長山鄉在縣西南一百二十里管里五

兔沙里

許賢里

高屯里

安神里

高陽里

城池

縣城周一里二百步高一丈八尺厚一丈一尺見舊

經今不存

廨舍

知縣廨在縣城內

丞廨在縣西北一百一十五步

簿廨在縣西三十五步

尉廨在縣北一百步

監務廨在縣西二百一十步

監西興岸使臣廨在縣西一十二里見舊

監漁浦口使臣廨在縣南三十五里二百步見舊

鎮

西興鎮在縣西一十二里

漁浦鎮在縣南三十五里

倉場務

省倉在縣南真濟橋北之東

西興受納米倉在縣西一十二里見舊 經今為

稅務在縣西北一里

西興商稅場在縣西一十二里隆興三年以浙沙漲商旅不獲行

移置東新林在縣東二十里

漁浦稅場在縣南三十五里

溪口稅場在縣南五十里

林浦稅場在縣南三十里

酒務在縣北一百二十步見舊

西興酒務在縣西一十二里見舊

漁浦酒務在縣南三十四里二百三十步見舊

望餘姚縣周處風土記云舜後支庶所封舜姓姚故

日餘姚在府東北一百四十七里東西六十里南北

二百六十里

東至慶元府慈溪縣界一十里以桐下橋為界自

界至慈溪縣八十里

西至上虞縣界四十五里以新橋為界自界至上
虞縣二十里

南至嵯縣界一百六十一里以黎州山為界自界
至嵯縣三百里

北至海三十五里過海北岸接平江府界

東南到慶元府慈溪縣界三十五里

西南到上虞縣界四十五里

東北到慶元府慈溪縣界八十里

西北到上虞縣界六十里

道路水路附

東路來自慶元府慈溪縣界經縣界六十里西入

上虞縣界

南路來自嵯縣界經縣界二百六十里北至海岸
過海入平江府界

餘姚江路西來自上虞縣界經縣界五十五里東
入慶元府慈溪縣界勝舟五百石

一十五鄉

東山鄉在縣西北四十五里管里六

李春里

姚娘里

安僧里

余福里

余支里

蔣德里

蘭風鄉在縣西北五十五里管里六

孫兒里

惠藥里

施金里

馮明里

大悲里

班兒里

四明鄉在縣南六十一里管里四

白雲里

趙余里

梁政里

蔣吳里

雲柯鄉在縣西北三十五里管里五

信天里

承福里

神綠里

天養里

僧保里

孝義鄉在縣西北四十五里管里四

俞成里

王壽里

王壽荅里

黃金里

開元鄉在縣西北五十里管里五

汝仇里

宣訓里

閣刺里

成余里

趙猛里

燭溪鄉在縣西一里管里六

峯山里

吉太里

王勝里

王祐里

周班里

周義里

冶山鄉在縣東一里管里四

萬歲里 賈福里 景安里

賀恩里

龍泉鄉在縣北三十里管里六

羅浼里 傅太里 大慶里

王保里 施惠里 駱德里

梅川鄉在縣東北三十五里管里四

劉榮里 長慶里 戴福里

謝芳里

上林鄉在縣東北七十里管里五

石仁里 嚴順里 邵恩里

田熟里 王惠里

通德鄉在縣東南三十五里管里四

仁歸里 再生里 高仁德里

多兒里

雙鴈鄉在縣東南一里管里四

中埭里 南雷里 國霸里

王安里

鳳亭鄉在縣南一里管里三

許君里 顧伴里 宋恩里

雲樓鄉在縣西南二十里管里四

九功里 永明里 神護里

王政里

城池

縣城周一里二百五十五步高一丈厚二丈按會

稽記云吳將朱然為令時所築見舊經今不存

廨宇

知縣廨在縣城內負秘園山有清心堂不欺堂鑒

止軒翠竇亭秀野亭高風閣李祺壽重

建未備而去後十一年吳興施宿來知

縣事始一新之閣據秘園山之麓前對

南山為一邑佳處閣之下即有嚴公堂

閣後有亭名釣隱嚴光墓在其北翰墨

堂舊有芙蓉亭施君刊東坡先生帖甚

衆臨印常褚繼之盡哀諸帖堂上因以

名焉

丞廨在縣東八十步有小室名龜巢

簿廨在縣東五十步

尉廨在縣東一里有二槐堂史丞相皓魏丞相杞

相繼為尉後人遂因以為名

監酒稅廨在縣西五十一步見舊經今不存

倉場務

米倉在縣西北二十步

稅務在縣東一百五十步

賣茶鹽場在縣東一百五十步

見舊經
今不存

酒務在縣東一百五十步

戶部犒賞酒庫二一在蘭風鄉去縣六十里一在

雲樓鄉去縣二十里今徙上虞縣五夫鎮

石堰鹽場去縣二十里

望上虞縣十三州志云夏禹與諸侯會計因相虞樂

於此地故曰上虞在府東一百二十里東西五十三

里南北一百一十里

東至餘姚縣界二十八里以新橋為界自界至餘

姚縣四十五里

西至會稽縣界二十八里以曹娥江中流為界自

界至會稽縣九十二里

南至嵊縣界七十里以郁嶺石床鋪為界自界至

嵊縣六十里

北至海四十五里過海北岸即嘉興府界

東南到餘姚縣界四十五里

西南到嵊縣界九十里

東北到餘姚縣界二十里

西北到會稽縣界八十七里

道路 水路附

東路東來自餘姚縣界經縣界五十三里西入會

稽縣界

南路南來自嵛縣界經縣界一百一十里北至海

岸過海入嘉興府界

上虞江路在縣西二十八里南來自嵛縣界經縣

界一百九十里西入會稽縣界大信潮

勝五百石舟小信潮勝二百石舟

運河路在縣南二百二十二步東來自餘姚縣界

經縣界五十三里六十步西入會稽縣

界勝二百石舟

一十四鄉

上虞鄉在縣西六里管里一

蘭苧里

上管鄉在縣南一十里管里一 舊瑞像 上鄉

孝義里

下管鄉在縣東南四十五里管里一 舊瑞像 下鄉

新安里

寧遠鄉在縣西北六十五里管里一

夏蓋里

孝義鄉在縣西北六十里管里一

嵩城里

寶泉鄉在縣南二十五里管里一

夏湖里

上山鄉在縣南五十里管里一

南寶里

新興鄉在縣北七十里管里一

義里

永豐鄉在縣北三十五里管里一

玉祥里

載初鄉在縣西南三十五里管里一

集鋪里

始寧鄉在縣東南二十里管里一

通明里

葛仙鄉在縣西南四十里管里一

蔡碑里

娥眉鄉在縣東二十里管里一

羅巖里

景隆鄉在縣西南五十里管里一

常管里

城池

縣城周一里九十步高一丈七尺厚一丈

見舊經

廨舍

知縣廨在縣城內

丞廨在縣樓之西

簿廨在米倉之西

尉廨在縣西五十步

監務廨在縣東南六十步

鎮

五夫鎮在縣北三十里

今廢

蔡風鎮在縣西北七十里

今廢

倉場務

米倉在縣南二十步

酒稅務在縣東南七十步運河之南

舊經商稅場在縣東一里

二百步酒務在縣東南一里二百一十步

五夫稅場在縣北三十五里

見舊經

竹索場在縣東一里一百五十步

見舊經

緊新昌縣本剡縣地唐末錢氏析十三鄉置新昌縣

後併其鄉為八在府東南二百二十里東西八十里
南北一百五里

東至嵯縣界五十里以孝嘉鄉為界自界至嵯縣

二十里

西至嵯縣界三十里以烏巖溪為界自界至嵯縣

二十里

南至台州天台縣界七十五里以祥鸞鄉為界自

界至天台縣六十四里

北至嵯縣界三十里以王宅後溪為界自界至嵯

縣二十五里

東南到台州天台縣界八十五里

西南到嵯縣界一十五里

東北到嵯縣界二十五里

西北到嵯縣界一十五里

道路

東路來自嵯縣界經縣界六十里西復入嵯縣界
南路來自台州天台縣界經縣界一百里北入嵯

縣界見舊

東南通台州天台縣一百五里

西北通嵯縣三十里

東小路通慶元府奉化縣一百二十里

西南通婺州東陽縣一百八十里

八鄉舊經十三鄉後省永壽石順昌化像

南樓來八鄉

五山鄉在縣郭內外七里管里四

孝行里 孝義里 任巖里

步渚里

豐樂鄉在縣西南管里八

紆胡里 永泰里 美人里

楊谷里 僊巖里 金節里

通義里 懷化里

彩煙鄉在縣東南管里三

松門里 穿巖里 太清里

僊桂鄉在縣東南管里二

思行里 畫錦里

善政鄉在縣東管里二

永寧里 開化里

新昌鄉在縣東管里二

金莖里 新豐里

安仁鄉在縣東北管里二

義順里

守義鄉在縣北管里三

崇賢里

靖安里

惟新里

城池

縣城周一十里高一丈厚一丈二尺

見舊經今不存

廨宇

知縣廨在縣城內

丞廨在縣西九十步

簿尉廨在縣西一十六步

倉庫場務

米倉在縣東七步

鹽倉在縣東南五步

以下並見舊經

錢庫在知縣廨西五步

驛料庫在知縣廨東五步

稅場在縣東南一十九步

出賣茶鹽法物場在縣東南

酒務在縣東五十步

會稽志卷第十三

縣志卷第十三

縣志卷第十三

縣志卷第十三

縣志卷第十三

縣志卷第十三

縣志卷第十三

會稽志卷第十三

鏡湖

按舊經云湖水高平疇丈許築塘以防之開以泄之
平疇又高海丈許田若少水則閉海而泄湖水足而
止若苦水多則閉湖而泄田水適而止故山陰界內
比畔接疆無荒廢之田無水旱之歲其文雖簡湖之
利害盡矣曾子固序鑑湖云勺約謂宜斥湖三之一
與民為田而益隄使高一丈則湖可不開而其利自
復以湖水較之高於城中之水或三尺有六寸或
尺有六寸而益隄壅水使高水之敗城郭廬舍可



也又云壅水使高必敗城郭此議者之已言也以
勢較之濬湖使下然後不失其舊不失其舊然後
失其宜此議者之所未言也又云山陰之石則為四
尺五寸會稽之石則幾倍之壅水使高則會稽得
山陰得半地之窪隆不違則益隄未為有補以今
之刁約之說斥湖三之一與民為田誠不可也益
高一丈湖可不開而其利自復此則復湖之至論
湖不高於田則不可引以灌溉湖高於田不築隄
水不可畜泄非獨鏡湖而已凡天下畜泄以灌溉
莫不皆然也獨鏡湖乃憂隄決而

下之水獨黃河有決溢之患以其湍悍善決也
黃河之外不聞有自決而敗城郭廬舍者誠使以人
力決之湖下有九千頃之田有江有海水不乘高下
注散漫而去乃敗城郭乎且以隄畜水漢永和以來
有之千歲之久未嘗決也豈今築隄則獨決耶至言
濬湖使下然後不失其舊此正議湖之大害也自永
和以來考於史策圖志湖之成也未嘗言濬湖之廢
也未嘗言塞若今復湖必欲濬則昔之廢湖當運土
以塞之非特無取土之地亦用工役若干乃得而塞
雖國力不能而謂民之盜耕者能之乎謝靈運從

文帝求回踵休壘湖爲田彼亦決之而已故有文
若須運土塞之乃可爲田非惟靈運斷不能爲之亦
不肯爲也且湖之未廢正以隄壅而水高故若耶溪
等諸溝澗皆滿其驗有四唐時太守皆乘舟舫直至
雲門諸寺一也今若耶溪傍草市謂之平水以地理
考之未爲湖以前水不能留有湖則水不亟去津涯
深廣故曰平水二也禹祠有山路度嶺至龍瑞宮謂
之觀嶺來往者皆由此路今不復行湖存則水浸山
麓不可並山而南必由嶺路湖廢而並湖有路三也
平水之南有五雲橋蓋唐時舟舫所經今在陸

四也西北如引涇水漳水之類地遠不可盡質如安
豐之芍陂明州之廣德湖則近而可質者芍陂則引
淝河注滿陂內高築陂岸廣德湖則築環湖之隄九
千一百三十四丈廣一丈八尺高八尺皆見於地志
及奏贖碑刻非高爲之隄何由積水隄之下孰無城
郭廬舍未聞以決爲急也漢汝南有鴻隙大陂郡以
爲饒成帝時關東數水陂溢爲害翟方進爲相以爲
決去陂水其地肥美省隄防費而無水憂遂奏罷之
王莽時常枯旱郡中追怨方進童謡曰壞陂誰翟子
威飯我豆食羹芋魁反乎覆陂當復誰云者兩黃鵠

汝南之陂過成帝大水災異舉山東皆然陂水滿溢
而出非可歸罪於陂然亦不聞壞城郭廬舍也方進
決去其水使歲常枯旱民怨苦而思陂之復如此亦
可見築隄有利無害矣或問曰馬臻之始為湖也會
稽民數千人詣闕訟之臻得罪死反按見訟者皆已
死說者以為鬼子獨曰不然臻之為湖不利於豪右
故相與訟之而假死者以為名臻雖坐死湖乃得不
廢亦幸而已九千頃之田千餘年無水旱豈偶然哉
起居郎熊克著 中興小曆云紹興二十九年
上因與同知樞密院王綸論溝洫利害云往年宰臣

欲盡乾鑑湖云歲可得米十萬石朕答云若遇歲
旱無湖水引灌即所損未必不過之凡慮事須及遠
也綸曰貪目前之小利忘經久之遠圖最謀國之深
戒克所著當出於日曆則

高宗聖訓固已著於簡冊矣有徐次鐸者著復湖議
頗可取今附于後

次鐸竊見會稽山陰兩縣之形勢大抵東南
高西北低其東南皆至山而北抵于海故凡
水源所出多自西東南今衆流所聚者曰平
水溪即古若耶溪也曰上竈溪曰橫宮溪

曰龍瑞宮溪皆在會稽曰蘭亭溪曰南池溪
曰離渚溪皆在山陰其他一派一坑所出總
之三十六源當其未有湖之時三十六源之
水益西北流入于江以達于海自東漢永和
五年太守馬公臻始築大堤渚三十六源之
水名曰鏡湖堤之在會稽者自五雲門東至
于曹娥江凡七十二里在山陰者自常喜門
西至于西小江一名錢清凡四十五里故湖之形
勢亦分爲二而隸兩縣隸會稽曰東湖隸山
陰曰西湖東西二湖由稽山門驛路爲界出

稽山門一百步有橋曰三橋橋下有水門以
限兩湖湖雖分爲二其實相通凡三百五十
有八里灌溉民田九千餘頃湖之勢高於民
田民田高於江海故水多則泄民田之水入
于江海水少則泄湖之水以溉民田而兩縣
湖及湖下之水啓閉又有石牌以則之一在
五雲門外小凌橋之東今春夏水則深一尺
有七寸秋冬水則深一尺有二寸會稽主之
一在常喜門外跨湖橋之南本春夏水則高
三尺有五寸秋冬水則高二尺有九寸山陰

主之會稽地形高於山陰故曾南豐述杜杞
之說以爲會稽之石水深八尺有五寸山陰
之石水深四尺有五寸是會稽水則幾倍山
陰今石牌淺深乃相反蓋今立石之地與音
不同今會稽石立於瀕隄水淺之處山陰石
乃立湖中水深之處是以水則淺深異於曩
時其實會稽之水常高於山陰二三尺於三
橋閘見之城外之水亦高於城中二三尺於
都泗閘見之乃若湖下石牌立於都泗門東
會稽山陰接壤之際春季水則高三尺有

寸夏則三尺有六寸秋冬季皆二尺九寸
則乃固斗門以蓄之其或過則然後開斗門
以泄之自永和迄我宋幾千年民蒙其利
祥符以來並湖之民始或侵耕以爲田熙寧
中朝廷興水利有廬州觀察推官江衍者
被遣至越訪利害衍無遠識不能建議復湖
乃立石牌以分內外牌內者爲田牌外者爲
湖凡曰牌內之田始皆履畝許民租之號曰
湖田政和末郡守方修進奉復廢牌外之湖
以爲田輸所入於少府自是環湖之民不復

顧忌湖之不爲田者無幾矣隆興改元十一月知府事吳公芾因歲饑請于朝取江衍所立石牌之外盜爲田者盡復之凡二百七十七頃四十四畝二角二十二步計工度廬先從禹廟後唐賀知章放生池開濬百餘日訖工每歲期以農隙用工至農務興而罷然次鐸出入阡陌詢父老面形勢度高卑始知吳公未得復湖之要領夫爲高必因丘陵爲下必因川澤豈有作陂湖不因高下之勢而徒欲資畚鍤以爲功哉馬公惟知地勢之所

趨橫築隄塘障捍三十六源之水故湖不勞而自成歷歲滋久淤泥填塞之處誠或有之然湖所以廢爲田者非直以此也蓋以歲月彌遠湖塘旣寢壞斗門堰閘諸私小溝固護不時縱閉無節湖水盡入江海而瀕湖之民始得增高益卑盜以爲田使其隄塘固堰閘堅斗門啓閉及時暗溝禁窒不通則湖可坐復民雖欲盜耕爲尺寸田不可得也紹熙五年冬

孝宗皇帝靈駕之行府縣懼漕河淺涸盡塞

諸斗門固護諸堰閘雖當霜降水涸之時不
雨者踰月而湖水僅減一二寸湖田被浸者
久之訖事決隄開堰放斗門水乃得去是則
復湖之要又較然可見者也夫斗門堰閘陰
溝之為泄水均也然泄水最多者曰斗門其
次曰諸堰若諸陰溝則又次焉今兩湖之為
斗門堰閘陰溝之類不可殫舉姑以其著者
言之其在會稽者為斗門凡四所一曰瓜山
斗門二曰少微斗門三曰曹娥斗門四曰蒿
口斗門為閘者凡四所一曰都泗門閘二曰
東郭閘三曰三橋閘四曰小凌橋閘為堰者
凡十有五所在城內者有二一曰都泗堰二
曰東郭堰在官塘者十有三一曰石堰二曰
大埭堰三曰臯步堰四曰樊江堰五曰正平
堰六曰茆洋堰七曰陶家堰八曰夏家堰九
曰王家堰十曰彭家堰十有一曰曹娥堰十
有二曰許家堰十有三曰樊家堰其在山陰
者為斗門凡有三所一曰廣陵斗門二曰新
逢斗門三曰西墟斗門為閘者凡三所一曰
白樓閘二曰三山閘三曰柯山閘為堰者凡

十有三所一曰陶家堰二曰南堰皆在城上
三曰白樓堰四曰中堰五曰石堰六曰胡桑
堰七曰沉壤堰八曰蔡家堰九曰葉家堰十
曰新堰十有一曰童家堰十有二曰賓舍堰
十有三曰抱姑堰皆在官塘兩縣之北又有
玉山斗門八間曾南豐所謂朱儲斗門是也
去湖最遠去海最近地勢斗下泄水最速其
三間隸會稽五間隸山陰若其他民各於田
首就掘隄增為諸小溝洎古諸暗溝及他缺
穴之處難徧以疏舉大抵皆走泄湖水處也

吳公釋此不察猥弊弊從事於開濬之末誤
矣故吳公所開湖才數年皆復為田暨于今
或歲輸所入於官或為慈福宮莊田及蕩
地歲輸所入於莊或為縣公田及蕩地歲輸
賃直於縣為應辦用度錢或為告成天長干
秋大禹等寺觀因佃吳給事積土之山而包
佃為田及蕩地故湖廢塞殆盡而水所流行
僅有從橫枝港可通舟行而已每歲田未告
病而湖港已先涸矣昔之湖本為民田之利
而今之湖反為民田之害蓋春水泛漲之時

民田無所用水而耕湖者懼其害已輒請於官以放斗門官不從相與什伯爲羣決隄縱水入於民田之內是以民常於春時重被水潦之害至夏秋之間雨或愆期又無瀦畜之水爲灌溉之利於是兩縣無歲無水旱監司府縣亦無歲無賑濟利害曉然甚易知也然則湖其可不復乎道聽塗說者方以闕土供失民業爲說是不然夫湖田之上供歲不過五萬餘石兩縣歲一水旱其所損所放賑濟勸分殆不啻十餘萬石其得失多寡蓋已相

絕矣湖之爲田若蕩地者不過餘二千頃耕湖之民多亦不過數千家之小利而使兩縣湖下之田九千頃民數萬家歲受水旱饑饉而弗之恤其利害輕重亦甚相遠况湖未爲田之時其民豈皆無以自業乎使湖果復舊水常瀰滿則魚鱉蝦蟹之類不可勝食菱荷菱芡之實不可勝用縱民採捕其中其利自博何失業之足慮哉次鐸論載旣畢又有援執舊說而詰之曰從子之說不必濬湖使深必須增隄使高且懼隄高壅水萬一決潰必

敗城郭于將爲之柰何是又未知形勢利害者也夫水之湍急者其地或陋不能容於是
有衝激決溢之患今湖之水源不過三十六所而湖廣餘三百里以其地容其水裕如也
况自水源所出北抵于隄及城遠者四五十里近猶一二十里其水勢固已平緩於衝隄也
何有且隄之去漢如此其久是必有虧無增今誠築隄增於高者二三尺計其勢方與
昔同昔不慮其決而今顧慮之何哉慶元二年五月中澣迪功郎會稽縣尉東陽徐公

鐸述

守禦

宣和二年冬睦州青溪縣民方臘起爲盜勢張甚及破杭州與越隔一水越大震官吏往往遁去知州事
徽猷閣待制劉^幹獨調兵築城固守令民富者出財壯者出力士民皆奮已而盜益熾連陷衢婺二州以
三年二月抵越城下衆數萬有酋渠絳衣散髮被重甲而進自號佛母指呼羣盜蟻附攻城會有礮卒爲礮所激墮城中草積上不死具言賊中事公麾衆出直攻其腹心破之擒佛母者賊遂大潰僵尸蔽野不

復敢進明台溫賴越骸賊喉牙得以皆全方受圍時
公之子子羽年二十四五出入兵間且計且戰得賊
首躬視行刑於市色不變士卒恃以增氣靖康二年
公死事東都喪歸道出越境父老鮑方等祭之哭泣
甚哀其文曰天地有覆載之德父母有養育之恩若
迺枯骨重肉已死復生兼之者其惟公乎昔公之帥
越也仁恩惠化遐邇蒙福論湖田之弊捐十萬之租
使我民溫衣飽食安於里閭則公之德澤在人已淪
肌浹髓矣睦寇竊發全浙披靡破邑屠城無敢當者
公獨晏然不動激辱鼓懦守孤城於兇焰之中猶難

驅除民卒按堵故當時歌謠曰我公披甲坐譙門
萬生靈一呼在嗚呼我有父母賴公保之我有妻子
賴公蓄之我有室廬賴公全之我有田疇賴公闢之
是以越人家有繪像巷有祠宇飲食必祝公至殞身
歿齒子子孫孫永不敢忘也嗚呼公今死矣若迺公
立朝之德望許國之忠烈四海所共知搢紳所皆言
惟是越民感公恩德同於天地過於父母今靈輜來
歸道出此境旄倪號赴不約而同悵英魂之莫招覩
甘棠之猶在兩泣雷慟天悲日昏公懷我民尚復歆
其奠觴察其情至也哉濡血書詞告于靈下乾道中

觀文殿大學士史公浩作公祠堂記曰宣和初忠顯
劉公守會稽迺二年冬青谿盜大起連陷杭睦明年
春衢婺處亦失守於是乘銳四出直擣會稽蠡集螳
緣孤堞岌岌賊怙其衆意公必嬰城欲以持久困之
而公迺亟開關麾衆出戰賊遂大潰死者相枕于野
自是不敢復東時永嘉臨海四明以會稽爲蔽障卒
賴以全制書榮勳自徽猷閣待制太中大夫拜述
古殿直學士正奉大夫於是天下識與不識皆期公
大用其後雖不幸不至輔相然守封疆死

國難忠貫白日義感異類哀榮之典震曜一時秩官

奉常攷靖康死事之臣足以配李忠愍者惟公一人
故謚曰忠顯浩後五十年来領郡事獲拜公生祠于
圓通院邦人肅恭奉祀如公尚存思慕誦說如公始
去盛德之容凜然如生望之足以廉貪而起懦嗚呼
盛哉惟公無恙時有生祠二南維會稽北維真定皆
以禦寇捍難有大功于是邦也會稽之祠葺矣
今天子神聖英武將北復趙魏廓清中原則真定之
祠行亦汛掃浩雖老尚庶幾見之乾道己丑七月望
日句章史浩述

方劉公城守時待制沈公調為士曹掾公慕

民能得賊首一級賞錢二萬沈公聞遽請見
以為如是則小人規利或殺平人乞令必生
擒乃給賞仍倍其數不閱日郡人俘數十輩
以獻帥命沈公覈其實其間附賊者財三四
入乃請盡釋其餘劉公從之自後凡有緝得
賊者悉付沈公辨證全活殆數千人沈公至
太中大夫敷文閣待制知福州年八十餘乃
終嗣子繼顯于朝議者以為陰德之報

討賊

建炎二年秋八月一日夜半杭州第三將下卒噉

林永誘決勝萬全歸遠龍騎指揮嬰城叛囚守臣葉
夢得等殺將官田均明日外沙巡檢司越州西興鎮
松江巡檢司以狀告浙東安撫使兼知越州顯謨閣
學士翟汝文又明日杭州司錄范正已適在城外亦

以卒叛事來告翟公聞之乃出次躬治兵凡禁旅弓
手保甲七千有奇命副總管高棟分部位知山陰縣
王饒集芻糧又分遣官屬至所部六州益發兵翟公
遂禡祭牙神其詞曰嗚呼王室未靖盜多卒徒就安
招携孰克誅鋤維杭叛卒三五其羣戕殺官師持燎
縱焚我司方隅密迹隣寇其忍翫賊不寧往救初順

撫之命取其成狂狡自疑不獲腰領嗟杭之人思拯
禍霍興我戎兵徃定亂畧提我萬衆取彼數黥士氣
奮張曾不留行維神鑒衷用相茲役助我師征咸劉
厥敵建牙出境唯敵是求俾我有功象神之休遂出
師次西興耀兵江上遣人賫旗榜入杭州城開示禍
福又奏乞併將浙西諸州兵城賊有保甲於緄獨冒
兵先登死之翟公親作文祭之曰親以清酌庶羞之
奠致祭于防城保甲忠義死難之士於君之靈嗚呼
哀哉枕卒叛命蕩為賊區我昔治師龔行天誅士衆
釋驕陰與賊圖戰則先遁均為灌蒲爾獨忠義奮

前驅衆亡被執怒叱賊徒脅使必降誓死不汗皆裂
髮衝氣象自如賊羣東之曹射其軀矢如蝟毛慢罵
如初嗚呼哀哉委身蹈義得死乃趨生氣如在沒與
衆珠瞻彼圍城深愧士夫嗚呼哀哉痛爾酷禍慘傷
余膚我實負念致尔不辜招魂于棺歸安泉塗力能
報德哀死字孤魂兮來歸登此喪車嗚呼哀哉翟公
懷慨流涕於是士皆思奮翟公乃先作擒賊露其詞
曰蓋聞古者賜諸侯以弓矢使得專征用公侯為腹
心欲其守衛所以作扞王室同獎天衷春秋獻俘載
于策命當所身任藩鎮職統戎兵當誅不庭以禦外

侮乃者餘杭逋卒叛命據城奮臂一呼變生肘腋縱
兵夫掠禍及搢紳戕害使人蕩焚城邑至乃捕衣冠
而點面驅士女以守陴念茲無辜劫以阻亂當所顧
瞻一舍之近傷悼重圍之冤拯溺救焚其忍安視痛
心疾首誓不圖存躬提戈矛率先士衆三軍賈勇悉
勵貔虎之師元惡就擒卒正鯨鯢之戮仰承

天子之威命俯賴將士之協心兵無淹辰市不易肆
已於某月日殺獲陳通等不以賊遺君父已殄凶殘
凡克敵示子孫毋忘勲伐方觀諸將之効首肆命幕
府之上功捷布諸州明曉士庶會朝廷以節制付所

西提點刑獄高士曠周格格爲賊誘殺士曠亦遁去
惟浙東之師不少剽賊凜然知懼故城中吏民及寓
居士大夫悉賴以全十二月御營使司都統制王淵
遂平杭州翟公猶以不能成功降顯謨閣直學士然
陳通初叛包藏不軌之志陰遣姦人結台州仙居天
台縣魔賊俞道越州新昌縣魔賊盛端才董閏約同
日起事翟公設方略悉捕誅之以故無應者

平亂

建炎三年十月壬辰

車駕駐蹕越州聞金虜數道並入朝論謂恐虜由江

黃間渡江徑趨衢信以迫

行在當分兵守衢信隘路十一月丙申命朝奉郎中書門下省檢正諸房公事傅公崧卿帶本職爲浙東防遏使行至衢州有任士安將下潰兵近萬人其爲首者曰成臯等五人號五朶花方圍婺州傅公單騎晝夜疾馳至其營未旦朝服趨入叱責之徐諭以禍福臯等皆俯伏曰惟公命傅公乃爲具奏皆命以官而納其兵於麾下會得報有統制官關濟者乘虜委會稽去乃以李鄴降虜爲邦人之罪由五雲門入揚言將屠城脅而求財殺掠縱橫傅公乃先遣防遏司統制侯延慶步汝霖及成臯等帥師馳入會稽傅公以中軍繼至關濟窘蹙乃與腹心跳登戴山絕頂以弓弩自衛其徒閉開元寺堅守俄攻下之又俘關濟於戴山傅公數其罪斬於開元寺之西由是一府皆安傅公亦就除知越州兼浙東安撫使方是時李參政光以書勉傅公曰公今大權在手可以有爲非如曩日短檠相對扼腕夜語時也蓋前輩平日常相期以忠義如此故併錄之

社倉

社倉一名義倉始於隋開皇中史臣以爲天下義倉

皆充滿由唐以來歷代雖皆不廢然不復能如隋之盛至

國朝熙寧三年七月己巳御史言齊州科配義倉取數太多民何以堪大臣亦謂人有餘粟藏之於家有何所害而固欲使之輸官非良法也遂

詔廢義倉已納者給還然後雖廢置不一多失本謂矣淳熙八年提舉浙東常平朱秘書熹適當歲歉乃奏以常平米建社倉付富室斂散每石取息二斗凶歲則蠲其息又以士大夫或舉人有行義者與縣官同出納俟息米及十倍即以本米還官倉專以息米

斂散每石止收耗米三升士民願以所藏米充入者亦聽之如官米法戶部看詳以爲可行而一時議者以爲每石取息二斗乃青苗法紛然攻詆然

朝廷卒行之併下諸路諸路既不能皆如

詔而府外之六縣亦止報府言一面措置竟不以已立社倉爲言惟會稽山陰二縣至今爲小民之利方朱公爲此時府帥王尚書希呂實左右之慶元二年

提舉李少監大性復以常平米一千五百石增置社

倉在會稽則若馬山若妙智若資壽若廣教若淨社者凡五處在山陰則有梅山之本覺柯橋之靈秘南

池之興教迎恩稽山之廟菴凡五處又以常平錢糴
慈福官米一千五百石每倉以三百石為率又於會
稽姥廟取當來本米二百七十石有奇立琵琶山倉共
為倉十有二所今王公朱公李公民皆立祠以時祀
享雖他善政多可紀社倉尤其著者也

義田

故丞相魏國史公鎮越之明年實乾道戊子始捐已
帑置良田歲取其贏給助鄉里賢士大夫之後貧無
以喪葬嫁遣者附于學而以義名之為規畫十許條
劉諸石凡有請而應給與給而舉事多寡遲速皆有

程覈實委之鄉官錢糧屬之縣主簿米歛散則隨俗
俗錢出納則均省計歲稔及給助有餘則就復增買
教授學職亦與其事然雖養士不許移用府帥前後
繼而成之蓋非一人所以久而不廢也總之會稽山
陰餘姚三縣今為湖水田二千七十一畝有奇地三
十六畝有奇山篠地一百一十六畝有奇殯岡六十
四畝有奇蕩越人謂瀦水之地為蕩一畝二角五十一步屋一十六間

節序

會稽之俗正旦詣府學少長序拜以齒不以官子弟
從父兄之後上元觀燈行街中必相遜避無爭道喧

競城門弛禁率至夜分以便郊居者二月二日始開
西園縱郡人遊觀謂之開龍口謂卧龍山也府帥領客觀

競渡異時競渡有爭進攘奪之患自史魏公為帥雖
設銀杯綵帛不問勝負均以予之自是為例兒童歌
青梅聲調宛轉大抵如巴峽竹枝之類三月五日俗
傳禹生之日禹廟遊人最盛無貧富貴賤傾城俱出
士民皆乘畫舫丹堊鮮明酒樽食具甚盛賓主列坐
前設歌舞小民尤相矜尚雖非富饒亦終歲儲蓄以
為下湖之行下湖蓋鄉語也春欲盡數日遊者益衆千秋

前一曲亭亦競渡不減西園郡人謂禹廟為廟下千秋為先賢堂

立夏日止惟丐者乃以是日出亦鮮衣鼓笛相娛此類則以為耻重五日戶戶皆以土偶張天師置門額上或以虎或以艾束作人形而以土作天師頭竹作劍木作印七夕立長竹竿於中庭上設蓮花謂之巧竿以酒果餅餌祭牛女蓋乞巧也五月六月觀荷花亦乘畫舫多集於梅山本覺寺同時又遊容山項里六峯觀楊梅重九亦相約登高佩萸泛菊不甚食糕而多食粟糗亦以相餽然是日俗忌不相過必有喪者乃往哭其靈几且致祭焉不知其所始也冬至大畧如正旦而差簡臘日作粥春日作餅與他鄉

甚異故不備載惟除夕爆竹相聞亦或以硫黃作爆
藥聲尤震厲謂之爆仗桃牌書左神荼右鬱壘亦或
書他語門左右設之舊又以酒糟漬筆大書于門
上曰宜入新年大吉利近歲糟書頗廢矣

送迎

吳越春秋有越人相送之辭曰行行各努力蓋自古
風俗篤厚重於離別如此今西出迎恩門則臨安路
有接待院有呂氏莊皆將迎之地院側竹臺因古城
遺址巨竹森茂莊亦有亭榭花木可以置酒昔時
陰尉解門外臨運河亦有亭今廢矣遠則有法雲寺

柯橋館靈秘院皆其所也東出五雲門則明州路有
會稽尉廨前亭子石佛院西南出常熹門一名偏門
婺州路則有小隱山園其亭榭山林別見遠則有蘭
亭天章寺正南出稽山門台州路則有告成觀大禹
寺皆禹廟也亦別見西門東門皆舟行南門西南門
皆陸行惟北門曰三江門並海路絕會稽之俗篤厚
交親迎則叙間闊送則惜睽異觴豆迭進往往竟日
餘樽贖多淋漓狼籍舟車結束慘有行色至於僮僕
鈴下挽舟將車之人羅拜于前則亦犒以酒食勉往
者以勤悴勞歸者之良苦恩意曲盡觀者太息亦風

俗之厚也

義門

平水雲門之間有裘氏自齊梁以來七百餘年無異
釁子弟或為士或為農鄉黨稱其行大中祥符四年
用州奏旌其門閭是時裘氏義居已十有九世闔門
三百口其族長曰承詢至嘉泰初又五六世益二十
四五世矣猶如故聚族亦加於昔鄉人謂嘗有餽瓜
者族長集小兒十三歲以下者百餘人使自取之各
相推遜以長幼持去其習為廉遜如此至今共一廳
尚頗闕壯有孫威敏公題字存焉至和中李待制先
題詩有云夫何於會稽卓然有裘氏同居六百年和
聚三千指昔賢欽義方列奏 聞

天子 詔恩表門閭光華映閭里其後又有族老季

光以所藏今昔留題詩刻石傳

犯光宗廟諱

作序焉所謂

旌表門閭者唐以來有聽事步欄前列屏樹烏頭正

門闕闕一丈二尺烏頭二柱端冒以瓦桶築雙闕一

丈在烏頭門之南三丈七尺夾植槐柳十有五步五

伐多故不能如故事晉天福中乃敕度地之宜高其

外門門施綽楔左右築臺高一丈二尺廣狹方正稱

焉坊以白而赤其四角今裘氏蓋用此制自平水適

雲門者望其旌表在道旁數十步

祖宗所以崇孝悌勵風化者至矣表氏旌表之後六十七年而上虞劉承詔繼之熙寧十年趙清獻公為守得上虞縣劉承詔唐襄公德威之裔德威五世孫愉避黃巢亂自河南徙上虞至承詔十世聚族四百餘口內外無間言畜犬化之一犬不至羣犬皆不食號孝義劉家清獻公嘆異以其事聞于

朝有 詔旌表門閭復其徭役清獻公為之記又故尚書胡公 泐賦詩贈之皆藏其家

園池

謝安石東西二眺亭址在今上虞東山方安石時

東山益重天下臺榭遺迹當不止此歲久不可攷爾山之國慶院左有小方池草莽被焉

甚有古意傳者云此安石洗屐池也

王性之遊山記

稱山半薔薇洞院上方白雲堂明月堂以為安石故迹竊亦疑之李白詩云不到東山久薔薇幾度花白雲佗自散明月落誰家恐後人緣此詩為之云

王逸少有書堂在山陰蘭亭鵝池墨池亦在焉當

其與羣公被禊賦詩蓋一時之集爾而遺迹

勝槩照映林谷則右軍或嘗居之後人追懷

風流於是葺為流觴曲水此必皆其舊也

王子敬山亭在雲門唐永淳元年春王勃嘗脩禊於此亭今顯聖寺後有子敬筆倉疑距其地不遠也

許詢園在蕭山縣北幹山下圖經古詢家此山之陽故其詩曰蕭條北幹園也

謝康樂始寧園亦在東山事具文選及傳亭觀舊

址無復存者

康樂過始寧詩云葺宇臨迴江築觀基層巔

其山居

賦有云南北兩居水通陸阻南山則夾渠二

田周嶺三苑九泉別澗五谷異巘北山二園

南山三苑杏壇榛園橘林栗園桃李多品梨

棗殊所枇杷林檎帶谷映階其綿亘遷迤包

絡上下可謂廣矣而今所可識惟東山爾

孔稚珪山園在山陰縣東三十里曰尚書鵬見太

平寰宇記所謂鳴者因稚珪之園以得名也

今園已不可見而尚書鵬仍存

賀知章放生池事具本傳知章始求周宮湖數頃

詔賜鏡湖剡川一曲耆舊謂今東城南望為

賀家湖疑即剡川也其極目浩渺光景澄澈

實東州佳觀云

嚴長史園林頗名於唐大歷中有聯句者六人其

宅詩云落木秦山近衡門鏡水通園詩云杖策山
橫綠野乘舟水入衡門皆維自句可以想見其處矣
方雄飛別墅在湖中其自爲詩云寒山壓鏡心此
處是家林今禹廟東有寒山或云即其故處
是時有袁秀才林亭雄飛相近數過之故云
經年此地爲吟侶早起尋君日暮迴也

皇甫秀才山亭孟東野嘗賦之其詩云晴湖瀉峯
鏡翠浪開萍蘚平聲往往唐人多因依鏡湖以
爲勝趣惜其不盡傳爾

小隱山園在郡城西南鏡湖中四面皆水舊名候
山晉孔愉嘗居焉皇祐中太守楊紘始與賓
從往遊遊而愜焉問其主王氏山何名對曰
有之非佳名也亭有名否則謝不敢迺使以
其圖來悉與之名山曰小隱之山堂曰小隱
之堂池曰瑟瑟之池命其亭曰勝奕亭曰志
歸亭曰湖光亭曰翠麓亭又有探幽徑擷芳
徑捫蘿磴百花頂山之外有鑑中亭倒影亭
皆楊公所自命名而通判軍州事錢公輔又
爲刻石記之後且百年浸廢弗理少師陸公
宰嘗得之以爲別墅作賦歸堂六友堂遐觀

堂秀發軒放龜臺蠟殺亭明秀亭柱頰亭撫
松亭會公改築之城之東隅今惟賦歸堂蠟
履亭存焉皆少師所扁也有盧賚元襄周秀
實芭題詩最傳於世

齊氏家園在城東少微山山甚小而近湖齊祖之
分司東歸遂家焉引流為沼藝花為圃山之
上下有芳華亭脩竹巖真珠泉石屋嘉遯亭
樵風亭禹穴閣應星亭東山亭釣閣其自為
家山十詠陶寫景物語尤閑遠今廢為神祠
無復舊觀惟釣閣故基猶略可識盡湖山登

覽之勝

古第宅

本朝會稽文獻相望然往往不營第宅如杜丞相陸
左丞顧內相陳中書方鼎貴時皆無尺椽之居傳給
事歸北海故廬以鵝換竹種之而已未嘗營葺李參
政罷政歸質新河小宅居之旋即棄去竟無一區所
以示後人簡儉之法至矣故今著于篇者槩古事也

虞國宅

漢日南太守虞國宅舊經云按輿地志餘姚縣西二
里有嶼山山南有虞國宅國在日南愛及民物出有

雙鴈隨軒秩滿還家鴈與偕至宅今為百官倉

孟嘗宅

漢合浦太守孟嘗宅在上虞縣南二十三步有孟宅橋又縣東一里有還珠門取合浦還珠之意

陳囂宅

漢太中大夫陳囂宅在今禮遜坊長慶寺竹園巷之間去會稽縣東二里所囂宅有大竹園至宋永徽中為寺猶號竹園寺初囂與紀伯為鄰伯竊囂藩地以自益囂見之不言益徙地與之伯慙懼亦歸所侵地其中乃為大路鴻嘉二年太守周君刻石旌表號曰義里長簷路至今鄉人猶號長簷街

江彪宅

江摠傳云摠於會稽龍華寺製修心賦云晉護軍將軍彪昔蒞此邦卜居山陰都陽里寺域則宅之舊基左江右湖面山背壑東西連跨南北紆縈寢處風雲憑棲水月太平寰宇記云郭北有江橋即彪所居之地按晉書江彪傳永和中華為護軍將軍出補會稽內史疑即彪也

孔車騎宅

孔愉初以討華軼功封餘不亭侯授車騎將軍及為會稽三年營山陰湖南侯山下數畝地為宅草屋數間便

棄官居之山初無名以愉來居故名侯山在縣西南四里
今為小隱山園別見

謝太傅宅

謝安本傳云安寓居會稽與王羲之及高陽許詢桑門
支遁遊處出則漁弋山水入則言詠屬文相傳以為今國
慶寺乃太傅舊居世說注引晉陽秋謝安石家於會稽
上虞縣優游山林六七年間徵召不至太傅居東山實
二十餘年此云六七年者乃太傅未出時也

許徵士宅

許詢父叟從元帝過江遷會稽內史因居焉詢隱居
不仕召為朝議郎不就常登永興縣西山築室其上
蕭然自致乃號其岫為蕭山東晉咸和六年捨山陰
永興二宅為寺穆帝時名山陰舊宅曰祇園

今為能仁寺

永興新宅曰崇化縣西南四十里有慈雲寺縣西九
十里有重興院皆詢嘗所居也舊經云郡國志云會
稽山南有許君宅又許君里在會稽縣清風坊按皇
甫冉詩云昔聞玄度宅門對會稽峯者謂山陰宅也
王勃山亭序云永興新郊許玄度之風月者謂永興宅也

謝車騎宅

酈道元水經云嶧山東北太康湖晉車騎將軍謝玄

舊居所在右濱長江左傍連山平陵脩通澄湖遠鏡於江曲起樓樓側悉是桐梓森聳可愛居民號為桐亭樓樓兩面臨江盡升眺之處蘆人漁子汎濫滿焉湖中築路東出趣山路甚平直山有三精舍高甍凌虛垂簷帶空俯眺平湖杳然在下水陸寧宴江有琵琶圻臨江有石床名釣魚臺

王右軍宅

王羲之宅在山陰縣東北六里舊傳戒珠寺是也舊經云羲之別業有養鵝池洗硯池題扇橋存焉今寺有右軍祠堂既謂之別業則疑宅不在是或云嵯縣

金度觀乃右軍舊宅嘗捨讀書樓為觀在縣東南七十二里孝嘉鄉今觀之東廡有右軍肖像及墨池養鵝池

王中令宅

王獻之宅在會稽縣南三十里舊經云晉義熙三年中書令王子敬居於此有五色祥雲見安帝詔建雲門寺

何驃騎宅

何充宅在會稽縣東南七十里充嘗為會稽內史居于此今福慶寺乃其舊宅云

郭偉宅

晉驃騎大將軍郭偉宅在會稽縣東南三里五十步

大禹跡寺是也今尚為壯刹餘地亦廣可想見當時園第之盛

謝敷宅

謝敷宅在會稽縣五雲門外一里所或云在雲門寺東與何太祖廟諱宅相近故唐僧靈一詩云春山子敬宅古木謝敷家又宋考功雲門詩云樵徑謝村北學井何巖東是也

戴安道宅

戴公舊居剡中郝超每聞欲高尚隱退者輒為辦百萬資并為造立居宇在剡為戴起宅甚精整戴始往舊居與所親書曰近至剡如官舍事見世說

謝康樂宅

宋謝靈運宅在始寧山中與太傅宅當不甚遠靈運本傳云父祖並葬始寧有故宅及墅遂移籍會稽脩營別業傍山帶江盡幽居之美作山居賦以自見

孔稚珪宅

宋衡陽王蕭鈞傳云孔稚珪家起園列植桐柳多營山泉殆窮真趣又本傳云稚珪不樂世務居宅盛營山水憑几獨酌僕無雜事門庭之內草萊不翦

江文通宅

梁金紫光祿大夫江淹宅太平寰宇記云江君里在
招賢坊又蕭山縣東北一百三十步有江淹故宅今
爲覺苑寺寺前有夢筆驛亦以文通得名按文通城
中已有宅此殆別墅也

賀季真宅

唐賀祕監宅在會稽縣東北三里八十步知章晚自
號四明狂客天寶初請爲道士還鄉里詔許之以宅
爲千秋觀又求周宮湖剡川一曲宅今天長觀是

張玄真宅

玄真子張志和隱居在郡之東郭茨以生草椽
加斤斧唐大曆中觀察使陳少游往見爲終日留表
其居曰玄真坊以門隘爲買地大其閔號曰回車巷
其初門阻流水無梁少游爲營之郡人號曰大夫橋

徐浩宅

徐浩宅在會稽縣五雲橋之東髣髴有遺趾存溪山
竒麗過者猶屬目焉

嚴維宅

嚴長史宅大曆中鄭槩裴冕等聯句賦詩與長史凡
六人長史名維以詩著稱其自句云落木秦山近衡
門鏡水通又皇甫冉宿長史冕詩亦云昔聞玄度宅

門對會稽峰君住東湖上清風繼舊蹤以詩攷之可想見其處也

施肩吾宅

施肩吾宅在山陰唐真人施君肩吾之故居也陳文惠公詩云幽居正想滄霞容夜久月寒珠露滴千年獨鶴兩三聲飛下巖前一株栢

趙處士宅

本朝趙處士宅在會稽縣東南照水坊華鎮云趙萬宗字仲淵養素丘壑德名上聞祥符中被召不赴獻跋鼈傳以自諭求爲道士即其宅賜羽衣以遂其志養鶴名丹砂嘗有

金庭觀投韻以進此瓢以進

神女墨漢王朗爲會稽太守其子肅隨在郡住東齋中夜有女子從地中出自稱越王女與肅語盡夕將曉辭別贈墨一九是時肅方注周易多有凝滯旦用此墨便覺才思開敏

石船石帆鐵履鐵屐郡國志塗山有石船長一丈云禹所乘者十道四蕃志聖姑從海中乘石舟張石兜帆至此遂立廟廟中有石船船側掘得鐵履一量寰宇記宋元嘉中有人於石船側掘得鐵履一雙會稽記云東海聖姑乘

石船張石帆至二物見在廟中蓋江北禹廟也

罇于寰宇記聖姑祠又有周時樂器名罇于銅為之形似鍾而有頸映水用芒莖拂之則鳴

古珪青玉印寰宇記宋武修塗山禹廟得古珪梁初又得青玉印

白璧十道四蕃志宋孝武使任延修禹廟土中得白璧三十餘枚明知萬國所執梁初治廟穿得碎珪及璧百餘片

金壘晉太康中上虞壘并得之井在縣南一里入詩云斗懸金印心難動屏列春山眼暫開蓋曰述也古噐物

五寶劍二曰純鈞二曰湛盧三曰勝邪四曰魚腸五曰巨闕越絕云昔越王勾踐有寶劍五間於天下今越有鑄浦上竈下竈劍翁嶺說者以為皆越王鑄劍之地

古銅罌舊經云在州南三里輿地志云勾踐所藏晉太元中謝翰為郡守掘郡廳柱下深八尺得古銅罌可容數斗題作越王字文甚分明是今隸書餘不可識翰以為范蠡馱勝之術

遂埋之今不識其處

御史床寰宇記云在州東四里虞翻為吳長沙

欽宗廟諱

王禮待特設此床以表賢客翻仕漢至御史
梁元帝玄覽賦云御史之床猶在都護之門
不修舊經五官省相傳有虞翻床

黃閣銅漏舊經云黃閣有銅漏古制甚精王羲之

書陸機漏賦鐫刻於上歷代以為寶今不復

存

雷鼓輿地志云勾踐應門之上有大鼓名之為雷

鼓以威於龍也寰宇記吳作蛇門有蛇象而龍肉會稽記曰

雷門上有大鼓圍二丈八尺聲聞洛陽孫恩

之亂軍人斫破有雙白鶴飛出後不鳴湘洲

記云泉陵山有大石鼓云昔神鶴飛入會稽

雷門中鼓因大鳴漢書王尊曰母持布鼓過

雷門

會稽微命鍾晉書郭璞傳元帝為晉王使璞筮遇

豫之睽璞曰會稽當出鍾以告成功上有勒

銘應在人家井泥中得之繇辭所謂先王以

作樂崇德殷薦之上帝者也及帝即位太興

初會稽剡縣人果於井中得一鍾長七寸二

分口徑四寸半上有古文奇書十八字云會稽徽命餘字時人莫識璞曰蓋王者之作必有靈符塞天人之心與神物合契然後可以言受命矣觀五鐸啓號於晉陵棧鍾告成於會稽瑞不失類出皆以方豈不偉哉

柯亭笛蔡邕避難柯亭仰見椽竹知有奇音取之作笛

許承瓢真誥曰上虞吳曇拔得許承一瓢贈褚伯玉伯玉士後留付弟子朱僧標歷代寶之可受一斛唐先天二年勅女真道士王妙行詣

金庭觀投龍因持此瓢以進

神女墨漢王朗為會稽太守其子肅隨在郡住夏齋中夜有女子從地中出自稱越王女與肅語盡夕將曉辭別贈墨一九是時肅方注周易多有凝滯且用此墨便覺才思開敏

石船石帆鐵履鐵屐郡國志塗山有石船長一丈云禹所乘者十道四蕃志聖姑從海中乘石舟張石兜帆至此遂立廟廟中有石船船側掘得鐵履一量寰宇記宋元嘉中有人於石船側掘得鐵履一雙會稽記云東海聖姑乘

石船張石帆至二物見在廟中蓋江北禹廟也

罇于寰宇記聖姑祠又有周時樂器名罇于銅爲之形似鍾而有頸映水用芒莖拂之則鳴

古珪青玉印寰宇記宋武修塗山禹廟得古珪梁初又得青玉印

白璧十道四蕃志宋孝武使任延修禹廟土中得白璧三十餘枚明知萬國所執梁初治廟穿得碎珪及璧百餘片

金壘晉太康中上虞鑿井得之井在縣南一里

天慶觀東廡

驅山鐸唐人於越溪獲鐸以問僧一行荅云此奏始皇驅山鐸也

禹劔在禹祠殿几世言禹之所服寸刃出於鞠外瑩無鏽澁而牢不可引孫冕詩云水劔還難問梅梁亦可疑錢侗詩云塵埃共鑱梅梁在星斗仍分劔韞存

禹珪璋璧珮紹興未得之廟殿前土中去土面財三二尺今在告成觀珪二璋璧各一珮三觀者多疑非古物或謂後世以奉神者其說近

之

漏鼎漏壺漏盤漏權漏鉦太守翟公汝文所製各有銘公之子大宗正丞耆年作鼎篆筆力奇古鼎云公巽父作牧命工浩範金作鼎于觀肆命壺氏司漏時若昏明惟茲邦永用寶其無斃壺云惟建炎戊申三月癸丑公巽友作壺審漏節其永保盤云公巽父作埭司漏節其永保權云公巽父作金漏用衡石其永寶鉦云建炎戊申六月癸亥作鉦永寶

乾道中上臯耕者得古埭有文曰五鳳元年三月造以獻府牧洪文惠公文惠命鑄以為硯置案間意甚愛之然所著隸釋隸續皆不載豈以其篆體非隸字耶

淳熙癸卯歲三山陸氏鑿渠泄水得古埭有銘曰永安五年七月四日造作又一埭曰太康十年七月造蓋吳及西晉物也今藏陸氏

漏澤園

漏澤園在縣南七里初崇寧三年二月有

詔收葬枯骨凡寺觀旅櫬二十年無親屬及死人之不知姓名及乞丐或遺骸暴露者令州縣命僧主之

擇高原不毛之土收葬名漏澤園周以墻柵庇以土
地所宜易生之木人給地八尺方塹二刻元寄之所
知月日鄉里姓名者併刻之暴露者官給轉葬日給
寓鏹及祭奠酒食墓上立峰有子孫親屬而願葬園
中者許之給地九尺已葬而願改葬他所者亦聽禁
無故輒入及畜牧者又立法郡縣官違戾者弛慢者
失檢察者皆置之法久之有司奉行頗過至有分爲
三園良賤有別又葬日及歲時設齋醮置吏卒護視
守園僧以所葬多爲最得度牒及紫衣遂有析骸以
應數者久之始 詔裁損自軍興多故遂益弛中

以來郡縣或自以意廣

朝廷惠澤至今爲利建炎初翟叅政

汝文

爲守時亦

收四郊暴骨葬園中知山陰縣王朝議

鑄

主之得骸

千計內有異骨二皆相鈎連自頂至踵無分寸脫落

釋氏謂之鑠子骨是也亦可異矣與漏澤同時又有

居養院以惠養鰥寡孤獨安濟坊以濟疾病立法皆

甚備居養院最侈至有爲屋三十間者初遇寒惟給

紙衣及薪久之冬爲火室給炭夏爲涼棚什器飾以

金漆茵被悉用氈帛婦人小兒置女使及乳母有司

先給居養安濟等用度而兵食願在其後安濟坊徧

遣諸醫療視月給俸上醫憚行乃共雇一俚醫之無
賴者冒名以往多給庫錢治藥吏肆爲姦官稍檢校
則監司走馬使者輒以沮敗德政刺劾死於安濟者
相踵則又釣竒言端坐而化自言莫報
上恩於是有封處士者婦人封邑號者已而四方爭
上其事

朝廷悟其欺一切不報居養院人有與編民及卒伍
訟雖理曲皆得直去人甚苦之至宣和初

徽宗皇帝察其弊乃 詔居養安濟漏澤之法本以
施惠困窮有司奉行失當資給過厚常平所入
能支窮民飽食煖衣猶有餘時而軍旅之士瘴食不
繼或致逋逃四方甚非爲政之道可裁立中制自是
居養安濟之法寔廢不舉

紹熙五年少監李公 大性 來爲提舉浙東常平

於會稽鎮塢山陰洄湧塘傍各置義冢會稽尉
徐次鐸撰記大略云越之流風凡民有喪即議
僑寄棺柩所積夙號墓園連歲不登繼以癘疫
而民不免於死亡公奉 命東來一意全活饑

者振之以粟病者起之以藥死者遺之以棺荒
政舉行畢力無倦復有意於埋齒掩骼之舉命

次鐸走近郊枚數寄棺凡三千餘下令申飭曉
告使人人知有送死之義且曰其有徇浮圖火
化者助之緡錢姑從其私乃若無力歸藏請于
官給所費規畫已定復命次鐸度地得二所其
一鎮塢廣四十畝又其一洄湧塘傍十餘畝由
是義冢之規立矣兩隅分峙男女以辨繚以周
墻封其四圍畫圖傳籍備錄分藏閭里姓氏次
第刻著申命緡黃以視墓室丘封廣列尚爲後
圖庶幾有以繼於此也自慶元改元夏沆于冬
十月野處之棺官爲覆藏者凡千二百九十有
三據籍可攷至是澤及枯骨矣自今不燼於原
不淪於川不暴於野是則公拳拳之志也

會稽志卷第十四



人物



會稽自漢魏晉唐衣冠人物最盛五代之亂錢氏有
國私置丞相以下官惟此邦人士耻之多自抑退無
爲其國顯仕者至

宋興始相繼而起今取漢以來公卿大夫略掇其事
于篇其訪求未備者尚俟它日

漢鄭吉會稽人以從軍爲郎吉爲人疆執習外國
事宣帝時吉以侍郎田渠黎積穀因發諸國
兵攻破車師遷衛司馬使護鄯善以西南道

神爵乖匈奴乖亂日逐王先賢揮欲降漢使人與吉相聞吉發渠黎龜茲諸國五萬人迎日逐王口萬二千人小王將十二人隨吉詣京師漢封日逐王爲歸德侯吉旣破車師降日逐威震西域遂并護車師以西北道故號都護都護之置自吉始焉上嘉其功效廼下詔封吉爲安遠侯食邑千戶吉於是中西域而立莫府治烏壘城漢之號令班西域矣始自張騫而成於鄭吉語在西域傳

嚴光字子陵一名遵會稽餘姚人少有高名與光

武同遊學及光武即位光乃變名姓隱身不見帝思其賢乃令以物色訪之後齊國上言有一男子披羊裘釣澤中帝疑其光乃備安車玄纁遣使聘之三反而後至車駕即日幸其館光臥不起帝即其臥所撫光腹曰咄咄子陵不可相助爲理邪光眠不應良久乃張目熟視曰昔唐堯著德巢父洗耳士故有志何至相迫乎帝曰子陵我竟不能下汝邪於是升輿嘆息而去復引光入論道舊故相對累日帝從容問光曰朕何如昔時對曰陛下

差增於往因共偃臥光以足加帝腹上明日
太史奏客星犯御坐甚急帝笑曰朕故人嚴
子陵共臥耳除為諫議大夫不屈乃耕於富
春山後人名其釣處為嚴子陵瀨焉嚴當作莊
賀純字仲真會稽山陰人少為諸生博極羣藝十
辟公府三舉賢良方正五徵皆不就復徵拜
議郎數陳災異上便宜數百事多見省納遷
江一太守永和中李固上疏曰陛下初登大
位聘會稽賀純策書嗟嘆待以大夫之位是
以巖穴幽人智術之士彈冠振衣樂欲為用

四海欣然歸服聖德

鍾離意字子阿會稽山陰人舉孝廉辟大司農府
徵為尚書時交阯太守張恢坐臧千金誅班
賜羣臣意得珠璣而不拜賜帝問其故對曰
此臧穢之寶誠不敢拜帝嗟嘆曰清平尚書
之言乃更以庫錢賜意轉尚書僕射車駕數
幸廣成苑意以為從禽廢政當車陳諫天子
即時還宮永平中夏旱大起北宮意詣闕免
冠上疏帝性褊察好以耳目隱發為明朝廷
爭為嚴切以避誅責唯意獨敢諫爭數封

詔書臣下過失輒救解之出為魯相以愛利
為化

王充字仲任會稽上虞人少孤鄉里稱孝後受業
太學師事扶風班彪好博覽而不守章句家
貧無書常游洛陽市肆閱所賣書一見輒能
誦憶遂博通衆流百家之言後歸鄉里屏居
教授仕郡為功曹以數諫爭不合去乃閉門
潛思絕慶弔之禮著論衡八十五篇二十餘
萬言蔡邕入吳始得之恒祕以為談助王朗
為會稽守又得其書許下稱其才進或曰不
見異人當得異書又時嫌蔡邕得異書或搜
求其帳中果得論衡抱數卷去邕丁寧曰唯
我與爾共之

孟嘗字伯周會稽上虞人其先三世為郡吏並伏
節死難少脩操行仕郡為戶曹史有寡婦至
孝養姑姑壽終夫女弟先懷嫌忌乃誣婦死
其母嘗言其枉狀太守不為理嘗謝病去婦
竟寃死自是郡中連旱二年後太守殷舟問
故嘗曰昔東海孝婦感天致旱于公一言甘
澤時降宜戮訟者以謝寃魂丹從之即刑訟

女而祭婦墓天應澍雨後策孝廉遷合浦太守郡海出珠宰守採求不知紀極珠漸徙交趾郡界於是行旅不至嘗革易前敝去珠復還被徵吏民攀車請之不得進乃夜遁去隱處窮澤士民慕其德就居止者百餘家栢帝時尚書同郡楊喬上書薦嘗安仁弘義耽樂道德清行出俗能幹絕羣而嘗單身謝病躬耕壟次匿景藏采不揚華藻沈淪草莽好爵莫及廊廟之寶弃於溝渠竟不見用卒于家

魏朗字少英會稽上虞人爲兄報讎亡命陳國從

博士卻仲信學春秋圖緯又詣太學受五經京師長者李膺之徒爭從之初辟司徒府遷彭城令時中官子弟爲國相多行非法朗與更相奏幸臣忿疾欲中之會九真賊起乃共薦朗爲九真都尉到官弊厲吏兵討破羣賊斬首二千級桓帝美其功徵拜議郎遷尚書屢陳便宜有所補益出爲河內太守政稱三河表會被黨議免朗性矜嚴閉門整法度家人不見墮容以黨事急徵自殺著書數篇號

魏子

董昌字聖真會稽餘姚人本出孤微居近學官數見諸生修庠序之禮遂就經學又曉習文法仕郡為決曹刺史行部見昌甚竒之辟從事後拜宛令政尚嚴猛好發姦伏皆稱神明遷蜀太守訟者七百餘人悉為斷理宿惡大姦皆奔走它境後補大司農左轉太中大夫

鄭弘字巨君會稽山陰人弘少為鄉嗇夫太守第五倫竒之召署督郵舉孝廉弘師同郡河東太守焦贛楚王英謀反發覺引贛贛被收道亡妻子繫詔獄諸生故人皆變名姓以逃其

禍弘獨髡頭負鈇鎖詣闕上章為贛訟罪顯宗赦其家弘躬送贛喪及妻子還鄉里拜駟令累遷尚書令弘前後所陳有補益王政者皆著之南官以為故事出為平原相徵拜侍中遷大司農為太尉奏尚書張林阿附侍中竇憲而素行臧穢又上洛陽令楊光憲之賓客在官貪殘並不宜處位憲奏弘大臣漏泄密事帝詰讓弘收上印綬弘自詣廷尉詔敕出之乞骸骨歸未許病篤上書陳謝并言竇憲之短帝省章遣醫占弘病臨歿悉還賜物

敕妻子褐巾布衣素棺殯殮以還鄉里

朱雋字公偉會稽上虞人以孝養致名鄉閭敬之舉孝廉除蘭陵令政有異能平交趾賊封都亭侯討潁川南陳國黃巾賊悉破平之遣使持節拜右車騎將軍振旅還京師爲光祿大夫封錢塘侯關東兵起董卓議移都雋輒止卓卓雖憚之然貪其名重乃表拜太僕以自副雋被召不肯受拜因進曰國不宜遷必孤天下望成山東之結臣不見其可也有司詰曰召君受拜而君拒之不問徙事而君陳之何也雋曰副相國非臣所堪也遷都非計臣之所急也辭所不堪進臣所急臣之所宜也有司曰遷都之事初無此計也就有未露何所受聞雋曰相國董卓爲臣說之臣聞之於相國有司不能屈朝廷稱服焉後爲太尉李傕郭汜相攻劫質天子公卿雋性剛即發病而卒

盛憲字孝章會稽人舉孝廉補尚書郎稍遷吳郡太守以疾去官孫策平定吳會誅其英豪憲素有高名策深忌之初憲與少府孔融善

融憂其不免禍乃與曹公書曰歲月不居時節如流五十之年忽焉已至公為始滿融又過二海內知識零落殆盡惟會稽盛孝章尚存其人困於孫氏妻孥湮沒單子獨立孤危愁苦若使憂能傷人此子不得復永年矣春秋傳曰諸侯有相滅亡者欽宗廟諱公不能救則

欽宗廟諱公耻之今孝章實丈夫之雄也天下譚士依以揚聲而身不免於幽執命不期於旦夕是吾祖不當復論損益之友而朱穆所以絕交也公誠能馳一介之使加咫尺之書則

孝章可致友道可弘也今之少年喜謗前書

或能譏平皮柄反孝章孝章要為有天下大名

九牧之民所共稱嘆燕君市駿馬之骨非欲以騁道里乃當以招絕足也惟公臣復漢室宗社將絕又能正之正之之術實須得賢珠玉無脛而自至者以人好之也况賢者之有足乎昭王築臺以尊郭隗隗雖小才而逢大遇竟能發明主之至心故樂毅自魏往劇辛自趙往鄉衍自齊往嚮使郭隗倒縣而王不解臨溺而王不拯則士亦將高翔遠引莫有

北首燕路者矣凡所稱引自公所知而復有
去者欲公崇篤斯義也因表不悉由是徵爲
騎都尉制命未至爲策所害

吳賀齊字公苗會稽山陰人守剡長縣吏斯從輕俠
爲姦齊立斬之後太末豐浦民反轉守太末
長誅惡養善期月盡平領都尉事齊按兵建
安立都尉府發屬縣兵受齊節度斬賊帥洪
明等凡六千級名帥盡禽拜平東校尉遷威
武中郎將討黠歛賊有功爲新都郡太守加
偏將軍吳郡餘杭賊起齊討破之豫章東部
賊起衆萬餘人齊誅其首惡遷奮武將軍從
權征合肥權爲張遼掩襲幾至危殆齊率兵
迎權涕泣言曰今日之事幾致禍敗願以此
爲終身誠權自前收其淚曰大慙謹以剡心
非但書諸紳也鄱陽尤突受曹公印綬爲賊
陵陽始安涇縣皆應齊與陸遜討破降之封
山陰侯累遷後將軍假節領徐州牧

丁覽字孝連山陰人清身立行用意不苟推財從
弟以義讓稱仕郡至功曹守始平長爲人精
微潔淨門無雜賓孫權深貴待之未及擢用

會病卒甚見痛借珠其門戶覽子固字子賤
在襁褓中闕澤見而異之曰此兒後必至公
輔固少喪父獨與母居家貧守約色養致敬
族弟孤弱與同寒溫虞翻與固同僚書曰丁
子賤塞淵好德堂高宗廟諱克舉令德之後惟此
君嘉耳歷顯位孫皓即位遷司徒皓悼虐固
與陸凱孟宗同心憂國年七十六卒

朱育山陰人少好奇字凡所特達依體像類造作
異字千名以上仕郡門下書佐與太守濮陽
興問對行於世育後仕朝常在臺閣爲東觀

今遥拜清河太守加位侍中推刺占射文藝
多通

虞汜字世洪翻第四子生南海父率還鄉里永安
初爲散騎中常侍孫綝廢幼主迎立琅邪王
休休未至綝欲入宮圖爲不軌召百官會議
皆惶怖失色唯唯汜對曰明公爲國伊周處
將相之任擅廢立之威將上安宗廟下惠百
姓大小踴躍自以伊霍復見今迎王未至而
欲入宮如是羣下搖蕩衆聽疑惑非所以永
終忠孝揚名後世也綝不懌竟立休以討扶

嚴功拜交州刺史冠軍將軍餘姚侯

虞忠字世方翻第五子貞固幹事好識人物造吳郡陸機於童齒之年稱上虞魏遷於無名之初終皆遠致為著聞之士交同縣王岐於孤宦之族仕進先至立都太守忠乃代之晉征吳忠與夷道監陸晏晏弟中夏督景堅守不下城潰被害

鍾離牧字子幹會稽山陰人漢魯相意七世孫少

與同郡謝贇吳郡顧譚齊名爰居永興躬自墾田稻熟縣民有識認之牧遂以與民縣長

聞之召民繫獄為之請長曰君慕承官自行義事僕為民主何得寢公憲而從君邪牧曰今以少稻而殺此民何心復留裝還山陰長為釋之民慙懼率妻子春稻得米送還牧牧閉門不受翰置道旁莫有取者從郎中補太子輔義都尉遷南海太守後以前將軍假節領武陵太守卒官家無餘財士民思之始興太守羊銜與太常滕太祖廟諱書曰鍾離子幹吾昔知之不熟定見其在南海威恩都伍智勇分明加操行清純有古人之風其見貴如

此

晉賀循字孝先會稽人父邵字興伯孫皓時仕至
中書令領太子太傅皓兇暴驕矜政事日弊
邵上疏諫皓深恨之邵奉公貞正親近所憚
乃共譖邵後竟見殺循丁家禍流放海濱吳
平乃還鄉里節操高厲童齒不羣言行舉動
必以禮讓好學博聞尤善三禮舉秀才除陽
羨武康令顧榮陸機陸雲表薦循久之召為
太子舍人除吳國內史不就元皇帝為晉王
以循為中書令固讓不受轉太常領太子太
傅時朝廷初建動有疑議宗廟制度皆循所
定朝野諮詢為一時儒宗諸所著論並傳於
世

孔愉字敬康會稽山陰人與同郡張茂偉康一潭
世康齊名時人號曰會稽三康建興初召為
丞相掾仍參丞相軍事以討華軼功封餘不
亭侯元帝為晉王使長兼中書郎于時刁協
劉隗用事王導頗見踈遠愉陳導忠賢有佐
命之勲由是不合旨出為司徒左長史累遷
侍中太常蘇峻反愉朝服守宗廟陵平愉往

石頭詣温嶠嶠執手流涕曰天下喪亂忠孝道廢能持古人之節歲寒不凋者唯君一人耳三遷尚書左僕射後以論議守正爲道所銜累乞骸骨不許出爲會稽內史在郡三年乃營山陰湖南侯山下數畝地爲宅草屋數間便棄官居之卒謚曰貞

虞潭字思奧會稽餘姚人翻之孫也清貞有檢操周旋征討賜爵都亭東鄉侯元帝時爲宗正卿以疾告歸會王含沈亮等攻逼京都潭於本縣招合宗人及郡中大姓共起義兵萬數

進赴國難至上虞明帝手詔潭爲冠軍將軍領會稽內史潭即受命義衆雲集遣前鋒過浙江追躡而自次西陵爲後繼會充已擒罷兵徵拜尚書成帝即位以討亮功進爵零陵縣侯蘇峻反督三吳晉陵宣城義興五郡軍事與郗鑒王舒協同義舉陶侃假潭節監揚州浙江西軍率衆并勢東西掎角峻平轉鎮東將軍吳國內史軍荒饑饉潭出倉米振拯又脩滬瀆以防海抄百姓賴之

丁潭字世康會稽山陰人元帝時爲尚書祠部郎

琅邪王哀始受封帝欲引朝賢爲其國上卿
將用潭以問賀循循曰郎中令職望清重實
宜審授潭清淳貞粹聖明所簡才實宜之成
帝時爲散騎常侍蘇峻作亂帝蒙塵於石頭
惟潭及鍾雅劉超等隨從不離帝側峻誅賜
爵永安伯累遷左光祿祭酒康帝即位乞骸
骨詔以光祿還第卒謚曰簡

虞喜字仲寧會稽餘姚人少立操行博學好古郡
察孝廉舉秀才司徒辟公車徵拜博士皆不
就邑人賀循爲司空先達貴顯每詣喜信宿

忘歸自云不能測也太寧中以博士徵復下
詔徵皆不行太常華歆舉賢良會國有軍事
咸康初內史何充上疏曰臣聞二八舉而四
門穆十亂用而天下安伏見前賢良虞喜天
挺貞素高尚邈世束脩立德皓首不倦加以
傍綜廣探博聞強識高枕柴門怡然自足宜
使蒲輪紆衡以旌殊操詔曰潯陽翟湯會稽
虞喜耽學守道操擬古人往雖徵命而不降
屈政道須賢宜納諸廊廟其並以散騎常侍
徵又不起有司議祧廟不能決朝廷遣使就

諮訪焉

虞預字叔寧徵士喜之弟也少好學有文章太守
庾琛紀贍並以為主簿轉功曹史察孝廉不
行諸葛恢庾亮等薦預召為行參軍除著作
佐郎大興中以寇賊未平上疏論為防之術
宜得良將因言壽春無鎮祖逖孤立前有勁
虜後無係援宜加獎厲使不顧命累遷散騎
常侍領著作以老歸預雅好經史增疾玄虛
其論阮籍裸袒比之伊川被髮所以胡虜遍
中國過於衰周之時著晉書會稽典錄
行於世詩賦碑誄論難數十篇

虞驥字思行潭之兄子也機幹不及於潭而素行
過之歷吳興太守金紫光祿大夫王導常謂
驥曰孔愉有公才而無公望丁潭有公望而
無公才兼之者其在卿乎官未達而喪時人
惜之

孔羣字敬休有智局志尚不羈蘇峻入石頭時

太祖廟諱

術有寵於峻羣與從兄愉同行於橫塘遇之
愉止與語羣初不視術術怒欲刃之愉下車
抱術曰吾弟發狂卿為我宥之乃免峻平王

導保存術嘗因衆坐令術勸羣酒以釋憾羣
荅曰羣非孔子厄同太祖廟諱人雖陽和布氣鷹化
爲鳩至於識者猶憎其目導有愧色仕至中
丞嘗與親舊書云今年田得七百石秣米不
足了麴蘖事

孔坦字君平愉從子也祖冲丹揚太守父侃大司
農坦少方直有雅望善左氏傳解屬文元帝
爲晉王以坦爲世子文學東宮建補太子舍
人遷尚書郎歸會稽父之除領軍司馬未赴
召會王敦反與右衛將軍虞潭俱在會稽起
義而討沈充遷尚書左丞吳興太守封晉安
男加建威將軍卒贈光祿勳謚曰簡

孔嚴字彭祖少仕州郡歷司徒掾尚書殿中郎殷

浩臨揚州請爲別駕遷尚書左丞朝廷崇樹
浩以抗擬欽宗廟諱温温深以不平浩又引接荒

人謀立功於閩外嚴言於浩曰當今時事難
難可謂百六之運而處任者所至不同所見
各異人口云云無所不至頃未天時人情良
可寒心願深思廉蔭屈申之道平勃相和之
義又觀頃日降附之徒人面獸心貪而無親

難以義感浩深納之哀帝時以侯領尚書多
所太祖益拜吳興太守善於牧守甚得人和
又甄賞才能之士論者美焉

孔汪字德澤愉之子好學有志行孝武帝時位至
侍中時茹千秋以佞媚見幸於會稽王道子
汪屢言之於帝帝不納遷尚書太常卿以不
合意求出為假節都督交廣二州諸軍事征
虜將軍平越中郎將廣州刺史甚有政績為
嶺表所稱

孔安國字安國愉之子羣從唯安國與汪少厲孤
貧之操汪既以直亮稱安國亦以儒素顯
武帝時甚蒙禮遇仕歷侍中太常再為會稽
內史領軍將軍安帝隆安中下詔曰領軍將
軍孔安國貞慎清正出內播譽可以本官領
東海王師必能導達津梁依仁游藝後歷尚
書左右僕射

孔沉字德度有美名何充薦沉於王導曰文思通
敏宜登宰門辟丞相司徒掾琅邪王文學並
不就從兄坦以裘遺之辭不受坦曰晏平仲
儉祀其先人豚肩不掩豆猶狐裘數十年卿

復何辭於是受而服之是時沉與魏顓虞球
虞存謝奉並爲四族之雋沉子厥位至吳興
太守廷尉厥子琳之以草書擅名又爲吳興
太守侍中

謝奉字弘道會稽山陰人祖端散騎常侍父鳳丞

相主簿奉歷安南將軍廣州刺史吏部尚書

後免官還東謝安赴欽宗廟諱公司馬出西相遇

破岡旣當遠別遂停三日共語安欲慰其失

官奉輒引以它端雖信宿中涂竟不言及此

事安深恨在心未盡謂同舟曰謝奉故是奇

士奉弟聘字弘遠歷侍中廷尉卿同郡孔嚴

字彭祖有才學簡文帝嘗曰謝安南清令不

如其弟學義不及孔嚴居然自勝

謝安字安石少有重名初辟司徒府又除著作郎

並以疾辭寓居會稽與王羲之及高陽許詢

桑門支遁游處出則漁弋山水入則言詠屬

文無處世意揚州刺史庾冰以安有重名必

欲致之不得已赴召月餘告歸復除尚書郎

琅邪王友並不起吏部尚書范汪舉安爲吏

部郎安以書拒絕之有司奏安被召歷年不

至禁錮終身遂接遲東土安弟萬爲西中郎
將揔藩任之重安雖處衡門其名猶出萬之
右自然有公輔之望及萬黜廢安始有仕進
志時年已四十餘矣征西大將軍欽宗廟諱溫請
爲司馬溫與言生平懽笑竟日旣出溫問左
右頗嘗見我有如此客不徵拜侍中遷吏部
尚書中護軍簡文帝疾篤溫上疏薦安宜受
顧命詔安揔中書事明帝始親萬機進安中
書驃騎將軍錄尚書事符堅敗以揔統功進
拜太保安雖受朝寄然東山之志始末不渝

每形於言色及鎮新城盡室而行造汎海之
裝欲須經略粗定自江道還東雅志未就而
卒

謝玄字幼度與從兄朗俱爲叔父安所器重欽宗廟諱

溫辟爲掾轉征西將軍符堅入寇朝廷求文

武良將安以玄應舉郗超嘆曰玄必不負所

舉吾嘗見其使才雖履屐間亦得其任於是

徵拜建武將軍監江北諸軍事大破符堅遂

經略舊都充青司豫平加玄都督徐充青司

冀幽并七州軍事會翟遼張願反叛玄上疏

送節盡求解所職又以疾疢移鎮東陽轉授散騎常侍左將軍會稽內史玄旣輿疾之郡卒葬於始寧初玄移鎮東陽於道疾篤上疏曰臣以常人忽蒙殊遇由恩厚忘軀甘死若生冀憑皇威以塵露報恩然後從亡叔臣安退身東山以道養壽豈謂經略不振自貽斯戾是以奉送章節待罪有司先疾旣動便至委頓謹遣兼長史劉濟重奉送節蓋章傳伏願矜其所訴勿令微臣銜恨泉壤表十餘上寢不報

王羲之字逸少司徒導之從子也少有美譽朝廷公卿皆愛其才器爲右軍將軍會稽內史羲之雅好服食養性不樂在京師初渡浙江便有終焉之志會稽有佳山水名士多居之謝安未仕時亦居焉孫綽李充許詢支遁等皆以文義冠世並築室東土與羲之同好嘗與同志宴集於會稽山陰之蘭亭羲之自爲之序以申其志稱病去郡於父母墓前自誓不仕羲之旣去官與東土人士盡山水之遊弋釣爲娛又與道士許邁共修服食採藥石不

遠千里徧游東中諸郡窮諸名山泛滄海嘆
曰我卒當以樂死羲之既優游無事與吏部
郎謝萬書曰古之辭世者或被髮陽狂或汚
身穢迹可謂難矣今僕坐而獲逸遂其宿心
其為慶幸豈非天賜頃東游還脩植桑果今
盛敷榮率諸子抱弱孫游觀其間有一味之
甘割而分之以娛目前雖植德無殊邈猶欲
教養子孫以敦厚退讓或有輕薄庶令舉策
數馬仿佛萬石之風君謂此何如比當與安石
東游山海斥行田視地利願養閑暇衣食之
餘欲與親知時共懽讌雖不能興言高詠街
杯引滿語田里所行故以為撫掌之資其為
得意可勝言耶常依依陸賈班嗣楊王孫之
處世甚欲希風數子老夫志願盡於此也

王徽之字子猷羲之第三子性卓犖不羈為大司

馬

猷宗

温叅軍又為車騎

猷宗

冲騎兵參軍

嘗居山陰夜雪初霽月色清朗四望皓然獨
酌酒詠左思招隱詩忽憶戴逵逵時在剡便
夜乘小舟詢之經宿方至造門不前而反人
問其故徽之曰本乘興而行興盡而返何必

見安道邪後為黃門侍郎棄官東歸

王獻之字子敬少有盛名而高邁不羈雖閑居終

日容止不怠風流為一時之冠工草隸善丹

青七八歲時學書羲之密從後掣其筆不得

嘆曰此兒後當復有大名獻之嘗從山陰道

上行語人曰山川自相映發使人應接不暇

若秋冬之際尤難為懷仕至中書令謚曰憲

宋孫處字季高會稽永興人以字行武帝征孫恩

季高樂從及平建鄴封新畚縣五等侯盧循

之難武帝謂季高曰此賊行破非卿不能傾

其巢窟季高率眾三千汎海襲畚禺拔之循

父嘏長史孫建之等輕舟奔始興季高分遣

振武將軍沈田子等討平始興及南康臨賀

始安嶺表諸郡循於左里奔還襲廣州季高

又破走之卒追贈南海太守封侯官縣侯武

帝念季高功表稱所贈未優重贈交州刺史

孔琳之字彥琳山陰人強正有志力

欽宗廟諱 玄輔政

為太尉以為西閤祭酒玄議欲廢錢用穀帛

又議復肉刑琳議以為宜且依舊玄好人附

悅而琳之不能順旨是以不見知宋永初中

爲御史中丞奏勅尚書令徐羨之虧違與憲羨之領揚州刺史弟璩之爲其中從事羨之使解釋琳之琳之不許曰我觸忤宰相政當罪止一身汝少不應從坐自是百寮震肅莫敢犯禁武帝其嘉之行經蘭臺親臨幸焉

虞愿字士恭會稽餘姚人元嘉中爲湘東王國常侍及明帝立以愿儒吏學涉兼蕃國舊恩意遇甚厚除太常丞遷通直散騎侍郎帝以故宅起湘宮寺極奢侈新安太守巢尚之罷郡還見帝帝曰卿至湘宮寺未朕起此寺是大功德愿在側曰陛下起寺百姓賣兒鬻南婦何謂功德帝大怒使人馳曳下殿愿徐去無異容帝好園基甚甚拙與第一品王抗對奕抗饒借帝曰皇帝飛基臣不能斷帝以爲信然愿曰堯以此教丹朱非人主所宜好也遷兼中書郎除後軍將軍褚彥回常詣愿愿不在見其牀上積塵成寸有書數表嘆曰虞君之清至此令人埽地拂牀而去

齊虞玩之字茂瑤會稽餘姚人仕宋爲烏程令路太后外親朱仁彌犯罪玩之依法案之太后

怨許孝武坐免官元徽中爲尚書右丞齊高
帝鎮東府朝廷致敬玩之爲少府猶躡屐造
席高帝取屐親視之訛黑斜銳莫斷以芒接
之帝因咨嗟賜以新屐玩之不受帝問其故
荅曰今日之賜恩華俱重但著簪弊席復不
可遺遷黃門郎及帝即位玩之表言便宜多
見采納上表告退許之玩之於人物好感否
孔過王儉恨之至是東歸儉不出送朝廷無
祖餞者中丞劉休與親知書曰虞公散髮海
隅同古人之美而東都之送殊不靄靄歸家
數年卒

虞棕字景豫會稽餘姚人少以孝聞仕宋位黃門
郎明帝誅山陽王休祐至葬日寒雪厚三尺
故人無至者唯棕一人來赴齊武帝時爲太
子中庶子遷祠部尚書領右軍明帝立棕稱
疾不陪位帝使尚書令王晏賫廢立事示棕
以棕舊人引參佐命棕謂晏曰主上聖明公
卿戮力寧假朽老以太廟祖諱贊惟新乎因慟不
自勝朝議欲劓之僕射徐孝嗣曰此亦古之
遺直衆議乃止

孔暹字世遠會稽山陰人好典故學與王儉至交
景明中為齊臺尚書儀曹郎屢箴闕禮多見
信納上謂王儉曰暹真所謂儀曹不忝厥職
也儉為宰相暹常謀議幄帳每及選用頗失
物情儉從容啓上曰臣有孔暹猶陛下之有
臣永明中為太子家令卒

孔琇之會稽山陰人有吏能仕為尚書左丞廷尉
卿出為臨海太守明帝輔政防備諸蕃致密
旨於上佐使便宜從事以琇之為晉熙王冠
軍長史行郢州事欲令殺晉熙琇之辭不許
欲自引決友人陸闕諫之琇之不從遂不食
而死

孔稚珪字德璋會稽山陰人少學涉有美譽齊高
帝為驃騎取為記室參軍與江淹對掌辭筆
歷黃門郎御史中丞建武初為南郡太守徵
侍中不行留本任稚珪風韻清疎好文詠與
外兄張融情趣相得又與琅琊王思遠廬江
何黯太祖廟諱並款交不樂世務居宅盛營

山水憑几獨酌餽無雜事門庭之內草萊不
翦中有蛙鳴或問之稚珪曰我以此當兩部

鼓吹王晏嘗鳴鼓吹候之聞羣蛙鳴曰此殊
聒人耳稚珪曰我聽鼓吹殆不及此晏甚有
媿色

梁孔休源字慶緒會稽山陰人梁臺初建為太學
博士武帝嘗問吏部尚書徐勉求有學藝解
朝儀者勉曰孔休源識見清通詳練故事自
晉宋起居注誦略上口帝亦素聞之即曰除
尚書儀曹郎遷御史中丞正色直繩無所回
避百寮憚之歷都官尚書金紫光祿大夫車
駕臨幸常以軍國事委之昭明太子薨有

夜召休源入宴居殿參定謀議立晉安王綱
為皇太子自公卿珥貂插筆奏決於前休源
怡然無愧及卒帝流涕顧謝舉曰休源居職
清忠方欲共康政道奄至殞歿朕甚痛之舉
曰此人清介疆直臣亦為陛下惜謚曰貞子

陳虞荔字山披會稽餘姚人九歲隨從伯闡侯太
常陸倕倕問五經十事荔對無遺及長博覽
墳籍善屬文梁武帝於城西置士林館用為
士林學士遷通直散騎侍郎兼中書舍人時
左右之任多參權軸內外機務互有帶掌唯

荔與顧協油然靜退但以文交見知侯景之
亂荔率親屬入臺陳文帝時爲太子中庶子
領大著作初荔母隨荔入臺卒於臺內尋而
城陷情禮不申由是終身蔬食布衣不聽音
樂文帝深器之常引左右朝夕顧訪荔性沈
密凡所獻替莫有見其際者

虞寄字次安對策高第起家梁宣城王國左常侍
大同中嘗驟雨殿前往往有雜色寶珠寄因
上瑞雨頌武帝謂寄兄荔曰此頌典裁清拔
即之士龍也將如何擢用寄聞之嘆曰以申

擊壤之情爾豈負名求仕者乎乃閉門稱疾

侯景之亂寄隨兄荔入臺陳寶應據閩中寄

至晉安爲寶應所得陳武帝除寄中書侍郎

寶應不遣欲引爲僚屬固辭獲免及寶應結

留異潜有逆謀寄微知其意每陳逆順之理

度不可諫乃爲居士服以拒絕之自稱東山

虞寄寶應旣禽賓客微有交涉皆誅惟寄以

先識免文帝敕寄還朝衡陽王出閣用爲掌

書記帝曰所以屈卿遊蕃非止文翰乃令以

師表相事也後除東中郎建安王諮議寄辭

疾不堪陪列有疑議就決之

唐虞世南餘姚人受學于吳顧野王餘十年精思不懈父荔卒陳文帝召爲建安王法曹時叔寄陷於陳寶應世南雖服除仍衣布飯蔬寄還乃釋布噉肉陳滅與世基入隋俱名重當時議者方晉二陸大業中累至祕書郎十年不徙唐興秦王引爲府參軍記室中舍王踐祚拜弘文館學士遷太子右庶子固辭改祕書監世南抗烈論議持正太宗嘗曰朕與世南商略古今有一言失未嘗不悵恨其懇誠乃如此帝每稱其五絕一曰性行二曰忠直三曰博學四曰文詞五曰書翰致仕授銀青光祿大夫弘文館學士如故卒年八十一詔陪葬昭陵贈禮部尚書謚曰文懿後帝爲詩一篇述古興亡旣而嘆曰鍾子期死伯牙不復鼓琴朕此詩將何所示敕褚遂良即其靈坐焚之後數歲夢進讜言若平生翌日下制

厚卹其家

賀知章字季真越州永興人性曠夷善譚說與族姑子陸象先善象先嘗謂人曰季真清譚風

流吾一日不見則鄙吝生矣證聖初擢進士
超拔羣類科累遷太常博士遷禮部侍郎兼
集賢院學士一日併謝宰相源乾曜曰賀公
兩命之榮足爲光寵玄宗自爲贊賜之遷太
子右庶子充侍讀徙工部肅宗爲太子知章
遷賓客授祕書監知章晚節尤誕放遨嬉里
巷自號四明狂客及祕書外監天寶初病夢
游帝居數日寤乃請爲道士還鄉里以宅爲
千秋觀有詔賜鏡湖剡川一曲旣行帝賜詩
皇太子百官餞送擢其子曾子爲會稽郡司

馬賜緋魚使侍養幼子亦聽爲道士卒年八

十六

羅珣越州會稽人寶應初詣闕上書授太常寺太
祝曹王臯領江西荆襄節度使常署幕府累
遷副使臯卒軍亂劫府庫珣取首惡十餘人
斬以徇環棘廷中俾投所劫庫物一日皆滿
乃貫餘黨召爲奉天令中官出入係道吏緣
以犯禁珣榜笞之雖死不置自是屏息擢廬
州刺史民間病者捨醫藥禱淫祀珣下令止
之修學官政教簡易有芝草白雀淮南節度

使杜佑上治狀賜金紫服再遷京兆尹請減
平耀半以常賦充之又賴其利以老病求解
徙太子賓客累封襄陽縣男卒謚曰夷

經學

漢趙羣字長君會稽山陰人少嘗為縣吏奉檄迎
督郵羣恥於廝役遂弃車馬去到犍為資中
詣杜撫受韓詩究竟其術積二十年絕問不
還家為發喪制服羣卒業乃歸州召補從事
不就舉有道卒于家羣著吳越春秋詩細歷
神淵蔡邕至會稽讀詩細而嘆息以為長於
論衡邕還京師傳之學者咸誦習焉

吳虞翻字仲翔會稽餘姚人辟召不就翻聞曹公
辟曰盜跖欲以餘才污良家邪遂拒不受翻
與少府孔融書并示以所注易融答書曰觀
吾子之治易乃知東南之美者非徒會稽之
竹箭也張紘又與融書曰虞仲翔前頗為論
者所侵美實為質彫摩益光後翻以論議忤
孫權遠徙交州雖處罪放而講學不倦門徒
常數百人又為老子論語國語訓注皆傳于

世

闕澤字德潤會稽山陰人孫權稱尊號以澤為尚書嘉禾中為中書令加侍中赤烏五年拜太子太傅領中書如故每朝廷大議經典所疑輒諮訪之以儒學勤勞封都鄉侯虞翻稱澤曰闕生矯傑益蜀之楊雄又曰闕子儒術德行亦今之仲舒也

徵崇字子和隱於會稽治易春秋左氏傳兼善內術本姓李遭亂更姓遂躬耕以求其志好尚者從學所教不過數人輒止欲令其業必有成也

平楊万字公回會稽人少好學有異才初為郡錄下威儀公事之暇輒讀五經內史諸葛恢見而竒之時虞喜兄弟以儒學立名雅愛方為之延譽恢嘗遣方為文薦郡功曹主簿虞預美之送示賀循循報曰不圖偉才如此其文甚有竒分若出曾臆自是一國所推司徒王導辟為掾轉東安太守在郡積年著五經鈎深及吳越春秋并雜文皆行於世

謝沉字行思會稽山陰人博學多識綜練經史郡命主簿功曹察孝廉內史何充引為參軍母

老去職不交人事耕耘之暇研精墳籍康帝
即位朝議疑七廟迭毀徵為太學博士以質
疑滯除尚書度支郎何充庾水共稱沉乃遷
著作郎沉著毛詩漢書外傳及他詩賦文論
其學在虞預之右

梁賀瑒字德璉會稽山陰人齊時舉明經為太學
博士梁天監中初開五館以瑒兼五經博士
別詔為皇太子定禮撰五經義時武帝方創
定禮樂瑒所建議多見施行尋領五經博士
所著禮易講疏等數百篇卒于館

賀瑒字國寶伯父瑒授經業尤精三禮年將三十
使事講授初瑒於鄉里受徒四方問業者三
千人天監中亡至是咸復集焉武帝召見補
王國侍郎累遷尚書左丞詔撰新謚法便即
施用加員外散騎常侍每進見帝與語常移
晷刻省中語曰上殿不下有賀雅琛容止閑
雅故時人呼之後為光祿大夫卒所撰三禮
講疏五經滯義及諸儀注凡百餘篇

孔子祛會稽山陰人少孤好學耕耘樵採常懷書
自隨明古文尚書為兼國子助教遷西省學

士助賀琛撰錄累遷中書通事舍人武帝撰
五經講疏及孔子正言子祛常攷閱羣書以
為義證又自撰注尚書及尚書義後加散騎
侍郎卒官

虞僧誕會稽餘姚人為國子助教以左氏講授聽
者常數百人時博士崔靈恩先習左傳服解
不為江東所行乃改說杜義每文句常申服
難杜僧誕最精杜學作申杜難服以答靈恩
世並傳焉

孔安會稽山陰人少師事何太祖廟諱通五經尤明三

禮孝經論語生徒數百人三為五經博士太
清亂卒於家子淑玄亦以文學官至太學博
士兄子元素善三禮有盛名

孔子雲會稽人師事吳興沈峻峻始為國子助教
吏部郎陸倕言於僕射徐勉以為周官一書
羣經源本學絕不傳已歷年世惟峻獨精宜
即用其人使專此學勉於是奏峻兼五經博
士於館講授子雲實傳峻業官亦至五經博
士焉

唐孔若思山陰人早孤母躬訓教長以博學聞有

遺以褚遂良書者納一卷焉其人口是書貴
千金何取之廉荅曰審爾此為多矣擢明經
歷庫部郎中坐右置止水一石明止足意中
宗初敬暉鈔宗廟諱彥範當國以若思多識古今
凡大政事必咨質而後行三遷禮部侍郎出
為衛州刺史累封梁郡公子季詡擢制科終
左補闕

康子元會稽人開元初詔舉能治易老莊者張說
以聞累擢祕書少監兼集賢侍講學士元宗
東之泰山說引子元等商裁封禪儀及還徙
宗正少卿以疾授祕書監致仕

文章

晉孫綽字興公家于會稽與兄統皆博學善屬文
綽游放山水十有餘年乃作遂初賦以致其
意又嘗著天台山賦辭致甚工初成以示友
人范榮期曰卿試擲地當作金石聲也內史
王羲之引為右軍長史遷散騎常侍大司馬
鈔宗廟諱溫欲經緯中國以河南粗平將移都洛
陽朝廷畏溫不敢為異綽乃上疏溫不悅曰
致意興公何不尋君遂初賦知人家國事邪

綽少以文才著稱于時文士綽爲其冠溫王
郗庾諸公之薨必須綽爲文辭然後刊石焉
宋謝靈運陳郡陽夏人移籍會稽少好學博覽羣
書文章之美與顏延之爲江左第一從叔混
特加愛襲封康樂公性豪侈車服鮮麗世共
宗之咸稱謝康樂也累遷祕書丞出爲臨海
太守郡有各山水靈運素所愛好遂肆意游
遨徧歷諸縣所至輒爲詩以致其意靈運
父祖並葬始寧有故宅及墅遂脩營舊業傍
山帶江盡幽居之美與隱士王弘之孔淳之
等放蕩爲娛有終焉之志每一首詩至都下
貴賤莫不競寫宿昔間士庶皆徧又作山居
賦并自註以言其事文帝徵爲祕書監不起
命光祿大夫范泰敦獎乃出使撰晉書粗立
條例書竟不就靈運詩書皆兼獨絕每文竟
手自寫之文帝稱爲二寶云

謝惠連祖冲父方明三世皆居會稽惠連幼有奇
才不爲父方明所知族兄靈運加賞之自言
每有篇章對惠連輒得佳語嘗於永嘉西堂
思詩竟日不就忽夢惠連即得池塘生春草

大以爲工及靈運自永嘉還始寧方明爲會稽靈運造焉謂方明曰阿連才悟如此而尊作常見過之惠連與東海何長瑜潁川荀雍太山羊璿之以文章賞會共爲山澤之遊靈運登臨海嶠初發彊中以詩與惠連曰可見羊何共和之也嘗辟州主簿不就後爲司徒彭城王法曹作雪賦以高麗見奇焉

隋虞綽字士裕會稽餘姚人博學有俊才尤工草隸陳左衛將軍傳綽有盛名見綽詞賦歎曰虞郎之文無以尚也仕陳爲太學博士永陽王記室大業初爲祕書學士奉詔撰長洲玉鏡等書十餘部綽所筆削帝未嘗不稱善累遷著作佐郎與虞世南庾自直蔡允恭等四人常居禁中以文翰待詔從征遼東帝舍臨海頓見大鳥異之使綽爲銘帝覽而善之命有司勒於海上其詞賦並行於世

唐賀德仁越州山陰人與從兄德基皆以文辭稱時人爲之語曰學行可師賀德基文質彬彬賀德仁兄弟八人時比漢荀氏始在陳爲吳興王友入隋楊素薦其才授豫章王記室高

祖起兵爲隱太子友遷中舍人以年耆不更
吏職徙洗馬爲東宮學士貞觀初遷趙王友
卒有集二十卷藏於四庫見藝文志

嚴維字正文越州人爲祕書郎大曆中與鄭槩裴
冕徐嶷王綱等宴其園宅聯句賦詩世傳浙
東唱和維詩一卷及剡隱居朱放越僧靈澈
詩集皆藏祕府先是神龍中越有賀朝萬齊
融與同郡賀知章俱以文詞揚名上京朝官
止山陰尉齊融崑山令惟知章最貴焉

吳融越州山陰人祖翦有名大中時賜號文簡先
生融學自力富辭調龍紀初及進士第韋昭
度討蜀表掌書記累遷御史歷翰林學士中
書舍人昭宗反正御南闕羣臣稱賀融最先
至于時左右歡駭帝有指授疊十許藁融跪
作詔少選而成語當意詳帝咨賞良厚進戶
部侍郎鳳翔劫遷不得從去客閬鄉召還遷
承旨卒

節義

漢戴就字景成會稽上虞人仕郡倉曹掾揚州刺
史歐陽參奏太守成公淳威罪遣部從事薛

安收就於錢塘獄幽囚考掠五毒參至就慷
慨直辭顏色不變主者窮竭慘酷無復餘方
至臥就覆船下以馬通薰之一夜二日皆謂
已死發船視之就方張眼罵曰何不益火而
使滅絕主者以白安安呼見就謂曰太守罪
穢狼籍受命考實君何故以骨肉拒扞邪就
據地荅言太守剖符大臣當以死報國卿雖
銜命固宜申斷寃毒奈何誣枉忠良強相掠
理令臣謗其君子證其父就考死之日當白
於天如蒙生全亦手刃相裂安竒其壯節即
解械表釋郡事浮徵還京師太守劉寵舉京
孝廉病卒

吳董襲字元代餘姚人長八尺武力過人曹公出
濡須襲從孫權赴之權使襲督五樓船住濡
須口夜卒暴風五樓船傾覆左右散走舸乞
使襲出襲怒曰受將軍任在此備賊何等委
去也敢復言此者斬於是莫敢干其夜船敗
襲死權改服臨殯供給甚厚

邵疇字溫伯會稽人爲郡太守郭誕功曹孫皓時
誕以不白妖言被收惶遽無以自明疇進曰

疇今自在明府何憂遂詣吏吏上疇辭皓怒
猶盛疇慮誕卒不免遂自殺以證之臨亡置
辭曰疇生長邊陲不閑教道得以門資廁身
本郡踰越儕類位極朝右不能贊揚盛化養
之以福今妖訛橫興干國亂紀疇以導嗜之
語本非事實雖家誦人詠不足有慮天下重
器而匹夫橫議疾其醜聲不忍聞見欲含垢
藏疾不彰之翰筆鎮躁歸靜使之自息愚心
勤勤每執斯旨故誕屈其所是默以見從此
之爲愆實由於疇謹不敢逃死歸罪有司惟
乞天鑒特垂清察吏收疇喪得辭以聞能免
誕大刑送赴建安作船疇亡時年四十皓嘉
疇節義詔郡縣圖形廟堂

鍾離徇山陰人父牧徇領兵爲將拜偏將軍戍西
陵與監軍使者唐盛論地形勢謂宜城信陵
爲建平援若不先城敵將先入盛不然徇計
晉果遣將脩信陵城晉軍平吳徇領水軍督
臨陣戰死

晉張茂字偉康會稽人少有志行爲鄉里所敬信
初起義兵討賊陳斌一郡用全元帝辟爲掾

屬遷太子衛率出補吳國內史沈充反茂與
三子並遇害茂弟盎為太守周札將軍充討
札盎又死之贈茂太僕

孔祗字承祖車騎將軍愉之弟也太守周札命為
功曹史札既為沈充所害故人賓吏莫敢近
者祗冒刃號哭親行殯禮送喪還義興時人
義之

梁王琳字子珩會稽山陰人授都督廣州刺史元
帝為魏國所逼徵琳赴援除湘州刺史師次
長沙知魏已平江陵迺為元帝舉哀三軍編

素大營樓艦以圖義舉陳武帝受梁禪乃移

湘州軍府就郢城帶甲十萬巡軍而言曰此

可為勤王之師矣温太真何有哉初魏克江

陵永嘉王莊年甫七歲逃匿人家琳迎還湘

中出質于齊請納莊為梁王齊文宣遣兵援

送冊拜琳梁丞相遂奉莊纂梁祚於郢州琳

兵東下為陳軍所敗復與莊同入齊齊孝昭

遣琳出合肥鳩合義故更圖進取淮南愴楚

皆願戮力陳將吳明徹寇齊齊遣琳與尉破

胡等出援秦州破胡軍敗琳還至彭城齊令

徑赴壽陽并許召募明徹進兵圍之城陷被
殺哭者聲如雷齊贈琳侍中謚曰忠武

張彪亡命若邪山中臨城公大連出牧東揚州以
爲中兵參軍侯景將宋子仙攻下東揚州還
入若邪山義舉貞陽侯即位以爲東揚州刺
史陳文帝入會稽彪擊走之沈泰申進等共
叛彪敗遂與弟崑崙及妻楊氏還入若邪
山一犬名黃蒼在彪前後陳遣章昭達領兵
購之并圖其妻劫來黃蒼便啣一人中喉死
彪映火識之曰卿須我者但可取頭誓不生

見陳舊謂妻楊呼爲鄉里曰我不忍令鄉里
落佗處今當先殺鄉里然後就死楊引頸受
刀不辭彪不下刀便相隨下嶺彪謂楊曰從
此而訣若見沈泰申進等爲語功名未立猶
望鬼道相逢劫即殺彪并其弟首致於昭達
遂稱文帝教進兵迎楊楊便改啼爲笑謂昭
達殞彪旣畢黃蒼俯伏冢間號叫不肯離揚
還經彪宅謂昭達曰婦人本在容貌今辛苦
日久請暫過宅莊飾楊入屋遂割髮毀面哀
哭慟絕誓不更行文文帝聞之嘆息遂許爲尼

彪起於若邪興於若邪終於若邪及妻犬皆
為時所重異

孝行

晉夏方字文正會稽未興人家遭疫癘父母伯叔
羣從死者十三人方年十四夜則號哭晝則
負土十有七載葬送得畢因廬于墓側種植
松柏烏鳥猛獸馴擾其旁吳時拜仁義都尉
累遷五官中郎將吳平除高山令百姓有罪
應加捶撻輒涕泣向之小大莫敢犯焉

宋賈恩會稽諸暨人少有至行母亡居喪過禮未
葬為鄰火所逼恩及妻栢氏號哭奔救鄰近
赴助棺槨得免恩栢俱見燒死有司奏改其
里為孝義里追贈天水郡顯親都尉

郭世道會稽永興人生而失母父更娶世道事父
及後母孝道淳備年十四又喪父居喪過禮
殆不勝哀母亡負土成墳親戚或共賻助微
有所受葬畢傭賃還直仁厚之風行於鄉黨
莫有呼其名者元嘉中大使散騎常侍袁偷
表其淳行勅表門閭改所居獨楓里為孝行
焉

郭原平字長泰世道子父抱篤疾彌年原平衣不解帶跨積寒暑及亡哭踊慟絕數日方蘇以爲奉終之義情禮自申乃訪邑中有營墓者助人運力經時展勤久乃閑練窀穸之事儉而當禮性無術學因心自然母終毀瘠彌甚僅乃免喪文帝崩原平號慟日食麥餅一枚如此五日人曰誰非王臣何獨如此原平泣曰吾家見異先朝蒙褒贊之賞不能報恩私心感動耳太守蔡興宗臨郡深加嘆異還都表其殊行舉爲太學博士會興宗薨事不行何子平世居會稽少有志行見稱於鄉里事母

孝竭身運力以給供養元嘉中除吳郡海虞令縣祿惟以養母不及妻子人或疑其儉薄子平曰希祿本以養親不在爲己母喪去官哀毀踰禮每至哭踊頓絕方蘇大明末東土飢荒繼以師旅八年不得營葬晝夜號哭擗踊不闕俄頃所居屋敗不蔽雨日兄子伯興採伐茅竹欲爲葺治子平不肯曰我情事未申天地一罪人爾屋何宜覆子平居喪毀甚困瘠踰父及至免喪支體殆不相屬幼持操

檢躬厲名行雖處閭室如接大賓學義堅明
處之以默好退之士以此貴之

齊杜栖字孟山自父京產居會稽日門山中栖善

清言連辟從事書佐為國子學士父老歸養

栖肥皙長壯及京產病旬日間便皮骨自支

京產亡水漿不入口晨夜不罷哭朔望節歲

絕而復續嘔血數升何太祖廟諱謝胡並移書躬

譬戒以毀滅至祥禫夢見其父慟哭而絕初

太祖廟諱兄點見栖嘆曰卿風韻如此雖獲嘉譽

不永年矣卒時年三十六當時咸嗟惜焉

唐羅讓字景宣以文學蚤有譽舉進士宏辭賢良

方正皆高第為咸陽尉父喪幾毀滅服除布

衣糲飯不應辟署十餘年淮南節度使李鄴

即所居敦請置幕府除監察御史位給事中

累遷福建觀察使兼御史中丞有仁惠名

丁興會稽人家近荒野野火必燒興母老病乃濕

衣覆母以身障火身死母全

張萬和會稽諸暨人遭父母喪兄弟廬於墓側二

十餘年有芝草生甘泉出萬和終其子亦廬

於墓所唐孝友傳敘曰唐以孝悌名通朝廷

者多問巷刺草之民皆得書于史官諸既張
萬和蕭山李渭許伯會戴恭俞僅皆事親居
喪著至行者天子皆旌表門閭賜粟帛州縣
存問復租稅有授以官者

許伯會蕭山人玄度十二世孫舉孝廉上元中為
衡陽博士遭父喪負土成墳不御絮帛嘗滋
味野火將逮坐樹悲號于天俄而雨火滅歲
旱泉湧廬前靈芝瑞獸生於墓側

戴恭字玄敬蕭山人少居母喪十年廬於墓側生
芝草嘉禾

俞僅蕭山人一門四代兄弟十五人老幼八十餘
口並經術貞廉僅遭親喪哀毀骨立為鄉里
所稱觀察使孟簡書于圖經以勵風俗

隱遯

魏嵇康字叔夜其先會稽上虞人恬靜寡欲好老
莊常脩養性服食之事彈琴詠詩自足於懷
著養生論所與神交者惟陳留阮嗣宗河內
山巨源豫其流者河內向子期沛國劉伯倫
嗣宗兄子仲容琅邪王濬沖遂為竹林之游
世所謂竹林七賢也常採藥游山澤會其得

意忽焉忘反山巨源將去選官舉康自代康
乃與書告絕又撰上古以來高士為之傳贊
欲友其人於千載也

晉阮裕字思曠陳留尉氏人居會稽剡縣有肥遁
之志有以問王逸少逸少曰此公近不驚寵
辱雖古之沉冥何以過此劉真長曰我入東
正當泊安石渚下耳不敢復近思曠傍在東
山終日靜默無所脩綜而物自宗焉裕孫萬
齡少知名家在剡縣頗有素情宋永初末自侍
中解職東歸

謝敷字慶緒會稽人性澄靖寡欲入太平山十
年辟命皆不就初月犯少微一名慶士星古
者以隱士當之譙國戴安道有美才時人憂
之俄而敷死會稽人士以嘲吳人云吳中高
士求死不得死

戴逵字安道譙國人居會稽剡縣性高潔常以禮
度自處深以放逵為非孝武帝時以散騎侍
郎國子博士累召辭父疾不就郡縣敦逼不
已乃逃于吳會稽內史謝幼度慮其遠遁不
反乃上疏請絕其召命帝許之逵復還剡後

召之復不至

夏統字仲御會稽永興人嘗詣洛市藥會三月上
巳王公已下並至浮橋士女車服燭路統在
船中曝藥並不之顧太尉賈充怪而問之徐
荅曰會稽夏仲御也充耀以文武鹵簿鼓吹
車乘又使妓女匝繞其船統危坐如故若無
所聞充等各散曰此吳兒木人石心也統歸
會稽不知所終

宋孔淳之字彥深魯人居剡性好山水每有所游
必窮幽峻或旬日忘歸嘗遇沙門釋法崇因

留三載與戴顓王弘之王敬弘等共為人外
之游會稽太守謝方明苦要之不能致使謂
曰苟不入吾郡何為入吾郭淳之笑曰潛游
者不識其水巢栖者不辨其林飛沉所至何
問其主終不肯往茅室蓬戶庭草蕪徑唯床
上有數帙書元嘉初徵為散騎侍郎乃逃于
上虞界中家又莫知所在

戴顓字仲若安道子也會稽剡縣多名山故世居
剡下與兄並受琴於父父沒所傳之聲不忍
復奏各造新弄兄制五部顓制十五部顓又

制長弄一部並傳於世桐廬縣又多名山兄弟復共游之因留居止兄卒顥以桐廬僻遠難以養疾乃出居吳下吳下士人共爲築室聚石引水植林開澗少時繁密有若自然乃述莊周大旨著逍遙論禮記中庸篇元嘉中召不就又止京口黃鵠山山北竹林精舍宋文帝每欲見之常謂黃門侍郎張敷曰吾東巡之日當宴戴公山下也

朱百年會稽山陰人少有高情攜妻孔氏入會稽南山以伐蕪採茗爲業以蕪茗置道傍輒爲

行人所取明旦已復如此人稍怪之積久方

知是朱隱士所賣須者隨其所堪多少留錢

取蕪茗而去或遇寒雪蕪茗不售無以自資

輒自榜船送妻還孔氏天晴迎之好飲酒頗

言玄理時爲詩詠有高勝之言隱迹避人唯

與同縣孔頴友善顥亦嗜酒相得輒酣對盡

懽顏竣爲東揚州餉百年米五百斛不受後

卒山中蔡興宗爲會稽太守餉百年妻米百

斛妻遣婢詣郡門奉辭固讓時人美之以比

梁鴻妻

王弘之字方平家在會稽上虞兄敬弘為左僕射
嘗解貂裘與之即著以採藥性好釣上虞江
有一處名三石頭弘之常垂綸於此經過者
不識之或問漁師得魚賣否弘之曰亦自不
得得亦不賣日夕載魚入上虞郭經親故門
各以一兩頭置門內而去始寧沃川有佳山
水弘之又依巖築室謝靈運顏延之竝相欽
重靈運與廬陵王義真牋曰會稽既豐山水
是以江左嘉遁竝多居之至若王弘之拂衣
歸耕踰歷三紀孔淳之隱約窮岫自始迄今
阮萬齡辭事就閑繁戎先業既遠同義唐亦
激貪厲競若遣一个有以相存真可謂千載
盛美也

孔祐會稽山陰人敬康曾孫也至行通神隱於四
明山嘗見山谷中有數百斛錢視之如瓦石
不異采樵者競取入手即成沙礫曾有鹿中
箭來投祐祐為之養創愈然後去太守王僧
虔欲引為主簿不可屈祐子道徽與杜景齊
友善少厲高行能世其家隱居南山終身不
窺都邑齊豫章王嶷為揚州辟西曹書佐不

至鄉里宗慕之道微兄子揔有操行遇饑寒
不可得衣食縣令丘仲孚薦之除竟陵王侍
郎竟不至

齊杜京產字景齊吳郡錢塘人少恬靜絕意榮宦
頗涉文義專修黃老會稽孔顛清剛有峻節
一見而為款交與同郡顧歡同契始寧東山
開舍授學劉瓛入東與之游曰杜生當今之
臺尚也又於會稽日門山聚徒教授建武初
徵貞外散騎侍郎京產曰莊生持釣豈為白
璧所回不就卒

褚伯玉字元璩錢塘人少有隱操年十八父為之
昏婦入前門伯玉從後門出遂往剡居瀑布
山性耐寒暑三十餘年隔絕人物王僧達為
吳郡苦禮致之伯玉不得已停郡信宿纔交
數言而退宋孝建二年召聘不就齊高帝即
位手詔吳會二郡以禮迎遣又辭疾上不欲
違其志敕於剡白石山立太平館舍之卒年
八十六伯玉常居一樓上仍葬樓所

梁何

太廟

字子季廬江灄人仕齊至中書令賣園

宅欲入東山拜表辭職不待報輒去有詔許

之以會稽山多靈異往游焉居若邪山雲門

寺初

太祖廟諱

二兄求點並棲遁求先卒至是

太祖

廟諱

又隱世號點為大山

太祖廟諱

為小山亦曰東

山世謂何氏三高梁武帝踐祚詔為特進不起有敕給白衣尚書祿固辭又敕山陰庫錢月給五萬不受乃敕何子朗孔壽等六人於東山受學

太祖廟諱

以若邪處勢迫隘不容學徒遂遷秦望山山有飛泉迺起學舍即林成援因巖為堵別為小閣室寢處其中躬自啓閉僮僕無得至者

唐秦系字公緒越州會稽人北都留守薛兼訓奏

為右衛率府倉曹參軍不就客泉州南安九日山大松百餘結廬其上穴石為研注老子彌年不出刺史薛播數往見之歲時致羊酒未嘗至城門張建封聞不可致請就加校書郎其後東度秣陵既卒南安人思之號其山為高士峯

張志和字子同婺州金華人居江湖自稱煙波釣

徒著書號玄真子亦以自號兄鶴齡恐其遁

世為築室越州東郭茨以生草椽棟不施斤

斧豹席椽屨每垂釣不設餌志不在魚也觀
察使陳少遊往見爲終日留表其居曰玄真
坊以門隘爲買地大其閤號回軒巷志和善
圖山水或擊鼓吹笛舐筆輒成嘗撰漁歌憲
宗圖真求其歌不能致李文饒稱志和隱而
有名顯而無事不窮不達嚴子陵之比云

孔述眷越州山陰人梁侍中休源八世孫少與兄
弟充符充讓篤孝已孤偕隱嵩山而述眷資
嗜學大曆中劉晏薦於代宗召累擢司勳員
外郎史館修撰述眷每一遷即至朝謝俄而
辭疾歸以爲常德宗立拜諫議大夫兼賜第
宅固辭久乃改祕書少監以太子賓客還鄉
方干字雄飛新安人隱於會稽漁於鏡湖蕭然山
水間以詩自放咸通中太守王龜知其立直
薦之以諫官召不就而卒門人相與私謚曰
元英先生

貞婦烈女

漢曹娥

見祠廟門

晉虞潭母孫氏

潭山陰人見人物門

潭父忠亡遺孤藐爾孫

氏雖少誓不改節躬自撫養劬勞備至潭始

自幼童便訓以忠義永嘉末潭爲南康太守
值杜弼叛逆孫氏勉潭以必死之義又傾貲
產以餽戰士潭遂尅捷及蘇峻亂潭守吳興
假節征峻孫氏戒之曰吾聞忠臣出孝子之
門汝當捨生取義勿以吾老爲累于時會稽
內史王舒遣子允之爲督護孫氏又謂潭曰
府君遣兒征賊汝何獨不潭即以子寵爲督
護與允之合勢拜武昌侯太夫人潭立養堂
於家王導以下皆拜謁焉卒謚曰定夫人

張茂妻陸氏

茂會稽人見節義門

茂爲吳郡太守爲沈充所

害陸氏傾家產率茂部曲爲先登以討充充
敗陸詣闕爲茂謝不尅之責詔曰茂夫妻忠
誠舉門義烈遂追贈茂太僕

王凝之妻謝氏字道韞聰識有才辯凝之爲會稽
內史孫恩之亂凝之及諸子已被害道韞命
婢肩輿抽刃出門亂兵稍至手殺數人乃被
虜外孫劉濤時年數歲賊又欲害之道韞曰
事在王門何關佗族必其如此寧先見殺恩
雖毒虐爲之改容乃不害濤自爾發居會稽
家中莫不嚴肅

孫晷妻虞氏初徵士虞喜

喜餘姚人見人物門

隱居海隅有

高世之風晷欽其德名聞喜弟預有女遂聘

焉女棄華尚素與晷同志時人號為梁鴻夫

婦

宋吳翼之母丁氏

翼之永興人

少喪夫不再行年荒分

食以貽餓者同里左僑家露四喪無以葬丁

為辦冢椁以仁愛著稱長婦王氏既寡亦執

志不嫁州郡上言詔表門閭

齊屠氏女居諸暨東滄里父失明母痼疾女晝樵

採夜紡績以供養父母俱卒負土成墳鄉里

多欲娶之女以無兄弟誓守墳墓不嫁

梁張彪妻

見前義門

會稽志卷第十五



相輔



杜衍字世昌山陰人也幼孤及長舉進士為揚州
 觀察推官知平遙縣積遷至為戶部副使進
 天章閣待制出知荆南府徙河北都轉運使
 遷樞密直學士知天雄軍召拜御史中丞會
 有詔與三司使副擇吏人能否有揚語於
 外曰衍奏請盡黜諸吏吏僅二十餘人詣衍第
 誼譁明日入對願窮治即推吏首惡抵于罪
 衍出知永興軍遷龍圖閣學士知并州又徙

永興以刑部侍郎同知樞密院事遂爲吏部
侍郎樞密使范仲淹嘗出行門下時爲叅知
政事數爭事

上前行無愠色而仲淹益敬服之會契丹壻
劉三蝦避罪來歸邊臣欲以官縻之諫官亦
有請行謂不可生事還之四年拜同中書門
下平章事兼樞密使集賢殿大學士衍爲相
革弊事以脩綱紀尤抑絕僥幸凡內降恩澤
者一切不與每積至十數必面納之由是僥
幸寔不說衍善決大事初邊將議欲大舉以

擊夏人韓琦亦以爲可舉衍爭以爲不可兵
後果不得出契丹與夏人爭銀甕族大戰黃
河外而鴈門麟府皆警范仲淹使河東欲以
兵從衍以爲契丹必不來兵不可妄出後契
丹卒不來其壻蘇舜欽監進奏院祠神爲御
史劾奏又集賢校理王益柔作傲歌器涉指
斥欲下御史按罪衍謂羅織獄今起都下矣
執不可又諫官孫甫言丁度面求進用請屬
吏衍不爲置對又范仲淹富弼借出宣撫言
者隨攻之

仁宗欲罷二人而衍又執以為不可遂疑其朋黨以尚書左丞出知兗州衍為相凡百日而罷去明年以太子少師致仕累遷太子太師封祁國公卒年八十贈司徒兼侍中謚曰正獻

孫沔字元規會稽人也中進士補趙州司理叅軍為人明敏果敢有材稍遷監察御史裏行景祐元年

章獻皇后服未除而禮官請用冬至日冊后沔奏請俟祥禫別擇日出知衡山縣上書言

時事以切直貶監衡州酒稅移通判知戶部

遷監察御史又知楚州召為右正言遷提點兩浙刑獄陝西轉運使居兩月即以天章閣待制為都轉運使知慶州遷龍圖閣直學士又遷樞密直學士知明州移知秦州

仁宗勉以邊事對曰秦州不足憂陛下當以南方為憂明日官軍以敗聞遂以沔為荆湖江西廣南安撫使未幾副狄青宣撫賊平遷給事中知杭州召兼樞密副使契丹使請

觀太廟樂沔折之曰廟樂皆歌詠

祖宗功德使人如能留助吾祭乃可觀使遂不敢復請張貴妃薨追冊為皇后命沔讀冊故事正后翰林學士讀冊沔既位右府力辭之不從及至樞前乃曰此冊臣沔讀則可樞密副使讀則不可置冊而退時相取讀之遂求罷職以資政殿學士知杭州遷大學士移知青州又遷觀文殿學士知并州沔在杭治姦僧猾民不少貸怨謗紛起卒以御史彈奏責寧國軍節度副使復光祿卿分司南京會恩除知濠州以禮部侍郎致仕韓琦作相薦之起為資政殿學士知河中府又以為觀文殿學士知延州道卒年七十一贈兵部尚書謚威敏

陸佃字農師山陰人受經於王安石熙寧三年應舉入京適安石當國首問新政佃曰法非不善但推行不能如初意故反病民如青苗是也擢甲科授蔡州推官初置五路學官選為鄆州教授召補國子監直講王雱用事好進者至崇以師禮佃待之如平日以是在太學七年不徙官修定說文得入見

神宗方議大裘佃考禮以對 帝悅用為詳
定郊廟禮文官時同列皆侍從獨以光祿丞
居其間加集賢校理崇政殿說書進講周官
帝稱善始命先一夕進橐同修起居注官制
行擢中書舍人給事中

哲宗立去安石之黨士多諱變所從會安石
死佃率諸生哭而祭之識者嘉其無向背遷
吏部侍郎以修撰

神宗實錄徙禮部數與史官范祖禹黃庭堅
爭辨大要多不肯詆安石庭堅曰如公言善

佞史也佃曰盡用君意豈非謗書乎以龍圖
閣待制知潁州徙知鄧州江寧府甫至即省
安石墓紹聖初治史罪落職知海州復集賢
殿修撰移之蔡

徽宗即位復為吏部侍郎上疏曰人君踐祚
要在正始正始之道本於朝廷近時學士大
夫相傾競進以善求事為精神以能訐人為
風采以忠厚為重遲以靜退為卑弱相師成
風莫之或止正而救之實在今日

神宗延登真儒立法制治而元祐之際悉肆

紛更紹聖以來又皆稱頌夫善續前人者不
必因其所為否者賡之善者揚焉願咨謀仁
賢詢考政事惟其當之為貴則大中之政也
遷吏部尚書拜尚書右丞佃執政持論多近
恕每欲參用人才尤惡奔競嘗曰天下多事
則須不次用人苟安寧無事時人之才無以
大相遠但當以資歷序進少遲緩之則士知
自重矣又曰今天下之勢如人大病向愈當
以藥餌輔養之須其安平苟為輕事改作是
使之騎射也轉左丞御史論呂希純劉安世
復職太驟請加鑄抑且欲更懲元祐餘黨佃
為帝言巧勿窮治乃下詔申諭揭之朝堂
讒者用是詆佃曰佃名在黨籍不欲窮治正
恐自及耳遂罷知亳州數月薨年六十一紹
興初追復資政殿學士佃著書二百餘卷埤
雅禮象諸書今傳於世

陳過庭字賓王山陰人中進士第政和中為祠部
吏部右司員外郎使遼過庭初名揚庭辭曰
徽宗改命焉時或傳遼主苦風痺又箭損一
目過庭歸證其妄且勸帝飭邊備遷太常少

卿起居舍人宣和二年進中書舍人纔七日
遷禮部侍郎又遷御史中丞兼侍讀睦寇竊
發過庭言致寇者蔡京養寇者王黼竄二人
則寇自平又朱勔父子本刑餘小人交結權
近竊取名器罪惡盈積宜昭正典刑以謝天
下由是罷知蘄州旋責海州團練使黃州安
置三年得自便

欽宗立以集英殿修撰起知潭州未行以兵
部侍郎召在道除中丞初入見 帝諭以國
家多難每事當悉意盡言於是節度使范訥

正歸環衛過庭因言自崇寧以來建者
多不由勲績請除宗室及將帥立功者餘並
如訥例又乞辨 宣仁后誣謗姚古擁兵不援
太原陳其可斬之罪七竄諸嶺表進禮部尚
書擢右丞中書侍郎議遣大呂使金人耿南
仲以老聶昌以親辭過庭曰主憂臣辱願効
死 帝固遣南仲昌及城陷過庭亦行因被
留不還建炎初以參政殿大學士提舉太平
觀四年六月薨於虜而明年贈開府儀同三
司謚曰忠肅

李光字泰發一字泰定上虞人少入太學登崇寧五年進士第調衢州開化縣令知平江府常熟縣朱勔方以花石得幸勢焰薰灼光不爲屈械繫其奴勔怒監司爲移光知吳江以避之光挺挺自若勔亦不能害也宣和二年召爲太常博士五年遷司封員外郎因進對極論時事語及用事大臣黜知桂州陽朔縣明年召爲司勳員外郎遷符寶郎虜犯塞

徽宗已有東幸意當國者不知計所出光慨然建白以謂爲今之計惟傳位東宮則虜氣

自泚

欽宗即位擢右司諫光首論宦官譚稹梁方平喪師辱國梁師成締交蔡京王黼表裏蒙蔽罪皆當誅遷侍御史極論蔡攸朱勔姦惡請正典刑有彗出寅良間議者謂夷狄滅亡之證光言春秋書灾異以戒人君不聞歸之夷狄所論尤激切疏奏耿南仲力排之謫汀州監酒稅建炎三年

高宗自臨安移蹕建康以宣爲藩屏除知宣州光到郡乃繕城池聚兵糧籍諸縣之鄉兵

謂之義社南陵有水軍叛光遣奇兵嚙枚夜擊之賊潰十一月金人奪馬家渡南牧郡縣皆不能支光獨力修守備金人不敢入境四年巨盜戚方破寧國傳城下光設牙帳于南壁躬撫士卒賊分兵百道來攻光隨宜應之元被圍二十八日援兵至解去除徽猷閣待制知臨安府徙婺州入為吏部侍郎上疏乞車駕親征漸圖興復進吏部尚書大將韓世清本苗傅黨又駐宣城至擅發倉庫招聚逋逃拒朝命不受光請先其未發除之授淮西

招撫使親受密指遂假道擒世清以歸除端明殿學士知建康府大臣為都督有所施設光不以為是大臣方怙權不聽光上疏辨論且請去徙知湖州平江府召為禮部尚書復以舊職知台州改温州又徙洪州以吏部尚書召遂除叅知政事秦檜新得政藉光舊望以鎮服中外時虜方通和檜欲稍徹淮甸武備光極言立國不可去兵檜以為害和議爭於上前光毅然不撓因丐去章九上除資政

殿學士知紹興府檜嗾言者攻之改提舉臨

安府洞霄宮安置藤州瓊州昌化軍紹興二
十五年内徙郴州二十八年檜死始以南郊
赦恩復官聽自便行至蘄州卒年八十三追
復資政殿學士謚莊簡初光過宋都從劉安
世講學得其精微故於死生禍福之際無所
屈撓初在鄉里聞趙鼎南遷頗戚戚謂鄉人
曰若光得適命即日青鞵布襪行矣卒蹈其
言及再涉瘴海處之怡然在瑤寓居雙泉齋
軾所嘗遊也自號轉物居士日講周易一卦
因音易傳十卷行於世子孟博年二十四

紹興五年進士第三人從光遠謫

姚憲字令則父舜明仕至徽猷閣待制別見兄宏
寬皆以博學知名憲以父任補承務郎監臨
安府糧料院秀州海鹽縣丞歷衢州龍游宣
州宣城縣丞知臨安府仁和縣

車駕驢蹕臨安仁和為赤縣事尤煩劇憲資
敏強日未晡吏已散去獄為之久無繫囚秩
滿監進奏院知秀州秀之士豪錢安國居大
澤中重湖深阻舍匿亡命為姦盜州縣莫敢
詰憲至部擒安國及其支黨窮治置于法焚

其巢穴州里遂安浙西大水蘇常為甚憲請
輸粟萬斛以賑之上嘉其能賜勅書獎諭
除提舉浙西常平茶鹽公事遷提點刑獄又
以直秘閣知平江府時群盜毛鼎等出沒海
道為商賈居民之害名捕弗獲朝命專以
屬憲不數月悉禽之除兩浙轉運判官進直
敷文閣知臨安府再進直顯謨閣入權戶部
侍郎改權工部侍郎兼臨安府少尹兼權給
事中真拜工部侍郎賜同進士出身為左諫
議大夫御史中丞皆兼侍讀自權工部侍郎

至是皆不出一歲間其超擢如此遂拜端明
殿學士簽書樞密院遷中大夫叅知政事監
修國史俄以端明殿學士提舉江州太平興
國宮又落職南康軍居住起提舉江州太平
興國宮知太平州未行徙泉州復端明殿學
士知江陵府卒年六十三其在江陵前帥頗
厲威嚴治盜不少貸憲繼其後嘗語客曰故
帥得賊輒殺不復窮竟姦盜屏迹自僕至獲
盜必付之有司在法當誅者初未嘗輒貸一
人而群盜已稍出矣僕平居雖雖夕不敢妄

殺今寧以疲輒不勝任去安忍濫及無辜哉
人以此益推其長者

侍從

姚勔字輝中山陰人舉進士第歷永康令重親猶
在父母每以榮其親爲言勔乃請納祿以太
子中允致仕遇郊封父母父母請回官封及
勔祖父母特從之元祐初召爲祕書丞太常
丞右正言數日爲左正言奏御史中丞趙君
錫雷同俯仰無所建明遷起居舍人再遷起
居郎試中書舍人改寶文閣待制國子祭酒
請外以本職知明州紹聖初言者論其阿附
呂大防范純仁謫知信州論不已落職以奉
議郎主管杭州洞霄宮再貶水部員外郎分
司南京卒勔以孝行著每省先墓素衣步出
城門且行且霑涕至墓見者爲之感動

顧臨字子敦會稽人中說書科爲國子監直講遷
館閣校勘同知太常禮院受詔編脩經武要
略臨喜論兵

神宗召問兵學臨對兵以仁義爲本出權湖
南轉運判官提舉常平廣惠倉議事戾執政

意罷去尋除同判武學進集賢校理開封府
推官出知潁州入爲吏部郎中祕書少監以
直龍閣爲河東轉運使元祐二年擢給事中
時軍器少監蔡碩得罪臨論其兄確失教確
坐貶知安州朝廷事回河拜天章閣待制河
北都轉運使知制誥蘇軾等言臨封駁論議
有古人風宜留寘左右不報臨至部請因河
勢回使東流復召爲給事中遷刑兵吏部三
侍郎兼侍讀爲翰林學士紹聖初以龍圖閣
學士知定州徙應天河南府中人梁惟簡嘗
祇事 宣仁閣得罪過洛轉運使郭茂恂恂
時宰意劾臨與宴集奪職知歙州尋斥饒州
居住

徽宗即位追復元職臨元祐未覩時事一變
語待制姚勔曰安得還鄉食煮鵝炙鱸子已
而果俱貶人歎其先識

石公弼字國佐新昌人舉進士調衛州司法叅軍
漣水丞知廣德縣召爲宗正寺主簿入見言
朝廷比日所爲直詞罕聞頌聲交至未有爲
陛下廷事可否者願崇忠正以銷讒佞通諫

事以除壅蔽

徽宗善之擢監察御史進殿中侍御史大觀
初除右正言遷左司諫公弼初名公輔改賜
今名太史保章正朱汝楫冒俸得罪內侍失
察者皆不坐公弼言是皆矯稱詔旨安得勿
論由是並寘罪遷侍御史言蘇杭造作局盛
請革枝巧稍罷進奉帝納之徙太常少卿起
居郎遂拜御史中丞執政言 國朝未有由
左史為中執法者帝曰公弼嘗為御史矣水
官趙霆開直河議已而決壞鉅鹿法當斬霆善交
結但削一官猶為太府少卿公弼論為失刑
乃出霆京西轉運使遂劾蔡京罪惡昭著章
數十上京罷相猶提舉實錄公弼復言京盤
旋輦轂無去志願持必斷以銷後悔竟謫京
杭州公弼進兵部尚書兼侍讀尋以樞密直
學士知揚州改襄州京復輔政陷以深文貴
秀州團練副使台州安置遇赦還卒從弟公
揆字道任

高宗時為侍御史極論樞密使秦檜朋比章
亦十餘上檜再相遂坐廢終于家

傅墨卿字國華山陰人以大父恩補太廟齋郎嘗
為蘄州蘄水揚州江都縣尉歷知池州壽春
府入朝為庫部駕部員外郎實錄院修撰徙
大理卿將作監擢起居舍人中書舍人遂拜
翰林學士給事中宣和四年以禮部尚書持
節冊立高麗王楷有功還賜同進士出身進
龍圖閣學士靖康元年春為京城東壁守禦
使出知舒州提舉杭州洞霄宮建炎中守正
奉大夫致仕嘗奪職至是追復墨卿比凡三
至高麗初為書狀官中為副最後為使其為
使時所過郡縣輒為守令道

上德意以寬宥為務罪囚及當死者多得減
釋官吏有責罰編置亦貸除之高麗至今有
廟祠初墨卿尉江都往來山陽深為節孝處
士菴藉所知或問積所為知墨卿者曰方
欽聖外遐楚之官吏寓客皆集服臨郡庭下
惟傅尉容稱其服吾是以賢之

姚舜明字廷輝嵯縣人舉進士為相州臨漳主簿
登州平牟令知平江府崑山秀州華亭二縣
後為河東經略安撫司幹辦公事宣和二年

冬盜發睦州青谿連陷杭睦衢婺處歙六州以舜明通判婺州遂權州事招集流亡兵數千人穿賊境以入郭晨登義烏門治城壁飛矢雨集舜明親率從兵以石擊賊旣而引兵出戰賊遂大潰又賊帥洪載衆四十萬據處州不下舜明訪得其母妻令載所厚范淵往論禍福載即解甲來降平賊之功於時爲冠除直祕閣提點兩浙刑獄又爲福建路提舉茶事

欽宗即位擢監察御史僞楚之變舜明

高宗初除知衢州尋爲提點江南東路刑獄公事建炎三年冬有旨與防遏司措置盜賊屯于信州除知江州兼本路安撫制置使李成擁衆三十萬至城下舜明布列將士召募敢死晝夜接戰賊衆斃踣不可勝計又開門奮擊生擒其將王林等賊攻益急舜明輒以計襲破其營池州安撫大使呂頤浩率楊惟忠王燮巨師古銳欲解圍會師古兵敗援路遂絕經冬及春飢餓枕籍將士至食妻子

終無有降賊意及力益困遂舉兵法戰大破賊寨以出時議謂舜明藐然孤壘制賊橫瀆使不轉入東南其功居多頃之召爲右司員外郎除直龍圖閣發運副使還爲左司郎中復以祕閣修撰充江淮荆浙都督府隨軍轉運使除權戶部侍郎曹成馬友據湖湘間反側未定命舜明往招撫遂以二賊入朝韓世忠劉光世駐軍江上 朝廷以舜明計置俾置司建鄴以總經費調發犒賞百須以總領之置自茲始丐閑除集英殿修撰提舉江

州太平觀進徽猷閣待制卒子宏寬皆博學強記知名於時著書數百卷暮子憲參政事

贈舜明太師

張宇發字叔光會稽人舉進士調和州含山主簿温州瑞安河南府登封兩縣丞監炒造丹粉所京東排岸司靖康初元以李綱薦薦召對除都官員外郎金人再犯闕詭執和議要大臣宣諭兩河 上以命聶昌耿南仲皆辭惟中書侍郎陳過庭請行於是宇發爲副拜徽猷閣待制已而分過庭往河北而宇發往河

東會虜情中變鑾駕北狩兩人皆已銜命在道遂繫留異域聲問阻絕紹興十三年前禮部尚書洪皓還朝言宇發自蔚州歿於雲中皓見其櫬旅寄荒寺携至燕山授僕人徐禹功使葬焉因再疏請褒贈時相秦檜沮抑事不果行檜薨皓子翰林學士遵言宇發執節歿身南北隔遠計不及時未蒙贈卹於是詔贈左朝請大夫職賜如故仍以致仕遺表恩官其子孫焉

傅崧卿字子駿墨卿從父弟省試第一擢甲科

辟雍正改婺州州學教授遷國子正充校正御前文籍以憂去職服除召爲考功員外郎兼太子舍人方士林靈素得幸造符書號神霄籙自三公輔臣以下皆從靈素師授崧卿與曾幾獨不行被譖出爲鄂州蒲圻縣丞高宗初除知太平州數日罷久之召爲中書門下省檢正諸房公事詔問群臣居建康與趨鄂岳吳越孰便崧卿以建康古建國宜定基本以濟中興爲對虜渡江

上自越將幸四明崧卿殿得乘障盡死力以

爲浙東及衢信州防遏使明年罷防遏使除
直龍圖閣知越州

上自永嘉還越供億用度崧卿乞悉從蠲減
雖中旨有不便輒執奏皆賜可改知婺
州召拜秘書監兼權戶部侍郎尋除宣諭淮
南東路左僕射呂頤浩都督江淮荆浙諸軍
事崧卿以微猷閣待制充叅謀官頤浩還

行在以崧卿管都督事尋權知建康府有言
使淮南日奏事失實降秩提舉洪州玉隆觀
頤浩安撫荆湖南更辟叅謀官詔復集英

殿修撰固辭不拜久之召爲中書舍人詔

以強敵入寇將親撫六帥崧卿入對言留都
管籥旁郡輔翼當及鑿與未發亟圖之庶無

後慮上稱善進給事中兼史館御史常同
論其懷姦如王安石罷歸崧卿謂鄉人曰王
公名世大儒言者以僕比之但有媿耳怡然
不少動崧卿自國家多事常慷慨欲以功名

自見與客言及國事輒憤詔或至流涕覽鏡
見齒髮衰浩歎曰吾遂無以報國家而死乎
在上前論議尤感激未及大用而卒時人

惜之有樵風溪堂集六十卷奏議十五卷西掖制誥三卷又作夏小正傳最行於世

陳橐字德應餘姚人舉進士調寧州州學教授不赴後爲台州工曹攝天台臨海黃巖三縣皆有異政呂頤浩秦檜翟汝文共薦召對除監察御史出爲江西轉運判官徙知台州丁內艱服除趣召入對論時政以備邊安民爲先除司勳郎轉右司郎官明年遷左司郎權刑部侍郎詔侍從言得失橐所陳六事皆切時病金虜比歲入寇不得志遂歸汝南

南地請和橐力陳其不可且曰虜情變詐已事之驗也宜嚴守戰之備秦檜方力主和議異已者皆斥橐亦以徽猷閣待制知潁昌府方行虜果渝盟徙知廣州又徙婺州告老遂致仕橐平居簡默宴坐或終日莫能窺其際居鄉自處如布衣遇出謁率以兩夫負一轎無他從者及門手持刺以授閹人云

梁仲敏字元功山陰人宣和初上舍兩優擇揭調秦州海陵主簿淮寧府儀曹改秩授鎮江管内安撫司福建路轉運司幹辦公事通判温

州紹興三年春 召為太府丞遷太常丞除
駕部員外郎出知臨江軍移知永州提點福
建路刑獄公事禮部侍郎周葵薦 召對擢
監察御史遷右司諫遂拜右諫議大夫踰年
除敷文閣待制提舉江州太平興國宮遂致
仕贈寶文閣學士仲敏居諫職久所論毫髮
無隱或未聽必反覆開陳以冀聽納方虜入
塞大將有遜者仲敏力請誅之大將坐遠斥
士氣乃奮晚家居尤篤風誼及卒邦人思慕之
胡沂字周伯餘姚人宣和末補太學諸生圍城

難獨閉戶肄業如故紹興初擢進士甲科調
秀州軍事推官宣州衢州教授末年執政薦
沂醇粹有守 召對除祕書省正字遷校書郎
歷吏部右司郎官 孝宗即位召為國子司
業擢殿中侍御史龍大淵曾覲除知閣門事
言路多觀望暗默沂與諫議大夫劉度獨極
論乞擯斥不聽即力劾去 上顧沂厚亦終
不許霖雨淹時沂言維夏茲始正陽用事而
陰沴乘之寒未退聽殆陰盛而陽不勝之所
致劉向京房等論雨水川溢皆謂蒙蔽壅塞

憎嫉忠善之應今得無有是上深獎納尋以
直顯謨閣再奉祠 召除宗正少卿踰年擢
起居郎冬霑上疏陳 祖宗納諫任相事願
以為法言甚懇切明年兼侍講除中書舍人
遷給事中時上銳欲恢復浙每對輒以飭邊
備母開兵端為言遷吏部侍郎兼權吏部尚
書請外除徽猷閣待制知處州以疾奉祠召
還拜太子詹事上注意宮寮前已選用王十
朋陳良翰至是浙與周操繼之徙給事中兼
侍講除權禮部尚書仍兼兵部踰年試禮部
尚書外侍讀浙頻歲屢遷其領詹事皆如初
丐閑除龍圖閣學士提舉江州太平興國宮
尋卒浙天資端厚立身有本末尤善知人
孝宗嘗問翰苑闕官誰可浙以汪應辰周必
大龔茂良對曰是皆不徒能文者他所稱引
後多知名謚獻簡

唐闕字進道山陰人少為學刻苦夜未嘗卧手為
不勝其富寫資治通鑑逾歲而畢字皆精措
舉進士調明州定海主簿揚州州學教授
召對為勅局刪定定主管官告院徙國子監

主簿遂為丞項之除祕書郎屢遷都官司封
司勳負外郎兩浙歲饑詔以閱為浙東檢
察賑濟州縣抑配豪右往往閉糴閱奏儲粟
之家宜勿限以價勿計以數則趨利之徒將
傾困競售不待低昂而價自平民饑不相保
小兒遺棄衢路而法三歲以下廼許異姓收
育閱請雖及十歲權聽民鞠養以為己子
孝宗皆可之於是所全活甚衆拜國子司業
俄遷起居舍人卒閱年少嗜學至老彌篤通
貫該洽諸儒稱焉尤長於春秋左氏嘗做遷
固史例以周為紀列國為傳又為表志贊合
五十一卷號左史傳於世

王佐字宣子山陰人十八補太學生二十有一以
南省高選奉廷對為第一授承事郎簽書平
江軍節度判官廳公事未赴召為祕書省
校書郎時秦檜專政其子熺以前執政提舉
祕書省館中或趨附之以為捷徑佐獨簡默
嚴重未嘗妄交一語嘗語同舍曰三館故事
丞相與赤縣尉均為學士安得妄自屈哉熺
聞不能平嗾言者論去之檜死熺斥起家拜

祕書郎兼玉牒所檢討官遷尚書吏部員外郎右司郎闕以佐兼領秦檜妻王氏陳乞舊所得恩數之未用者自稱冲真先生佐駁之曰妾婦安得此稱向者誤恩有司不能執為失職今當追正然王氏封兩國夫人蓋

祖宗以寵親王之配及外家尊屬者何可輒引以階僭紊當併奪之執政不能聽但寢其請而已後王氏死卒奪先生號紹興二十九年二月拜起居郎以臺評罷知永州徙知吉

州皆有治聲除直寶文閣逾年徙知明州隆興初張浚薦除中書門下省檢正諸房公事兼權戶部侍郎力辭不允仍兼侍講湯思退以首相領江淮都督請以佐參其軍謀思退去位佐亦罷參謀以直寶文閣知宣州徙知建康府妖人朱端明崔先生挾左道與軍中不逞輩謀不軌共約以春大閱日起事佐得其陰謀一日坐帳中決事命捕為首者至前略詰數語即責短狀判斷之而流其徒數人於嶺外餘置不問僚屬方候見於客次無一人知者見佐擲筆乃異之而妖人已誅矣佐

方閱案牘治他事延見賓僚乃退無一毫異
於常日又徙知平江隆興二府未赴會知上
元縣李允升生賄前事未作已丐尋醫去而
讒者謂佐縱有罪坐削官居建昌軍讒者去
上察守臣連坐未有佐比且數思其才復官
主管台州崇道觀俄起知饒州又復直寶文
閣知揚州入對留爲宗正少卿兼戶部侍郎
史正志爲發運使坐奏課不實謫併罷佐逾
年主管台州崇道觀起爲福建路轉運判官
徙知潭州連進祕閣修撰集英殿修撰厚熙

六年正月郴州宜章民陳峒竊發俄破道
州之江華桂陽之藍山臨武連州之陽山
縣旬日有衆數千郴道連永州桂陽軍皆
警佐奏乞荆鄂精兵三千未報佐度不可
待而見將校無可用者流人馮湛適在州
召與語曰君能有功不特雪前罪且遂爲
朝廷用比鄉恢復自此始矣湛請行佐曰
請行易耳今當不俟奏報以兵相付旣受
此命即以群盜授首爲期一有弗任軍法
非佐敢貸也遂檄湛帶元官權湖南路兵

馬鈴轄統制軍馬即日令湛自選潭州廂
禁軍及忠義寨凡八百人即衙教場誓師
遣行仍命凡兵之分屯諸州縣者皆聽湛
調發違慢皆立誅又出軍令牌付湛軍士
所過有秋豪擾民及臨敵不用命或既勝
而攘賊金帛使得竄逸者皆必行軍法上
奏以擅遣湛待罪且請亟發荆鄂軍又私
念湛有善戰名賊必遜入廣南思得勁兵
遏其衝而廣南非所部未有以爲計會受
命節制討賊軍馬而前一日又奉

詔會合諸路兵乃合二命爲一權節制會
合諸路兵馬檄廣南推鋒軍兵官黃進張
喜分屯要害賊知湛至而廣南守備已嚴
乃驅載所掠輜重由間道歸宜章轉運司
聞之即移諸州以爲賊已窮蹙自守巢穴
毋以備禦妨農佐得報乃檄轉運司及諸
州以爲賊未嘗敗何謂窮蹙其巢穴旁接
三路七郡林菁深阻出入莫測何謂自守
復奏言遣馮淇之後事方有緒若遽弛備
賊必更猖獗愚民且有附和而起者非細

事也因堅乞前所請荆鄂軍從之已而果
聞賊方作箭鏃甚盛遣人入谿峒買毒藥
之可爲藥箭者佐又奏向者連州受賊首
李晞降賞犒備足未幾復亡去爲賊今陳
峒之次首領是也以此知不一意討捕容
其不死湖廣之憂未艾後誅賊首而貸脅
從未爲晚

上獨是佐策命佐躬至軍前節制佐即日
戒行師徒不譁耕隴市肆之人莫有知者
既至宜章命湛以四月二十三日移屯

卑山湛請進兵日不答惟給以合符曰
符至即行耳一日夜半始發兵符命湛
及鄂州軍統領夏俊明日詰旦分五路
進兵賊初詐降實欲繕治寨柵阻險以
抗官軍佐得其情督兵甚峻及馳入隘
口賊果立寨柵未及成聞官軍至狼狽
出戰既敗又退失所憑乃皆潰走是日奪
空岡寨駐兵十二渡斬陳峒李晞以下誅
獲無遺

詔以佐忠勞備著超拜顯謨閣待制俄

徙知揚州平江府遂知臨安府建部侍郎兼知臨安府進權工部尚書而尹京猶如故兼侍講久之進侍讀遂權戶部尚書知淳熙十一年貢舉尹京逾三年會子病卒力乞奉祠命以寶文閣直學士出守佐復中前請得提舉江州太平興國宮以歸執母喪服除提舉隆興府玉隆萬壽宮鳳翔府上清太平宮卒贈銀青光祿大夫弟公衮字吉老亦以進士起家盜劫其母墓誅成盜不死公衮子殺之仕至左司郎中

莫叔光字仲謙山陰人始舉進士調信州永豐縣尉試學官中選歷明州滁州州學教授又中博學宏詞科除勅局刪定官徙國子博士召試除祕書省校書郎升祕書郎兼皇孫平陽郡王教授除著作佐郎

光宗初兼權工部員外郎改兼皇子嘉王府贊讀升著作郎頃之兼權起居舍人明年除起居舍人兼權中書舍人紹熙二年春雷雪交作詔侍從兩省具闕失先是歸朝官

除節鉞全臺論列不從中司一論樞密使即
譴去叔光奏此最闕失大者又言女謁漸行
近習與政等事辭皆剴切人所難言布衣俞
古上書將以指斥被竄叔光詣執政白不可
尋有旨筠州聽讀叔光即繳奏方求言弭
災異不宜有罪言者之名事竟寢遷起居郎
遂拜中書舍人兼權吏部侍郎外戚李孝純
除閣門宣贊舍人帶御器械叔光言賓贊扈
帶極右列清近之選孝純屢遭譴罰不宜冒居
上即日從之除權吏部侍郎兼祕書監卒叔光外醇
和中實耿介入西掖纔三歲論駁至數十事先是內侍多
自正使轉橫行遷郡非故事也命過叔光悉奏罷之
神仙

越范蠡字少伯徐人也事周師太公望好食桂飲
水爲越大夫佐句踐破吳後乘輕舟入海變
名姓適齊爲鴟夷子皮後百餘年見陶爲陶
梁君財累億萬號朱公復棄之蘭陵賣藥後
人世世識見之云

事載劉子
政列仙傳

漢梅福字子真九江壽春人少學長安明尚書穀
梁春秋爲郡文學補南昌尉後去官歸壽春

居家常以讀書養性為事至元始中王莽顯
政一朝棄妻子去九江至今傳以為仙其後
人有見於會稽者變名姓為吳市門卒去今
山陰之地有山曰梅山有鄉曰梅市有里曰
梅里圖經載會稽志云吳市門即此也

事載前漢

書列傳并圖經

魏伯陽會稽上虞人高門之子姓好道術不肯仕
修真潛默養志虛玄博瞻文詞通諸緯候入
山將弟子三人作神丹丹成知弟子心不盡
乃試之曰丹今雖成當先服之入口即死獨

有一弟子曰吾師非凡人也服此而死將有
意耳亦乃服丹即復死餘弟子不服乃共出
山為求棺木伯陽即起將服丹弟子而去因
逢人入山伐木故作書於鄉里寄謝二弟子
作參同契五相類凡三卷其說似解周易實
假爻象以論作丹之意

事載葛稚川神仙傳

蒯子訓不知所由建安中客濟陰宛旬有神異之
道流名京師士大夫乘風向慕之乃駕驢車
詣許下既到公卿以下候之者常數百人皆
為設酒脯終日不匱後因遁去遂不知所止

去之日唯見白雲騰起從旦至暮如是數十
處時有百歲翁自說童兒時見子訓賣藥於
會稽市顏色不異於今後人復於長安東霸
城見之與一老公共摩挲銅人相謂曰適見
鑄此已近五百歲矣顧視見人而去猶駕昔
所乘驢車也見者呼之曰薊先生小住並行
應之視若遲徐而走馬不及於是而絕

事載後漢

書方術傳

吳劉綱字伯經下邳人初居四明山後為上虞令
師事白君受道歷年道成邀親故會別飲食

畢登大皂莢木上去地十餘丈舉手而別忽

然飛入雲中妻樊夫人亦有道術俱昇天今

白水觀乃其遺迹云

事載葛稚川神仙傳及白水觀碑

趙廣信陽城人魏末渡江入剡小白山受李法成

服炁法又受師左君守玄中之道內見五藏

徹視法如此七八十年周旋郡國或賣藥出

入人間人莫知也多來都下市井作九華丹

丹成遂乘雲駕龍白日登天

事載真誥

虞翁生會稽人受仙人介君食日精法以吳時隱

狼伍山兼行雲炁回形之道精思積久形體

更少如童子後乘雲昇天事載真誥

晉葛玄字孝先丹陽句容人從左元放受九丹金液仙經常服餌求長生能絕穀連年不饑曾游會稽有賈人從海中還過神廟廟使主簿語賈人曰今欲因寄一書與葛仙公可為致之主簿因以函書擲賈人船頭如釘着板拔不可得還達會稽輒以報仙公仙公自往取之即得也語弟子張恭曰吾不得治作大藥今當作尸解去八月十二日日中時當發至期衣冠入室而臥氣色不變弟子等燒香守

之三日三夜夜半中忽大風起發屋折木聲響如雷燭滅良久風止然燭失仙公所在但見衣在而帶不解以其學道得仙故號曰葛仙公今會稽有仙公釣磯及鍊丹井具在事載

葛稚川神仙傳及晉書葛稚川傳及舊經

葛洪字稚川仙公從孫以儒學知名性寡慾不好榮利閉門却掃究覽經籍尤好神仙導養之法初仙公以鍊丹秘術授弟子鄭君稚川就鄭君悉得其法咸和初選為散騎常侍固辭不就聞交趾出丹砂求為勾漏今乃止羅浮

山鍊丹在山積年優游閑養著述不輟著四
外篇凡一百一十六篇自號抱朴子因以名
書年八十一卒顏色如玉體柔軟舉尸入糖
輕如空衣世以為尸解得仙輿地志云上虞
葛稚川縣蘭芎山葛稚川所棲隱也今會稽有仙公
遺迹至多稚川蓋亦嘗至焉

事載晉書列傳及舊經

許謚字思玄少知名儒雅清素博學有才章簡文
皇帝久垂俗表之顧與時賢多所儔結少仕
郡主簿功曹史王茂弘蔡道明辟從事不赴
選補太學博士出為餘姚令入為尚書郎郎

中正護軍長史雖外混俗務而內修真學密
授教記遵行上道挺分所得乃為上清真人
少子靜泰父居會稽禹井山頗遵承家法傳

受經書云

事載真誥

梁陶弘景字通明丹楊秣陵人十歲得葛稚川神
仙傳晝夜研尋便有養生之志齊高帝作相
引為諸王侍讀永明中脫朝服挂神武門上
表辭祿許之敕所在月給伏苓五斤白蜜二
升以供服餌止于句容之句曲山立館號華
陽隱居仙書云眼方者壽千歲弘景晚年一

眼有時而方梁大同二年卒年八十五顏色
不變香氣累日謚貞白先生按內傳言先生
嘗遐遁東邁改名氏曰王整官稱外兵今會
稽陶宴嶺有先生遺迹嶺由此得名又上虞
縣釣臺山夏侯曾先地志言先王嘗乘槎釣
於山下潭中

事載南史隱逸傳
及內傳并圖經

嚴青會稽人遇神人授素書一卷曰汝骨應得長
生青言我不識書當奈何神人曰不須讀也
但以絜器盛之置高處耳并教服石髓法受
之無他佳器惟有飲壺乃用以盛所授書
便見其左右常有數十人侍之治病救患但
以所授書到其人家所病便愈百姓尊奉之
後斷穀不食一年入小霍山仙矣

事載葛稚
州神仙傳

不著
時代

高僧

竺潛字法深隱剡山晉哀帝兩遣使致之至建業
簡文尤師禮之劉惔見於簡文坐中嘲曰道
人亦游朱門乎潛曰君自見朱門耳貧道以
為蓬戶還山支遁求買沃州小嶺

世說作因
人就深公

山賈印潛曰欲來當給不聞巢由買山而隱也

支遁字道林入剡中謝安守吳興以書抵遁曰山

縣閑靜計不減剡幸副積想王羲之在會稽

聞遁名見之乃定交遁還剡路由稽山羲之

詣遁延住靈嘉寺入沃州小嶺建精舍晚移

石城山棲光寺至山陰講維摩許詢為都講

賓主之辨相尋無窮世說又載諸人士及林法師並在會稽西寺講

王荀子在焉許掾便往西寺與王論理共決優劣有遺馬者受之有譏

之者遁曰吾愛其神駿有餉鶴者曰沖天之

物寧當為耳目之玩遂放之世說云支公好鶴住剡東岬山

山去會稽二百里嘗經餘姚鳴曰謝安石相從至此

未嘗不移旬今觸情是愁耳歿葬塢中

于法開遊石城住元華寺又移白山靈鷲寺與支

公爭色空義弟子法威取知名開嘗使威出

都當遠山陰世說作使過會稽曰道林正講小品將

無往見之耶威曰諾既至遁方捉麈威致難

攻之遁曰君乃受人寄載來耶

竺法崇有律學精於法華經居剡之葛峴山茅茨

澗飲乳淳之訪之信宿不去神思傾豁

竺法曠晉興寧中東遊禹穴放情山水至若耶愛

孤潭欲就岩為廬孝武帝欽其為人迎至京

師止長干寺以師事之

竺道壹依山虎丘學徒蟻慕若耶山有白道猷者
以詩寄之曰連峯數千里脩林帶平津雲過
遠山翳風至梗荒榛茅茨隱不見雞鳴知有
人閑步踐徑處處見遺薪始知百世下猶
有上皇民壹得詩欣然往訪猷信宿而歸嘗
從都下還東山經吳中雪下未甚寒諸道人
問在道所經壹公曰風霜固所不論乃先集
其慘澹郊邑正自飄瞥林岫便已皓然

釋道慧公姚人讀遠公傳慕其為人遊廬山卜居

西林三年王式辨三相義慧詰難之詞句
顯又就學猛公猛講成實為張融所難使慧
當之挫其鋒氣融大服褚澄謝超宗皆加敬
焉

釋慧基自錢塘渡江棲會稽山陰法華寺學者千
人元徽初即龜山建寶林寺啓普賢懺法高
士周顒劉瓛張融並摠衣問道

釋曇斐會稽剡人少弃家事慧基洞明方等深經
善莊老儒墨之書游方攷究經典疑義還鄉
居法華臺寺學徒甚盛衡陽孝王元簡廬江

何太祖廟諱

旨師事之張融周顒並從其遊同時有

沙門明慶者餘姚人戒行明白多蘊藉

帛僧光或曰曇光永和初至江東石城山下行數里坐石坎中夢種種惡三日見山神言移章安寒石山以宅施光光就樹結廬久而成寺寺名隱岳

釋弘明會稽山陰人正雲門寺誦法華經瓶水自滿有童子自天而下供使虎無時入室自卧起嘗有一小兒來聽經明為說法俄不見又有山精來指笑明捉得以帶繫之久不得脫曰放我我不敢復來於是釋之後住永興緇玄寺又住栢林寺

釋法慧持律甚嚴隱禹穴天柱峯誦法華經足不履人間者三十年為周顒所師禮王公貴人得一識面以為美談

釋曇翼有卓行誦法華經隱秦望西北峯結庵號法華精舍澗飲三十年同游曇學者亦有奇操即秦望之地為庵號樂林精舍又有道敬者王右軍之後有道學持律甚嚴

釋僧護會稽剡人住石城山隱岳寺寺北有青壁

千餘尺護每至其下輒聞管絃聲或發光怪
即發誓願就青壁鑿十丈佛像以齊建武中
用工經年纔成面像護俄卧疾臨終誓曰再
生當就吾志

釋僧祐剡縣石像祐授準式先是建安王聞始豐
令陸咸剡溪之夢以僧護所造石像奏有詔
祐董其事天監十五年告成舊說祐宣律師
前身也

曇降法流三法師諱思愛弃妻子輕舉入山外緣
都絕魚肉不入口糞掃必在體人見之絕歎
而法師處之夷然

西京光宅寺慧忠國師諸暨人自受六祖心印居
南陽白崖山黨子谷道行聞于帝里唐肅宗
徵赴京待以師禮謚大證禪師

大珠慧海禪師姓朱氏依越州大雲寺道智和尚
受業初至江西參馬祖於言下自識本心馬
祖覽其頓悟入道要門論告衆云越有大珠
圓明光透無遮障處也

禹迹寺契真禪師與瀉山祐和尚同在百丈山稟
受懷海大師宗旨得全心印後游羅浮有越

人禮請師歸浙東俄屆雷門初住鏡中紫陰
院後住覺嗣寺北廊開元寺西廊兩禪院大
中初重興龍興寺大慶尼寺覺嗣寺皆師之
力勅改覺嗣爲大中禹跡寺令本道移師歸
禹跡聚徒北廊院壽九十七造塔於鏡湖南
岸賜號證明之塔謚大觀禪師
清化全付禪師抵宜春仰山禮南塔爲涌和尚印
可安福縣爲建禪苑聚徒本道上聞賜名清
化後還故國吳越文穆王特加禮重晉天福
二年錢氏戍將爲師闢雲峯山建院亦以清
化爲名

筠州洞山良价禪師會稽人禮五洩山默禪師披
剃游方首謁南泉次參瀉山旣到雲巖見曇
晟禪師問無情說法乃述偈呈雲巖辭去因
問貌得真話涉疑後過水觀影大悟前旨
越州沙門曇彥見報恩光孝禪寺

千歲和尚寶掌禪師中印土又生周末當魏晉時
自西域居常不食唯服鉢錄而已一日示衆
曰吾欲住世千歲今六百七十三歲矣因號
千歲和尚唐貞觀中周游二浙至諸暨里浦

山下遇一老人問欲何之師曰訪地修行吾
將老焉老人曰循山之陰林嶂幽聳中有石
室名里浦巖盍往居之值中秋師抵巖下見
其山秀泉絜月白風清爲頌有行盡支那四
百州此中偏稱道人游之句遂結茆以居宴
坐十七年一日屈指一千七十二歲矣語其
徒惠雲曰吾將謝世以還丹授汝今諸暨有
寶掌巖會稽刺浮山明覺寺有千歲和尚塔
又有千歲洗骨池

法華寺玄儼律師諸暨人落髮隸懸溜寺從光州
諮受具戒探賸律範遇上京崇福意律師及
融濟律師印可徧弘四分著輔篇記羯磨述
章光州岸公命弘般若撰金剛義疏即法華
寺建置戒壇招集律行傾衣鉢瑯鐫僧護僧
祐所造石佛像開元二十六年恩制度人採
訪使潤州齊澣迎師於丹楊令新度諸僧躬
受具戒自廣陵迄于信安緇黃道俗受法者
殆出萬人

雲門靈一律師持律甚嚴以清高爲世所推姚邵
贈之以詩曰童子病來煙火絕清泉還齒過

齋時亦能詩劉長卿嚴維郎士元皇甫冉皆以詩與之往來

靈澈上人字源澄會稽湯氏子雖受經論尤好篇章從嚴維學詩抵吳興與皎然游皎然以書薦于包徽宗廟諱李紆上人之名由是而颺貞元中西游京師名振輦下得罪徙汀州入會稽歸東越吳楚間諸侯多賓禮招迂之終于宣川開元寺門人遷之建塔于越之山陰天杜峯有詩二十卷劉禹錫爲序澈自廬山歸沃權德輿有序送其行

海慧大師仲休越人精習天台教而禪寂頓悟不接人事李文靖公連以其名上得紫衣海慧之號問作詩不出其教有山陰天衣十峯詠郡人錢易爲之序

蕭山大眼師晝夜不寐目睛愈光人因以大眼目之

法華從朗法師居蕭山祇園寺年踰百歲門堂盡掩每誦蓮經衆鳥銜花匝座潘闍一日謁之仍閉門不納闍留詩於門云門掩多年生綠苔想師心地似寒灰勞心擾擾休來此我是

閑人尚不開

咸潤法師上虞人習天台教觀依錢塘會法師請
席遂究其旨景德四年邑令裴煥請演教於
等慈繼徙隆教永福聽法者動以千數得法
成名者二百餘人塔在等慈東廡今會稽永
福寺有受業弟子碑師能詩有五泄山三學
院十題編于掇英

象田梵卿禪師既受具即入台之東掖山謁法真
大師處咸聽天台教一日論經王義法真嘆
日子得玄妙於性相之外更衣謁長蘆秀禪

師未契即往投子山謁青禪師居三年青示
寂遂往東林謁照覺揔禪師發露底蘊從容
問荅心凝神釋游鍾山居第一座入室常數
百人結庵徑山苕蒲田住秀之海慧溫之靈
峯越之象田象田久廢至師乃復興今為名
刹得法弟子行持住會稽雍熙四明雪竇護
聖道行一時

佛智端裕禪師蕭山人吳越王遠孫祝髮於大善
寺得法於園悟禪師克勤勤住京師天寧萬
壽諸方謹言會下有真師子兒能大哮吼他

日爲叢林標準者指裕言也住丹霞虎丘徑
山育王有語錄傳世裕出王家狀貌瓌異鬚
髮不受刀但以小翦去之不然則出血亦異
事也

象田了演禪師少依東山廣化聽秀禪師夜參卽
有省發遍謁諸方宗師俱不契徑趨衡陽投
大慧禪師宗杲一見器許杲謂其徒曰若輩
如針刺窻微見光影耳演乃一踏鴻門兩扇
開者也自臨安崇先移住象田繼移靈隱

伎術

漢謝夷吾字堯卿會稽山陰人少爲郡吏學風角
占候太守第五倫擢爲督郵使收案烏程長
夷吾望閤伏哭而還白倫曰竊以占候知長
當死遊竟假息非刑所加月餘果有驛馬齎
長印綬上言暴卒倫爲司徒令班固爲文薦
夷吾曰推攷星度綜校圖錄探賾聖秘觀變
歷徵占天知地與神合契豫剋死日如期果
卒敕其子曰漢末當亂必有發掘露骸之禍
使懸棺下葬墓不起墳

韓說字叔儒會稽山陰人博通五經尤善圖緯之

學舉孝廉數陳災眚光和元年十月說言於
靈帝云其晦日必食乞百官嚴裝帝從之果
如所言中平二年二月又上封事尅期宮中
有災至日南宮大火

吳吳範字文則會稽上虞人以治歷數知風氣聞
於郡中孫權起東南範委身服事每有災祥
輒推數言狀權欲討黃祖範曰不如明年戊
子劉表亦死明年生禽祖劉表竟死範又曰
歲在甲午劉備當得益州備卒得蜀權與呂
蒙謀襲關羽以問範範曰得之權與魏爲

範曰宜爲之備盛兵西陵範曰後當和親
皆如言

介象字元則會稽人有諸方術吳先主聞之徵象
到武昌從象學蔽形之術試還後宮及出殿
門莫有見者又使象作變化種瓜菜百果皆
立生可食先生其論鱸魚何者最美象曰緇
魚爲上先主曰此出海中安可得象乃作方
埕汲水滿之垂綸得緇魚先主曰悵無蜀薑
作壘象書一符以著青竹杖中使人閉目騎
杖至成都買薑薑到廚切繪適了先主爲介

起第宅以御帳給之求去不許自言某月日
病先主使左右以一梨賜之象便死先主殯
埋之發視其棺無尸後弟子見象在蓋竹山
中

晉嚴卿會稽人善卜筮鄉人魏序欲暫東行荒年
多抄盜令卿筮之卿曰君東行必遭暴害之
氣而非劫也宜禳之可索西郭外獨母家白
雄狗繫着船前求索止得駭狗卿猶恨其色
不純當餘小毒及六畜董耳序行半路狗忽
作聲甚急比視已死其夕序墜上白鳩數頭
無故自死而序家無恙

齊孔靈產會稽山陰人宋泰始中罷晉安太守有
隱遁之志於禹井山立館事道精篤頗解星
文好術數齊高帝輔政沈攸之起兵靈產白
高帝曰攸之兵衆雖強以天時冥數而觀無
能為也高帝驗其言擢遷光祿大夫以麓盛
靈產上靈臺令其占候餉靈產白羽扇素隱
几曰君有古人之風故贈君以古人之服當
世榮之

顧歡字景怡隱於剡天台山好服食不與人通每

旦出戶山鳥集其掌取食弟子鮑靈綬門前
有樹六十圍上有精魅數見歡印樹樹即枯
死山陰白石村多邪病村人告訴求哀歡往
村中為講老子病者皆愈又有病邪者問歡
歡曰家有何書荅曰唯有孝經而已歡曰可
取仲尼居置病人枕邊恭敬之自差也而後
病者果愈齊高帝輔政得為揚州主簿及踐
祚乃至稱山谷臣進政綱一卷優詔稱美東

會稽志卷第十五

會稽志卷第十六

翰墨

蘭亭叙者晉右將軍會稽內史琅邪王羲之逸少
所書詩序也右軍以穆帝永和九年三月三
日與太原孫統承公孫綽興公廣漢王彬之
道生陳郡謝安安石高平郗曇重熙太原王
蘊叔仁釋支道林及其子凝之徽之操之等
四十有一人修祓楔於山陰之蘭亭酒酣賦
詩製序用蠶繭紙鼠須筆書凡二十八行三
百二十四字有重者皆高宗廟諱別體而之字最

多至二十許字他日更書數十本終無及者
右軍亦自愛重留付子孫至七代孫智永爲
比丘俗呼永禪師永卒傳書於弟子辯才辨
才俗姓袁氏梁司空昂之玄孫唐貞觀中太
宗銳意學二王書帖摹搨殆盡惟未得蘭亭
凡三召辯才詰之固稱存經喪亂亡失不知
所在後遣監察御史蕭翼微服爲書生以詭
辯才始得之命供奉榻書人趙模韓道政馮
承素諸葛貞等四人各榻數本以賜皇太子
諸王近臣貞觀二十三年高宗奉遺詔以蘭
亭入昭陵惟趙模等所榻者傳於世事見何
延之蘭亭記

蘭亭記凡二千一百餘言秦少游撫取以
載集中此本是也黃長睿東觀餘論跋蘭
亭記云因臨蘭亭閱法書要錄見此記文
詞繁瑣戲爲刪潤但筆嬾不能好書當俟
它日別寫長睿所刪本不復傳矣

晁無咎跋蘭亭記始予幼時讀太平廣記見唐太
宗遣蕭翼購蘭亭叙事益譎以出之輒嘆息
曰蘭亭叙若是貴耶至使萬乘之主捐信於

匹夫傳稱子貢詐而全魯弦高誕而存鄭遺
一言之細建二國之業猶不可以為常以太
宗之賢巍巍乎近古所無奈何溷小者好而
輕喪其非常之寶異於得原失信不為而去
矣晚多間居頗屏世好獨於古人筆墨之遺
猶愛而不能置顧甚於少年喜官爵遲莫營
田宅者與前論異矣因誦白居易七德歌曰
功成理定何其速速在推心致人腹怨女三
千放出宮死囚四百來歸獄復嘆曰太宗以
一旅取天下惟信爾夫不吝三千女而放出
宮自信也不約四百囚而來歸獄人信也晉
捨原何足道哉全魯存鄭利重於謫也愛蘭
亭叙事小於欺也其老而將傳至從其子求
書從葬亦累矣累物鈞病於行若太宗不累
者大累者小則世將曰此何足以論諸信不
信之間士之行已亦若此而已然則此書雖
以石刻傳可寶也崇寧丙戌前冬至五日緡
東臯流憩洞李季良出之晁補之題記

吳備以朋跋間立本書蘭亭右圖寫人物一軸九五
輩唐右丞相間立本筆一書生狀者唐太宗

朝西臺御史蕭翼也一老僧狀者智永嫡孫
會稽比丘辯才也唐太宗雅好法書聞辯才
寶藏其祖智永所蓄晉右將軍王羲之蘭亭
脩稷叙真蹟遣蕭翼出使求之翼至會稽不
與州郡通變姓名易士服徑詣辯才朝暮還
往情意習洽一日因論右軍筆蹟悉以所携御
府諸帖示辯才相與反復折難真贗優劣以
激發之辯才廼云老僧有永禪師所寶右軍
蘭亭真蹟非此可擬藏之梁間不使人知與

君相好因取以相示翼既見之即出太宗

札以字軸寘懷袖間立本所圖蓋狀此一
事蹟書生意氣揚揚有自得之色老僧口張
不吐有矢志之態執事二人其一噓氣止沸
者其狀如生非善寫兒馳譽丹青者不能辨
此上有三印其一內合同印其一大章漫滅
難辨皆印以朱其一集賢院圖書印印以墨
朱久則渝以故唐人間以墨印如王涯小章
李德裕贊皇印皆印以墨此圖江南內庫所
藏簪頂古玉軸猶是故物

太宗皇帝初定江南以兵部外郎楊克

字犯

漢安欽 王諱欽 知昇州時江南內府物封識如故克
遜不敢啓封具以聞

太宗悉以賜之此圖居第一品克遜蔡人寶
此物傳五世以歸其子壻周氏周氏傳再世
其孫穀藏之甚祕梁師成請以禮部度牒易
之不與後經擾攘穀將遠適以與其同郡人
謝伋伋至建康爲郡守趙明誠所借因不歸
紹興元年七月望有携此軸貨于錢塘者郡
人吳說得之後見謝伋言舊有大牙籤後主
觀題刻其上云上品畫蕭翼籤今不存此畫

宜歸

太宗御府而又落人間疑非所當寶有者說
記

洪陰王性之 鍾攷古云劉餗傳記云蘭亭
叙梁亂出在外陳天嘉中爲僧智永所得
至太建中獻之宣帝隋平陳或以獻晉王
即煬帝也帝不之寶後僧果從帝借榻及
登極竟不從索果師死弟子辯才得焉文
皇王爲秦王日見榻本驚喜乃貴價市大王
書日蘭亭終不至焉及知在辯才處使歐陽

詢求得之以武德二年入秦王府劉餗父子世爲史官以討論爲已任於是正文字尤審則辯才之師智果非智永求蘭亭叙者歐陽詢非蕭翼也此事鄙妄僅同兒戲太宗始定天下威震萬國延殘老僧敢靳一紙書耶儻欲圖之必不狹陋若此况在去奈邱豈能遣臺臣世亦猥信之何耶

按辯才所住永欣寺即古之雲門今號淨化寺有蕭翼宿雲門東客院留題雲

門二詩嘗是取蘭亭時也秦晁黃三公皆耆古於攷訂爲精信而不疑諸家所跋蘭亭叙多本延之之說吳傳朋記閻立本畫畫云而跋猶存立本太宗時人蓋亦親見當時事者恐不可盡棄然劉餗所云亦殊有理當兩存之

宋中書侍郎虞龢論書表云羲之爲會稽獻之爲吳興故三吳之地偏多遺迹又是末年道美之士時羲之罷會稽住戢山下一老嫗捉十許六尺用竹扇出市王聊問一枚幾錢云直二十許石軍取筆書扇扇爲五字嫗大悵惋云舉

家如朝飡唯仰於此何乃書壞王云但言王右
軍書字索一百入市市人競市去姥復以十
數羽來請書王笑不荅羲之性好鵝山陰曇
礪一作礪村有一道士養好鵝十餘王清旦乘
小船故往意大願樂乃告求市易道士不與
百乃多譬說不能得道士乃言性好道久欲寫
河上公老子縑素早辦而無人能書府君若
能自屈書道德經各兩章便合羣以奉羲之
便住半日為寫畢龍鵝而歸

陶隱居由梁武帝論書啓云逸少自吳興以前諸

書猶為未稱凡厥好迹皆是向會稽時永和
十許年中者從失郡告靈不仕以後畧不復
自書皆使此一人世中不能別也見其緩異
呼為末年書今聖旨標顯足使衆識頓悟於
逸少無復末年之譏

逸少黃庭經後題云永和十二年五月二十五日
山陰縣寫東方先生畫像贊永和十二年五
月十二日書與王敬仁曹娥碑昇平二年八
月書皆誓墓不仕在越所書斑斑可攷換鵝
乃道德經而李太白送賀季真詩云山陰道

士如相見應寫黃庭換白鵝道德經既不傳
獨黃庭至唐太宗時入御府褚遂良於中禁
西堂錄出正書目五卷第二乃黃庭經六十
行與山陰道士武韋之禍古帖散落至玄宗
開元間收綴二王書黃庭為第一豈太白在
翰林嘗見之亦有所據而云耶

十七帖凡二十七條逸少書中龍也張彥遠以為
王草書中烜赫者名帖信然自昔相傳與周
益州蓋其中問蜀事為多玩味帖語類多晚
歲所作正在會稽時也第十六條云胡毋

從妹平安故在永興居去此七十也按是
永興縣其地為今之蕭山云

羲之游天台還至會稽值風月清照夕止洞庭毫
詠之末題柱為一飛字有爪之形焉後人因
之遂稱龍爪書

羲之為會稽獻之七八歲學書羲之從後掣其筆
不脫歎曰此兒書後當有大名獻之羲之第
七子書入神品

羲之為會稽子敬出戲見北館新白土壁白淨可
愛子敬令取埽帚沾泥汁中以書壁為方丈

二字曖曖斐疊極有勢好日日觀者成市義
之後見嘆其美

僧智永章草題右軍樂毅論云樂毅論者正書第一
梁世模出天下珍之陳天嘉中人得以獻文
帝帝賜始興王王作牧鏡中即以見示昔聞
其妙今觀其真此書留意運工特盡神妙

時在雲門
永欣寺

謝靈運會稽人模憲小王真草俱美靈運母劉氏
子敬之甥故靈運能書而特多王法隸道

妙

虞松字叔茂會稽人魏中書令大司農竇泉述書
賦云名微格高復見叔茂體裁簡約肌骨豐
嫵如空凝斷雲水泛連鷺

孔琳之山陰人善草行書師於小王稍露筋骨時
稱羊真孔草王僧虔云孔琳之放縱快利筆
道流便二王以後略無其比但功夫太少故
嘗劣於羊欣隸行草入妙妻謝氏亦善書

謝敷為會稽山隱士善草隸王僧虔云敷善寫經
入能品

賀道力會稽人善草書尺牘尤美

虞綽字士裕餘姚人官至祕書學士博學有俊材
工草隸

賀朗會稽人陳祕書監書賦云賀氏曰朗雖非動
人不凡筆力猶阻學貧若宦游旅泊衣化風
塵

僧法極字智永會稽人王右軍七代孫號永禪師
與兄子孝賓俱捨家入道孝賓改名惠欣初
落髮時住會稽嘉祥寺即右軍之舊宅後以
每年拜墓便近因移此寺梁武帝以欣永二

人故號所住之寺為永欣焉

今雲門常居

上臨書凡三十年所退筆頭置之大小竹籠籠
受一石餘而五籠皆滿人來覓書如市戶限
為之穿穴用鐵裏之人謂之鐵門限後取筆
頭塵之號退筆冢自製其銘又嘗臨寫真草
千字文八百餘本浙東諸寺各施一本妙傳
家法精力過人隋唐間工書者鮮不臨學禪
師年百歲乃終兄智楷亦工書

智果會稽人師永禪師於永欣寺煬帝甚善之工
草書銘石甚為瘦健嘗謂永師曰和尚得右
軍肉智果得其骨

僧辯才俗姓袁氏梁司空昂之玄孫爲永禪師弟子遺書並付與博學工文琴書碁畫皆得其妙每臨禪師書逼真亂本於方丈梁上鑿閣檻以貯蘭亭年八十餘猶每日於牕下臨學數徧其老而篤好也如此

虞世南字伯施餘姚人其書得大令之宏規同郡智永善學王右軍書世南師焉妙得其體由是聲名籍甚及其暮齒加以道逸太宗謂世南有出世之才遂兼五絕書翰居一焉隸行草書入妙

孔侃字敬思官大司農愴字敬康官車騎將軍會稽人書賦云敬思敬康二孔殊芳思行則輕利峭峻類驚虬逸駿康草則古質鬱紆如落融摧枯

謝藻字叔文會稽人官中書侍郎書賦云叔文法鍾纖薄精練用筆雖巧結字未善似漸陸之遵鴻等窺巢之乳燕

丁潭字世康會稽人官散騎常侍書賦云反古不忘吾推世康似無逸少如稟元常猶落大階之蕙英掇祕府之芸芳

劉歊字季舒會稽人爲光祿大夫書賦云季舒纖勁循古有禮遇稀難評唯署二啓

賀知章字季真會稽人善隸草常與張旭遊于人間凡人家聽館好墻壁及屏障忽志機興發落筆數行如蟲篆飛走雖古之張索不如也好事者供其牋翰共傳寶之書賦云湖山降祉狂客風流落筆精絕芳詞寡仇如春林之絢彩實一望而寫憂今存草書一帖云湖東只因種蓮四十步間遂不生豈不相宜耶莫珍紫尊適我願也知下稍止赤精服七八過前後有米元章小楷題識禮部尚書尤延之刻置天台郡齋政和間祕書郎黃長睿嘗見張長史帖十字六賀八清鑑風流千載人也長睿跋云沈吟此語恍若季真在目長史此帖不獨草聖可賞也

徐浩字季海越州人唐肅宗立繇襄州刺史召授中書舍人兼尚書右丞四方詔令多出浩手遣辭贍敏而書尤精帝喜之寵冠一時始浩父嶠之善書以法授浩益工嘗書四十二幅屏八體皆備艸隸尤工世狀其法曰怒猊扶

石渴驥奔泉浩有論書一篇及古迹記傳于世

王右軍書家譜在山陰縣王氏越州教授王渙之以書抵芾具云有此書

王獻之已復此節帖在朝誦大夫新昌石元之家開景仁屢見之嘗模石芾見臨兩本字札精妙

洪元孝宗廟諱集右軍越州寺碑真迹在越州僧正子

文處嘗通書許借未果託提刑喬執中携去質看亦不肯出欲必幹至越會家難不果去

今要度牒易

虞世南枕臥帖雙鈎唐模在朝奉大夫錢唐關杞處上有儲氏圖書古印關嘗謂芾曰昔越州一寺修佛殿于梁棟內龕藏一函古模數十本所可記者王右軍十七帖世南枕臥帖十鬪九帖褚遂良奉書寧帖上皆有儲氏圖書字印致功精絕毫髮乾濃畢備關與僧善購得枕臥十鬪九奉書寧三帖

虞世南書經在越州上虞

右自王右軍書家譜以下五條見米禮部

書史寶章待訪錄

顏魯公與夫人帖一幅米元章書史云夫人當是其媿在王詵家後有黃魯直等跋帖破碎過半今在府城故司馬秦州儼家

李陽冰小篆二十四大字在直華文閣陸公游家

蓋先少師所藏

李後主與徐鉉帖在王編修鉉家凡數紙所謂小

字如聚鍼釘者

亞栖書在開元寺僧房亞栖筆法雖前輩或有異

論然今閣下所刻

淳熙古帖有之亦晚唐名迹也

碑刻

秦頌德碑丞相李斯小篆史記始皇三十七年上

會稽祭大禹望于南海立石刻頌德二世元

年春行郡縣至會稽盡刻始皇所立刻石石

亦著大臣從者名以彰先世成功盛德其文

曰皇帝休烈平一字內德惠攸板本長三十有

七年親巡天下周覽遠方遂登會稽宣省習俗

黔首齋莊羣臣頌功本末事迹追首高明秦

聖臨國始定刑名顯陳舊章初定法式審別

職任以立

真宗廟諱

常六王專位貪戾傲猛率衆

邦

板本
作自

強暴虐恣行負力而驕數動甲兵陰通

間使以事合從行爲辟方內飾詐謀外來侵邊

遂起禍殃義威誅之殄熄暴悖亂賊滅亡聖

德廣密六合之中被澤無彊皇帝并宇兼聽

萬事遠近畢清運理羣物攷驗事實各載其

名貴賤並通若否陳前靡有隱情飭省宣義

秦

徐廣曰省
一作非

有子而嫁信死不貞防隔內外禁

止淫泆男女潔誠夫爲寄狠殺之無罪男秉

義程妻爲逃嫁子不得母成化廉清大治濯

俗天下取風蒙被休經皆遵度軌利安取

莫不順令黔首脩潔人樂同則嘉保太平後

敬奉法常治無極輿舟不傾從臣誦烈請刻

此石光垂休銘

越絕云秦皇東遊之會稽以正月甲戌到

大越舍都亭取錢唐岑石長丈四尺南北

面廣六尺三寸東面廣四尺西面廣尺六

寸刻於越東山上其道九曲去越二十一

里水經云秦始皇登稽山刻石紀功尚在

山側梁書竟陵王子良爲會稽太守范雲

為主簿以山上有始皇石刻三句一韻多
作二句讀之並不得韻又有字皆不詳雲
夜取史記讀之明日登山讀之如流張守
節史記正義云會稽刻李斯書其字四寸
畫如小指圓鑄今文字整頓是小篆也姚
令威叢語云嘗上會稽東山自秦望山之
巔並黃茅無樹木復自小逕別至一山俗
名鵝鼻山山頂有石如屋大插一碑於其
中文皆為風土所剝隱約就碑可見缺書
如禹廟沒字碑之類不知此石果岑石

非始皇之力不能插於石中此山險絕
有至也紹興二十八年王詹事十朋為發
書判官莫舍人濟教授府學梁寺丞安世
為會稽尉用令威所記銳意搜抉三公各
賦三十四韻以紀其事王公詩叙云秦頌
德碑世傳在秦望山莫知所在教授莫子
齊好竒者古搜訪甚力有言在何山者莫
以語十朋何山見圖經在秦望東南疑其
真秦望十朋語縣尉梁次張勸其親往梁
慨然而行命工登山梁得之碑石僅存字

磨滅已盡墨片紙而還作詩具記始末因
次其韻且記吾三人好事之癖永以示後
人莫公詩叙云秦會稽石刻唐人如張守
節司馬貞皆嘗援以證史記紹興初舅氏
姚令威刪定登山弔古見碑石猶存後二
十餘年分教是邦以語簽判王龜齡勉邑
尉梁君求之則石已缺字不可見矣以詩
記其事龜齡既廢以濟首發其端書以示
濟按會稽秦頌德碑凡二百九十六字視
秦世泰山之果諸刻獨此碑字為最多

李嗣真云斯小篆之精古今妙絕秦望諸
山及皇帝玉璽猶千鈞強弩萬碩洪鍾豈
徒學之宗匠亦是傳國之遺寶周越法書
苑獨載封禪碑數十字而已至歐陽公趙
德父集錄天下金石遺文殆盡亦不復有
秦望山碑姚令威紀鵝鼻山頂石屋所插
一碑今石屋故在碑蓋無有梁次張所模
片紙指為秦碑乃在何山其去鵝鼻尤為
隔絕盡記本末以俟後之君子

禹廟窆石遺字直寶文閣王順伯復齋金石錄定

為漢刻

齊石佛像銘十八字曰齊永明六年太歲戊辰於
吳郡敬造維衛尊像筆法亦工在會稽石佛
妙相寺

桐栢山金庭館碑沈約造見珪之正書永元三年
三月石已亡系地云在嵯縣東七十二里本
觀內據記稱永泰中定居桐栢嶺因地名建
館曰金庭館命置道士十人而已為之首蓋
道士自叙之言非約所撰其謂之造者疑如
後世立碑之類尔今碑 本朝重刻

隋禹廟碑史陵所書張懷瓘書斷稱陵書高古褚
遂良嘗師焉趙德父金石錄謂此碑文字磨
滅隱隱可辨筆法精妙不減歐虞姚令威叢
語名為禹廟沒字碑吳興施宿來佐此府命
工椎拓刮摩垢蝕得二百二十有四字乃為
碑譜刻寘祠下

唐虞世南碑訪碑錄云虞世南書系地云貞觀二
年立在會稽南二十里龜趺猶存碑已亡矣
虞荷碑永興公世南撰釋某書貞觀六年大闕大
夫致仕其年率于會稽縣石不存

越州龍泉寺碑虞世南撰布衣董尋重書沙門好
直篆額大周天授二年豎大和八年再脩建
碑在餘姚縣今亡矣寺有重刻本

周密州司馬康遂誠墓誌行書小字無書撰人姓
名則天長壽三年三月窆於離渚山

賀知章三告一延和元年八月加階告四門助
教擬宣義郎一開元四年八月起居郎舊在
天長觀今徙置府學

龍瑞宮記賀知章撰并正書刻于宮後葛仙公煉
丹并側飛來石止漫滅僅存宮內有重刻本

高行先生徐師道碣開元十一年四月姚奕序賀
知章銘子嶠之正書僅餘碎石四片十不一
存陷府治聽壁

香巖寺碑康希銑撰徐嶠之正書篆額開元十一
年六月立碑在諸暨薦巖寺

秦望山法華寺碑李邕撰并行書篆額開元二十
三年十二月八日建在天衣寺

孔子弟子贊明皇源乾曜盧從愿李抗元行沖張
嘉貞宋璟陸餘慶姚元崇蘇頌裴灌撰

康珽告徐浩行書天寶十二載三月石不存

太子率更令康君碑

宇文顥山陰述天寶十五載寶公衡記史懷則分書并篆額其略云天寶甲午夏四月宇文顥莅山陰一年而成其佳政二年而號為樂土石不存

大理少卿康公夫人河間郡君許氏墓誌王壽撰褚庭誨正書夫人蓋康珽之妻祖敬宗以天寶六載葬于蘭亭

休光寺真法師行業贊寺在餘姚縣今名九功天寶十五載王燧文洪元麟宗集王右軍行書石不存

玄儼律師戒壇碑萬齊融撰徐浩正書篆額天寶十五載六月建在天衣寺

徐浩先塋題記大曆九年十月浩正書刻于高行先生徐師道碑陰石不存

山陰縣額三字舊傳徐浩書或謂學王右軍書而工者非浩所及丹陽葛蒙勒石在縣治

康希銑殘碑大曆十二年顏真卿撰并正書舊在山陰離渚今在府治聽壁通判府事施宿又得二十餘字于民間併陷寘焉

丞相神道殘碑訪碑錄云篆額三字遺丈一百九
十字顏書在山陰縣今皆不存亦莫知丞相
為何人

康府君碑并陰皆不存碑陰上列伯顯貞伯遂誠
父德言叔希銑叔闕五人各有官位中列堂
兄四人堂弟九人下列男泚液令初令望泳
五人德言即率更令有徐浩所書墓碑嗣子
珽又有大理少卿康公夫人許氏墓志云有
子泚液令初令望泳則此碑蓋康珽碑也夫
人碑載珽正為少卿不及送葬府君正碑既

亡所終官不復可攷碑陰拓本猶有存者王
順伯錄其碑始得具載本亦然遂誠有墓誌
希銑有顏魯公書碑康氏在一時亦盛矣

太子率更令康君碑徐浩正書篆額九字云大唐
故康府君墓誌銘環以十二相屬石在山陰
之離渚紹興間里正病官司拓本之煩斷什
田間

徐浩書經在上虞下蓋山石不存

南鎮會稽山永興公祠堂碣貞元元年四月羊士
諤撰韓杼材書韓方明篆額

大覺禪師國一影堂碑崔元翰撰羊士諤正書貞
元九年二月八日石在府城大慶寺碑作嘉
祥寺

貞元題名在府治臥龍山磨崖所刻貞元乙巳歲

十一月九日

復禹袞冕并脩廟記元和三年十月崔及撰馬稹
正書篆額十二字在禹廟今名告成觀

薛苹禹廟祈雨唱和詩薛苹及和者崔述等十七
人共十八詩豆盧畧正書刻於復禹袞冕碑
之陰

建南鎮碣記孟簡撰陳高宗廟諱正書元和十年七月

禹廟題名張良祐孟簡等十一人元和十年三月
二十七日祭南鎮謁禹廟畢至寺

崔詞謁禹廟詩杜尊正書陳章甫序釋惠通分書
開元二十載孟秋宋之間詩附元和十一年
八月陳翺書

又題名二人去年同遊今年不到張良祐孟存七
人今年續到同遊鄭道元和十一年四月三
日記後又題奉使續到劉茂孫

庾肩吾孟簡禹廟詩謝楚行書元和十一年八月

二十六日

禹穴碑鄭昉撰元稹銘韓杼材行書陸澹篆額寶曆景午秋九月作後有大和元年八月三日中山劉蔚續記二行在龍瑞宮

禹穴碑陰元稹并僚屬十一人官位名氏并拜禹廟詩一首後有章草一行

元威明春分投簡陽明洞天詩王璿分書劉蔚篆額大和三年正月十五日立石龍瑞宮

越州衙前總管杜義墓誌沙門東又述大和三年四月二十四日葬淳熙壬寅呂氏營葬紹興

府九里得此塼誌携歸諸暨

白居易繼春分投簡陽明洞天詩王璿分書大和三年八月十五日

故呂后道場寧賁禪師塔銘范的撰并行書沙門潭鏡八分書額八字大和五年九月建塔在山陰縣昭福寺

李紳題法華寺詩趙德父金石錄云法華寺詩唐越州刺史李紳撰其後自序題云大和甲寅歲遊寺刻詩于壁詳自序所言似紳自書然以端州題名較之字體殊不類甲寅大和八

年也

脩龍宮寺碑浙江東道都團練觀察處置等使中
散大夫檢校左散騎常侍兼越州刺史御史
中丞李紳撰行書篆額無姓名大和九年四
月二十五日建在嵯縣

古羅漢塔記沙門知白述王舜正書開成二年丁
巳九月八日咸通七年七月二十日再建立
在餘姚縣

戶曹齊饒墓誌蔣璟撰正書無姓名開成三年四
月定千會稽笥山之南原石不知所在

奚獎書尊勝經小字闕多開成四年十二月十七
日建在餘姚龍泉寺

開元觀夏尊師墓誌何得一述正書無姓名尊師
名季昌會昌元年二月分宮于陶朱峰東北
長山之極原屬諸暨縣

奚獎書尊勝經行書序正書經會昌元年六月二
十七日建前昭義軍節度要籍試右監門率
府兵曹參軍上護軍奚獎書在戒珠寺

靈應廟碑前進士呂確書會昌元年辛酉歲建已
月十五日乙卯記廟在錢清鎮 賜額靈助

近歲脩廟得之土中今寘祠下

京兆阿史那夫人墓志會昌二年十二月山人陳
儉述石在府城

五大夫市新橋記余球述周授行書會昌三年月
屬無射二十有九日建石不存

賜李褒改大中禹跡寺勅無歲月當是大中年間
碑在本寺

勅大中聖壽院額六字又題散騎常侍充集賢殿
學士兼判院事柳公權書十八字於其旁皆
公燿書院有刻石本

勅戒珠寺記趙璘撰貝靈該分書并篆額四字
通三年正月二十五日

平察微墓誌咸通三年八月窆于陶朱鄉赤山之
崗名闕字察微寔漢相平公之遠裔也石在
諸暨縣

大慶寺衆尼粥田記裴澹述王隋正書咸通三年
十月二十七日後有田段四至

越城劉府君墓志楊珪撰咸通十年己丑歲十一
月窆于易俗鄉山亭諸暨縣

大慶寺復寺記貝靈該分書并篆額咸通十一年

二月二十日刻

王銷書尊勝經咸通十三年八月聞人銖造戒珠寺

王脩已書尊勝經正書小字咸通十五年歲次甲午三月丁亥禹跡寺

董府君墓誌祝知微撰正書無姓名誌云唐故浙東都團練使右廂兵馬使銀青光祿大夫檢校國子祭酒行處州司馬兼侍御史上柱國濟陰董府君墓誌乾符四年十月二十五日窆石不知所在

平陽霍夫人隴西李氏墓志任遐述乾符六年庚子月窆于犧溪里楊公山之陽

候官令魏容墓志袁闕述中和元年十月卒

景福元年題字在府城天王寺山

王右軍祠堂記從一十代孫師乾撰晉故右將軍會稽內史瑯琊王府君祠堂碑銘正書并額四字系地去范的書碑無書人姓名歲月趙

德父金石錄附唐末在府城戴山戒珠寺

雲門寺畫華嚴經變相讚馬鴻筭卷田琦分書碑無

歲月

吳越忠懿王詩丁未歲仲冬自丹丘歸國由南明
川禮瑞像因杼二十八字熙寧己酉刻石
錢忠懿王二書付長老重曜有吳越國印刻石在

雲門淨雲庵

求遺書

本朝崇文總目爲書三萬六百六十九卷嘉祐中從
左正言祕閣校理吳及之請下詔購遺書每一卷支
絹一疋五百卷與文資自是獻書者甚衆及高顯來
朝亦數獻書至宣和中冊府所藏充牣棟宇而
禁中藏書尤盛設官校勘謂之

御前書籍中更變故喪亡略盡至

高宗巡幸至吳中雖

祖宗謚號亦亡之但稱廟號建炎三年因攷求字訓
而有司言止有廣韻俟求訪得集韻乃可盡見其散
亡乃至於是紹興十三年始建祕書省於臨安天井
巷之東仍詔求遺書於天下首命紹興府錄朝請
大夫直祕閣陸宰家所藏書來上凡萬三千卷有奇
時置局於班春亭命新信州教授虞仲琦新江東安
撫司準備差遣陸光等數人校勘書手百餘人再閱
歲乃畢今四庫所藏多其本也先是有布衣諸葛行

仁亦會稽人進所藏書八千五百四十六卷賞以官
實紹興五年六月也陸氏書幾倍之時秦檜當國以
其嘗為李光所薦故不復議褒錄

藏書

越藏書有三家曰左丞陸氏尚書石氏進士諸葛氏
中興祕府始建嘗於陸氏就傳其書而諸葛氏在紹
興初頗有獻焉可以知其所蓄之富矣

二事見求遺書門尚書則

石公公彌也陸氏書特全於慈翁家嘗宦兩川出峽不載
一物盡買蜀書以歸其編目日益鉅諸葛氏以其書
入四明子孫猶能保之而石氏當尚書亡恙時書無

一不有又嘗纂集前代古器為圖記亦無一不具其

後頗弗克守而從子大理正邦哲盡以金求得之於

是為博古堂博古之所有衆矣其冥搜遠取抑終身

不厭者後復散出而諸孫提轄文思院繼曾稍加訪

尋間亦獲焉三家圖籍其二氏嘗更廢遷而至今最

盛者惟陸氏初荆國王文公臨川人其從諸孫實未

暨陽今為直寶文閣厚之平生澹泊無他好獨好聚

金石刻甚於嗜慾又特精鑒故所得尤多自三代彝

鼎款識秦漢以降碑篆銘碣縣厓斷壁題字紀績收

刊補缺整緝漉滅皆大備於所著復齋金石錄家世

會稽志卷第十七

草部

會稽之產稻之美者紫珠便糧穠散黃秈

音仙字音士秈稻也

今會稽獨有黃秈之名它無以秈名者

微饒之間例謂小米為秈與此不同

貫

越人謂其蚤熟曰蚤白稻

犁一名回

烏黏蚤白宣

州蚤

一名下

蚤占城

九占城土人皆謂之金成不知何義也一名六十日相傳云唐

太宗伐占城國得其種國史祥符五年上以諸路

微旱則稻悉不登遂遣使福建取占城稻三萬斛分

白婢暴紅婢暴八十日

乃熟其收晚於蚤占城八月

白紅穠紅蓮子上稈青

一名中赤殼大張九小張九



紅黏白稻秦州紅黃巖硬稈白軟稈白三者亦占午城之屬

內青絲青蝦便撩撒它穀浸近兼自芽而後撒此搗一種但浸一夕遠撒之也

泥烏冷水烏山鄉地寒處所宜種也下路烏紅占城八月乃刈似婢暴而

晚葉裏藏謂禾葉挺然出穗之上與它稻異其得霜乃熟曰寒占城

見霜稻狗蟬稻九里香七月始種得霜即熟曰黃稉

後種先熟曰稉說再熟曰魏撩刈稻之後餘穡再熟稈之屬曰

長黏稈一名白稻師姑稈黃秬稈高脚稈海漂來稈仙

公稈旱稈陸種如粟光頭稈謂禿芒也光頭白稻稈紅黏稈自

知稈暴之不變非其主不知也定陳稈晚稈一名紅縹稈汁醱而清馬駝云今之宜

會稽稻米清似宜成以為酒名蓋諸秫為酒不如稻稈之清也紫珠稈赤殼稈

稈粒細多汁亦占城之屬凡五十六種職方氏云揚州荊州其

穀宜稻是也山陰會稽山澤所殖大槩如此雖不盡

無幾矣若通屬邑言之當不止此博詢遠攷尚以俟

後之君子

稈稈也會稽謂之稈粟稈非粟也呂氏春秋曰飯之

美者有陽山之稈高誘曰關西謂之糜冀州謂之纂

甚見廣雅云纂稈也字書云纂糜也又云糜稈也釋

本草者云楚人謂之稈關中謂之糜先儒以為粟類

或言粟之上者其辭疑而未決蓋未始深究耳大抵

稈稈糜纂一物而四名各因其俗為之名爾沈存中

筆談云稷乃今之稌也齊晉之人謂即積皆曰祭乃其土音無他義也齊民要術精博可愛於此乃置而不辯崔寔曰糜黍之秫熟者一名稌亦非也今吳越澤國唯山鄉高原有種稌者而謂之稌粟以其米頗類粟也蓋嘗攷之今會稽山鄉所種稌其苗類黍其穗如稻殊與粟異米大於粟稈大於指而高詩云黍稷稻粱禾麻菽麥是爲八穀董仲舒云禾是粟苗泥勝之種殖書云禾即是粟說文曰禾嘉穀也粟嘉穀之實也八穀已有禾不應云稷復是粟明矣本草有稷而不載稌亦明稷即是稌也爾雅云粱稷郭

云今江東人呼粟爲粱然則郭亦誤意稷爲粟也按周禮疏云爾雅言粱稷者爲稷是五穀長在器曰盛簋盛稻粱簋盛黍稷故曰粱盛揔而言之六穀皆是粱故小宗伯云辨六粱之名物是也豈謂稷爲粟哉又疏云月令中央土食稷與牛五行上爲尊故知稷是五穀長許慎說文亦云稷爲五穀之長韓子曰黍爲五穀之長祭先王以爲上盛它有類此者亦各因其說爲主然以稷名粱當以爾雅爲正

蚤粟二月中種夏熟名蚤黃粟其別曰推頭蚤粟晚粟五月種秋熟一名丹糠粟皮色微紅稷粟與晚粟

同熟爾雅曰衆秣郭璞注云黏粟也大要稷粟爲秣
稻秣爲稷黍稷粟皆曰秣內則有稻醴黍醴粱醴則
粱亦有秣本草注云凡黍稷粟秣秣是也今越人
不復辨秣粟皆謂之稷今從其俗木粟稗大徑寸苗
如蘆高丈餘粒比粟殊大皮黑性黏亦是秣爾鄉民
但用作糞入秋始熟蓋亦黍屬北方宜黍其高可蔽
人畜野獸故北人謂之黍林越人名曰木粟以其似
粟而高大也齊民要術所引木稷木禾亦此義也月
令孟秋農乃登穀注云黍稷之屬及是始熟疏云鄭
司農注先種後熟曰種後種先熟曰種而不見穀名

後鄭引詩云黍稷種種意黍稷皆有種種云百箭粟
秋熟似稗而米糯性踈解鄉民以和稷粟作飯取其
黏解相濟羊角粟一名章家蚤牛繩稷粟與百箭粟
同時推頭稷粟穗短而大以釀勝它粟白稗粟以稗
白得名毛粟如狗尾草色黃米白它粟皆無毛本草
惟青粱黃粱白粱有毛陶隱居云凡云粱米皆是粟
類唐注云出蜀漢商浙間亦種之然則亦黃粱耳丁
鈴粟穗生兩岐狀如丁鈴烟脂稷粟苗稗穗皆赤殆
亦丹黍之屬也灰粟樹葉皆如灰藿苗頭如丹高丈
許米如莧子或云灰粟即苜蓿漢使採其種西域天

子益種離宮旁者西京雜記曰首蒼一名懷風或謂
光風其花有光彩故名首蒼懷風覺子粟本草云和
竹瀝煮作粥食之極美一名象穀一名米囊一名御
米花紅白色似鶻箭頭中有米嵩陽子曰其花四葉
有淺紅暈子今醫家皆用其殼治滯下之疾而本草
於本條內不載烏禾似稗見本會稽鄉民直謂之稗
子歲不熟則民藝之以代糧與黃稔同時其收倍而
多熟泥勝之書曰稗既堪水旱種無不熟之時又特
滋茂蕪穢良田畝得二三十斛宜備凶年稗米擣取
炊食之不減梁米又可釀作酒酒勢美釀尤踰黍秫
魏武使典農種之頃收二千斛斛得米三四斗大儉
可磨食之豐年可飯牛馬漢志曰種穀必雜五種以
備菑害

廣雅曰大麥麩也小麥稜也說文曰麥金也金王面
生火王而死故月令仲秋乃勸種麥孟夏農乃登麥
大麥立夏前熟新穀未登民屑麥作飯賴以濟饑故
月令仲秋乃勸種麥母或失時鄭玄注云麥者接絕
續乏之穀尤宜重之西漢士食半菽亦如今之負
麥飯也曰晚大麥穗長而子多與小麥齊熟曰六稜
麥曰中蚤麥曰紅黏稷麥堪作酒皆大麥之別曰小

麥小滿前熟曰蚤白麥曰松蒲麥秃芒如松房曰娜
麥穗如大麥而米則小麥也皆小麥之別曰蕎七月
種九月熟然畏霜得霜輒枯秋無霜則蕎大熟凶年
民饑有教以寄種蕎者於麥隴間雜下蕎子麥苗未
長而蕎已刈是歲霜晚蕎熟民賴以濟然浙東執麥
晚有至九月者故土人亦或刈蕎而種麥董仲舒曰
春秋他穀不書至於麥禾不成則書之以此見聖人
於五穀最重麥禾也

楊泉物理論曰梁者禾稷之揔名稻者漑種之揔名
菽者衆豆之揔名也先儒曰大豆胡豆也疏本草者

大要指烏豆爲大豆爾生民之詩曰執之戎菽戎菽
即大豆后稷之所殖也爾雅曰戎菽謂之荏菽豆角
謂之茨其葉謂之藎其莖謂之萁今淮潁間謂豆田
爲角田蓋以此會也所產其植者曰烏豆白豆青豆
褐豆赤豆菘豆茶菘豆赤小豆白小豆五月烏豆豌豆
豆七日豆一名毛豆三收豆黑豆之小者廣志云重小豆
一歲三熟是也其蔓生曰羊角豆白籩豆黑者曰白

眼豆一名鵲豆言班駁似鵲紫花者結實而葉紫曰紫眼豆皆

一種爾其莢可蒸食蠶豆江豆刀鞘豆莢長尺餘豆

顆大於棊子

菘米彫胡也周官云魚且菘疏云謂同是水物相宜
尔其根生臺曰菘菜臭也吳中菘米為多會稽菘菜
亦富而米絕少西京雜記云會稽顧循事母至孝母
好食彫胡飯循常躬自採擷家近大湖湖中自生彫
胡無復餘草

竹本出會稽所謂音稽之竹箭者蓋二物也戴凱之
竹譜曰竹之別類有六十一焉蓋總而言之也今會
稽之產曰早筍曰晚筍曰黃筍曰綠筍曰箭筍之別
名曰篠箭為矢材故亦謂矢為箭爾雅曰箠箭萌音
徒哀反周禮有落菹筍菹鄭康成云竹萌曰筍箭萌
曰落音迨曰筋竹曰慈竹酉陽雜俎云筋竹筍未成
竹時堪為弩弦慈竹夏月經雨滴汁下地生蓐似鹿
角色白食之已痢曰水竹曰桃枝竹作篋殊韌堪織
簾書云篋席繡純孔安國云篋桃枝竹也曰石竹桃
枝石竹小而密人家多殖之以當籬援謝靈運山居
賦云水竹依水生甚細密吳中以為宅援然水竹大
者圍數寸其細密乃不能如桃枝石竹也曰黃苦曰
青苦曰白苦曰紫苦是四苦亦出山居賦曰頓地苦
堅中可以為矛曰掉穎苦節踈曰湘簟苦曰油苦曰
石斑曰烏末曰淡竹曰劫竹今會稽煮以為紙者皆

此竹也苦竹亦可為紙但堪作寓錢尔曰湘斑曰金

竹一名曰角竹曰紫竹曰油竹曰木竹堅中曰方竹

曰公孫竹高不盈尺可為几案之玩篠之葉曰箬凡

此非土產則不錄爾雅曰莽數節桃枝四寸有節刺

堅中簡茶中一疏一數一虛一實亦以見竹之類不

一也黃魯直以為竹種類至多而著為書如竹譜之

類皆不詳欲作竹史一書竟不果成山海經曰竹六

十年易根易根必花實而枯死實落土復生六年而

成瞳了作穗似小麥竹花曰復死曰筴丈九切唐末隴

石民饑相食是年忽山中竹皆放花結子色紅而纖

春治作飯香美珍於秔稻民相挈就食如市或雜薑

肉食之輒中毒嘔噦有斃者自此竹皆立枯政宣間

越州竹生花徐州柏生花太師蔡京賀表云獨挺歲

寒之節誕敷朝豔之榮百萼勻紅耀鶴棲之舊幹七

枝競翠佇鳳實以來儀議者謂竹生花則實而枯非

可賀也竹性亦喜東南引生故古之種法云斲取東

南引根於園角西北種之久之自當滿園語曰西家

種竹東家治地言其滋引而生來也漢書曰齊魯千

畝桑渭川千畝竹此其人皆與千戶侯等

苻爾雅曰蒼棲余亦或謂之鳧葵故會稽人亦謂之

苻菜叢生水中莖如釵股葉在莖端隨水淺深陸璣爾雅疏云接余上青下白鬻其白莖以苦酒浸之脆美可案酒

蘋韓詩曰沈者曰蘋浮者曰藻蓋藻萍類也似槐葉生道旁淺水中與萍雜至秋則紫今會稽謂之馬藻亦呼紫藻

藻水草之有文者生乎水下而不能出水之上孔子曰管仲鏤簋而朱紘山節而藻枕說者以爲藻取其文蓋藻非特爲取其文亦以禳火今屋上覆檫謂之藻并取象於此風俗通曰殿堂宮室象東井形刻作荷菱所以厭火與此同義

海藻爾雅曰蘐海藻如水藻而大似髮黑色生深海中陳藏器本草以爲爾雅所謂綸似綸組似組東海有之正爲二藻也善療瘤癭夫頸處險而癭今汝洛間多焉而浙右閩廣山嶺重阻人鮮病之者按本草海藻昆布青苔紫菜皆療瘤癭結氣被海之邦食此故能療之也

菱一名芰屈到嗜芰即此是也亦名薺若說文云楚謂之芰秦謂之薺若越人謂小者爲刺菱大者爲腰菱今俗但言菱芰諸草木書亦不分別惟武陵記云

四角三角曰芡兩角曰菱其花紫色晝合宵炕隨月
轉移猶葵之隨日也越中所產進羅文菱最大即所
謂腰菱也

虞蓼此即蓼之生水澤者也詩曰其罇斯趙以薺荼
蓼荼陸草也蓼水草也以薺荼蓼則高下無所不治
且因暑雨化之則草不復生而地美蓋非特去草之
害亦以醱其田疇故荼蓼朽止於是黍稷茂止也月
令季夏燒薺行水利以殺草如以熱湯可以糞田疇
可以美土疆此之謂也詩曰未堪家多難予又集于
蓼蓼言辛苦也吳越春秋曰越王念復吳怨臥則切
之以蓼冬則抱冰夏則附火言其刻志如此

芡葉似荷而大生而有芒刺越人云荷華日舒夜斂
芡華晝合宵炕此陰陽之異也方言曰北燕謂之菝
青徐淮泗之間謂之芡南楚江淮之間謂之雞頭或
謂之鴈頭周官籩人加籩之實菱芡臠脯所謂籩豆
之實水陸之品也今山陰梅市之雞頭最盛有一戶
種及十八里者然亦有數等小白皮最佳大白皮中
白皮其皮頗堅難齧黃嫩又太軟皆不逮也其柄又
可爲菹甚美越人謂之藕梗其實芡柄耳

芡一名萍無根而浮常與水平故曰芡也會稽謂之

藻言無定性漂流隨風而已周官萍氏掌水禁鄭氏云以不沈溺取名蓋使之幾酒謹酒也月令季春曰萍始生舊說萍善滋生一夜七子一曰萍浮於流水則不生於止水則一夕生九子故謂之九子萍淮南子曰夫萍樹根於水木樹根於土天地之性也世說楊華入水化爲浮萍不知信否

水僊本名雅蒜元祐間始盛得名黃魯直張文潛皆極稱之魯直初以爲可比梅故曰乞與江梅定等差旣而曰但枝不及梅耳故又曰只比江梅無好枝今山陰此花有兩種一曰水僊一曰金盞銀臺金盞銀臺香旣差減格韻亦稍下故徐師川水僊詩曰金銀臺何足比也園丁以爲此花六月并根取出懸之當風八月復種之則多花或曰多糞之花自多又曰但勿移三四年數灌溉之而已不必它法也

荷揔名也華葉等名具衆義故以不知爲問謂之荷也昔人正名百物有是哉故曰萬物有成理而不說郭璞以爲芙渠一名芙蓉按說文未發爲菡萏已發爲芙蓉芙蓉華之號也蓋亦通曰芙藻毛詩傳云荷芙藻也其華菡萏說文以爲其華曰芙蓉其秀曰菡萏其實曰蓮蓮之茂者曰華今其的中有青爲萹萹

倒生兩牙一成芰荷一蕩荷也又生一牙為華蕩荷
帖水生蕩者也芰荷無蕩卷荷也與華偶生出乎水
上亭亭如繖是亦謂之伎荷意音憶伎立也山陰荷最盛其
別曰大紅荷小紅荷緋荷白蓮青蓮黃蓮千葉紅蓮
千葉白蓮大紅荷多藕小紅荷多實白蓮藕最甘脆
多液千葉蓮皆不實但以為翫耳出偏門至三山多
白蓮出三江門至梅山多紅蓮夏夜香風率一二十
里不絕非塵境也而遊者多以晝故不盡知

藕爾雅曰其本菘其根藕蓋莖下白藕在泥中者曰
菘藕偶生又善耕泥引長故藕之文从耦名之亦曰

藕趙辟公雜記曰藕能移鯉能飛龜能守越人謂六
七月間藕最佳謂之花下藕又特出羅文在禹廟前
它皆不逮其稍纖細者可和芥為菹甚美

芹詩曰飢沸檻泉言采其芹水菜也一名水英爾雅
謂之楚葵列子以為客有獻芹者鄉豪取而嘗之驚
於口慘於腹也芹實嘉蔬今和芥或以醢醬和之為
菹絕妙列禦寇之言殆出北方未嘗食芹者爾越城
白馬山產芹最美

蓴字一作蓴泮宮曰思樂泮水言采其茹茹即蓴也
又食大宜人合鮒魚食之佳尤宜老人葉如荇菜而

紫華大如箸柔滑可羹齊民要術云萸性易生水深則莖肥而葉少水淺則葉多而莖瘦陸士衡云吳中有千里萸羹但未下鹽豉尔然蕭山湘湖之萸特珍柔滑而腴方春小舟采萸者滿湖中山陰故多萸然莫及湘湖者或云温病起者勿食犯之輒死

鞠爾雅曰鞠治牆今之秋華鞠也月令季秋云鞠有黃華曰有者非其有之時也春秋傳曰有者不宜有也周官后蠶服鞠衣鞠衣色黃象鞠鞠蓋華於陰中其華則又中之色也故鳥獸草木之名孔子欲學者之多識而記禮者以爲衣服在身而不知其名爲國也會稽昌安門內朱通直莊有佳菊數十種

劉寄奴治金瘡其詳見宋武帝紀此其得名之始也本草總云生江南掌禹錫注云出越州日華子注治心腹痛止霍亂暴下今鄉民每腹痛輒煮飲其升亦多驗

馬兜零本草日華子注云越州七八月採

玉芝出陶宴嶺一名鬼曰一名山荷葉一名唐婆鏡花色正紅生葉下故又名羞天花其根一歲生一曰取其曰以麪如餛飩皮裹炊熟吞之日三枚可以辟穀令人精神旺而力不衰蓋仙藥也本草注云亦出

會稽一名九曰

忍冬一名老翁鬚一名金銀藤一名毛藤一名鷺鷥
藤一名鴛鴦藤出秦望山鵝鼻山三山及鏡湖中水
涯香如茶蘼末利之屬亦可植園圃軒檻爲架承之
治疽瘡解百毒有奇効醫家類能言之故不詳載

蕨爾雅曰蕨驚初生無葉可食狀如大雀拳足黃魯
直詩云蕨芽新長小兒拳蓋此意齊魯曰驚廣雅曰
蕨紫萁非也爾雅曰萁月爾郭璞注云萁即紫萁也
似蕨可食郭注亦非也今會稽山間有一種似蕨而
毛紫色土人謂之蕨萁亦謂之毛蕨乃不可食鄉人

但以藏蘭及藉楊梅取其性踈而不泄鬱也蕨
萁紫故曰紫萁也今會稽人以蕨配筍爲茹尤珍美
東坡詩云慚愧春山筍蕨甜是也

大蓼一名馬蓼莖大而赤生水澤中高丈餘說文云
籠天薈也詩曰山有扶蘇隰有荷華山有橋松隰有
遊龍蓋一名遊龍橋高也遊縱也以縱故謂之龍上
聳曰橋山海經曰其上多橋木而鄭讀曰槁誤矣山
陰池澤所在有之

葛性柔仞蔓生可衣女事之煩辱者故葛覃引以爲
賦蓋知稼穡之艱難則可以爲王矣知女功之勤勞則

可以為王后矣夫禮后織玄統今乃親葛事如此者蓋
王后親蠶以勸女功之正事親葛以勸女功之餘事
絲麻者本事也蒞葛者餘事也葛所以為絺綌也今
五雲門外有葛山焉吳越錄曰越王種葛於此其民
歌曰嘗膽不苦味如飴令我採葛以作絲是也

葳蕤山所產最多葉似蕎麥肥地亦能蔓生莖紫赤
色多生山谷陰處吳越春秋云越王嗜葳蕤常採於此
故以名山本草云關中謂之蒞菜齊民要術亦有葳
蕤法然生擷之小有臭氣凶年民斲其根食之諺曰
豐年惡爾臭荒年賴爾救

菰菜菰蔣草也江南呼為茭草抹馬甚肥爾雅云出
隧蘧蔬郭璞注云似土菌生菰草中今江東啖之音
氍毹氍蓋一名出隧也張揖云氍毹毛席取其音同
本草注云生江東池澤菰葑上如菌葑是菰根歲久
浮在水上者葑越人讀如諷刺之諷暴乾可供然燒
呂氏春秋曰菜之美者越路之菌是也今謂之茭首
蓋茭心生臺至秋如小兒臂其白如藕而軟美異常
每年移根濯洗極潔種之則無黑脉經年不種則黑
脉生矣本草名菰首乃知俗謂之茭首亦有所本
昌蒲今會稽有一種葉有脊如劍謂之鴈蕩昌蒲生

石上節殊密當不止一寸九節也今人多以拳石或沙中種之爲几案之翫陶貞白言真昌蒲古人謂之蘭蓀四月五月亦作小螯花也今東間溪側又有名溪蓀者根形氣色極似石上昌蒲而葉正如蒲無脊俗亦呼爲昌蒲誤矣此物但能辟蚤蝨不堪服食即今之水昌蒲一名白昌一名昌陽韓退之云訾醫師以昌陽引年是也此物種之易茂但須歲一移種則根大不然漸小周禮朝事之豆有昌本麋麇說者謂昌本昌蒲根切之四寸爲菹左傳饗有昌歆白黑形鹽服氏云昌歆昌本之菹然四寸切之恐非溪蓀之根不如是之大則通謂之菖蒲可也香草之類大率多異名所謂萑即今之白芷是也蕙今零陵是也芸今七里香是也葉類豌豆作小叢生其花極芬香經秋葉間微白如粉汗辟蠹殊驗

蒲萄盛於西北會稽有漿水馬腦二種味亦佳魏武有言末夏涉秋尚有餘暑酒醉宿醒掩露而食甘而不飴酸而不酢庾信言北地園種戶植接蔭連架今會稽雖富有此果然俗乃謂不利主人果成主多徙去故居室忌種之又俗謂梓芭蕉皆不利主民廬了無一本惟士大夫園宅及僧寺乃時有之

凌霄花天下凌霄藤必依大樹獨西都富韓公園歸政堂前一株不附它木而生高三四丈歲着花數百是以前道寄李申詩云故園多謝凌霄木直到丹霄上上頭蓋指此也今山陰最多有一歲三着花者三白草出鏡湖澤畔初生不白入夏葉端方白農人候之以蒔田三葉白苗畢秀矣

菘性陵冬不彫四時長見有松之操故其字會意而本草以爲交耐霜雪也舊說菘菜北種初年半爲蕪菁二年菘種都絕蕪菁南種亦然蓋菘之不生北土猶橘柚之變於淮北蕪菁即蔓菁月似菘而小有臺一名葍一名須爾雅曰須菘蕪也方言曰陳楚之間謂之豐趙魏之郊謂之大芥其紫華者謂之蘆菘一名來菘所謂溫菘是也來菘言來蕪之所服也今浙西種蕪菁者寔多臨安亦盛唯越土不宜漢相帝詔曰橫水爲災五穀不登令所傷郡國皆種蕪菁以助民食此可以度凶年救饑饉往歲會稽嘗有人種乃不生根久亦變爲菘張右史文潛詩云蔓菁至南皆變菘其美在上根不食是也

齷種法一本率七八支諺曰葱三齷四言種葱者三支一科齷即四之支多者科輒圓大故齷本難拔古

以拔薤譬強宗乃取此義爾雅曰薤鴻薈即此是也
葱亦薤屬齊民要術以為種葱良地三剪薄地再剪
八月止不止則葱無袍而損白蓋葱青謂之袍會稽
園夫藝葱有兩等其小而美者曰太官葱韭者久也
一種永生說文曰一種而久者故謂之韭內則曰膾
春用葱秋用芥豚春用韭秋用蓼葱與芥陰物也韭
與蓼陽物也

瓜性惡香尤忌聞麝麝氣觸之乃至一蒂不收詩曰
綿綿瓜瓞大曰瓜小曰瓞爾雅曰瓜曰華之柎曰膽
之華取譬於華膽取譬於膽禮為天子削瓜副之巾
以給為國君削瓜華之巾以給蓋華若草木之華副
絕而不屬華析而不絕墨子曰甘瓜苦蒂天下物無
全美也越有銀瓜握青瓜筭筭瓜握青謂其小可藏
握中銀以色名筭以狀名又有蜀阜瓜圖經越有蜀
阜山豈以是得名與吳相王時會稽嘗有五色瓜出
述異記

莧有紅莧白莧紫莧三色今會稽園蔬但白莧爾傳
曰青泥殺鼈得莧復生今人食鼈忌莧其以此乎紅
莧一名馬齒莧本草云節葉間有水銀每莧十斤可
得水銀多至十兩水銀曰汞會稽謂草芽亦曰菜今

人呼刺菜菜菜之類是也凡草大率多承故曰菜今夫挺然茂擢者承使之然也故曰承貢而上鉉泌而下豈獨草爲然哉

苦蕒即苦蒙字書云苦蒙江東人呼爲苦蕒野生今會稽市中所賣乃園蔬肥嫩不澁與萵苣不遠然野苦蕒擷五六過則味益甘滑反勝種者舊說云蠶婦忌擷苦蕒手有苦蕒氣令蠶蛾青爛食之者亦忌入蠶室蓋苦蕒氣能損蠶今人多不以爲意何也蒙音巨亦作苣杜少陵詩序有云苦苣馬齒掩乎豈不疏苦苣當非美茹矣

薑字林云薑御濕之菜苳音紫生薑也潘尼云南夷之薑博物志云妊娠不可食薑令子盈指生捷爲川谷及荆揚之土陶弘景云乾薑今唯出臨海章安兩三村解作之蜀漢薑舊美荆州有好薑並不能作乾者今絲州乾薑爲天下第一臨海乃不聞出乾薑豈以絲薑大售故不復作邪薑畏日而喜露故薑棚覆以干干亦茗之屬也葉旁銛利若干戚之干故得名夜冷露零則干卷而薑濡日出晝燠則干舒而蔭濃性與它草木異故越人種薑必覆以干

蒜一名葫取其條上子初年種之成獨子葫明年則

復其本也廣志曰蒜有胡蒜小蒜黃蒜長苗無科王
逸曰張騫周流絕域始得大蒜葡萄酒首著南人或謂
之齊葫又有澤蒜齊民要術有種澤蒜法或作齋以
嗽鱸此物煮羹臠極美足爲饌中之俊陶云不中煮
自當是未經試耳本草謂能伏邪惡禮云膳於君有
葷桃茆葷菜所以辟凶邪也近世以灸癰疽率得奇
效其法切蒜如崇寧錢厚置患處灼艾丸其上痛則
易蒜可至百壯初覺即灸蚤灸無不愈者會稽山間
又有鹿木治疽神良取根以醇酒煎飲之蘊毒悉解
蓋叢灌小木爾葉如水楊而長近花處則葉圓花爲

穗色紫

茄一名落蘇越人乃止謂之落蘇酉陽雜俎云嶺南
茄子宿根成樹高五六尺又云花時取葉布行路以
灰規之人踐之子必繁謂之嫁茄子四時纂要以十
二月晦嫁樹齊民要術以元日及上元日嫁李亦此
意也今會稽有水茄亦名銀茄云是新羅種形如雞
卵隋大業末名茄子爲崑崙紫瓜出芝田錄黃魚直
詩云君家水茄白銀色殊勝埧裏紫膨脝蜀人生蔬
不下箸吾與北人俱眼明是也

莎釋草云臺夫須可以爲笠又可以爲蓑疏而無溫

詩曰臺笠緇撮又曰南山有臺莎之別種曰侯莎此草易茂歲歲繁滋薙之一日已復生會稽人惡之常苦其不能去然北方以罕有貴之唐河南西士曹有莎廳晏元憲在許亦作庭莎記是也其根亦見本草謂之莎根今俗乃謂之香附子

木部

楸釋木云大而皸楸小而皸榎述異記云越人多楸柚園歲出楸稅謂之橙楸戶中山又有楸戶著名楸籍者也舊說椅即是梓梓即是楸蓋楸之䟽理而白色者爲梓梓實桐皮曰荷其實兩木大類同而小別

也傳曰橋者父道也梓者子道也然今越人不喜楸云不利人家惟僧居則否十道志云越城多生豫章樹每風雨時聞鍾鼓聲今無復存豫章即梓也松其爲木也最壽郭氏玄中記曰松脂淪入地中千歲爲扶苓枹朴子曰松樹三千歲皮中聚脂如龍形名曰飛節芝王策記曰千歲之松望之如偃蓋今會稽惟臥龍及戴山絕頂僅有數樹爲百年之木爾穀惡木也而取名於穀者穀善也惡木謂之穀則甘草謂之六苦類也本草曰楮一名穀陶氏云即今高宗廟諱木誤矣先賢以爲皮斑者是楮皮白者是穀有辨者

曰楮無辨者曰高宗廟諱古之刻藤名天下今刻中楮紙寢有佳者亦不在徽池之下

桃之品不一上原之金桃御桃擺核桃十月桃廟山之早緋紅桃湖南之大緋紅桃蕭山之水蜜桃唐家桃邵黃桃杏桃川桃晚秋桃孩兒面桃諸暨烏石之鷹觜桃諸家園中有崑崙桃區桃矮桃之類不可悉數又有碧桃白桃緋桃二色桃皆千葉花不實今鏡湖之西如花涇之諸處彌望連岡接嶺皆桃李略無雜木方春時花盛發如錦繡裏山谷照水如雲霞恍然異境邦人踏青時競出皆走東湖故有不知者

甘棠釋本云杜甘棠甘棠公之杜梨也又曰杜赤棠白者棠樊光云赤者為杜台者為棠市人多蒸熟賣之越人目為梨頭蓋其實不如北方之美尔然會稽非梨所出姑舉大槩如桃源之水蜜桃紅麋梨木柵之馮家梨映日紅破塘之青消梨何塔之五朶梨東關之葫蘆梨諸暨烏程之蚤稻梨滿殿香梨廿兩梨孝義之蜜梨雪梨白水之黃區梨黃麋梨前塘之趙物梨上金之麻盒梨是也自烏程以下皆諸暨地名

梅一名柟杏類也越州昌原梅最盛實大而美項里容山直步石龜多出古梅尤奇古可愛綠蘚封枝苔

鬚如綠纓踈花點綴其上夭矯如畫山谷間甚多樹
或蔭數十步好事者移植庭檻縱不槁苔蘚亦輒引
落蓋非凡物也今江湘二浙四五月之間梅欲黃艾
則水潤土溽礎壁皆汗蒸鬱成雨其霏如霧謂之梅
雨沾衣服皆敗黥故自江以南三月雨謂之迎梅五
月雨謂之送梅轉淮而北則否梅至北方多變而或
杏故人有不識梅者地氣使然也賈思勰曰按梅華
蚤而白杏華晚而紅梅實小而酸杏實大而甜梅可
以調鼎杏則不任此用世人或不能辨言梅杏爲一
物此則北人不識梅也越中又有映山梅其實甚

而頰紅消梅其實脆而無滓其始傳於花涇李氏
或謂之李家梅越人謂鴨脚子爲杏而謂杏爲杏梅
棗棘大者棗小者棘蓋若酸棗所謂棘也於又重東
爲棗並東爲棘蓋衆性喬棘則低矣故其制字如此
蕭山縣有白蒲棗水菱棗馬棗亳州棗木棗諸暨有
棘子其實圓九花九實謂之九熟棗近城亦有之然
不及也

石榴舊說以枯骨置枝間石壓其根則結子繁盛今
越中石榴蒲萄斫枝種土中輒生不須種也郡齋舊
有海榴亭李公垂有詩宋考功在會稽亦有玩郡齋

海榴詩李義山詩有云山榴海栢枝相交恐海榴各
是一種

橘如柚而小白花赤實蓋亦渡淮而變考工記所謂
橘踰淮而北爲枳橙亦橘屬若柚而香物類相感志
曰葉有兩刻缺者是也杜荀鶴送人遊越詩云有園
皆種橘無渚不生蓮

棗味鹹北方之果也有某蠋自襄國語曰婦摯不過
棗棗以告虔也今諸暨孝義有芋棗榛與筆談云茅
則莊子所謂狙公賦茅者此文相近之誤也或謂諸
暨有三如曰如錦之桑如絲之布如拳之棗

柿之別亦多今會稽所產有紅柿牛心柿烟脂柿
紅柿八月白柿重暈柿花柿木柿丁香柿及長紅團
紅白紅之名又有綠柿會稽謂之裨故有油裨馬蹄
裨大選有梁侯鳥裨之柿殆此類歟上虞有蠟柿亦
裨之別也古云柿有七絕一壽二多陰三無鳥巢四
無蟲五霜葉可翫六嘉實七落葉肥土

楊梅異物志曰楊梅如彈丸味酸蓋昔人未識會稽楊
梅今出項里何塔六峯塘裏其品之最佳者曰官長
梅色深紫香味俱絕曰線梅一名稜梅其實有紋隆
隆如線故名色尤紫實大核小亦可亞官長梅也曰

烏澆梅色黑而韻下曰孫家梅色紅而酢越人多漬以饴或鹽以案酒曰聖僧梅色白曰白帶梅曰何塔蚤梅曰金家晚梅曰三線梅斯爲下矣方揚梅盛出時好事者多以小舫往遊因置酒舟中高飮揚梅與樽壘相間足爲奇觀婦女以簪髻上丹實綠葉繁麗可愛又以雀眼竹管盛貯爲遺道路相望不絕識者以爲唐人所稱蒸支筐不過如此

李釋木云休無實李言李有美蔭可休則無實可食故道旁之李所以不食者苦也郭璞云休無實李一名趙李瘞接慮李今之麥李駁赤李其于赤也

雜記曰漢武上林苑有朱李黃李紫李綠李青李縹李青房李車下李顏回李合枝李羗李燕李猴李鄴中記曰華林園有春李冬華春熟廣志有黃建李青皮李馬肝李然則李之屬其品爲多會稽有蠟李麥熟李迎瓜李皺李白淡李紫末李五夫有風山李蠟瓜李諸暨有井亭李餘姚有粉翠李茄李其實類茄七夕後始熟

柰晉起居注嘉柰一帶十五實或七實生於酒泉西京雜記曰漢上林苑有白柰綠柰武帝內傳有圓丘之紫柰會稽有果名樑亦柰屬也方樑花開時鏡

湖上容山項里間亦數百樹爲園花春特甚亦可喜也其佳品曰馬面探林禽與柰絕相似但差小所謂來禽也吳越時有錢仁俊貶於會稽所居有林禽一本枯已十年及是茂盛多實已而仁俊果復用

山茶酉陽雜俎云山茶葉如茶樹高丈餘葉大盈寸色如緋十二月開一說山茶似海石榴出桂州蜀地亦有然今會稽甚多昌安朱通直莊有樹高三四丈者蜀地乃絕少成都海雲寺僅有一樹每歲花發則蜀帥率郡僚開燕賞之邦人競出土女絡繹於路數日不絕

花子諸花少六出者唯梔子花六出陶貞白言梔子翦花六出刻房七道芬香特甚相傳即西域詹蔔也今會稽有二種一曰山梔生山谷中花瘦長香尤奇絕水梔生水涯花肥大倍於山梔而香差減近歲有千葉梔六月初始盛韓退之云芭蕉葉大梔子肥蓋謂水梔也藥亦用之然必用山梔

牡丹歐陽公花品序云牡丹出丹州延州東出青州南出越州惟洛陽者天下第一王文公有越人以幕養花詩二首吳越時錢傳璿爲會稽喜栽植牡丹其盛若菜畦其成叢列樹者顏色葩房率皆絕異時人

號為花精會稽光孝觀有牡丹亦甚異其尤者名醉
西施熙寧間程給事公闢鎮越嘗領客賞焉公與坐
客皆賦詩刻石觀中詩存而花亡曹娥廟前牡丹二
株亦不凡雖單葉而着花至數百苞至今存

杜鵑花以二三月杜鵑鳴時開一名映山紅一名紅
擲躑躅會稽有二種其一先敷葉後着花者色丹如血
其一先着花後敷葉者色差淡近時又謂先敷葉後
着花者為石巖以別之然鄉里前輩舊但謂之紅躑
躑尚未謂之石巖不知石巖之名起於何年荆公送

吉父歸臨川詩云亦見舊時紅擲躑為言

傷心則江西亦謂之紅擲躑也越人多植庭檻間結
縛為盤盂翔鳳之狀惟法華山奉聖寺佛殿前者特
異樹高與殿簷等而色尤紅花正發時照耀楹楠牆
壁皆赤舊例花苞欲拆時寺僧先期以白郡府守倅
率郡僚往燕其下邦人亦競出久之寺僧厭其擾陰
戕之今枯已二十年郡齋有杜鵑樓今廢李公垂有
詩自注云樓前植杜鵑因以為名王性之詩云杜宇
啼時花正開是也法華雲門諸山皆有之上虞縣南
有釣臺山山足二石筍特起五六十尋其顛皆有花
春夏照爛望之有若人立而飾其冠冕者自

國朝

太祖

太宗

真宗遇密之時花枯瘳者皆三載乃復此齊賢良唐所記也

蟲部

蜂有兩衙應潮其主之所在衆蜂爲之旋繞如衛誅罰徵令絕嚴有君臣之義一名蠟蜂蠟生於蜜而天下之味莫甘於蜜莫淡於蠟崖蜜生崖石空中山陰法雲寺僧云毗村民家墓木空中有蜂集焉歲得蜜甚多或嫉之投燎焚之蜂衛其王不去盡死亦可異也

螢月令季夏日腐草爲螢一名挾火一名據火一名熠燿一說螢非熠燿熠燿行蟲爾今卑濕處有蟲如蠶蠋尾後載火行而有光俗謂之熠燿越人謂此物多則有年又謂入人室則有客至

蝶蛺蝶粉翅有鬚一名胡蝶列子曰烏足之根爲蟻螯其葉爲蝴蝶胡蝶胥也嘗見園蔬其葉有爲蝶者三分二已蝶矣其一尚葉也又嘗見山陰澤中木葉化蝶亦如此干寶云稻成螿麥成蛺蝶豈虛語哉

蠶陽物也惡水淮南子曰蠶食而不飲蟬飲而不食
蜉蝣不食不飲再蠶謂之原蠶一名魏蠶以晚葉養
之先王禁焉淮南子曰原蠶再登非不利也然王者
之法禁之爲其殘桑也鄭云蠶爲龍精月直大火則
浴其種是蠶與馬同氣物莫能兩大禁原蠶者爲害
馬歟然則原蠶有禁非特欲以護桑又以害馬故也
今蠶負馬迹亦其驗歟土人謂之夏蠶亦曰熟蠶亦
曰晚蠶自世衰道微先王之禁不行而民間一歲至
有三蠶者矣是以桑弱而馬耗也蠶書曰飼蠶勿用
雨露濕葉蓋蠶性惡濕大抵春蠶多四眠餘熟蠶皆三
眠越人謂蠶眠爲幼謂之幼一幼二幼三幼大蠶死
則謂之眠熟故諱之而謂之幼

魚部

鮠色黑如緇衣故曰鮠魚本草云生江海淺水中今
會稽瀕海處皆有之魚之最美者故吳王與會稽介
象論鮠之美乃陷地置鈎餌果得鮠焉侍中徐景山
云獺嗜鮠魚乃不避死餘姚瀕海以桃花時爲絕勝
鱸鏡湖中小者纔數寸許最珍海鱸絕有大者煮熟
則朝淪以沸湯亟取乃脆美可食張季鷹爲齊王東
曹掾在洛見秋風起因思吳中菰菜蓴羹鱸魚膾曰

人生貴適意耳遂命駕歸

鯉今會稽池澤中大者亦十餘斤魚唯鯉最壽有至千歲者故曰詹何之釣千歲之鯉不能避也越人謂鯉之小者爲鯉花鱸之小者爲鱸靛鯽之小者爲鯽核鱧之小者爲鱧鰾鮎之小者爲鮎篋皆莫詳其義鯽一名鮒呂子曰魚之美者洞庭之鮒鮒小魚也故易曰井谷射鮒莊子曰車轍中有鮒魚焉鏡湖中鯽纔數寸酉陽雜俎云東南海中祖洲鯽長八尺食之宜暑而避風潯陽有青林湖大者亦二尺可止寒熱越人謂鯽喜聚遊鯽言相即鮒言相付蕭山相胡之

鯽珍美爲越中之冠

鱣舊說是苻苓根所化又云是人髮所化今其腹中自有子不必盡是變化也府學大成殿前池中有鱣其大幾二尺圍歲旱池涸有見之者後漢楊震傳有冠雀銜鱣魚集講堂前注云冠雀鶴也鱣鱣也蓋古字多通用

鱣性浮而善飛躍故一曰揚今黃鱣魚是也陸璣曰今黃頰魚燕頭魚身頰骨正黃魚之有力解飛者一名黃揚舊說魚膽春夏近下秋冬近上土人謂之黃鱣亦曰白條魚

鱮鱮也弱鱗而色白北土皆呼白鱮西征賦曰華
鱮躍鱗素鱮揚鬣傳曰連行魚屬以其性旅行也上
林賦有鮫魚音常容反注云似鱮而黑然則二物也
六韜曰緡隆餌重則嘉魚食之緡調餌芳則庸魚食
之鱮庸魚也魚之不美者會稽諸暨以南大家多鑿
池養魚爲業每春初江州有販魚苗者買放池中輒
以萬計方爲魚苗時飼以粉稍大飼以糠糟又則飼
以草明年賣以輸田賦至數十百緡其間多鱮鱮鯉
鮠青魚而已池有僅數十畝者旁築亭榭臨之水光
浩渺鷗鷺鷓鴣之屬自至植以蓮芡菰蒲拒霜如圖
畫然過者爲之躊躇漢書曰水居千石魚陂與千石
侯等蓋謂此也

石首魚本草云和蓴作羹開胃益氣加鹽暴乾食之
名爲鮫音想土俗愛重以爲益人雖乳婦在蓴亦可食
至爲之語曰此養人之魚也炙食之主消瓜成水魚
初出水能鳴夜視有光又野鴨頭中有石云是此魚
所化舊說北人有寓南海者夜視糞筐中有光燭之
但魚頭爾去燭復然以爲不祥及啓食奩窺其餘齋
亦有光益恐明日詢之土人乃知此海魚之常近歲
舟行蕭山道中晦夕潮汛甚大溢入漕渠鹹水爲船

頭所激爍爍有光以篙擊水迸散如星火嶺表異物志云遇夜陰晦海波如燃水有月即不復見海中魚蝦置暗處則有光又引木玄虛海賦云陰火潛燈然本草固已言之蔡謨食彭蜺瀕死歎曰讀爾雅不熟幾為勸學所誤事類於此

春魚似石首而小歲以仲春至豈以此故得名歟鹽涸而乾之名曰含肚見大業拾遺記越人饁耕以含肚養為上饌傭耕者至有置不敢食包裹歸為親養者或不設則皆不樂

梅魚小於春魚而頭大最先至一曰當名麋魚以三

爛得名

比目魚一名鞋底魚爾雅云東方有比目魚焉不比不行其名謂之鰈音鰈說文云音土盍反土人謂之箸魚以其形似箸也上林賦一名鮐音去魚反注云比目魚也狀似牛脾細鱗紫色

鱘爾雅云鯨鱖刀注云今之鱘魚也亦呼為魴魚然有二種魴魚堪鱸亦曰刀鱘說文云飲而不食刀魚也九江有之今當塗建業瀕江所產甚美會稽謂之江鱘其小者謂之海鱘春時子多而肥為差勝耳

銀魚浙河以北所產大如指此州所有僅如箸末然

軟美過之博物志謂吳餘鱸魚云是孫權食鱸棄其
餘水中化為魚也樵風溪酒甕山下間有之甚大

烏鰂舊說烏鰂有石遇風則吐前一鬚下石一名纜
風魚風波稍急即以鬚黏石為纜遇大魚輒噉墨周
其波以衛身害若小鰂魚過前即吐墨涎惹之南越

志曰烏賊懷墨而知禮其腸名鰂鮓宋明帝好食蜜

漬鰂鮓然古所謂饴蟹如何太祖嗜饴蟹鍾坑謂蟹

之將饴躁擾彌甚之類皆謂糟蟹耳當時語如此沈

存中以為蜜漬鰂鮓之比又云北人嗜甘故魚蟹加

饴蜜皆非也好食蜜漬鰂鮓乃宋明帝豈北人耶

淮浙貢酒漬車螯柱謂之蜜丁曾子開有蜜丁詩然

實未嘗用蜜也蜜鰂鮓類此史官妄加漬字爾

水母一名蝦蛇閩人直曰蛇大小不等形如覆帽而

無口眼今三江斗門海浦潮退人可拾取常有蝦寄

其上方其浮泛水上人欲捕之輒歛然而沒乃是蝦

有所見耳越絕書曰海鏡蠚為腹水母蝦為目也然

其性暖能已河魚之疾或以蝦醋如鱸食之最宜亦

物類相攝耳

蠚西陽雜俎云蟹八月腹內有芒具稻芒也長寸許

向東輸與海神未輸芒不可食燒其殼能致鼠會稽

往歲有蟹苗小蟹無數相糾結大如三斗器隨潮入浦散入瀕海諸鄉食稻爲盡螟蝗之害不加於此國語云越王與范蠡謀吳曰今其稻蟹不遺種蓋謂此也

蝦字書云長鬚蟲也海中有蝦鬚長二丈海蝦擣殺生食以案酒殊俊快河蝦殼強可烹食爾越人謂社鵲曰社豹社豹啼時漁人賣小蝦名社豹蝦又有小蝦大如糠覈曰糠蝦

蝦蟆背有黑點身小能跳接百蟲善鳴與蟾蜍不類本草云蝦蟆一名蟾蜍非也西陽雜俎云鶴影抱蝦

蟾聲抱今里俗聞其春鳴謂之聒子其子謂之科斗大盡先生前足小盡先生後足蟾蜍腹大背黑皮上多痂磊跳行舒遲其肪塗玉則軟刻削如蠟本草所謂能合玉石者也今其一種似蝦蟆而長跣瞋目如怒謂之鼃越王指怒蛙而武士歸之即此是也周禮蝮氏注云蝮今御所食蛙也漢書曰丞相擅減宗廟羔菟鼃此何等物而漢人以供玉食及宗廟之薦邪然則此人未嘗不喜食之韓文公詩以爲南烹恐或不然齊會稽孔稚珪不樂卅務宅中草没人春日蛙鳴僕射王晏鳴笳鼓造之聞蛙聲白此殊聒人耳荅

曰我聽卿鼓吹殆不及此異有媿色又有竹蛙春中能升高而鳴吐白沫如斗大懸竹樹間沫中皆小黑子大抵蛙之屬皆吐生也又有蛤蚧亦蛙之屬或名羊蛤本草云生嶺南山谷及城牆或大樹間長四五寸尾與身等形如守官一雄一雌常自呼其名曰蛤蚧最護惜其尾或見人欲取之多自齧斷其尾首如蝦蟆背有細鱗如蠶子土黃色今秦望諸暨山谷間皆有之捕者必以月之上寅日不然則往往藏穴中不出

鳥部

鵲淮南子曰太陰所建蟄蟲首亢而處鵲巢回而為也先儒以為鵲巢居而知風蟻穴居而知雨歲多風則去喬木巢旁枝故能高而不危也古謂士夕鵲上天河為橋雖未必然今山陰七夕鵲絕少見

鶴禽經曰鶴俯鳴則陰仰鳴則晴拾遺記曰鶴能聚水巢上故人多聚鶴鳥以攘却火災然往歲會稽市火相去尚遠忽有燦燄如流星獨樑火倉西鶴巢鶴飛鳴空中竟不能救又不知何異也

鵝左氏曰鄭翩願為鶴其御願為鵝舊說言江淮謂

羣鶴旋飛爲鶴井則鶴善旋飛盤薄霄漢與鵝之成
列正異故古人陣法或願爲鵝或願爲鶴也會稽戒
珠蘭亭有右軍養鵝池存焉

鷓鴣釋鳥去鷓鴣鷓鴣今江東亦呼鷓鴣左傳曰鷓
鴣氏司事先儒云鷓鴣春來秋去故爲司重一名鳴
鳩月令所謂鳴鳩拂其羽者是也一名鷓鴣莊子所
謂蜩與鷓鴣笑之者是也蓋此似山鵲而小釋鳥曰
鷓鴣也故此一名鷓鴣又其短尾青黑名多聲故
此一名鳴鳩也陸璣云鷓鴣一名斑鳩似鷓鴣而大
鷓鴣灰色無繡項陰則屏逐其匹晴則呼之語曰天
將雨鳩逐婦者是也斑鳩項有繡文斑然故曰斑鳩
則與此鷓鴣全異璣之言非今此鳥喜朝鳴故一曰
鷓鴣也凡鳥朝鳴曰朝夜鳴曰夜禽經曰林鳥以朝
朝水鳥以夜啾啾音夜字見龍龕手鏡

鷓鴣釋鳥去鷓鴣鷓鴣郭璞曰今之鷓鴣也好羣飛沈水
食魚故名濟澤鷓鴣形似鷓鴣而大人足其鳴自呼領下
胡大如數升囊因以盛水貯魚一名淘河一名濟澤
會稽不常有有輒大水土人占之頗驗

鷓鴣自呼其名常向日而飛飛數隨月蓋若正月一
飛而止畏霜露早晚稀出有時夜飛飛則以木葉自

覆其背臆前有白圓點文多對啼志常南嚮不思北
徂本草曰鷓鴣形似母鷄鳴去鈞輒格磔會稽諸暨
山間頗多

鷺一名春鋤步於淺水好自低昂故曰春鋤也方言
鷓鴣謂之獨春與此同意鷓鴣亦其鳴聲如春鷺色
雪白頂上有絲毳然長尺餘欲取魚則弭之山陰
瀕水人家多畜之皆馴不去惟白露一日必籠之不
然飛去

鷺之往來避社而嘵土不以戊己簡口布翅枝尾齊
人呼鷓蓋取其鳴自呼故曰鷓也一名玄鳥蓋取其
春令釋鳥曰鷓鴣雖渠菴雀之屬飛則鳴行則搖大
如鷄長脚尾腹下白頸下黑如連錢故杜陽人謂之
連錢會稽人呼為雪姑其色蒼白似雪鳴則天當大
雪極驗

杜鵑一名子規一名怨鳥夜啼達且血漬草木凡始
鳴皆北嚮啼苦則倒懸於樹說文所謂蜀王望帝化
為子雋今謂之子規是也至今寄巢生子百鳥為哺
其雛尚如君臣去爾雅曰雋周即此鳥也越人謂之
謝豹頽况詩去綠樹陰中謝豹啼又名射豹

戴勝釋鳥去鷓鴣戴鷺郭璞曰鷺即頭上勝今亦呼

焉戴勝一名戴鷲頭上有毛花成勝故曰戴勝也三月飛在桑間葢蠶生之候月令所謂戴勝降于桑是也越人云降桑遇金日主穀賤

烏說文曰烏孝鳥也象形益州耆舊傳曰張霸爲會稽太守舉賢勸講一郡慕化道路但聞誦聲野無遺寇民語曰城上烏鳴哺父母府中諸吏皆孝王子年拾遺錄云越王入國有丹鳥夾王而飛故句踐起望烏臺以紀其瑞燕鳥釋鳥曰燕白脰烏廣雅云純黑而反哺者謂之烏小而腹下白不反哺者謂之雅烏白項而羣飛者謂之燕烏白脰烏也雅烏鸞也山陰色之玄故曰玄鳥也一名鷓鴣目之所不宜處不給視雖落其實棄之而走其畏人也而襲諸人間此燕安之道也舊說紫宵輕小者謂之越燕宵斑黑聲大者謂之胡燕胡燕土人謂之社鷗多巢村墟人家門外其爲巢有極長者山陰人家每候燕多社前到但不入人屋尔必過玄鳥至之日乃入而營巢黃鳥黃栗留也一名倉庚一名皇齊人謂之搏黍亦或謂之黃袍常葢熟時來啄桑間亦應節趨時之鳥也凡詩言黃鳥者興也言倉庚者賦也

斲木釋鳥云鷲斲木郭璞曰口如錐長數寸常斲木

食蟲因名云此鳥有大有小有褐有斑褐者是雖班者是雄又有青黑者頭上有紅毛生山中土人呼爲山斲木大如鵲

鴨鶩也尸子曰野鴨爲鳧家鴨爲鶩不能飛翔如庶人守耕稼而已周官庶人執鶩工商執雞工商欲其知時又上之所畜也故執鶩說苑曰鶩無佗心故庶人以其不散遷而已故執鶩說苑曰鶩無佗心故庶人以其爲執物類相感志云雞鶩伏卵忌磨若聞礮磨之聲則不生矣曲禮曰庶人之執手匹匹鶩也今雄雞能鳴其雌不能鳴雌鶩能鳴其雄不能鳴

又有一種名寒鴉比常鴉頗小歲十月自西北來其陣蔽天及春中乃去秦太虛樂府云寒鴉萬點流水繞孤村不至越者殆不知也

獸部

兔口有缺吐而生子故謂之兔兔吐也舊說兔者明月之精視月而孕故楚辭曰顧兔在腹言顧兔居月之腹而天下之兔望焉於是感氣禮曰兔曰明視其以此數說文無兔字以免爲兔兔生自口出宜有留難吐而後免故字又通爲兔

獺似狐而小青黑色膚如伏翼水居食魚自祭其先

記曰獺祭魚然後漁人入澤梁是也獺取鯉於水裔
四方陳之進而弗食世謂之祭魚山陰澤居亦時見
之

羊禮云羽鳥曰降四足曰漬曰漬者謂死相藏漬而
善耗敗也六畜之死皆善耗敗而羊爲甚禮曰羊曰
柔毛柔毛謂其不疾癢蟲也詩曰羊牛下來先羊後
牛者羊性畏露晚出而早歸常先於牛會稽往歲版
羊臨安渡浙江置羊舡版下羊齧船茹舟漏而沉溺
者甚衆至今人以爲戒

詩曰爾牛來斯其耳濕濕濕濕言潤澤也蓋牛

爲物病則耳燥安則溫潤而澤故古之視牛者以耳
舊云牛相磨堂欲闊膺廷欲廣豪筋欲就雋骨欲垂
插頸欲高排肋欲密尾不用至地頭不用多肉角欲
得細身欲得圓眼欲得大口方易飼鼻廣易牽倚欲
如絆馬行欲如羊形欲如卷懸蹄欲如八字亂睫好
觸龍頸突目好跳毛拳角冷有病毛少骨多有力歧
胡有壽常有似鳴有黃戎右曰贊牛耳挑荊牛耳無
竅以鼻聽也盟者聽於人神故執牛耳而正以不聽
爲戒中州焮潼取酥酪以雍酥爲冠今南方亦皆作
而會稽者尤佳會稽諸邑又推諸暨爲冠蓋吳中酥

雖絕多大抵味淡不可與會稽班也晉王武子指羊酥示陸士衡云卿江東何以敵此疑當時南方未有酥酪也

貓鼠善害苗而貓能捕鼠去苗之害故字從苗記曰迎貓爲其食田鼠也迎虎爲食田豕也今海州貓最佳俗云海州貓曹州狗

猴呂子曰狗似獾獾似母猴母猴似人猴善候其字從侯白虎通曰侯候也楚人謂之沐猴舊云此獸無脾以行消食柳子厚云猿好踐稼蔬所過狼籍山之小草木必陵挫折撓之會稽山間陸種如豆麥胡麻萊服蔬果竹萌之類多爲殘毀天衣寺僧法聰令捕一老猴被以衣巾多爲細縫使不可脫縱之使去老猴喜得脫跳趨其羣羣望而畏之皆捨去老猴趨之愈急相逐日行數十百里其害遂稍息

藥石部

紫石英本草但云生太山山谷陶真白云會稽諸暨石形色如石榴子掌禹錫云生太山或會稽十道志云謝敷少時遊諸暨烏帶山夢神語云當以千千萬萬相遺且至主人林下有異色石乃紫石英主人云出此山敷遂往採掘得其穴所獲甚多元和郡志亦

云烏帶山出紫石英或以為烏豆山或以為當讀如
烏豎或以為字當作笄未知孰是也今諸暨楓橋山
間每雷雨後民競往採之然必祠神而後入山蓋用
謝敷故事但土豪為壟斷民得石多歸之它人未易
得也自此至婺女地產紫石英甚多但不如諸暨之
瑩絜有光彩尔 都下及吳中藥肆所賣紫石英皆
此石也婺州雙林寺輒謂之飯石以神其說

太一餘糧按本草太一餘糧及禹餘糧一物而以精
麤為名會稽主屋澤潞諸山皆有之嶧縣了溪有餘
糧嶺產禹餘糧故得名

紙

王右軍為會稽內史謝公

一作相温

就乞陟釐紙

一作側釐庫

內有九萬枚

一作五
十萬

悉與之以知此會稽出紙尚矣

剡之藤紙得名最舊其次苕牋然今獨竹紙名天下
它方效之莫能彷彿遂掩藤紙矣竹紙上品有三曰

姚黃曰學士曰邵公

學士以太守直昭文館陸公軫
所製得名邵公以提刑邵公饒

新製
得名

三等皆又有名展手者其脩如常而廣倍之自

王荆公好用小竹紙比今邵公樣尤短小士大夫翕

然效之建炎紹興以前書簡往來率多用焉後忽廢

書簡而用劄子劄子必以楮紙故賣竹紙者稍不售

惟工書者獨喜之滑一也發墨色二也宜筆鋒三也
卷舒雖久墨終不渝四也性不蠹五也東坡先生自
海外歸與程德孺書云告為買杭州程奕筆百枚越
州紙二千幅常使及展手各半汪聖錫尚書在成都
集故家所藏東坡帖刻為十卷大抵竹紙居十七八
米元章禮部著書史云予嘗碾越州竹光透如金版
在由拳上短截作軸入笈番覆一日數十紙學書前
輩貴會稽竹紙於此可見會稽竹有宜為矢者其竹
名箭自漢以來乃併謂矢為箭雖裔夷遠域地不產
竹或用柳或用楛為矢然彼人亦謂矢為箭則竹矢

之者於天下可知又今樂部笙率以會稽臥龍山竹
為貴漢蔡中郎得柯亭椽竹為笛亦會稽也會稽之
竹其美如此今為紙者乃自是一種收於筍長未甚
成竹時乃可用民家或賴以致饒唐舒元與有悲剡
藤文顧逋翁有剡紙歌近時米元章薛道祖曾文清

皆有越州竹紙詩附于後

通土雖春入土脉他植發沽獨古藤氣候不覺絕盡
生意予以為本乎地者春到必動此藤亦本於地方
春且死色遂問溪上人有道者云谿中多紙工万斧
斬伐無時擘剥皮肌以給其業噫藤雖植物者温而
榮寒而枯養而生殘而死亦將似有命於天地間今
為紙工斬伐不得發生是天地氣力為人中傷致一
物疾癘之若此異日過數千百郡洎東維西雍歷見
書文者皆以剡紙相誇予竊襄見剡藤之死職止由

此此過固不在紙工且今九牧士人自專言能見文章戶牖者其數典麻竹相多聽其語其自安重皆不啻掘驪龍珠雖苟有曉寤者其倫甚寡不勝衆者皆斂手無語勝衆者果自謂天之文章歸我遂輕傲聖人道使周南召南風骨入於折楊皇華中言偃十子夏文學階入於淫靡故蕩中比肩握管動盈數千百人數千百人筆下動數千萬言不知其爲謬誤日月以縱自然殘藤命易甚桑葉波波踏未見止息如此則綺文妄言輩誰非書刻紙者邪工着利曉夜斬藤以鬻之雖舉天下爲剡溪猶不足以給况一剡溪者耶以此恐後之日不復有藤生於剡矣大抵人間費用苟得着其理則不在之道在則暴耗之過莫由橫及於物物之資人亦有其時時其斬代不爲天闕子謂今之錯爲之文者皆天闕刻溪藤之流也藤生有涯而錯爲文者無涯無涯之損物不直於剡藤面已予所以取剡藤以寄其悲顧逋翁剡紙歌雲門路上山陰雪中有人持玉節宛委山裏禹餘糧石中黃子黃金屑剡溪剡紙生剡藤噴水搗爲蕉葉後欽寫金人金口偈寄與山陰山裏僧手把山中紫羅筆思量點畫龍蛇出正是垂頭搦翼時不免向君求此

物米元章越州竹紙詩越鈞萬村如金版安用杭國與池蘭高壓巴郡烏絲欄平欺澤國清華練老無物適心目天使殘年司筆硯圖書滿室翰墨香劉揮何時眼中見薛道祖和書便瑩滑如碑板古來精紙准聞蘭杵成刻竹光凌亂何用區區書木練細分濃淡可評墨副以谿巖難乏硯世間此理誰復知千里同風未相見薛道祖詠筆硯間物研滴瀕琉璃鎮紙須金虎格筆須白玉研磨須墨古越竹滑如苔更加一萬杵自封翰墨鄉一書當千戶曾文清公竹紙三絕句會稽竹箭東南美來伴陶泓住管城可惜不逢韓吏部相從但說楮先生會稽竹箭東南美化作經黃紙疊層舊日土毛無用處剡中老却一溪藤會稽竹箭東南美研席之間見此君爲問溪工底方法殺青書字有前聞

鹽

鹽會稽亭戶煎鹽法以海潮沃沙暴日中日將夕刮
鹽聚而苦之明日又沃而暴之如是五六日乃淋

取澇然後試以蓮子每用竹筒一枚長二寸取老硬石蓮五枚納澇筒中一二蓮浮或俱不浮則澇薄不堪用謂之退澇蓮子取其浮而直若三蓮浮則澇將成四五蓮浮則澇成可用謂之足蓮澇或謂之頭澇然石蓮試以澇取最後升者為足蓮足蓮乃可驗澇有無足蓮者必借人已驗蓮澇較蓮之輕重為之然後為審間中之法以鷄子桃仁試之澇味重即正浮在上澇薄則二物側浮與此相類編竹為槃槃中為百耳以篾懸之塗以石灰纔足受澇燃烈焰中澇不漏而槃不焦灼一槃可煎二十過淋下滴水或以它水雜之但識其舊痕以飯甑蓋之於中

抗去面水至舊處元澇盡在所去者皆它水或以曲箆隔之亦可以他物則不可分矣孔融論云弊箆不能救鹽池之澇意蓋指此練化術云飲食過鹹以飯箆竹數條炙之著其中則汁便淡蓋未易以理推也元豐中盧秉提點兩浙刑獄會

朝廷議鹽法秉謂自錢塘縣湯村場上流睦歙等州與越州錢清場等水勢清淡以六分為額湯村下接仁和縣湯村場為七分鹽官場為八分並海而東為越州餘姚縣石堰場明州慈溪縣鳴鶴場皆九分至岱山昌國又東南為温州雙嵇南天富北天富十分

著爲定數蓋自岱山及二天富皆取海水煉鹽海賦所謂熬波出素者也自鳴鶴西南及湯村則刮鹹以淋滷以分計之十得六七鹽官湯村用鐵盤故鹽色青白而鹽官鹽色或少黑由熬灰故也湯村及錢清場用竹槃故色少黃竹勢不及鐵則黃色爲嫩青白爲上色黑則多滷或有泥石不宜久停若石堰以東雖用竹槃而鹽色尤白以近海水鹹故爾後來法雖少變公私所陳大抵不易盧法鹽之品至多前史所載夷狄間自有十餘種中國所出數十種今公私通行者四種一者末鹽海鹽也河北京東淮南兩

南東西荆湖南北福建廣南東西十一路食之其次潁鹽解州鹽澤及晉絳潞澤所出京畿南京京西陝西河東褒劍等處食之又次井鹽鑿井取之益梓利夔四路食之又次崖鹽生於土崖階成鳳等州食之唯陝西路潁鹽有定額歲爲錢二百三十萬緡自餘盈虛不常大約歲入二千餘萬緡唯末鹽歲自抄三百萬供河北邊糴其他皆給本處經費而已緣糴買仰給於度支者河北則海末鹽河東陝西則潁鹽及蜀茶爲多唐越州有蘭亭監官場五日會稽東場會稽西場餘姚場懷遠場地心場配課鹽四十萬六千

七十四石一斗今為鹽場四會稽之三江曹娥山陰之錢清餘姚之石堰是也

日鑄茶

日鑄嶺在會稽縣東南五十五里嶺下有僧寺名資壽其陽坡名油車朝暮常有日產茶絕竒故謂之日鑄然茶之尤者顧渚蜀岡蒙頂皖山寶雲皆見於唐以來記錄或詩章中日鑄有名頗晚吳越貢奉中朝土毛畢入亦不聞有日鑄則日鑄之出殆在吳越國除之後歸田錄云草茶盛於兩浙兩浙之品日注第一青箱記亦云越州日鑄茶為江南第一范文正公

汲清白堂西山泉以建溪日鑄臥龍雲門之品試之去甘液華滋悅人襟靈茶經餘姚茶生瀑布嶺昔號仙茗大者殊異與襄州同按今會稽產茶極多佳品惟臥龍一種得名亦盛幾與日鑄相亞臥龍者出臥龍山或謂茶種初亦出日鑄蓋有知茶者謂二山土脈相類及藝成信亦佳品然日鑄芽纖白而長其絕品長至三二寸不過十數株餘雖不逮亦非他產所可望味甘輒而永多啜宜人無停滯酸噎之患臥龍則芽差短色微紫黑類蒙頂紫筍味頗森嚴其滌煩破睡之功則雖日鑄有不能及顧其品終在日鑄下

自頃二者皆或充包貢臥龍則易其名曰瑞龍蓋自
近歲始也其次則天衣山之丁垵茶陶宴嶺之高陽
茶一日金秦望山之小朶茶東土鄉之鴈路茶會稽
山之茶山茶蘭亭之花陽茶諸暨之石窠茶餘姚之
化安瀑布茶此其梗槩也其餘猶不可殫舉日鑄它
書及土人皆用此鑄字蔡君謨東坡先生詩帖墨迹
皆然惟歐陽公著歸田錄則書為日注疑公自有所
據其後亦有書作注者蓋自歐陽公始也

布帛

葛之細者舊出葛山

屬會稽

當句踐時使國中紅女織

布以獻於吳其歌曰嘗膽不苦味若飴令我采葛
作絲弱於羅兮輕霏霏又曰葛之蔓兮舒長條為絺
為綌織且調當暑是服輕飄飄其精如此而後之葛
布頗無聞者梁劉孝綽有謝越布啓曰比納方綃既
非葛不足當也以其摠稱越布故不得強名之今越人衣葛出自閩賈然則
舊邦機杼或者久不傳矣

苧之精者本出苧羅山

屬諸暨

下有西子浣沙石蓋俗

所謂苧沙者於此浣之以故越苧最為得得名夏侯開

國吳都賦曰織絺細越青箋白紵

舊經載諸暨三如
有如苧之苧而郡

國十道志苧或竹蓐
疑必有一誤故不載

而樂府因是有白紵歌詞今外

諸邑獨旣吳陽尤能以苧為布雖不逮舊苧益苧羅遺俗
去

白疊布自一種杜子美詩所謂光明白氎巾者也晉
今日士卒百工毋得服越疊蓋舊惟出於越今無之
繭布爾雅云袍襴也禮記玉藻纁為襴緇為袍左氏
傳曰重襴衣裘其註釋皆謂新縣今諸暨之俗緝緝
繭緒織如絲縷織之成匹蓋狀似絕而密縝過之雖
名為布其實帛也古有繭紙蓋以繭為之蘭亭亦繭
紙書也今非獨無能製者亦不復見矣

山後布頗有名

一名
縠布

亦出於諸暨縣其初緝麻為縷

織成而精好織密蓋亞於羅然頗須厚價故難售惟
貴介之公子厭紈綺者獨喜取之將製衣漱之以水
頃刻成縠紋矣

強口布以麻為之出於剡機織殊麤而商人販婦往
往競取以與吳人為市強口者去剡十五里其溪水
尤紺澈可愛世傳王謝諸人嘗以雪後汎舟至此徘徊
不能去曰雖寒強飲一口自是以名其地亦或有
之昔曹公以酪示座中而羣其上書合字客莫敢發
惟楊脩即發而食之曰公令人一口也則一口亦魏晉
人語或曰剡有彊中故此曰強口

越羅最名於唐杜子美詩屢道之

綠絲行曰越羅蜀
綿金粟尺後出塞

曲曰越羅與楚
練照輝與臺

軀而地理志所云越貢寶花羅者今尼

院中寶街羅是也近時翻出新製如萬壽藤七寶火
齊珠雙鳳綬帶紋皆隱起而膚理尤瑩潔精緻寶街
不足言矣

綾今出於剡縣昔所謂十樣花紋者今不盡見惟擘
繡綾最盛擘繡綾者以狀如擘繡子得名吳興遂寧
皆有之

剡出縞紗尤精其絕品以為暑中燕服如絳冰雪然
雖剡之居人亦不能常得矣

縠始見於吳越春秋句踐始得西施鄭旦飾以羅縠
是也以故錫貢舊有輕客生縠數十年來縠頗出於
蕭山縣雖未臻絕妙然與吳中機工略相當矣
絹舊總稱吳絹今出於諸暨者曰花山曰同山曰板
橋其輕勻最宜春服邦人珍之或販鬻頗至杭而止
以故聲價亦不遠也

蕭山紗以暑伏織者為上秋織者為下冬為尤下
蓋霜燥風烈則絲脆帛地不堅為衣易弊故賣紗
者必曰此夏紗也

會稽志卷第十七

蕭山... 姑... 不...

會稽志卷第十八

山... 拾遺... 苦... 拾遺

山川土宇志載之所不及然而不可佚也作拾遺

桂林山十道志謝靈運著山居賦處或云始寧之東

山也一云餘姚縣有桂林山即此桂訛為林未詳

夫山越絕云夫山大冢句踐庶子冢也

獨山越絕云獨山大冢句踐自治以為冢也

馬嘒山越絕云吳伐越逢大風車敗失騎士墮死足

馬嘒嘒

麻林山越絕云一名多山句踐伐吳種麻以為弓絃



使齊人守之越謂齊人曰多故曰麻林多山以山下
曰封功臣

姑中山越絕云越銅官之山也越人謂之銅孤瀆孤

一百姑長二百五十步

白鹿山越絕云在大山之南

豕山越絕云雞山豕山句踐以蓄雞豕將伐吳以食

戰士也在民山西直江以東屬越疑豕山在諸暨界

太平御覽有雞豕山

土山越絕云苦竹城句踐封范蠡子其僻居徑六十

步因為民治田塘長千五百三十三步其冢名土山

范蠡勤苦功篤故封其子於此

秦伊山越絕云句踐客秦伊喜炤龜者因名其冢為

秦伊山十道志有秦林山疑即此山也

捧里山齊氏少微集云越之捧里山王孫群居於山

以千數其群曰洞主為盜與人剽掠無異居者彈

射之王孫知害將及乃登一大樹有小者躍而耳語

洞主領之小者登木抄借其勢一躍而出圍人之後

有頃火作圍人散而救之王孫整衆而歸無可害

黃山水經剡縣東葦山南有黃山白石山三山為縣

之秀

覆斗山水經覆斗山周五百里北連鼓吹山

大獨山水經上虞縣江外有漁浦湖湖有大獨山小

獨山又有覆舟山山名也王莽篡漢而亂無所害

澤蘭山水經在上虞縣重岫疊嶺參差入雲入之

東箱山十道志云內有鳴山大樹有小峯巖石耳

蓼山見十道志曰山名也蓋與入陳蘇無異

靈山十道志云山有石鼓之林里山王莽篡漢

任巖山見十道志之林里山王莽篡漢

連山華氏攷古云連山蕭山縣西十二里秦始皇

群山於江上置不用其下於此

鍾山南史杜京產傳永明中會稽鍾山有人姓蔡

山中養鼠數千頭呼之即來遣之則去言語狂易時

謂之謫仙不知所終

日門山南史杜京產於會稽日門山聚徒教授陶弘

景太平山日門館碑云高宗廟諱宇太平之東結樂青山

之北意日門館實在菁山太平山之間也

龍頭山水經云崖間有石井

椒山郡國志越州椒山隸會稽縣春秋敗越於夫湫

湫椒同史記吳世家夫差選精兵伐越敗之夫椒注

云太湖中椒山也按太湖在浙西與此不合

清化山許安世詩云淺淺谿流涵白日微微山路入
青雲

青蓮山楊埴詩云撥開瑟瑟青蘿帳尋得磷磷白石
梯

上林湖上謝景初題餘姚上林湖山詩云平湖瞰其
中翠巘圍四垠

仙居山謝景初觀仙居山瀑布云落泉下峭壁斗絕
千萬丈曲嶺隔青林三里已聞響其傍有巨石平潤
可俯仰

郎官巖楊埴詩碧玉莫遮千障石黃金難買一溪雲
歌鍾沸地徒誇盛爭似松風竟夕聞

南林舊經南林在山陰縣南吳越春秋范蠡在越處
女出於南林越王聘之問以劍戟之術華氏攷古云
處女善劍隱於南林勾踐招訓戰士遇叟自稱袁公
求較藝以策為劍而試之技窮投策化為白猿入林
鳳林華氏攷古云在五雲門外世傳禹受圖籍是時
麟遊其庭鸞結其巢鳳皇鳴飛依于林木

防塢越絕云防塢越所以遏吳軍也

嚴陵塢十道志云子陵避光武聘居此

朱室塢水經云勾踐百里之封西至朱室謂此然又

以為浙江西岸未詳

太康湖水經云嶧山下為太康湖今廢

琵琶圻水經云圻有古冢隋水甃有隱起字云茲吉
龜凶八百年落江中謝靈運取甃詣京咸傳觀焉

橫汀在上虞縣東山側晉謝氏所居

故港在嵯縣遊謝鄉有康樂遺迹自港以東為康樂
鄉港東即四明山東岬山屬餘姚新昌二縣大氏皆古
剡中也港傍有高塚曰小相公墓說者云謝氏祖墓也
查瀆吳志王郎攻會稽分軍夜投查瀆道襲高遷屯
南津水經云孔靈符過蜂山前湖以為壞壞下開瀆

直指南津又作水榭二所以會北江得無淹瀆之害

石馳步述異記云上虞縣石馳步一云水次為步

呵浦宋虞丘進從高祖征孫恩戍句章城被圍數十
日不戰身被數創至餘姚呵浦遂破賊張驃出南史
本傳

石瀾南史上虞令王晏起兵攻郡孔顛以東西交通
不知所為其夕率千餘人聲云東討實趨石瀾

岨嶇湖謝靈運傳會稽東郭有回踵湖求決以為田
太守孟顛不與又求始寧岨嶇湖為田顛又堅執遂
為雉隙

西溪謝靈運山居賦有西溪南谷石塚石滂閔硯黃竹注云上田在下湖之水口名曰田口下湖在田之下處並有名西溪南谷分流谷彰水畎入田口西溪水出始寧縣西谷又云石滂在西溪之東從縣南入九里兩面峻峭水自上飛下北至外溪封塏十數里皆飛流迅激左右石壁綠竹閔硯在石滂之東溪逶迤下注良田黃竹與其南連界莆中也

錢湖舊有菴熙寧中勅興福院初錢武肅王患目疾夢白衣人療之良愈旬日永嘉郡獻觀音像適符所夢因寘之錢湖院水旱禱輒應葉表嘗識其事趙希

獻公刊之石

狹祿湖鏡湖之別派字書有狹無祿或云祿本狶字傳之訛也

離渚唐康使君所居

舜廟下溪在會稽縣東

照水在會稽縣東南三里舊經云源出五雲鄉經縣界九十里西南入山陰

南嶺北阜謝靈運山居賦云面南嶺建經臺倚北阜築講堂傍危峯立禪室臨浚流列僧房南北兩居水通涯阻

樂瀆村十道志樂野勾踐以此野為苑吳越春秋勾踐立苑於樂野今有樂瀆村

三風村十道志孝婦孀居姑欲嫁之不肯姑自殺姑女告官官不明殺孝婦後人以婦之孝姑之仁女之罪足為鑒戒故曰三風村

東土鄉在會稽縣東南七十里謝安傳栖遲東土義或取此鄉有里三其一曰謝公里

雙童吳越備史光啓二年錢鏐以錢爽守雙童宋考功之問詩云溪邊逢五老橋下覓雙童

巫里越絕云勾踐徙群巫出於一里舊經云在諸暨縣句踐得西施處

梅福里在山陰縣梅市鄉十道志云梅福為里監門處也

吳王里在州東南一里輿地志云吳闔閭伐越所次舍也

淮陽里一名淮陽宮舊經引夏侯曾先地志越王之宮范蠡立於淮陽今會稽縣北三里甘滂巷北也越絕云離臺周五百六十步今淮陽里丘未詳

百官里舊經云在上虞縣取舜平章百姓之義

蜂扶里舊經云上虞縣北有漁浦湖傳是舜漁處材

民繞湖亂居故名其地為蜂扶里其說舛上同
粟里舊經云上虞縣粟里舜供儲在此非也

孝家里太原汪知玄僑居會稽剡縣居家以孝聞丁
憂哀毀而卒宣帝嘉之改所居清苦里為孝家里

中宿臺在山陰縣越絕書勾踐興樂中宿又云中宿

臺馬丘周六百里今高平里丘

謝安傳鄉人有罷中宿縣者還詣安問其

歸貲答曰有蒲葵扇五萬安取其中者捉之京師士庶競市價數倍中宿非此之謂殆其名偶同尔

項里在山陰縣西南華氏攷古云項梁與籍居此故
得名

富中里舊經云富中大塘勾踐治以為義田田肥美

故曰富中也吳中賦富中之毗貨殖之選

弘訓里在嵯縣水經云吳黃門郎楊哀明居弘訓里

開瀆作埭埭之西作亭亭埭皆以楊為名

昌園在會稽縣南園有梅萬餘株花時雪色可愛芬

香聞數里居民以梅為生業唐陳諫石傘峰序云齊

公舊居西偏昌元之精舍園當作元然齊祖之集又

作昌源未知孰是毛平仲遊昌園賞梅詩云欲雪盡

時携酒去無人知處待花開

桃源在嵯縣南三里舊經劉晨阮肇剡縣人入天台

山遇仙此其居也林槩越中詩云繡被歌殘人竟遠

桃花源靜客忘歸

范蠡地國語范蠡曰昔吾先君因周室之不成子也故濱于東海海波環會稽三百里以為范蠡地史記勾踐賜會稽山以為范蠡封邑

木客越絕云木客大冢勾踐父允常冢也初從琅邪使樓船卒二千八百人伐松栢以為俘也一日勾踐伐善材交刻獻于吳故曰木客十道志勾踐使木客入山求大木三年不得憂思作木客吟一旦神木自生合抱以獻吳王遂作姑蘇臺

禦兒鄉國語云勾踐之地南北至禦兒東至鄞西至

如茂注云嘉興縣今有禦兒鄉未詳水經浙江東

禦兒注引郡國云語兒鄉在南界無餘所生也引萬歲曆云吳黃武六年由拳西鄉有產兒墮地隨便能語云天明何欲清脚折金乃詔為語兒鄉非也禦兒之名遠矣國語云勾踐之地北止禦是也安得引黃武為證哉蓋無智之徒因藉地名生情穿妄爾

天明何欲清鷓路注
金生與水經小異

郡國志云

古冶在州東南舊經引會稽志銅牛鐵冶越王鑄劍之所以銅滓不生草木

東冶巖助傳閩王舉兵於冶南注會稽山名也今名

東冶

侯城在會稽縣東五十八里舊經云夏后氏少康封

子無餘於越所都即此城也按史記少康庶子無餘封會稽以奉禹之祀文

身斷髮披草萊而邑焉後二十餘世至允常舊經作二十餘世蓋誤矣

望烏臺王子年拾遺云越王入吳有丹烏夾王而飛

故句踐之霸也起望烏臺以表其瑞

宴臺在城東南舊經云吳王聞越王石臺之游未嘗

敢上以為畏法服威也

任公子釣臺在稽山門外華氏攷古云昔治分水嘗至

臺下今水落而遠爾或云在南巖寺又云陶宣

詳見南巖注

遊謝鄉在上虞俗傳謝康樂舊遊也紹興初陳子高克詩云

雨裏落帆遊謝鄉寒聲古木共荒涼四山為我洗蒼玉况

有故人歸上方故人汪彥章也時寓東山國慶院故云

靈女臺在諸暨縣東北

越臺李白詩云東嶺橫秦望西陵拱越臺湖清霜鏡

曉濤白雪山來張洎詩云我愛真人居高臺倚寥沈

陶朱公釣臺十道志云會稽縣南

越王臺舊經云種山東北李公垂詩云伍相廟前多

白浪越王臺上少晴煙竇鞏詩云鷓鴣飛上越王臺

觀臺一名游臺越絕云句踐伐吳徙琅邪起觀臺周
七里以望東海水經云越起靈臺於山上作三層樓
以望雲物川土明秀號勝地

賀臺水經云長湖山之西嶺有賀臺越入吳還而成
之故名

松花壇在雲門唐大曆中嚴維呂渭茶宴於此聯句
云幾歲松花下今來草色平遶壇煙樹老入殿雨花
輕

千人壇即禹陵也史記正義引會稽舊記云禹葬於
山有聚土平壇人功所作故謂之千人壇

越州學舊址未詳齊賢良唐上成度支書云東南方
國禹會爲大歲籍貢舉僅百餘人學校不修生徒挑
闢比年二千石未遑斯制誠因農隙考制度庀工徒
新先儒之宮東南士子豈不佩執事訓以風鄉黨乎
以時攷之成度支悅守越天聖六年以迄九年也賢
良前以進士起家首率其里人哀緡錢得二十餘萬
欲市書入學以講肄之所未宇故以此書諷之方是
時學貢雖不廢其陋已甚慶曆四年詔諸路州府
軍監各立學越大州其奉承認詔令宜也今驗諸故府
載籍文書則無所見按沈少卿紳撰越帥沈公生祠

記云嘉祐六年吳興沈公大治學教新其宮居而尊
勸之又張侍御伯玉撰新學記云始州將渤海刁侯
擇地下築繼以紫微吳興沈侯勇爲之又易地于杭
凡三年君侯至而成之今以題名參訂渤海刁侯乃
景純也以嘉祐五年到吳興沈侯乃文通也以嘉祐
六年到君侯乃章伯鎮也以治平二年到伯玉踵文
通後以嘉祐八年到明年徙郡去而伯鎮繼之蓋伯
玉二年於此經理繕造亦有勞焉第落成不及其在
官之日爾又按吳監簿事實云監簿名枚嘉祐治平
間捨宅爲學君子以爲賢於賀監一等今學相傳乃
監簿之故居也然則章伯鎮所成之學宮即監簿所
捨宅爾以歲月較之正合伯玉記不自畫其功謙也
然不及監簿捨宅則闕文爾

孔子殿嘉祐六年建先乎此者未詳沈遜撰永福寺
大像贊嘉祐六年長興公來治是州大治學宮取寶積
舊殿爲孔子殿按太守題名碑長興公即沈文通也

壽樂堂在今通判南廳熙寧中簽書判官廳公事太

子中舍張次山始建即簽判舊廡之南堂也東坡詩

去張侯眼力觀天奧能遣荆棘化堂宇時東坡倅杭

州因寄題焉越帥沈諫議立詩云會稽四面是湖山

亭在湖山勝絕間其全篇見掇英集建炎兵火堂壞
發判丁君復作新之傳給事崧卿譔記云朽者王承
福種樹郭橐駝以韓柳之傳黃四娘家花以少陵之
詩希元作堂有刻石在南六十年堂壞石亡非東坡
詩盛行於世亦莫得而知之乃知文辭之行遠不朽
於金石矣次山字希元建鄴人

通川志有張次山字東喬海陵人官至承

義郎知信州亦嘗歷太子中舍恐此姓名同爾

民事堂王龜齡簽判日始初龜齡賦云堂名民事記
天語也不才以敗官曠職為憂所幸士人甚賢固僚
朝文講論無非民事之要者因為賦以志之

范蠡壇在諸暨縣南九里有陶朱公祠

督護門十道志云晉中將軍王愔成帝拜為督護到
郡開此門出入時人貴之因以為名梁元帝玄覽賦
云御史之床猶在督護之門不修督護一作都督
迎恩門唐昭宗乾寧二年董昌僭竊錢鏐率兵至越
之迎恩門望樓再拜而諭之蓋此門自唐有之
申光門吳越備史云錢鏐攻亭山及申光門俗傳今
常喜門是也

五雲門古雷門也西漢王尊傳毋持布鼓過雷門注
云會稽有雷門舊有大鼓聲聞洛陽舊經云雷門句

踐舊門也重闕二層初吳於陵門格南上有蛇象而作龍形越又作此門以勝之名之為雷去城百餘步十道志云旬踐所立以雷能威於龍也門下有鼓長丈八赤聲聞百里孫恩亂為軍人打破有雙鶴飛去晉傳亦載之唐詩云雷門曾化鶴謂此雷門後改為五雲門唐書董昌傳嘗閱兵於五雲門吳越備史錢鏐攻五雲門遂平越州實乾寧三年五月也

廣平路治平末程給事

師孟

守郡喜遊山民為闢此

路因以氏名華氏攷古云在稽山門外一十里

秦稽顏延年和謝靈運還舊園云歧予間衡嶠易月

瞻秦稽孟浩然久越中云未能忘魏闕空此滯秦稽

禹會鄉在山陰縣西五十里唐鄭魴龍瑞宮碑云千

川萬山皆禹之會注云讀如會稽之會

東坡濠山書云樵蘇已入

黃熊廟烏鵲猶朝禹會村蓋濠梁亦有一禹會也

姚丘在上虞縣西四十里一名挑丘俗傳舜所生處

傍有虞濱媯石風土記云舜生於姚丘媯水之內指

石之東後人傳會其說非也

虹漾村在上虞縣西南載初鄉有握登聖母祠東西

各有二赤岸俗妄指以為舜生之祥

孟村在始寧以孟嘗所居得名今仍多孟姓者

顧墅在上虞縣江岸俗傳宋顧懽開學之所今訛爲故墅

西莊在上虞西南葛仙鄉傳云謝康樂之別墅也安石渚世說劉尹爲會稽嘆曰我當泊安石渚下爾不敢復近思曠傍思曠阮裕也劉尹真長也

諸越漢嚴助傳云會稽東接於海南近諸越北枕大江注謂越種非一故言諸越也春秋哀公十三年於越入吳杜預注云於越發語聲也舊經云周敬王時越王大鐔子允常允常拓土始大稱王春秋貶之號白於越舊經未審何據當以杜注爲是越絕別傳云

越故治今大越山陰南斗也又云禹到大越山上漢汲黯傳奉使東越江摠脩心賦云喜南斗之分次肇東越之靈秘十道志越州乃東越之地也賈誼云百越晁錯云楊越夏侯勝云駱越劉遷云千越並屬支部越絕別傳又云何謂越絕曰越者國之氏絕者絕也謂句踐時也

橘園李公垂詩云園橘千株欲變金

石橋在五雲寺前蘇子美送張行之云五雲寺下石橋邊六月谿風灑面寒今正炎天君獨往松間尋我舊題看或云石橋即靈汜橋未詳

白塔在會稽縣東俗號入仙塚華氏攷古云嵇叔夜
過越宿傳舍過古伶官之魄得廣陵散曲終自指其
葬處穴今猶存

應天塔今報恩寺浮圖也吳越春秋范蠡謂句踐曰

王之築城其應天矣義取此錢參政端禮撰報恩寺

塔記云天降相輪故有應天之號恐別有證

苦竹館唐劉長卿晚行次苦竹館詩云故驛花臨道

荒村竹映籬

太平館南史褚伯玉居剡中齊高帝敕於剡白石山

立太平館居之孔珪從其授道為於館側立碑

黃閣舊經云黃閣故有銅漏王右軍書陸機漏賦歷

代以為寶今不存

雙闕舊經云城北門外雙木闕夾道闕樓內有築土

漢時載長安土以為闕也

美人宮在府東六里周五百九十步舊經云句踐游

於美人謂此

文山水閣秦少游樂安公唱和序云文山永閣掉歌

之詩公吏部蔣希魯也

西寺世說許詢王脩克法師並往會稽西寺誦說未

詳何所俗以光相寺為西寺

瓜丘越有賀氏瓜丘王氏橘園胡氏梅山

永興市宋劉亮全景文孫超之進次永興市

山陰市梁郭世通嘗於山陰市貨物誤得一千錢追
還本主以半直與之委而去會稽太守孟覲察孝廉
不就

西陵砦皮光業撰錢武肅廟碑云漢漁浦黿石翼張
下營蕭山西陵鱗次列砦

五官廨一云五官省寰宇記云在州東二里舊經云
五官省今清白堂南址也十道志云兩廂梁是句踐
廳事用者梁宋間以材為後堂梁俗傳千載之木能

止心痛服之多愈

剡源鄉在嵊縣舊傳戴安道所居也今訛源為元非
是

繼錦鄉在嵊縣以史氏所居得名先是史屯田給登
科至其姪中大安民子兵部侍郎叔軒繼以科名顯

瑞室在若耶山何太祖所居也衡陽王元簡守會稽

時太祖廟諱築室若耶山山發洪水漂拔樹木此室獨存

元簡令鍾嶸作瑞室頌以旌美之辭甚典麗

石壁精舍十道志云上虞縣石壁山南對小山方正

如樓世號鼓吹樓謝靈運有石壁精舍詩

嶧山精舍水經云嶧山東北有太康湖晉車騎將軍謝玄舊居湖中築路趣山山中有三精舍

萬卷堂在新昌縣石溪鄉先達石待旦始創堂貯書又為義學三區號上中下書堂使學者送升之人以此勉勵成名者衆傍又置議善閣占山水之勝俗傳舊有

題名碑韓王汝謨記杜祁公而下七十一人皆由此登科今無所攷

石氏山齋晏元獻詩云書仙十閣壯儒宮靈越山川寶勢雄

北館王右軍為會稽守子敬出戲見北館新壁白淨可愛取帚沾泥汁以為書壁為方丈二字觀者成市

見太平廣記

妙喜菴蔣希魯序云閏公越之大士於鑑湖中得唐妙喜菴遺址結茅而居之昔刺史李遜記云雲霞草樹橫在一日即其地也子遂以昔寺名其菴云

辨才香閣唐李褒題雲門香閣院云香閣無塵雪後天齊祖之雍熙寺記云普公歸老于辨才香閣香閣即雍熙之上方

嵯亭十道志云自剡至此谿流湍險商客往來皆以裝束齊張穆為剡令至嵯亭生子因名曰嵯

鐵限僧坊在雲門辨才禪師所居事見尚書故實華

安仁有僧坊詩東坡詩都人踏破鐵門限黃金白壁空堆床

光侯亭唐李訥尚書錢崔侍御於此

皇甫秀才山亭孟東野詩云嘉賓在何處置亭春山巔說者云秀才皇甫冉也

果武亭世傳龜山自東武飛來也因以為名元微之醉題亭上云役役閑人事紛紛醉簿書工夫兩箇盡留滯七年餘李公垂詩云蘭鷁對飛魚棹急彩虹翻影海旗搖

海榴亭李公垂詩云海榴花早開繁榮光照晴霞破

碧煙

望雲樓舊經云即句踐遊臺也

杜鵑樓樓前植杜鵑花故名見李公垂詩注

披雲樓齊祖之詩云元和文物盛群賢曾借蓬萊位列仙畫入簾櫳煙外寺鑑搖臺榭水中天

蒲桂樓李公垂詩序云架樓州城西南臨眺於外盡見湖山別開外扉通杜鵑樓不啓重扃清夜開宴詩

云為憐湖水通宵望不學樊楊却月樓

五雲亭在臥龍山章伯鎮所創有留題新建五雲亭

詩云臥龍東嶺冠雲霞亭面溪流對若耶

西亭舊經云在州西北五里

東亭在府橋東宋考功夜飲東亭詩云春泉鳴大壑

皓月吐層岑

光風亭舊經云在城東北二百里

鏡光亭舊經云在會稽縣界

東齋舊經云漢王朗為會稽郡守子肅隨在郡於東

齋注易沈立越州圖序云刺史之居東齋西園皆燕

游之最

志省堂嘉祐五年沈起

起

撰記云余自監察出通判會

稽郡所居之署大亭錢氏建者予取廢材隙功治而

元之不逾月而告成

白堂見范文正清白堂記

升儀堂錢伯通撰記云堂在蓬萊閣之上望海亭之

下西樓其左西園其右成於嘉祐六年主人刁公景

德也

遙堂張伯玉寓興詩云旌麾千騎長風月一堂深

波亭向集賢

傅式

詩一沼開芳鑑雙橋亘采霓

蕭山縣景德中知縣杜

守一

建傍有嘯雲

菴今廢

戴溪亭在嵯縣王龜齡詩云剡水照人碧剡山隨眼

青吾來非雷興慙上戴溪亭相傳邑令姜仲開始建
此亭改興盡今復其故

臨川亭在蕭山縣林樞密希詩云山川圖寫幾時休
再過蕭山歲已周客枕夢東南又比此身大似一虛
舟

會景亭在蕭山溪口寺范文正公題溪口云求取會
稽藏拙處白雲深處亦行春吳處厚詩云會景亭高
石作層

虛懶亭在上虞縣

謝軒在上虞縣紹興初邑令張彥聲之李莊簡公

題詩云此日開軒懷謝傳直緣談笑破符堅

三清木寶在禹祠告成觀程忠惠家傳云公妙於刻
塑授法工師於會稽告成觀刻三清玉帝真武像神
氣虛閑如與人接郡人謂之木寶

潯陽公祠堂乃叅政程公也家傳云邦人塑公像於
龍瑞宮龍仁寺以射孤之日脩梵供戶繪其像畫史
至摹本之直以售

孔郎祠晉孔愉也初愉隱新安山中改姓孫氏以稼
穡為事信著鄰里後忽捨去皆謂為神人為之立祠
和旨樓西溪叢誥云紹興府軒亭臨街酒樓程公遜

為郡日為和旨樓取西漢酒酤在官和旨便人也翟忠惠家傳云富民諸葛氏即所居為樓歲久為物所憑公命闢樓為酒肆名曰和旨

梁武帝書堂在諸暨永福院之東華安仁詩云六龍未入雍州日曾負詩書卧白雲謂此又山陰法華山亦有武帝遺迹云與惠舉禪師同學也

金堂玉室晉許邁傳邁嘗遺王羲之書云自山陰南至臨安多有金堂玉室仙人芝草左元放之徒漢末諸得道者皆在焉東坡九仙山詩云金室玉堂餘漢士桃花流水失秦人又詩云若逢逸少問金堂應與

嵇康留石髓蓋引用此事

側理紙庫小說王右軍在會稽時巨温求側理紙庫中有五十萬盡付之又百衲琴云王右軍在會稽謝安乞牋紙庫內有九萬枚盡與之巨温云逸少不節

東坡云右軍以紙五十萬與巨温何足道此史官之陋而魯直亦云爾何哉側理庫未詳何所以右軍守會稽時事故繫之

望陵祠蘇鶚演義引述異記云會稽山有虞舜巡狩

臺下有望陵祠

聖母閣在龜山寶林寺錢遜王詩云有時風掣浪聲到半夜月排山影來

紫陰院傳燈錄唐契真禪師到越州雲門初住鏡中
紫陰院廉帥裴肅請歸郭內句踐城東覺太祖廟諱寺

智者院太平廣記越州山陰縣智者禪師院有一池
師嘗贖生放之有鼉常食其魚師患之取鼉送向禹
廟池中至夜復來師祝曰汝勿食我魚則從汝師亡
鼉亦不見

上省院在諸暨縣楊次公詩云西軒一泓水瑩淨碧
琉璃天人舉目視中有魚龍知不知後人因以琉璃
名軒

西巖院在諸暨縣西有丁令威丹井

迎山閣在上虞縣

碧蓮堂在諸暨縣永慶院揚次公飛白書額三大字
逍遙齋在諸暨縣簿治吳處厚撰記并書

雲水院齊祖之詩云獨坐澗邊聽水落却來洞口看
雲生

蘸碧軒在鏡湖上今亡其處齊祖之詩云飛棟新成
蘸碧軒會稽山脚照湖邊

稽亭唐詩人多用之謂會稽山陰之蘭亭也宋之間
三月三日云稽亭追往景睢苑勝前聞劉苴得送元
曉歸越云重疊稽亭路或云雙林亦有稽亭蓋名偶同爾

句餘水經引謝康樂云山海經浮玉山在句餘東五里便是句餘縣之東山乃應入海具區今在餘姚鳥道西北何山北望具區也酈道元注水經云郭氏於地理甚昧姑錄之

水仙家唐人越中寒食云綠楊陰轉畫橋斜舟有笙歌岸有花盡日會稽山色裏蓬萊清淺水仙家可見當時景物略與今同

筓莊方干越中詩云沙邊賈客喧漁市島上潛夫醉筓莊潛夫乃干自謂也又西島言事云歲計有時添豫栗生涯一半在漁舟今人但謂之方干島

白波潭方干陪五大夫泛鏡湖云曰白波潭上魚龍氣紅樹林中鷄犬聲

鏡亭白樂天對月懷元微之詩云思遠鏡亭上光深書殿裏

疑虛館在上虞縣石曼卿有寄題蘇簿疑虛館詩今廢

會稽志

第十八

會稽志卷第十九



雜紀

顏長康從會稽還人問山川之美顧云千巖競秀萬壑爭流草木蒙籠其上雲興霞蔚



王逸少作會稽初至支道林在焉孫興公謂王曰支道林拔新領異胃懷所及乃自佳卿欲見不王本自有一往雋氣殊自輕之後孫與支共載往王許王都領域不與交言須臾支退後正值王當行車已在門支語王曰君未可去貧道與君小語因論莊子逍遙遊支作數千言才藻新奇花爛映發王遂披襟解帶

留連不能已

孫綽賦遂初築室畎川自言止足之分

綽遂初賦叙稱經始東山

建五畝之宅

齋前種一株松恒手自壅治之高世遠時亦

隣居

世遠高柔字也

語孫曰松樹子非不楚楚可憐但永無

棟梁用耳孫曰楓柳雖合抱亦何所施

阮光祿在剡

裕字思曠已見

曾有好車借者無不給有人葬

母意欲借而不敢言阮後聞之歎曰吾有車而使人

不敢借何以車為遂焚之

支道林許椽諸人共在會稽

鄒講

道林時講維摩語經

支通一義四座

曰風霜固所不論乃先集其慘澹郊邑正自

岫便已皓然

王脩齡嘗在東山甚貧乏陶胡奴為烏程令

王胡之字脩齡

琅邪臨沂人廩之子胡奴陶範小字也

送一船米與之卻不肯取直本

語王脩齡若飢自當就謝仁祖取食不須陶胡奴米

戴安道既厲操東山而其兄欲建式遏之功謝太傅

曰卿兄弟志業何其太殊戴曰下官不堪其憂家弟

不改其樂

許玄度隱在冰興南幽穴中每致四方諸侯之遺或

謂許曰嘗聞箕山人飲不爾耳許曰筐篚苞苴故當

輕於天下之寶耳

邠超每聞欲高尚隱退者輒為辦百萬資并為造立
居宇在剡為戴公起宅甚精整戴始往舊居與所親
書曰近至剡如官舍

謝靈運好戴曲柄笠孔隱士謂曰卿欲希心高遠何

不能遺曲蓋之貌

孔淳之魯人隱
上虞山已見

謝曰將不畏影者未

能忘懷

並世說

太尉賈充問會稽夏統曰卿頗能作卿土地間曲乎
統曰先公惟寓稽山朝會萬國投化邠邦崩殂而葬
恩澤雲布聖化猶存百姓感詠遂作慕歌孝女曹娥

年甫十四貞順之德過越梁宋其父墮江不得屍娥
仰天哀號中流悲歎便投水而死父子喪屍後乃俱
出國人哀其孝義為歌河女之章伍子胥諫吳王言
不納用見戮投海國人痛其忠烈為作小海唱今欲
歌之衆人僉曰善於是足以足叩船引聲喉轉清激慷
慨大風應至含水漱天雲雨響集叱咤謹呼雷電盡
暝集氣長嘯沙塵煙起王公以下皆恐止之乃已

會稽郡貴重望計及望孝盛族出身不減祕著宋泰
始七年太守蔡興宗欲舉山陰孔仲智子為望計郭
原平次息為望孝仲智會士高門原平一邦至行欲

以相敵會明帝別敕用人二選並寢

南史

虞寄年數歲客有造其父遇寄於門嘲曰郎中姓虞必當無智寄應聲曰文字不辨豈得非愚客大慙入謂其父此子非常人文舉之對不是過也

南史

隋煬帝幸汴時越土進耀花綾有紋突起特有光彩絲女乘樵風於石帆山下收野蠶繭縞之絲女夜夢神人告曰禹穴三千年一開汝所得野蛾繭即江淹書橐中壁魚化之絲織為棠必有文彩既織或果有光彩人間不敢服遂進之

南部煙花錄

越州秘色磁器世言錢氏有國日作之輒用故云秘色

按陸魯望集越器云九秋風露越寒開奪得千峯翠色來好向中霄盛沆瀣共嵇中散鬪遺杯乃知唐已有秘色非錢氏為始今耀州陶器名曰越器

吳筠字貞節華陰人通經誼美文辭舉進士不中去居南陽倚帝山天寶初召至京師南遊天台觀滄海與有名士相娛樂文辭傳京師明皇遣使召見大同殿與語甚悅勅待詔翰林獻玄綱論三篇帝常問道對曰深於道者無如老子五千言復問神仙治鍊法對曰此野人事積歲月求之非人主宜留意未幾滌陽事作乃復東入會稽剡中

唐陳闕會稽人以能寫真人物子女等本道薦之玄宗開元中召入供奉每令寫御容妙絕當時玄宗射猪鹿兔鷹等并按舞圖真容皆受詔寫兒又太清宮肅宗真容匪唯龍顏鳳姿日角月宇之狀而筆力道潤風彩英逸合符應瑞天假其能也國朝間令公之後一人而已今咸宜觀天尊殿內畫上仙圖及當時供奉道士等真皆其蹤也

李舟好事嘗得相舍煙竹截以為笛堅如鐵石以遺李暮暮吹笛天下第一自教坊請假至越州公私更宴以觀其妙時州客舉進士十人同會鏡湖欲邀

生相約各一客會中有一人不遑他請其隣居有獨孤生年老多處田野人事不知至是逸應命到會李生捧笛一發之後昏瞠皆鬻髮髻如有鬼神坐客贊歎獨孤生乃無一言李生以為輕已意甚忿之良久又作一曲無不賞駭獨孤生又無言召者甚悔詰責之獨孤生不荅但微笑李生曰公如此是輕薄為復是好手獨孤生乃徐曰公安知僕不會坐客皆驚李生改容謝之獨孤曰公試吹涼州至曲終獨孤生曰亦能妙然聲調雜夷樂得無有龜茲之侶乎李生大駭曰丈人神絕某亦不知本師實龜茲人也又曰第

十三疊入水調足下知之乎李生日其實不覺獨孤
生乃取吹之李生更有一笛拂拭以進獨孤視之曰
此都不堪用執者粗通耳乃換之曰此至入破必裂
得無恡惜否李生日不敢遂吹聲發入雲四座震慄
至第十三疊歇示李生謬誤之處敬伏將拜及入破
笛遂敗裂不復終曲李生再拜衆散明日李生并會
客皆往候之至則唯茅舍尚在

見太平廣記出逸史

唐僖宗西幸之年有會稽山處士孫位隨駕止蜀位
有道術兼攻書畫皆妙得筆精曾於應天寺門左壁
畫天王部從鬼神竒怪斯存筆勢狂縱三十餘年如

有敵者景煥其先亦專書畫嘗與翰林歐陽學士炯
廼忘形之友一日聯騎同遊茲寺偶畫右壁天王以
對之渤海復作歌行一篇有草書僧夢龜後至請書
之於壁成天號爲應天三絕

會稽謝玄卿好呼吸延年之術常作東郭先生導引
法服仙人五明散年近百歲而精力不衰後採藥至
五泄溪偶得一路前有石門夾道皆生桃枝細竹飛
泉鳴籟響亮空山可三四里石壁曲轉蒼翠臨雲又
數百步值一橫溪俯臨峻壁淙湍激溜上有石梁纔
可並足乃匍匐而度至前轉寬斑斑若有人路連崖

重嶂略無斷缺多生檉桂高樹凌霄蒙籠隱靄披拂
左右稍聞鍾磬尋之而去忽遇神女數人逍遙林下
被服纖麗姿艷芊穠玄卿乃前拜之皆相視而笑謂
曰非謝卿乎相望久矣乃引玄卿登一峻嶺絕磴危
壁乎相承掩遂至一處豁然平敞玉堂朱閣炳煥其
中云此東華夫人所居也

徐鉉述祖先生墓誌序云門生彭訥登第補本郡司
倉掾嘗與社祭齋于郡之延慶院獨處一室旣寢
而精爽不寧展轉至四鼓乃得寐夢一白衣書生入
戶謂訥曰某嘗述少文詞在此空司倉當見之也

訥以未見書生曰試爲讀之言訖而去及寤猶四鼓
因呼僕秉燭周視牆壁間意謂有留題者而都無所
見唯戶扇下有石方尺餘塵土蒙之視彷彿有賀監
字乃知此是也紀事罷移置廳前以水滌之文字依
然即進士許鼎所撰祖先生墓誌也問主僧云十年
前院側數十步官置瓦窰掘地得之而掌役者軍吏
也不曉其所自但見有文因惜不毀而置此按賀監
以天寶二載始得還鄉既而天下多事遂與世絕止
於吳越故老亦不能知其所終微彭子之夢則賀監
輕舉之迹與祖君高尚之節皆湮沒矣墓誌云通和

先生祖君名貫字子元范陽人性寬平州里莫見其
喜怒長短頗覽書尤工詩句天才默識少有倫侪蓋
修黃老之術初賀監得攝生之妙近數百年不死賀
笈賣藥如韓康伯近在天台山升遐徧於人聽元和
已亥年先生遇之謂曰子寬中柔外可以語至道也
候今歲遇尔於小有乃授斷穀丹經先盟而授之吞
一粟則十年不飢一日謂門人曰賀公之期至矣乃
沐浴委化

龍圖閣直學士燕肅著海潮論曰觀古今諸家海潮
之說多矣或謂天河激湧亦云地機翕張盧肇以月
激水而潮生封演云月周天而潮應挺空入漢山滂
而濤隨析木大梁月行而水大源殊派異無所適從
索隱探微宜伸確論大中祥符九年冬奉 詔按察
嶺外嘗經合浦郡泐南溟而東過海康歷陵水陟恩
平住南海迨由龍川抵潮陽泊出守會稽移蒞句章
是以上諸郡皆泐海濱朝夕觀望潮汐之候者有日
得以求之刻漏窵之消息十年用心頗有準的大率
元氣嗑吸天隨氣而漲斂溟渤往來潮順天而進退
者也以日者重陽之母陰生於陽故潮附之於日也
月者太陰之精木者陰故潮依之於月也是故隨日

而應月依陰而附陽盈於朔望消於朏墀尾魄於上
下弦息於輝朏故潮有大小焉今起月朔夜半子時
潮平於地之子位四刻一十六分半月離於日在地
之辰次日移三刻七十二分對月到之位以日臨之
次潮必應之過月望復東行潮附日而又西應之至
後朔子時四刻一十六分半日月潮水亦俱復會於
子位於星知潮當附日而右旋以月臨子午潮必平
矣月在卯酉必盡矣或遲速消息又小異而進退
盈虛終不失於時期矣或問曰四海潮平來皆有漸
唯浙江濤至則亘如山岳奮如雷霆水岸橫飛雪崖

傍射澎騰奔激吁可畏也其可怒之理可得聞乎曰

或云夾岸有山南曰龕北曰赭二山相對謂之海門

岸狹勢逼湧而為濤耳若言狹逼則東溟自定海吞

餘姚奉化二江侷之浙江尤甚狹逼潮來不聞濤有

聲耳今觀浙江之口起自繁風亭地名屬會稽北望嘉興

大山水闊二百餘里故海商船舶怖於上潭水中沙為潭徙

早切惟泛餘姚小江易舟而浮運河達于杭越矣蓋以

下有沙渾南北亘之隔礙洪波蹙遏潮勢夫月離震

兌他潮已生惟浙江水未泊月徑潮巽乾來已半濁

浪推滯後水益來於是溢於沙渾猛怒頓湧聲勢激

射故起而爲濤耳非江山淺逼使之然也宜哉燕公
以大中祥符九年爲廣東提點刑獄又嘗知越州移
明州故能攷論其詳如此有海潮圖亦其所作

兩浙田稅畝三斗錢氏國除 朝廷遣王贄均兩浙

雜稅方贄悉令畝出一斗使還責擅減稅額方贄以
謂畝稅一斗者天下之通法兩浙既已爲王民豈當

復循僞國之法 上從其說至今畝稅一斗者自方

贄始唯江南福建猶循舊額蓋當時無人論列遂爲

永式贄尋除右司諫終於京東轉運使有五子皐准

覃鞏罕準之子珪爲丞相其他亦多顯者豈惠民之

報歟

紹興元年十一月上虞縣丞安寅高上封事先正有言

太祖舍其子而立弟此天下之大公也周王薨

章聖取宗室子育之宮中此天下之大慮也

仁宗皇帝感悟其說制詔

英祖入繼大統文子文孫宜君宜王遭罹變故不斷

如帶今有天下者獨 陛下一人而已恭惟 陛下

克己憂勤備嘗艱難春秋鼎盛自當則百斯男屬者

椒寢未繁前星不耀孤立無助有識寒心天其或者

深惟 陛下追念

祖宗公心長慮之所及乎崇寧以來諛臣進說推
濮王子孫以為近屬餘皆謂之同姓致使
昌陵之後寂寥無聞奔迸藍縷僅同民庶臣恐祀豐

于昵仰違天鑒

勢祖在上莫肯顧歆此

二聖所以未有回鑿之期黠虜所以未有悔禍之意
中原所以未有息肩之時也欲望陛下於子行申

遊選

太祖諸孫有賢德者視秩親王使牧九州以待
嗣之生退處藩服更加廣選

宣祖

太宗之裔材武可稱之人升為南班以備環列庶幾
上慰在天之靈下係人心之望臣本書生白首選
調垂三十年今將告歸不敢終默位卑言高罪當萬
死惟陛下裁赦寅亮字陟明永嘉人早游上庠有
聲南沒後始為上虞丞

高宗皇帝車駕駐會稽陟明扣闈抗疏首發大計

上讀之歎寤富直柔時在西府從而薦之即令召對
改官除監察御史未幾會秦檜用事實亮不能諧附

故不復用以死

孝宗即位史浩輔政以為當有褒顯如范鎮故事
上曰此皆出

太上本意豈可論臣下之功遂止

孝宗聖孝如此

王翽者字文輝開封陳留人徙湖之安吉登崇寧五
年進士第歷主客員外郎太府少卿方建炎三年冬
十一月車駕東巡海道翽為浙東提點刑獄李鄴
知越州鄴者前參知政事邴之兄當奉使金虜冒虜
兵而前矢中其顙執政以為必能死守故留鄴守越
以捍虜付兵幾萬人府庫亦多留越鄴實懦比虜至

杭不復為守禦計陰遣人與虜通北虜入境率官

迎之翽前揣知其情以巡所部寨柵為名之旁郡北

鄴降虜入會稽久之亦遁去翽乃歸遂權州事有苦

竹溪土豪胡人參與弟木香等聚群盜自稱鄉兵至

之郊翽開東門納之初不能節制郡人固以為憂人

參等肆掠奪翽亦大憂不知所出時以謀於郡人又

不能用人參因逼翽具奏以已力戰勝虜復州城為

功翽不從雖不得已草奏然頗以實言人參遣木香

逼請不已翽竟不可人參怨怒且懼外兵至乃劫請

翽至其所駐禹跡寺東省院欲與俱去翽又不從使

數人曳之出翽堅坐不起遂腰斬之子鎬年二十二奮起搏賊亦見殺皆肆諸寺門將官曹績亦俱死績有子聞變從外馳至伏父尸舐血號慟不止賊白刃交下終不顧遂抱父尸以死翽雖無他才能智略以制羣盜然初自拔去不預李鄴附虜之事及人參劾請奏功若屈從之既可賒死朝廷方艱難時亦未必深責翽不敢欺卒以實奏豈不知將死猶能如此亦不為無可稱矣事聞翽自朝請郎贈朝請大夫鎬自將仕郎贈文林郎錄其孤二人然其後卒不振父子至今棠殯梅山本覺寺亦可哀矣

曾志中書舍人鞏之孫以新通判温州權浙東安撫司主管機宜文字建炎四年金虜入州境安撫使李鄴降虜郡官多遁去其儒者從鄴請降志獨慷慨誓死不肯下拜被執愈奮起罵虜虜怒併執其妻子喻使降則全其家且富貴之意罵不止遂死闔門數十口皆死惟一子密尚幼其乳母於亂尸中救護久乃蘇然亦刀痕被體殆天全其嗣也虜退部使者宋公輝聞于朝密以死事孤命官

石景術字慎思應舉年省試治周禮試官考校義卷兩副一則該博而詞不工疑其為老儒一則詞義整

齊疑其少年試官念欲取老者未決夕夢一書生來見絀往反久之覺而與同官言皆笑或不以為然取卷子衆觀亦如前議是夕試官五人皆同夢異而竟取疑為少年者榜出即石景術也狀兒乃夢中所見正介甫欲嫁姪女與之呂吉甫聞其事意其必貴遽以女適景術介甫怒由是吉甫罷參政出知揚州景術曾作祠曹郎官止監司太守後無疾死介甫姪女嫁葉致遠者是也

清尊錄

紹興三年大理評事石邦哲言近偽徐王李敦帝姬阿易之來遣使逐之絡繹于道有以見陛下之親睦既察其詐付之有司又有以知陛下之明斷臣聞漢光武之誅王郎雖或者疑其為成帝遺體而猶誅之蓋惡人之惑衆而偽者莫辨也唐代宗之詔母后嘗曰寧被百罔莫得一真蓋懼人之避臯而真者莫至也李敦阿易之事已播告四方尚恐皇族有自虜中脫身南歸宜令州縣驗實許以推賞庶得其真以茂本支庚申詔禮部遍牒諸路

中興小曆

初紹興八年除光為參知政事右從政郎楊煒寓行在聞之曰此吾鄉先生也今得位必盡行所學久之無所聞時朝廷方與金人議和煒不以為是以書責

光感其言遂引去二十二年煒為黃巖令有聲蕭
振知合州薦煒改秩俄有縣吏得煒書有詆時相語
以告浙東提刑秦昌時昌時以聞于朝詔送大理
寺獄具煒除名送萬安軍編管兄選人炬亦連坐羈
置邕州振罷仍落徽猷閣待制池州居住 中興小曆
畢景儒 仲荀言其先人天聖中為會稽稅官夏夜暴
風震霆而無雨空中有人馬聲終夜方息闔城皆聞
之明日禹廟令申州是夜二鼓殿門關鎖忽有掣開
風霆自殿中起直西南去州遣官驗之百里間林木
禾稼皆顛仆

新昌石佛螺髻上有靈芝香聞數十步夜有光煜然
何德揚 傳言嘗登山遙望見之有大地環守不可輒近
陸左丞夫人大觀庚寅在京師病累月醫藥莫効雖名
醫如石藏用輩皆謂難治一日有老道人狀貌甚古
銅冠緋氅一了髻童子操長柄白紙扇從後過門自
言疾無輕重灸立愈延入問其術道人探囊出少艾
取一軌灸之夫人乃卧忽覺履間痛甚如火灼道人
遂徑去日九十歲追之疾馳不可及後二十餘年年
八十三乃終又二十一年孫提刑 濟監三江鹽場偶飲
酒於一士人毛氏忽見道人衣冠及童子悉如夫人

平日所言方愕然道人忽自言京師災馱事言訖遷遁去遍尋不可得毛君云其妻病道人爲灸屋柱十餘壯脫然愈方欲謝之不意其去也世或疑神仙以爲渺茫豈不繆哉

會稽天寧觀老何道士喜栽花釀酒以延客居於觀之東廊一日有道人狀貌甚偉欵門求見善談論喜作大字徇欣然接之留數日乃去未幾有妖人張懷素號張落托者謀亂乃前日道人也何亦坐繫獄以不知謀得釋自是畏客如虎杜門絕往還忽有一道人亦美風表多技術觀之西廊道士曰張若水介之

來謁何大怒曰我坐接無賴道人幾死於囹圄豈敢復見汝耶因大罵闔扉拒之而此道人蓋永嘉人林靈噩也旋得幸貴震一時賜名靈素平日一飯之恩必厚報之若水乘驛赴闕命以道官至藥珠殿校籍視殿修撰父贈朝奉大夫母封宜人而老何以嘗罵之朝夕憂懼若水爲揮解且以書慰之始少安觀中人至今傳以爲笑

老葉道人龍舒人不食五味年八十七八平生未嘗有疾居會稽舜山天將寒必增屋瓦補牆壁使極完因不惟投廉多儲薪炭杜門終日及春乃出弟子曰

小道人極愿慙嘗歸淮南省親至七月望日隣有住
菴僧召老葉飯飯已亟辭歸問其故則曰小道人約
今日歸矣僧笑曰相去二千里豈能必如約哉葉
曰不然此子平日未嘗妄也僧乃送之歸及門小道
人已弛擔矣客每訪之拱揖甚謹然不肯多語或默
恚意欲扣其所得纒入門即引入臥內燒香具道其
遇師本末若先知者亦異矣夫

石道叟

公轍

鄉里名士有朱夷行希言歿於東都朱

兄通

直言字達可聞赴告質產迎其喪不足則貸於

閭里未辦方憂不知所為而道叟已送柩在門矣於

見道叟為太學諸生夷行病瘵遠客無親黨在都道
叟獨謁醫為治療既不起則空其囊為具棺歛買舟
載之歸初道叟未四十得眼疾至是舟行遇大熱疾
遂劇幾喪明夜夢夷行如平生曰目疾柰何有爾朱
先生藥其效如神覺而異之明目至京口岸濱有二
人者自相語曰爾朱何義也公憶昨夢唧唧之其人
曰前小街中有賣爾朱先生眼藥者不知所謂聊復
論之耳道叟因相與訪求之不百步已至其處欸門
求藥出百許貼皆細如芥子問其直曰貼須三錢爾
因盡買之服未數日瞳人如著冰舟行至東則視瞻

已清明復初矣其後年八十乎自校書燈下作牛毛
小楷如年少書生豈真報歟道叟紹興初以特奏名
第一人賜同進士出身仕至大宗正司主管宗室財
用云

王性之讀書真能五行俱下往往它人纔三四行性之
已盡一紙後生有投贄者且觀且捲俄頃即置之以
此人疑其輕薄遂多謗毀其實工拙皆能記也既而
秦熹方恃其父氣燄熏灼手書移郡將欲取其所藏
書且許以官其子長子仲信名庶清苦學有守號
泣拒之曰願守此書以死不願官也郡將以旣福誘
脅之皆不聽熹亦不能奪而止

鄭鼎之字從革事親至孝建炎庚戌虜人曾稽鼎之
父七十餘卧病不能避去家人奔散鼎之獨衣冠侍
父煑粥藥進之賊至即泣訴曰老父病革不能去乞
全餘命賊亦為歔歔捨去至者數輩乃相戒勿入孝子
門父子卒皆無恙

王公衮母墓為盜所發有司薄其罪公衮手斬盜首
詣州自言兄佐請納所居官以贖其罪時主侍御十
朋為簽幕賦詩以美之云君子大節孝與忠父母仇
讎天下同賢哉會稽王孝子感槩有古烈士風松楸

一夕盜破家親獲鼠輩聞之公有司守法貸其命孝子銜恨無終窮誰謂書生膽如許鬼若虺嬴中甚武手斬凶人提髑髏請死申冤詣公府君不見齊衰內行世所羞春秋賢之緣復讎又不見子胥鞭尸報父恐太史爲之作佳傳君今枕戈志已伸更須移孝爲忠臣它年當作傳介子誓斬樓蘭雪國耻翟叅政汝文守會稽以擅放逋賦自顯謨閣學士降為直學士謝表曰敢若秦人坐視越人之瘡旣安劉氏固知晁氏之危一時皆傳誦之

內相密禮自會稽奉祠去謝表曰雜宮錦於漁

敢忘君賜話玉堂於茅舍更覺身榮秩滿再奉祠又表謝曰欲掛衣冠尚低回於末路未先犬馬儻邂逅於初心皆傑作也

蘭亭之會自右軍謝安而次四十一人至唐大曆中朱迪呂謂吳均等三十七人經蘭亭故地聯句有賞是文辭會歡同癸丑年之句東坡和陶詩云再遊蘭亭默數永和必有此事叢語

梁王籍字文海天監中爲湘東王諮議叅軍隨府會稽郡至若耶溪賦詩云蟬噪林逾靜鳥鳴山更幽劉孺見之擊節不能已已王荆公以爲兩句意同乃晉

以後人病別取古句風定花猶落對之信為奇絕也

唐竇庠作于闐鍾歌送靈徹上人歸越序云靈嘉寺鍾案越中記此鍾本于闐國寺鍾因風雨失鍾所在有天神僧過于闐識此鍾于越靈嘉寺至今鎖在寺樓靈嘉寺今福慶寺是也詩云海中有國傾神功烹金化成九乳鍾精氣激射聲冲融護持海底諸魚龍聲有感神無方連天雲水無津梁不知飛在靈嘉寺一國之人皆若狂東南之美天下傳瓌文萬狀無雕鐫有靈飛動不敢懸鎖在危樓五百年有時清秋日正中繁霜滿地天無風一聲洞澈八音盡萬籟悄悄然星漢空徒言凡質千鈞重一夫之力能振動大瓠小鳴湏在君不擊不攷終不聞高僧訪古稽山曲終日賞之言不足手提文鋒百鍊戒恐荆此鍾無一聲耳高駢寄越僧詩云輕堅筇竹杖一枝有九節寄與沃洲僧閑步青山月至今筇杖以九節為貴

戴叔倫贈秦系詩云北人歸欲盡猶自寓蕭山閉戶不曾出詩名滿世間系居蕭山今不知其地矣近時徐師川過上藍莊詩云詩名空復滿世間白髯蕭蕭今老矣用叔倫語也

越人俚語謂久不得見者曰恰似苜蓿蒲花難見面

按施肩吾詩有古相

花則俚語亦久矣

越漁者揚父一女絕色爲詩不過兩句或問胡不終篇荅曰無柰情思纏繞至兩句即思迷不繼有謝生求娶焉父曰吾女宜配公卿謝曰諺云少女少郎相樂不忘少女老翁苦樂不同且安有少年公卿耶翁曰吾女詞多兩句子能續之稱其意則妻矣示其篇曰珠簾半牀月青竹滿林風謝續曰何事今宵景無人解與同女曰天生吾夫遂偶之後七年春日楊忽題曰春盡花隨盡其如自是花謝曰何故爲不祥句

揚曰吾不久於人間矣謝續曰從來說花意不過此容華揚即瞑目而逝後一年江上煙光溶曳見揚立於江中曰吾本水仙謫居人間後儻思之即復謫下不得爲仙矣

三鄉題云子家本若耶溪東與閨中同志者紉蘭佩蕙趨幽閑人境不得已從人不幸良人已失邈然無依命筆聊書絕句名姓二九子爲父後玉無瑕弁無首荆山石往往有以筆墨非女子之事名姓故隱而不書詩曰昔逐良人西入關良人身沒妾東還謝娘衛女不相待爲雨爲雲歸舊山李舒解曰二九十八

也十加八木字子為父後木下子李字玉無瑕去其
點也并無首存其升也王下升弄字也荆山石往往
有者荆石多韞玉當是姓李名弄玉也

蕭山王兵部絲嘗發地得小青石版甚薄上刻詩三
首八分小字甚工妙詩云搖漾越江春相將采白蘋
歸時不覺夜出浦月隨人又曰家寄征河岸征人久
遠遊不如潮有信每日到沙頭又曰采曉南湖去參
差浪痕前洲在何處孤恨與誰論不知何人詩也

唐黠字存中會稽人博極羣書文辭高古陸農師列
為上客為臨川法掾遊從甚久每愛其詩曰茅

聞雪紙窻宜讀書又曰山林誤採槍旗信却怖枝
頭雪未消禱雨云下僚應有隨車喜遙見枝頭少女
風送高舂應云莫似君家三十五時來不寄一行書
皆奇句也出漁溪叢話

越州應天釋希圓姑蘇人所居琅邪山山下有井井
有鰻鱓魚水有盈縮與江湖相應甚多靈性按爾雅
山有穴為岫徐季海詩云孤岫龜形在乃不成語蓋
謝玄暉云窻中列遠岫已誤用此字季海承誤耳按
楚詞云收恢台之孟夏恢大也台即胎也言夏氣大
而育物季海詩云高閣無恢矣直言無暑氣耳以不

合古語爾雅云夏為長羸羸即恢台也若言高閣無
長羸可乎能奴登切獸名熊屬足似麀鹿絕有力於
有絕人之才者謂之能能奴來切三足鯨也今於來
字韻中用法士多壞能乃是僧似鯨魚耳然魏晉
作詩多如此借韻至李杜韓退之無復此病耳壯大
壯之壯牡牝牡之牡詩中規模稱牡哉必壯字誤書
爾魏晉人用字亦多如此蓋取字勢易工不復問字
之根源如古人書橋橋直直皆不成字

僧宗昂住會稽能仁寺有故相寓寺中已而復相宗
昂被勅住持郎官馬子約題詩法堂壁上曰十年

衰病臥林泉鷓鴣群飛競刻天黃紙除書猶到汝
知清世不遺賢

義井在府東二里下為大井表丈上設三井口以受
汲覆以大亭遇旱歲不減尤宜染練義者蓋以衆所
共汲為名今世俗置產以給族人曰義莊置學以教
鄉曲子弟曰義學設漿於道以飲行旅曰義漿闢地
為叢冢以藏暴骨曰義冢東坡先生謫黃州取諸郡
所餉酒者置一器中以觴客曰義搏近時州縣衆力
共給役曰義役皆與衆同之意又俚俗有義父母義
子孫義兄弟衣加欄曰義欄以髮作髻加首曰義髻

此文不可曉也

雲門僧彥強仲皎皆能詩強且死作詩云一間茅屋
元無主付與山頭野火燒放筆而逝皎作送春長短
句畢竟年年用着來何似休歸去詩家多許之
雲門僧行持高僧也初住雍熙退院結菴西谷有詩
云快活有時無柰向遶菴長嘯兩三聲其高逸如此
雲門雲泉菴僧廣勤字行之能詩廉宣仲布嘗作墨
梅贈之勤荅以詩云筆端造化如東君着物不簡亦
不繁宣仲大稱之以爲非僧詩也

翟公巽叅政守會稽日命工塑真武像既成熟觀曰
不似不似即日毀之別塑今告成觀西廡小殿立像
是也道士賀仲清在傍親見之而不敢問

政和後道士有賜玉方符者其次則金方符長七寸
闊四寸面爲符背鑄御書曰賜某人奉以行教有
違天律罪不汝貸結於當心每齋醮則服之會稽天
寧萬壽觀有老道士盧浩真者嘗被金符之賜予少
時親見之

會稽志卷第十九

會稽志卷第二十

古詩文

會稽古文之傳於世三代以前不可攷越滅吳北與諸侯會盟周室歸胙宜有詰命盟誓之文可傳後世編簡殘闕亦無聞焉惟秦金石刻之在會稽者今具見太史公書斷以為古文之首

秦德頌 文具碑刻門

李斯

賜嚴助書

漢武帝

制詔會稽太守君厭承明之廬勞侍從之事懷故土出為郡吏會稽東接於海南近諸越北枕大江間者



闊焉父不聞問具以春秋對母以蘇秦縱橫

曹娥碑

郇鄆淳

孝女曹娥者上虞曹盱之女也其先與周同祖末曹
荒沉爰茲適居盱能撫節按歌婆娑樂神漢安二年
五月時迎伍君逆濤而上爲水所淹不得其屍娥時
年十四號慕思盱哀吟澤畔旬有七日遂自投江死
經五日抱父屍出以漢安迄于永嘉青龍辛卯莫之
有表度尚設祭誄之辭曰

伊惟孝女曄曄之姿偏其反而令色孔儀窈窕淑女
彼蒼伊何無父孰怙誑神告哀赴江水號視死無歸
是以眇然輕絕投入沙泥翩翩孝女載沈載浮或泊
洲嶼或在中流或趨湍瀨或逐波濤千夫失聲悼痛
萬餘觀者填道雲集路衢泣淚掩涕驚動國都是以
哀姜哭市杞崩城隅或有刻面引鏡翬耳用刀坐臺
行水抱柱而燒於戲孝女德茂此儔何者大國防禮
自修豈況庶賤露屋草茅不扶自直不斷自雕越梁
過宋比之有殊哀此貞勵千載不渝嗚呼哀哉銘曰

名勒金石

質之乾坤

歲數歷祀

立廟起墳

光于后土

顯昭天人

生賤死貴

利之義門

何悵花落

飄零早分

葩豔窈窕

永世配神

若堯二女

為湘夫人

時効髣髴

以昭後昆

上巳日會蘭亭曲水詩并序

王羲之

永和九年歲在癸丑暮春之初會于會稽山陰之蘭亭脩禊事也羣賢畢至少長咸集此地有崇山峻領茂林脩竹又有清流激湍映帶左右引以為流觴曲水列坐其次雖無絲竹管絃之盛一觴一詠亦足以暢叙幽情是日也天朗氣清惠風和暢仰觀宇宙之

大俯察品類之盛所以遊目騁懷極視聽之妙不可樂也夫人之相與俯仰一世或取諸懷抱悟言一室之內或因寄所託放浪形骸之外雖趣舍萬殊靜躁不同當其欣於所過暫得於己快然自足曾不知老之將至及其所之既倦情隨事遷感慨係之矣向之所欣俛仰之間以為陳迹然不能不以之興懷況脩短隨化終期於盡古人云死生亦大矣豈不痛哉每覽昔人興感之由若合一契未嘗不臨文嗟悼不能喻之於懷固知一死生為虛誕齊彭殤為妄作後之視今亦由今之視昔悲夫故列叙時久錄其所述

世殊事異所以興懷其致一也後之覽者亦將有感於斯文

四言

代謝鱗次忽焉以周欣此暮春和氣載柔詠彼舞雲異世同流乃攜齊契散懷一丘

五言

仰視碧天際俯瞰淶水濱寒閒無涯觀寓目理自陳大矣造化功萬殊莫不均群籟各異差適我無非親

四言

謝安

伊昔先子有懷春遊契茲言執寄傲林丘森森茫茫原疇迥垂霧凝泉散流

五言

相與欣嘉節率爾同褰裳薄雲羅物景微風翼輕航醇醪陶丹府兀若遊羲唐萬殊混一象安復覺彭殤

四言

謝萬

肆眺崇阿寓目高林青蘿翳岫脩竹冠岑谷流清響條鼓鳴音玄岵吐潤霏霧成陰

五言

司冥卷陰旗句芒舒陽旌靈液被九區光風扇鮮榮碧林輝翠英紅葩擢新莖翔禽撫翰遊騰鱗躍清冷

四言

孫綽

春詠登臺亦有臨流懷彼伐木肅此良儔脩林陰沼
旋瀨縈丘穿池激湍連濫觴舟

五言

流風拂狂渚亭雲蔭九臯鷺羽吟脩竹游鱗戲瀾濤
攜筆落雲藻微言剖纖毫時珍豈不甘忘味在聞韶

四言

徐豐之

俯揮素波仰掇芳蘭尚想嘉客希風水歎

五言

清響擬絲竹班荆對綺䟽零觴飛曲津歡然朱顏

四言

孫統

茫茫大造萬化齊軌罔悟云同競異標旨平勃運謨
黃綺隱凡凡我仰希期山期水

五言

地王觀山水仰尋幽人蹤迴沼激中逵踈竹間脩桐
因流轉輕觴冷風飄落松時禽吟長澗萬籟吹連峯

四言

王彬之

丹崖竦立葩藻映林保水揚波載浮載沈

五言

鮮葩映林薄遊鱗戲清渠臨川欣投釣得意豈在魚

四言

王凝之

莊浪濠津巢步潁涓真心真寄千載同歸

五言

氤氳柔風扇熙怡和氣淳駕言興時遊逍遙映通津

四言

王肅之

在昔暇日味存林嶺今我斯遊神怡心靜

五言

嘉會欣時遊豁爾暢心神吟詠曲水瀨泳波轉素鱗

四言

散懷山水蕭然忘羈秀薄粲潁踈松籠崖遊羽

鯨躍清池歸目寄歎心真二奇

五言

先師有冥藏安用羈世羅未若保冲真齊契箕山阿

四言

袁嶠之

人亦有言意得則歡嘉賓既臻相與遊盤德音送款

馥焉若蘭苟齊一致遐想揭竿

五言

四眺華林茂俯仰清川沒激泉流芳醪豁爾累心散
遐想逸民軌遺音良可翫古人詠舞雩今也同斯歡

一十五人一篇成

五言

温風起東谷和氣振柔條端坐興遠想薄言遊近郊

郗曇

四言

肆眚巖岫臨泉躍趾感興魚鳥安茲幽峙

王豐之

四言

林榮其鬱浪激其隈泛泛輕鷲載欣載懷

華茂

四言

馳心域表寥寥遠邁理感則一冥然斯會

庾友

五言

宇宙內形浪濠梁津寄暢須臾欣尚思夫古人

虞詡

五言

三春陶和氣萬物齊一歡明后欣時豐駕言映清瀾

魏滂

疊疊德音暢蕭蕭遺世難望山愧脫屣臨川謝揭竿

五言

謝繹

縱暢任所適迴波縈遊鱗千載同一朝沐浴陶清塵

五言

庾蘊

仰想虛舟說俯歎世上賓朝榮雖云樂夕斃理自因

五言

孫嗣

望巖懷逸許臨流想竒莊誰云真風絕千載挹遺芳

五言

曹茂之

時來誰不懷寄散山林間尚想方外賓超超有餘閑
五言 曹華平

願與達人遊解結遨濠梁狂吟任所適浪流無何鄉
五言 亘偉

主人雖無懷應物寄有尚宣尼遨沂津蕭然心神王
數子各言志曾生發竒唱今我欣期遊愜情亦暫暢
五言 王玄之

松竹挺巖崖幽澗激清流蕭散肆情志酣觴豁滯憂
五言 王蘊之

散豁情志暢塵纓忽以捐仰詠挹遺芳怡神味重淵
五言 王渙之

去來悠悠子披褐良足欽超迹脩獨往真契齊古今
一十六人詩不成各罰酒三觥

謝瑰 卞迪 丘髦 王獻之

羊模 孔熾 劉密 虞谷

勞夷 后綿 華耆 謝藤

任儼 吕系 吕本 曹禮

後序 孫綽

古人以水喻性有旨哉非所以淳之則清淆之則濁
耶故振轡於朝市則充屈之心生閑步於林野則寥

落之意興仰瞻羲唐邈然遠矣近詠臺閣顧探增懷
聊於曖昧之中期平瑩拂之道暮春之始裊于南澗
之濱高嶺千尋長湖萬頃乃藉芳草鑑清流覽卉物
觀魚鳥具類同榮資生咸暢於是和以醇醪齊以達
觀快然兀矣焉復覺鵬鷗之二物哉耀靈促轡急景
西邁樂與時去悲亦系之往復推移新故相換今日
之迹明復陳矣原詩入之致興諒詠訶之有由文多
不載大略如此所賦詩亦裁而綴之如前四言五言焉

桐栢山金庭館碑銘

沈約

天生靈為貴有識斯同道天云及終天莫反故仙學
之秘上聖攸尊啓玉芡之幽文貽金壇之妙訣駐
濛谷還光上枝吐吸煙霞變練丹液出沒無方升降
自己下栢洞室上賓羣帝覩靈岳之驟啓見滄波之
屢竭望玄洲而駭驅指蓬山而永驚芝蓋三重駕螭
龍之蜿繞云車萬乘載旗旆之透迤此蓋栖靈五岳
未暨夫三清者也若夫上玄奧遠言象斯絕金簡玉
字之書玄霜絳雪之寶俗士所不能窺學徒不敢輕
慕且禁誓嚴重志業艱劬自非天稟上才未易可擬
自惟凡劣識鑿鮮方徒抱出俗之願而無致遠之力
早尚幽栖屏棄情累留愛巖壑託分魚鳥塗愈遠而

靡倦年既老而不衰高宗明皇帝以上聖之德結宗
玄之念忘其菲薄曲賜提引來自夏汭固乞還山權
懸汝南縣境固非息心之地聖主纘歷復蒙繫維永
泰元年方遂初願遂遠出天台定居茲嶺所憩之山
實惟桐栢實靈聖之下都二縣之餘地仰出星河上
叅倒景高崖萬沓邃澗千迴因高建壇憑巖考室飭
降神之宇置朝禮之地桐栢所在厥號金庭事曷靈
圖因以名館聖上曲降幽情留信彌密置道士十人
用祈嘉祉越以不才首膺斯任永棄人羣竄景窮機
結懇志於玄都望霄容於雲路仰宣國靈介茲景

延吉祥於清廟納萬壽於神躬又願道無不懷澤無
不至幽荒屈膝戎貊稽顙息鼓輟烽守在海外因此
自勉兼遂微誠日久勤劬自強不已翹心屬念晚卧
晨興飡正陽於停午念孔神於中夜將三芝而延佇
飛九丹而宴息乘鳧輕舉留鳥忘歸以茲丹款表之
玄極無曰在上日鑒非遠銘石靈館以旌厥心其辭
曰

道無不在若存若亡於惟上學理妙彙方用之日損
言則非常儵焉靈化羽變規裳九重堯崑三山璀璨
日爲車馬芝成宮觀虹於拂月龍輶漸漢萬春方華

千齡始旦伊余菲薄竊慕隱淪尋師請道結友問津
東採震澤西遊漢濱依倚靈春髣髴幽人帝明紹歷
惟皇纂位屬心鼎湖脫屣神器降命凡庶仰祈靈祕
瞻彼高山興言覆篲啓基桐柏厥號金庭喬峯迥峭
擘漢分星臨雲置墀駕岳開樞緬塗蹇產林祈葱青
誰謂應遠神道微密慶集宮闈祥流罕畢其久如地
其恒如日壽同南山與天無卒史生變煉外示無功
少君飛轉密與神通因資假力輕舉騰空庶憑嘉誘
永濟微躬

會稽山贊

郭璞

禹祖會稽爰朝群臣不虔是討乃戮長人玉匱表夏
玄石勒秦

太平山銘

孫綽

隄我太平峻踰華霍秀嶺樊縕竒峰挺嶧上于翠霞
下籠丹壑有士冥遊默往竒托肅形枯林映心幽漠
亦既觀止渙焉融滯懸棟翠微飛宇雲際重巖蹇產
迴溪縈帶被以青松灑以素籟流風佇芳翔雲停藹

祭禹廟文

謝惠連

謹遣左曹掾奉水土之羞前薦夏帝之靈咨聖繼天
載誕英徽克明克哲知章知微運此宏謨卹彼民憂

身勞五岳形瘦九州呱呱弗顧屢屢是欽物貴尺璧
我重寸陰乃錫玄圭以告成功虞數既改夏德乃隆
臨朝總政巡國觀風淹留稽嶺乃徂行宮恭司皇役
敬屬暉融神息略薦乃昭其忠

北山移文

孔稚珪

鐘山之英草堂之靈馳煙驛路勒移山庭夫以耿介
拔俗之標蕭灑出塵之想度白雪以方潔干青雲而
直上吾方知之矣若其亭亭物表皎皎霞外芥千金
而不眴屣萬乘其如脫聞鳳吹於洛浦值薪歌於延
瀨固亦有焉豈有終始參差蒼黃翻覆淚翟子之悲

慟朱公之哭乍迴跡以心染或先貞而後黷何其謬
哉嗚呼尚生不存仲氏既往山阿寂寥千載誰賞世

有周子雋俗之士

周顥字彥倫元徽中出為
剡今建元中為山陰令

既文既

博亦玄亦史然而學遁東魯習隱南郭竊吹草堂濫
巾北岳誘我松桂欺我雲壑雖假容於江臯乃纓情
不好爵其始至也將欲排巢父拉許由傲百氏蔑王
侯風情張日霜氣橫秋或歌幽人長往或怨王孫不
游談空空於釋部覈玄玄於道流務光何足比涓子
不能儔及其鳴騶入谷鶴書赴隴形馳魄散志變神
動爾乃眉軒席次袂聳筵上焚芟製而裂荷衣抗塵

容而走俗狀風雲懷其帶憤石泉咽而下愴望林巒
而有失顧草木而如喪至其細金章綰墨綬跨屬城

之雄冠百里之首張英風於海甸馳妙譽於浙右字

曰江水東至會稽山陰為浙右道帙長殞法筵久埋敲扑誼踈犯其

慮牒訐恣僇裝其懷琴歌既斷酒賦無續常綢繆於

結課每紛綸於折獄籠張趙於佳圖架卓魯於前籙

希蹤三轉輔豪馳聲九州牧使我高霞孤映明月獨

舉青松落蔭白雲誰侶澗戶摧絕無與歸石逕荒涼

徒延佇至於還颺入幕寫霧出楹蕙帳空兮夜鶴怨

山人去兮曉猿驚昔聞投簪逸海岸今見解蘭縛塵

纓於是南嶽獻嘲北隴騰笑列壑爭譏攢峯竦誚

游子之我欺悲無人以赴弔故其林慙無盡澗愧不

歇秋桂遣風春蘿罷日騁西山之逸議馳東臯之素

謁今又促裝下邑銑曰下邑謂山陰也言山陰秩滿因向京而過山也浪拽上京

雖情投於魏闕或假步於山肩豈可使芳杜厚顏薜

荔無心望嶺再辱丹崖重滓塵游躅於蕙路汙淥池

以沈耳宜局岫幌掩重關斂輕霧葳蕤鳴湍截來轅於

谷口杜妄轡於郊端於是叢修暝膽壘穎怒魄或飛

柯以折輪乍低枝而掃跡請迴俗士駕為君討逋客

何徵君墓誌

梁簡文帝

先生履玉燭之

仁宗廟諱

氣應大賢之一期實生而知機撫

塵斯庶敬非習起孝乃因心聚徒教習學侶成群與

沛國劉瓛汝南周顒為友陸璣賀瑒之徒更道北面

不明中王文憲儉受詔撰禮未竟而卒屬在司徒文

宣王王以讓先生因廣加刊緝後以舍文燕居說六典

五恩之義或齊侯所不鎮孟嘉所未知皆折茲大物

成此良教小人道長每諷考槃之詩君子道消便執

天山之筮乃毀車掛冠拂衣東嶺始居若耶來從秦

望今上經綸天地權輿鼎業始徵為軍謀祭酒實允

文若之舉且光彥先之選又徵時進右光祿大夫

尚其事確平不拔玄纁徒往東帛虛歸而給白

書祿固辭不受卒寔于其山正食在殯啗鏤器與王

衣堯典入棺耻密章及圭綬知與不知並懷惋愴咸

以人忘素楷禮墜文音于洙泗頽經扶風罷學關西疑

聖之德自此長淪高松引風之氣於茲永息余昔在

殊方函枉翰跡欽風味道迄淹歲時既而位阻桂宮

途乖咫尺不獲擁經步之至問春卿之病徐輪三反入

杜夷之舍痛祥雲之滅采悲列曜之晞暉追勒高鄉

乃為銘曰

文範高世 玄晏絕倫 復有令德 遠之與均

誰與均此 嗚呼哲人 第五肥遁 餘飢尚遵

司空開學 其風不泯 傳茲孝敬 曰悌且仁

氣高瓊岳 心虛盡神 括羽儒園 舟輿席珍

既遊慧水 兼引法輪 談扇猶在 鳴琴尚陳

如何不憇 德素長淪 寂寥巖穴 荒涼渭濱

橋曰隻雞 徐稱酌素 余欽夫子 風期夙著

蓄思含毫 傳芳寫舉 沉礎雖貞 玄泉無曙

朱育對

孫亮時有山陰朱育少好奇字凡所特達依體像類
造作異字千名以上仕郡門下書佐太守僕陽興正

且宴見掾吏言次問太守昔聞朱穎川問士於鄭召

公韓吳郡問士於劉聖博王景興問士於虞仲翔嘗

見鄭劉二荅而未覩仲翔對也欽聞國賢思覩盛美

有日矣書佐寧識之乎育對曰往過習之昔初平末

年王府君以淵妙之才超遷臨郡思賢嘉善樂采名

俊問功曹虞翻曰聞王出崑山珠生南海遠方異域

各生珍寶且曾聞士人歎美貴邦舊多英俊徒以遠

於京畿含香未越耳功曹雅好博古寧識其人邪翻

對曰夫會稽上應牽牛之宿下當少陽之位東漸巨

海西通五湖南暢無垠北渚浙江南山嶽居實為州

鎮昔禹會群臣因以命之山有金木鳥獸之殷水有魚鹽珠蚌之饒海嶽精液善主俊異是以忠臣係踵孝子連閭下及賢女靡不育焉王府君笑曰地勢然矣士女之名可悉聞乎翻對曰不敢及遠畧言其近者耳往者孝子句章董黯盡心色養喪致其哀單身林野鳥獸歸懷怨親之辱白日報讎海內聞名昭然光著太中大夫山陰陳囂漁則化盜居則讓鄰感侵退藩遂成義里攝養車姬行足厲俗自楊子雲等上書薦之粲然傳世太尉山陰鄭公清亮質直不畏彊禦魯相山陰鍾離意稟殊特之姿孝家忠朝宰縣相

國所在遺惠故取養有君子之暮魯國有丹書之信及陳宮費齊皆上契天心功德治狀記在漢籍有道山陰趙曄徵士上虞王充各洪才淵懿學究道源著書垂藻駱驛百篇釋經傳之宿疑解當世之槃結或上窮陰陽之奧祕下攄人情之歸極交趾刺史上虞縣綦母俊拔濟一郡讓爵土之封決曹掾上虞孟英三世死義主簿句章梁宏功曹史餘姚駟勲主簿句章鄭雲皆敦終始之義引罪免居門下督盜賊餘姚伍隆劉莫侯反主簿任光章安小吏黃他身當白刃濟

君於難揚州從事句章王脩委身投命垂聲來世河

內太守上虞魏少英遭世屯蹇忘家憂國列在八俊
爲世英彥尚書烏傷楊喬欽宗廟諱帝妻以公主辭疾不納
近故太尉上虞朱公天姿聰亮欽明神武策無失謨
征無遺慮是以天下義兵思以爲首上虞女子曹娥
父溺江流投水而死立石碑紀炳然著顯王府君曰
旣然矣潁川有巢許之逸軌吳有太伯之三讓貴郡
雖士人紛紜於此足矣翻對曰故先言其近者耳若
乃引上世之事及抗節之士亦有其人昔越王翳羽讓
位逃於巫山之穴越人薰而出之斯非太伯之儔邪
且太伯外來之君非其地人也若以外來言之則大

禹亦巡於此而葬之矣鄞大里黃公絜已暴秦之世
高祖即阼不能一致惠帝恭讓出則濟難徵士餘姚
嚴遵王莽數聘抗節不行光武中興然後俯就矯手
不拜志陵雲日皆著於傳籍較然彰明豈如巢許流
俗遺譚不見經傳者哉王府君笑曰善哉話言也賢
矣非君不著太守未之前聞也濮陽府君曰御史所
云旣聞其人亞斯已下書佐寧識之乎育曰瞻仰景
行敢不識之近者太守上虞陳業絜身清行志懷霜
雪貞亮之信同操柳下遭漢中微委官棄祿遁迹黔
歛以求其志高邈妙蹤天下所聞故欽宗廟諱文遺之尺牘

之書比竟三高其聰明大略忠直謇諤則侍御史餘姚
虞翻偏將軍烏傷駱統其淵懿純德則太子少傅山
陰闕澤學通行茂作帝師儒其雄姿武毅立功當世
則後將軍賀齊勲成績著其探極祕術言合神明則
太史令上虞吳範其文章之士立言粲盛則御史中
丞句章任奕都陽太守章安虞翔各馳文檄曄若春
榮處士鄧盧叙弟犯公憲自殺乞代吳寧斯敦山陰
析庚上虞樊正咸代父死罪其女則松楊柳朱永寧
瞿素或一醮守節喪身不顧或遭寇劫賊死不虧行
皆近世之事尚在耳目府君曰皆海內之英也吾聞
秦始皇二十五年以吳越地爲會稽郡治吳漢封諸
侯王以何年復爲郡而分治於此育對曰劉賈爲荆
王賈爲英布所殺又以劉濞爲吳王景帝四年濞反
誅乃復爲郡治於吳元鼎五年除東越因以其他爲
治非屬於此而江東部都尉後徙草安陽朔元年又
徙治鄞或有寇害復徙句章到永建四年劉府君上
書浙江之北以爲吳郡會稽還治山陰自永建四年
歲在己巳以至今今年積百二十九歲府君稱善是歲
吳之太平三年歲在丁丑育後仕朝常在臺閣爲
東觀令造拜清河太守加位侍中推剗占射文藝多

通

代謝會稽太守啓

謝朓

臣本布衣不謀遠大折衝之勤不舉變理之義何階
常恐覆餗是貽咎徵斯應陛下繼曆勝統日月重光
得以欽宗珪衣服拜奉歲時視濯獻牲鞠躬郊廟而鴻
思妄假復授龜符主節邁於雙璜表東侔於四履臨
邊三事既謝張溫潁川再撫亦慙黃霸

修心賦

江惣

太清四年秋七月避地于會稽龍華寺此伽藍者余
六世祖宋尚書右僕射州陵侯元嘉二十四年之所

在宗廟諱

侯之王父晉護軍將軍彪昔蒞此邦卜居山陰都

陽里貽厥子孫有終焉之志寺域則宅之舊基左江
右湖面山背壑東西連跨南北紆縈聊與苦節名僧
同銷日用曉脩經戒夕覽圖書寢處風雲憑樓水月
不意華戎莫辨朝市傾淪以此傷情情可知矣啜泣
濡翰豈攄鬱結庶後生君子閱余此槩焉嘉南斗之
分次肇東越之靈秘表檜風於韓什著鎮山於周記
蘊大禹之金書鑄秦秦之在字太史來而探穴鍾離
去而開筭信竹箭之為珎何珎珠之罕值奉盛德之
鴻祀寓安禪之古寺實豫章之舊圃成黃金之勝地

遂寂默之幽心若鏡中而遠尋面曾阜之超忽通平湖
之迥深山條偃蹇水葉漫淫掛猿朝落饑颺夜吟菓
叢藥苑桃溪橘林捐雲拂日絡暗生陰保自然之雅
趣鄙人間之荒雜望島嶼之遭回面江源之重沓泛
流月之夜迥曳光煙之曉匝風引蜩而嘶譟雨鳴林
而脩颺鳥稍狎而知來雲無情而自合邇乃野開靈
塔地築禪居喜園迢遶樂樹扶踈經行藉草宴坐臨
渠持戒振錫度影甘蔬堅固之林可喻寂滅之揚整
如異曲終而悲起非木落而悲始豈降志而辱身不
露才而揚已鍾風雨之如晦倦雞鳴而聒耳幸避地
而高棲憑調御之遺旨折四辨之微言悟三乘之妙
理遺十纏之繫縛祛五惑之塵滓久遺榮於勢利庶
忘累於妻子感意氣於疇日寄知言於來祀何遠客
之可悲知自憐而何已

山居賦

謝靈運

古巢居穴處曰巖棲棟宇居山曰山居在林野曰丘
園在郊郭曰城傍四者不同可以理推言心也黃屋
實不殊於汾陽即事也山居良有異乎市廛抱疾就
閑順從性情敢率所樂而以作賦揚子雲去詩人之
賦麗以則文體宜兼以成其美今所賦既非京都宮

觀游獵聲色之盛而叙山野草木水石穀稼之事才
之昔人心放俗外詠於文則可勉而就之求麗邈以
遠矣覽者廢張左之豔辭尋臺皓之深意去飾取素
儻值其心耳意實言表而書不盡遺迹索意託之有
賞其辭曰謝子臥疾山頂覽古人遺書與其意合悠
然而笑曰夫道可重故物為輕理宜存故事斯忘古
今不能革質文咸其常合宮非縉雲之館衢室且放
勛之堂邁深心於鼎湖送高情於汾陽嗟文成之卻
粒願追松以遠游嘉陶朱之鼓棹廼語種以免憂判
身名之有辨權榮素其無留孰如牽犬之路既寡聽

鶴之塗何由哉若夫巢穴以風露貽患則大壯以棟

宇祛敞宮室以瑤琬致美則白賁以丘園殊世惟上

託於巖壑幸兼善而罔滯雖非市朝而寒暑均和雖

是築高宗廟諱而飾朴兩逝昔仲長願言流水高山應璩作

書邛阜洛川勢有偏側地闕周負銅陵之奧卓氏充

鈿椀之端金谷之麗石子致音徽之觀徒形域之蒼

蔚惜事異於栖槃至若鳳叢二臺雲臺青丘漳渠淇

園標橘長洲雖千乘之珍苑孰嘉遯之所游且山川

之未備亦何議於兼求覽明達之撫運乘機鍼而理

默指歲莫而歸休詠宏微於刊勒狹三閭之喪江矜

望諸之去國選自然之神麗盡高棲之意得仰前哲
之遺訓俯性情之所便奉微軀以宴息保自事以乘
閑愧班生之風悟慙尚子之晚斫年與疾而偕來志乘
拙而俱旋謝平生於知游捷清曠於山川其居也左
湖右江往渚還汀面山背阜東岨西傾抱含吸吐歛
跨紆縈繚縣聯邪亘側直齊平近東則上田下湖西溪
南谷石塚石滂閔硯黃竹決飛泉於百仞森高薄於
千麓寫長源於遠江派深茫於近瀆近南則會以雙
流縈以三洲表裏回游離合山川愕崩飛於東峭槃
傍薄於西阡拂青林而激波揮白沙而生連近西則
楊賓接峯塘堙連縱室壁帶溪曾孤臨江竹綠浦以
被綠石照澗而映紅月隱山而成陰木鳴柯以起風
近北則二巫結湖兩智通沼橫石判盡休周分表引
脩堤之逶迤吐泉流之浩漑山巖下而回澤瀨石上
而開道遠東則天台桐栢方石太平二韭四明五奧
三菁表神異於緯牒驗感應於慶靈凌石橋之莓苔
超猶溪之紆縈遠南則松箴棲雞唐嵒漫層嶮嶮對
嶺葩孟分隔八極浦而邇回迷不知其所適上嶽崎
而蒙籠下深沈而澆激遠西則

遠北則長江永歸巨

海延納崑漲緬曠島嶼綢沓山縱橫以布護水回沈
而縈泥信荒極之綿眇究風波之睽合徒觀其南術
之

生機

成衍

岸測深相渚知淺洪濤

滿則曾石沒清瀾咸則沈沙顯及風興濤作水勢奔壯
歲春秋在月朔望湯湯驚波滔滔駭浪電激雷崩飛流
灑漾凌絕壁而起岑橫中流而連薄始迅轉而騰天終倒
底而見壑此楚貳心醉於吳客河靈懷慙於海若爾其
舊居曩宅

今園枌槿尚援基井具存曲術周乎前

後直陋直其東西豈伊臨溪而傍沼迺抱阜而帶山考
封域之靈異實茲境之最然葺駢梁於巖麓接

於江源敞南戶以對遠嶺開東窻以曠近田田連岡
而盈疇嶺枕水而通阡阡陌縱橫塍埭交經導渠引
流脉散溝并蔚蔚豐稔苾苾香種送夏蚤秀迎秋晚
成薰有陵陸麻麥粟菽候時規節遞執遞孰供粒食
與 飲謝工商與衡牧生何待於多資理取足於蒲腹
自園之田自田之湖泛濫川上緬邈水區濬潭澗而
窈窕除菰洲之紆餘嵒溫泉於春流馳寒波而秋徂
風生浪於蘭渚日倒景於椒塗飛漸榭於中沚取水
月之歡娛旦延陰而物清夕棲芬而氣敷顧情交之

永絕覲雲客之斲，如水草則萍藻，溢芙蓉，蒲芹蓀，蓂
菰蘋，繁絕荇菱蓮，雖備物之借美，獨扶渠之華鮮，播
綠葉之鬱，或含紅敷之纈，翻怨清香之難留，矜盛容
之易闌，必充給而後寒，豈蕙草之空殘，眷叩弦之逸
曲，感江南之哀歎，秦箏倡而湖游，往塘上奏而舊愛
還，本草所載，山澤不一，雷桐是別，和緩是悉，參核六
根五華九實，二冬並稱，而殊性三建，異形而同，出水
香送秋，而摧菑，林蘭近雪，而揚猗，卷栢萬代而不殞，
伏苓千歲，而方知映紅葩，於綠帶，茂素蕤於紫枝，既
佳年而增靈，亦驅妖而斥疵，其竹則二箭殊葉，四

齊味水石別谷，巨細各彙，旣脩竦而便娟，亦蕭森而
蕭蔚，露夕沾而悽陰，風朝振而清氣，玄捎雲以拂杪，
臨碧潭而挺翠，蔑上林與淇澳，驗東南之所遺，企山
陽之游踐，遲鸞鳥醫之棲託，憶崑園之悲調，慨伶倫之
哀籥，衛女行而思歸，詠楚客放而防露，作其木則松
栢檀，櫟桐榆，壓栢穀，棟楸梓，檉檇剛柔，性異貞脆，質
殊卑高，沃壻各隨所如，榦合抱以隱岑，杪千仞而排
虛凌岡上，而喬竦，蔭澗下，而扶疏，泓長谷以傾柯，攢
積石以插株，華映水而增光，氣結風而回敷，當巖勁
而葱倩，承和煦而芬腴，送墜葉於秋晏，遲含萼於春

初植物既載動類亦繁飛泳騁透胡可根源觀貝相
音備列山川寒燠順節隨宜匪敦魚則鰻鱧鮪鱣鱠
鮠鯉鱒鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣
藻戲浪沉苻流淵或鼓鰓而湍躍或掉尾而波旋鱗
鱗乘時以入浦鱖鯪必瀨以出泉鳥則鷓鴣鴉鵲鴉
鷺鴉鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓
鳥違風朔禽避涼萋生歸北霜降客在接響雲漢
宿江潭聆清哇以下聽載王子而上參薄回涉以弁
翰映明壑而自耽山上則猿猱狸獾犴狻猊山下
則熊羆豺虎獐鹿麇麇擲飛枝於窮崖西空絕於

研蹲谷底而長嘯攀木杪而哀鳴緡綸不投罝羅不
披磻弋靡用蹄筌誰施鑑虎狼之有仁傷遂欲之無
崖顧弱齡而涉道悟好生之感宜率所由以及物諒
不遠之在斯撫鷗鮒而悅豫杜機心於林池敬承聖
誥恭窺前經山野昭曠聚落羶腥故大慈之弘誓拯
群物之淪傾豈寓地而空言必有貸以善成欽鹿野
之華苑羨靈鷲之名山企堅固之貞林希菴羅之芳
園雖絳容之緬邈謂哀音之恒存建招提於幽峯冀
振錫之息肩庶燈王之贈席想香積之惠殫事在隔
而思通理匪絕而可溫爰初經畧杖策孤征入澗水

涉登嶺山行陵頂不息窮泉不停櫛風沐雨犯露乘
星研其淺思罄其短規非龜非龜非筮選竒翦榛開
逕尋石覓崖四山周回雙流透迤面南嶺建經臺倚
北阜築講堂傍危峯立禪室臨浚流削僧房對百年
之高木納萬代之芬芳抱終古之泉源羨膏液之清
長謝麗塔於郊郭殊世閒於城傍欣見素以抱樸果
甘露於道場苦節之僧明發懷抱事絕人徒心通世
表是游是憩倚石高宗廟諱草寒暑有移至業莫矯觀三世
以其夢撫六度以取道乘恬知以寂泊含和理之窈
窕旨東山以真期實西方之潛兆雖一日以千載

恨相遇之不蚤賤物重已棄世希靈駭彼促年愛景
長生冀浮丘之誘接望安期之招迎甘松桂之苦味
夷皮褐以積形羨蟬蛻之匪日撫雲蜺其若驚馬陵名
山而屢憩過巖室而被情雖未階於至道且緬絕於
世纓指松菌而興言良未齊於殤彭山作水役不以一
牧資待各徒隨節競逐陟嶺刊木除榛伐竹抽笋自
篁擗筍于谷揚滕所拮秋冬藟藿野有蔓草獵涉嬰
奠亦醞山清介爾景福苦以木成甘以播熟慕甚高
林剝芟巖椒掘菑陽崖擗檨陰爨晝見寒茅宵見
素綯芟菰翦蒲以薦以焚既坭既埏品收不一其灰

其炭咸各有律六月采蜜八月撲栗備物為繁略載
靡悉若廼南北兩居水通陸阻觀風瞻雲方知厥所
南山則夾渠二田周嶺三苑九泉別澗五谷異巘羣
峯參差出其間連岫複陸成其坂衆流漑灌以環近諸
堤擁抑以接遠遠堤兼陌近流開湍凌阜泛波水往步還
還回往匝枉渚員蠻呈羨表趣胡可勝單抗北頂以葺
館殷南峯以啓軒羅曾崖於戶裏列鈔瀾於窻前因
舟霞以頽楣附碧雲以翠椽視奔星之俯馳顧 之未
牽鷗鷗翻者翮而莫及何但鷲雀之翩翩汎泉傍出潺湲
今東檐架壁對峙砥礪於西雷留脩竹葳蕤以翳蒼蔭木

森沈以蒙茂蘿曼延以攀援花芬董而媚秀日月
於柯間風露披清於隈岫夏涼寒燠隨時取適階基
互擦櫺乘隔此焉卜寢翫水弄石邇即回眺終歲罔
傷美物之遂化怨浮齡之如借眇邈逸於人群長寄心於
雲霓因以小湖鄰於其隈衆流所湊萬泉所回汎濫異形
首莖終肥別有山水路邈緬歸來歸其路廼界此山棧道傾虧
蹬閣連卷復有水逕繚繞回圓瀾瀾平湖泓泓澄淵
孤岸竦秀長洲芊綿旣瞻旣眺曠矣悠然及其二川
合流異源同口赴隘入險俱會山首瀨排沙以積丘
峯倚渚以起阜石傾瀾而峭巖木映波而結藪逕南

滑以橫前轉北崖而掩後隱叢灌故悉晨莫託星宿
以知左右山川澗石州岸草木旣擦異於前章亦列同
於後牘山匪阻而是岵川有清而無濁石傍林而插
巖泉協澗而下谷淵轉渚而散芳岸靡沙而映竹草
迎冬而結葩樹陵霜而振綠向陽則在寒而納煦面
陰則當暑而含雪連岡則積嶺以隱嶙舉峯則羣竦
以巖嶰浮泉飛流以寫空沈波潛溢於洞穴凡此皆
異所而咸善殊節而俱說春秋有待朝夕須資旣耕
以飯亦桑質衣藝菜當者采藥救積自外何事順性
靡違法音晨聽放生夕歸研書賞理敷文卷

意謂楊較以揮且列于言誠特此推北山二園南山

苑百果備列乍近乍遠羅行布株迎蚤候晚猗蔚溪澗
踈崖森巘杏壇榛園橘林栗圃桃李多品梨棗殊所杜
杷林擒帶谷映渚榭梅流芬於回戀柀柿披實於長浦
畦町所藝含藥藉芳萋叢芟薺薺葑葑蘇薑綠葵眷節以
懷露白薤感時而負霜寒蔥擦倩以陵陰春藿吐茗以
迎陽弱質難恒積齡易喪撫鬢生悲視顏自傷承清府
之有術冀在衰之可壯尋名山之竒藥越靈波而憩轅
采石上之地黃摘竹下之天門據曾嶺之細辛拔幽澗
之溪蓀訪鍾乳於洞穴訊丹陽於紅泉安居二時冬夏

三月遠僧有來近衆無關法鼓朗響頌偈清發散華霏
麤流香飛越折曠劫之微言說像法之遺旨乘此心之
一毫濟彼生之萬理啓善趣於南倡歸清暢於北机非獨
愜於子情諒僉感於君子山中兮清寂羣紛兮自絕周
聽兮匪多得理兮俱悅寒風兮搔屑面陽兮常熱炎光
兮隆熾對陰兮霜雪憇曾臺兮陟雲根坐澗下兮越風
穴在茲城而諧賞傳古今之不滅好生之篤以我而觀
懼命之盡宏景之懽分一往之仁心拔萬族之險難
驚魂於殆化收危形於將闌漾水性於江流吸雲物以
天端觀騰翰之頡頏視鼓鯁之往還馳騁者信能

猜害者或可理攀拈人不存懷抱誰質糟粕猶在啓
滕剖裘見柱下之經二覩濠上之篇七承未散之全
撲救已頽於道術嗟夫六藝以宣聖教九流以判賢
徒國史以載前紀家傳以申世模篇章以陳義刺論
難以覈有無兵技醫日龜筮筮夢之法風角冢宅筭
數律曆之書或平生之所流覽並於今而長諸驗前
識之喪道抱一德而不渝伊昔齟齬實愛斯文援紙
握管會性通神詩以言志賦以敷陳箴銘誄頌咸各
有倫爰暨山樓彌歷年紀幸多暇日自求諸已研精
靜慮貞觀厥美懷欣成章含笑奏理若迺乘攝持之

告評養達之篇畏絕迹之不遠懼行地之多艱均上
皇之自昔忌下衰之在旃投吾心於高人落賓名於
聖賢廣滅景於崆峒許遁音於箕山愚假駒以表谷
消隱巖以奉芳萊庇蒙以織畚皓棲商而頤志卿寢
茂而敷辭鄭別谷而永逝梁去霸而之會

高居唐而胥宇臺依崖而穴墀成自得以窮年
眇貞思於所暨其窈窕幽深寂寞虛遠事與情乖
與形反旣耳目之靡端豈足跡之所踐蘊終古於三
季俟通明於五眼權近慮以停筆抑淺知而絕簡

石壁精舍還湖中

謝靈運

昏旦亦變氣候水含清暉清暉能娛人游子澹忘歸
出谷日尚早入舟陽已微林壑歛暝色雲霞收夕霏
芰荷迭映蔚蒲稗相因依披拂越南運愉悅偃東扉
慮澹物自輕意惬理無違寄言攝生客試用此道推
於南山往北山徑湖中瞻眺

朝旦發陽崖景落憩陰峯舍舟眺迴渚停策倚茂松
側逕旣窈窕環洲亦玲瓏俛視喬木眇仰聆大壑淙
石橫水分流林密蹊絕蹤解作竟何感升長皆丰容
初篁旬緣籜新蒲含紫茸海鷗戲春岸天雞弄和風
撫化心無厭覽物眷弥重不惜去人遠但恨莫與同

孤游非情歎賞廢理誰通

登臨海嶠初發彊中作與從弟惠連可見羊
何共之

杪秋尋遠山山遠行不近與子別山阿含酸赴修珍
中流袂就判欲去情不忍顧望脰未消汀油舟已隱
隱汀絕望舟驚棹逐驚流欲抑一生歡并奔千里游
日落當棲薄繫纜臨江樓豈惟夕情歛憶爾共淹留
淹留昔時歡復增今日歎茲情已分慮况乃恊悲端
秋泉鳴北澗哀猿響南巖戚戚新別心悽悽久念
賢念次別心且發清溪陰暝投剡中宿明登天姥
高高入雲霓還期那可尋儻遇浮丘公長絕子徽音

西陵遇風獻康樂

謝惠連

我行指孟春春仲尚未發趣途遠有期念離情無歇
成裝候良辰漾舟陶嘉月瞻塗意少悰還顧情多闕
哲兄感此別相送越垞林飲餞野亭館分袂澄湖陰
悽悽留子言眷眷浮客心迴塘隱艫襖遠望絕形音
靡靡即長路戚戚抱遥悲遙但自弭路長當問誰
行行道轉遠去去情弥遲昨發浦陽汭今宿浙江湄
屯雲蔽曾嶺驚風涌飛沓零雨潤墳澤落雪灑林立
浮氛晦崖壑積素或原疇曲汜薄停依通川絕行舟

臨津不得濟竹楫阻風波蕭條洲渚際氣色少諧和
西矚與游歎東睇起淒歌積憤成疾疴無萱將如何
酬從弟惠連
謝靈運

寢瘵謝人徒滅跡入雲峰巖壑寓耳目歡愛隔音容
永絕賞心望長懷莫與同末路值令弟開顏披心胷
心胷既云披意得咸在斯陵澗尋我室散帙問所知
夕慮曉月流朝忌曛日馳悟對無厭歇聚散成分離
分離別西川迴景歸東山別時悲已甚別復情更延
傾想遲去嘉音果枉濟江篇辛勤風波事欵曲洲渚
言州者既淹時風波子行遲務協華京想詎存空谷
期猶復惠來章祇是攬余思儻若果歸言共陶暮春
時暮春雖未交仲春善遊邀山桃發紅萼野蕨漸紫
苞嚶鳴已悅豫幽居猶鬱陶夢寐佇歸舟釋我吝與
勞

還舊園作見顏范二書

謝靈運

辭蒲豈多秩謝病不待年偶與張邴合久欲還東山
聖靈昔迴眷微尚不及宣何意衝飈激烈火縱炎煙
焚玉發崑峰餘燎遂見遷投沙理既迫如叩願亦愆
長與歡愛別永絕平生緣浮舟千仞壑土摠轡萬尋
巔足流沫不嶮石林豈爲艱閩中安可處日夜念歸

旋事蹟兩如直心愜三避賢託身青雲上栖巖挹飛
泉盛明盪氛昏貞休康屯遭殊方咸成貨微物豫采
甄感深操不固質弱易板纏曾是反昔園語往實歎
然襄基即先築故池不更穿果木有舊行壤石無遠
延雖非休憩地聊取永日閑衛生自有經息陰謝所
牽夫子照情素探懷授往篇

和謝監靈運

顏延年

弱植慕端操窘步懼先迷寡立非擇方刻意藉窮栖
伊昔違多幸秉筆侍兩闈雖慚丹腹施未謂玄素朕
徒遭良時詖王道奄昏霾人神幽明絕朋好雲雨一
弔屈汀洲浦謁帝蒼山蹊倚巖聽緒風攀林結留莢
跂予間衡嶠曷月瞻秦稽皇聖昭天德豐澤振沈泥
惜無雀雉化何用充海淮去國還故里幽門謝蓬藜
采茨葺昔宇翦棘開舊畦物謝時旣晏年徃志不偕
親仁敷情昵興玩究辭悽芬馥歇蘭若清越奪琳珪
盡言非報章聊用布所懷

過始寧墅

謝靈運

束髮懷耿介逐物遂推遷違志似如作二紀及茲年
緇磷謝清曠疲薊慙貞堅拙疾相倚薄還得靜者便
剖竹守滄海枉帆過舊山山行窮登頓水涉盡洄公

巖峭嶺稠疊洲紫渚連縣白雲抱幽石綠篠婚清連
葺宇臨迴江築觀基曾巔揮手告鄉曲三載期歸旋
且為樹枿檟無令孤願言

道路憶山中

謝靈運

采菱調易急江南歌不緩楚人心昔絕越客腸今斷
斷絕雖殊念俱為歸慮歎存鄉爾思積憶山我憤慙
追尋栖息時偃卧任縱誕得性非外求自己為誰慕
不怨秋夕長恒苦夏日短濯流激浮湍息陰倚密竿
故懷回新歡含悲忘春暖悽悽明月吹惻惻廣陵散
殷勤訴危柱慷慨命促管

田南樹園激流植援

樵隱俱在山由來事不同不同非一事養疴立園中
園中屏氛雜清曠招遠風十室倚北阜啓扉面南江
激澗代汲井挿槿當列墉郡木既羅戶衆山亦當囿
靡迤趨下岫迢遞瞰高峯寡欲不期勞即事罕人功
唯開蔣生逕永懷求羊蹤賞心不可忘妙善冀皆

汎南湖至石帆

謝靈運

軌息陸途初柁鼓以始連漪繁波漾參差層峯踣蕭
踈野趣生逶迤白雲起登陟苦跋涉矚盼樂心耳即
翫既有竭在興興無已

游沈道士金庭館

沈約

秦皇御宇宙漢帝恢武功歡娛人事尽情性猶未充
銳意三山上託慕九霄中既表祈年觀復立望仙宮
寧為心好道直由意無窮曰余知止足是願不須豐
山嶂遠重疊竹樹近蒙籠開襟濯寒水解帶臨清風
所累非外物為念在玄空朋來握石体賓至駕輕鴻
都令人經絕唯使雲路通一舉凌倒景無事適華嵩
奇言賞心客歲暮尔来同

會稽志卷第二十七

紹興府

今刊會稽志一部二十卷

用印書紙八百幅

古經紙一十幅

副葉紙二十幅

背古經紙平表一十幅

工墨錢八百文

每冊裝背文

右具如前

嘉泰二年五月

日手分命澄王

思忠具

安撫使

司校

正書

籍傳梓

皇明正德五年龍生集庚午九月初吉重刊

